





1114.

NICOLAI
BAYONENSIS
MVSSIPONTANI
S. TH. D. ET IN ECCLESIA
Virdunensi Præcentoris, &
Canonici.

DE SACRAMENTIS ECCLESIAE,
& Sacrosancto Missæ Sacrificio
LIBER.

Varias casuū conscientiaē resolutiones, om-
nibus animarum curam gerentibus quā
utilitate, quā breuitate, & perspicuitate
sua percommodas, complectens.

VIRDUNI.

Sumptibus Francisci, & Ioannis du Bois,
Typographorum.

M. DC. XXVIII.

7

p111



S



du
qu
qu
au
big
ijs
sec
la



SCRIPTIONIS

CAUSA AD LEC-
torem.



Olim te latere (Lector
beneuole) quò in hoc o-
pusculo meo collimarim,
aut qua mente, & con-
silio in id mihi incumbē-
dum censuerim : aperiam tibi scopum,
qui mihi in oculis. Tametsi inter eos,
qui infularum sacerdotalium honores
aucupantur, non paucos esse nihil am-
bigō, qui ubi explorandos se dederint
ijs, qui in Episcopatibus ad clauum
sedent, notas non obscuras, & scintil-
las statim prae se ferunt industria prae-

SCRIPTIONIS CAUSA

clare posita in earum rerum cognitione, quæ ad mysteria, & arcana Christianæ legis maximè pertinent; ita ut non sine admiratione omnium votis digni renuntientur, qui de cætero commendati a moribus pascendis populis præficiantur, præeantq; cæteris ad salutem: satis tamen demirari non potui nonnullos, qui & si vix ullam doctrinæ sementem fecerint, ita tamen de se, nervisq; suis sentiunt, ut præterius, & æquum, ijsdem cum alijs velificentur honoribus, & ad res arduas, & gravissimas, non secus, ac ad leviculas accedere miseri non vereantur. Cuius rei causam dum mecum ipse reputarem, ea mihi occurrit duplex, & utraq; quidem perniciosa. Una, quòd in ijs non sitis, qui esse deberet, de Deo, rebus que divinis sensus: Altera,

AD LECTOREM.

quòd toti in desidiâ soluti otiosam ætate traducere non vereantur, nec quò aspirât, eò studia sua, cogitationes, actionesq; dirigant. Affectum illum in Deum iis ingerere, voti est, non instituti mei. Illum discant ab usu, a libris, ab ijs, qui in arte pietatis proceres. Ignavia verò illam, in quam naturæ vitio proni sumus, profligate, illud est, quò collineo. Huic præsidium mutantur a libris ipsis: Terrent nimirum illos grandiuscula illa classico- rum autorum volumina, quæ ut inspicunt, despiciunt, quia in iis diffusæ omnia; in quibus tamen nihil reperi- as, quod non assidua meditatio facil- limum reddat: sed hæc parum ad eo- rum stomachum. Aliam itaque viam decurrunt, compendiariam scilicet, in qua multum se profecisse putant, si pla-

SCRIPTIONIS CAUSA

cita aliqua scriptorum, qui breuitati
 studuere, memoria teneant. At si vel
 minimum cum iis lucteris, statim con-
 cidunt; quia si doctrina non acceffe-
 rit rationum firmamentum, & veluti
 coagulum, diffuat necesse est. Ea non
 desunt suis autoribus scio, sed recondi-
 tas eas habent in theca suæ mētis, quas
 de industria vulgare noluerunt, quia
 lubet eorum tantum memoriam refri-
 care, quæ alibi lecta. Ita fit, ut ubiq;
 fluctuent, ubiq; cespitent; quia cum
 fontes rerum vidisse deberent, riuulos
 sectati sunt aridos, & exsuccos.

Huic malo ut irem obuiam, qua-
 les cunque meas lucubratiunculas scri-
 psi, & typis tradidj, præstantium vi-
 rorum suasu, & impulsu, quib⁹ mihi
 iacienda existimaui semina firmioris
 alicuius doctrinae, quæ ex eorum usu

AD LECTOREM

esset, qui aliquando in sortem Domini
 vocandi sunt : Corollam, inquam,
 iis texui de Sacramentis Ecclesiæ, &
 sacro sancto Missæ sacrificio, in quam
 flores ex omni prato carpsi. Qua in
 re facienda ad eam temperiem mihi
 veniendum censui, ut nec nimium
 brevis, & concisus esse laborarem, ne
 obscurior fierem, nec nimium diffusus,
 ne questionum vortices illos lector horre-
 ret. Libuit itaq; data opera coercere
 me, & restringere, ut unum omnino libri
 res esset, ita tamen ut opiniones, ani-
 mique mei sensa ubique aut rationis
 momento, aut autoritatis alicunde
 aduectæ fulcro firmarim, ea qua
 potui perspicuitate; Neque enim eo-
 rum sententiæ subscribo, qui nihil eru-
 ditum putant, nisi quod abditum, &
 te conditum. Quam opellam meam si

SCRIPTIONIS CAUSA

qui inuideat, aut carpant, nil est quod
laborem: famam scio non esse iuris
nostri. Tu lector, gratum hoc
meum opusculum, & ani-
mum habe, & faue.





APPROBATIO ILLV-
strissimi, & Reuerendissimi Do-
mini D. Episcopi, & Comitis
Virduné. S. R. I. Principis, &c.

NOS CAROLVS A LOTHARINGIA
Dei, & Sanctæ Sedis Apostolicę
gratia Episcopus, & Comes Virdu-
nensis, S. R. I. Princeps, &c. Librum
De Sacramentis Ecclesiæ, & Sacrosancto
Missæ sacrificio, à venerabili viro Do-
mino Nicolao Bayonensi Mussipon-
tano, Sacræ Theol. Doctore, & in
nostra Ecclesia Virdunen. Pręcettore,
& Canonico in lucem editum, qua
potuimus diligentia perlegimus, &
euoluimus, in quo nihil a veritate fi-
dei Catholicę alienum, nihil deuiũ,
nihil dissonumprehenditur: Verũ
enimuerò nihil quod probari, lau-
darique non debeat, quem propte-

rea typis, & omnium oculis ad pu-
blicam, & præsertim gerentium curā
animarum vtilitatem ita dignum cē-
semus, vt etiam dictæ Ecclesiæ nostræ
Virdunen. de tali alumno, & colle-
ga merito gratulemur. In quorum
fidem, & testimonium præsentēs lite-
ras manu nostra signatas Sigilli no-
stri impressione muniri, & a Cameræ
nostræ Episcopalis Secretario sub-
scribi curauimus. Datum in ciuita-
te nostra Virdunen. Anno Milleſi-
mo sexcentesimo vigesimo.

*Carolus a Lotharingia Epif. &
Com. Virdunen.*

De mandato Illustriss. & Reueren-
dissimi Domini D. mei.

De Mageron.



CAPVT I.

DE SACRAMENTIS

in genere.

SECTIO I.

DE NOMINE, NATVRA,
& essentia Sacramenti.



QVÆ sunt huius vocis *sacramentum* significationes. I.

Resp. Sacramentū a Sacro dictū esse testatur Varro de lingua latina l. 4. Hinc traductum est 1. ad eam pecuniam significandam, quam colitigantes deponebant, & qua multabatur in pœnam iniustæ litigationis, qui causâ cecidisset. 2. ad iuramentum militare, authore Vegetio, l. 2. de re mili-

tari. 3. sacris authoribus Sacramentum idem est, quod vox græca, *mysterion*, atque ita non modò rem sacrâ, arcanam, & occultam significat, quo sensu accipiendum est apud Apostolum ad Ephes. 1. *Ut notum faceret Sacramentum voluntatis sue*; sed etiam signum ipsum rei sacræ occultæ, ac supernaturalis, ut apud eundem de coniugio primorum parentum verba facientem ad Ephes. 5. *Sacramentum hoc magnum est* &c. quòd cõiunctionem Christi cum Ecclesia significaret. Hinc denique contractiùs sumitur vox, Sacramentum, a patribus Hieron. August. Tertull. a Concilijs Triden. & Floren. & a D. Thoma, cæterisque Theologis, apud quos nihil est aliud quàm signũ, seu sacrũ symbolum gratiæ spiritualis occultæ, qua animæ nostræ initiantur, ac veluti consecrantur. qua in significatione deinceps quoque a nobis usurpabitur.

2 **I**N quo posita est ratio, siue natura, & essentia Sacramenti.

Ut difficultas clariùs elucescat. Nota tria in omni Sacramento considerari possunt. 1. est, quod in illo est sensibile præcisè, hoc est seponendo, & secernendo eius signifi-

De Sacramentis in genere. 3

cationem. 2. est rei sensilis significatio, v. c. in Baptismo spectare possumus externā illam aquæ ablutionem, & præterea significationem illam, seu habitudinem, quæ ei inest ad internam ablutionē indicandam. 3. est totum illud compositum, & coagmentatum ex re sensili (quo nomine intelligo tam verba, quàm alia, quæ ad materiā pertinent) & significatione. Difficultas igitur est, in quonam illorum trium ratio sacramenti posita sit.

Resp. Ratio Sacramenti posita est non in sola significatione, neque in sola re sensili, sed in utroque simul, quia Sacramētum est totum quoddam arte factum; nomina autē arte factorum significant subiectum, & formam artificialem, idque in recto, teste Aristotele. 3. Physic. c. 7. Sicut igitur statua non tantum significat formā artificialem statuæ, sed etiam æ., ex quo constat; sic Sacramentum sumitur non tantum pro significatione, quæ sacramento inest, sed etiam pro re sensili, ex qua componitur.

Potesne definiiri Sacramentum, & 3.
quomodo.

Resp. Non potest quidem definiiri defini-

tionē exacta, propria, & accurata, quæ fiat per genus, & differentiam est enim Sacramentum ens artificiale, quod propriè loquendo in nulla Categoria reponitur, pro indeque nec proprium genus, nec propriā habet differentiam: potest tamen aliquali definitione sic explicari. *Sacramentum est signum sensibile sacrum, statum, ac solumne ordinatum tum ad sanctificationem aliquam tribuendam, tum ad veram animæ sanctitatem significandam.* Dixi esse signū, ut complecterer sacramenta tam antiquæ, quam nouæ legis. Verūm aduerte significati onē illam, quæ cōuenit verbis, ut sunt pars sacramenti, differre ab ea, quam habent, ut ex instituto hominum significant: illa enim per quam gratiam diuinam significant, est ex institutione diuina, hæc ex mero hominum beneplacito ei conuenit. Quod etsi ita sit, habet tamen Sacramentum naturalem aliquam cum re significata proportionem; sic Eucharistia ad animæ refectionē instituta nō in lapide, aut ligno, sed in pane, & vino; baptisumus ad animæ munditiem ordinatus, non in pane, vel vino, sed in aqua consistunt. Dixi esse *signum statum ac solumne*; Si enim religio sine sacramentis esse non potest, ut docet Au-


De Sacramentis in genere. 5


gust. sequitur ea veluti ceremonias quasdā aptas ad colendum Deū, hominesque ipsi consecrandos, habere necessariam cum religione connexionem, ac proinde firmas esse, ac perpetuas, quæ quādiu stat religio, tādū ab interitu vindicentur. Dixi *ordinatum ad sanctificationem &c.* Si enim loquamur de Sacramentis veteris legis (cuius propria sanctitas erat quasi umbra veræ sanctitatis) ea sanctitatem ac munditiem quandam legalem cōferebant, nostra verò necessariò conferunt veram sanctitatem ea dignè suscipientibus. Adde rem sacram, quæ per Sacramentum præcipuè significatur, esse gratiam habitua-lem, cuius esse signum practicum, Sacramentis nouæ legis peculiare est. Ex quib⁹ omnibus non difficulter colligitur, quāmobrem esus mannae, transitus maris rubri, serpens æneus, benedictio Abbatis, verba illa paralytico dicta. *Remittuntur tibi peccata tua*, Sacrificium, aliaque id-genus non sint sacramenta.



SECTIO II.

DE PARTIBVS SACRAMENTUM componentibus.

4  Equirūtur ne determinatæ res ad Sacramenta.

 *Resp.* Res Sacramentorū nouē legis a Christo determinatæ sunt. De baptismo patet Ioan. 3. *Nisi quis renatus fuerit ex aqua*, &c. vbi materia remota designatur. & Math. vltimo, *Baptizantes eos*, vbi proxima. De Eucha. Math. 26. *Accipit Iesus panem*, & ita de reliquis. Fatendum tamen est non eodem modo, neque omni determinationis genere res Sacramentorum fuisse a Deo determinatas: Nulla enim imprimis vsquam facta est determinatio in indiuiduo: vnde nil interest, quod hæc, aut illa numero aqua in Baptismo assumatur. Quod autem attinet ad specificam determinationem, tamen in quibusdam sacramentis non nulla sunt secundum speciem infirmam determinata,

De Sacramentis in genere, 7

nata, ut aqua elementaris in Baptismo, oleum oliuarum in Extrema vnctione; In cæteris tamen determinatio facta est tantum secundum speciem subalternam, vel genus, ut vinum & panis triticeus in Eucharistia oleum & balsamum in Confirmatione; quæ plerique rursus differre specie infima. Post institutionem autem, ac determinationem rerum sacramentalium a Christo factam non potest Ecclesia res Sacramentorum immutare, in eisue dispensare; quia sicut solius Dei est conferre gratiam, ita & res ad eam significandam, vel conferendam determinare. Quare cum Ecclesia personas quasdam inhabiles reddit ad Matrimonium contrahendum, quæ antea ad id habiles erant, non immutat propriè, & formaliter materiam Sacramenti, sed apponit tantum conditiones quasdam eiusmodi contractui, quarum defectu redditur contractus inualidus, ut pote qui non tantum a voluntate contrahentium, sed etiam a voluntate eorum, quibus illi subiecti sunt pendeat: quo pacto mutatur materia Sacramenti, cum quis vinum in acetum conuertit.

5 **E**stne de ratione Sacramenti, vt non tantum rebus, sed etiam verbis cōstet.

Resp. Sacramenta legis antiquæ non omnia verbis constabant: Nostra verò non modò rebus, sed etiam verbis necessario conficiuntur. Ita Concil. Floren. in instructione Armenor. quod vt verum sit, non necesse est, vt res non sint verba, & verba non sint res, sed satis est, quod in singulis Sacramentis reperiatur aliquid, quod vicem rei, & aliquid, quod vicem verbi gerat; sic in Matrimonio nutus quandoque verborum locum tenent.

6 **C**omponuntur ne Sacramenta nouæ legis ex rebus, & verbis, tanquam ex materia, & forma.

Resp. Triplex in Sacramentis deprehenditur compositio. Prima metaphysica ex genere, & differentia, de qua supra. Secunda veluti physica, ex rebus scilicet, & verbis tanquam ex materia & forma: quemadmodum enim in composito physico materia præcedit formam, sic res sensibilis verba. *Accedit Verbum ad elementum* (inquit August.) *& fit Sacramentum*; & vt materia ex se indeterminata a forma determinatur, ita verba indifferentiam ele-

De Sacramentis in genere 9

menti determinant &c. adeo-ut aspersio aquæ, quæ fit in Baptismo obtineat a verbis, quòd ablutionem, non autem refrigerationem significet. Tertia, & vltima, quæ est ex rebus, & verbis simul sumptis ex vna parte, & ex integra eorundem significatione ex alia, potest ritè dici compositio ex re significante, & significatione; res enim & verba simul sumpta habent se respectu integræ suæ significationis per modum materiæ respectu formæ totalis, sicque legitimè coniuncta accipiunt ex Christi institutione nouam vim significandi gratiam.

Componuntur ne Sacramenta ex materia, & forma, seu ex re sensili, & verbis tanquàm ex partibus sibi essentialibus. 7

Resp. Sacramenta, quæ in vsu, seu actione transeunte consistunt, ita componuntur: Nomina enim arte factorum, cuiusmodi est *sacramentum*, supponunt pro materia & forma simul, vt patet ex iam dictis. Quod autem atinet ad Sacramentum Eucharistiæ, cùm in re permanente consistat, non potest intrinsecè componi ex rebus transeuntibus, sed solum aliquo modo extrinsecè, vt suo loco dicetur.

8 **Q** Valis coniunctio requiritur inter materiam, & formam, vt ad vnum totum conficiendum coalescant.

Resp. Vnio quæ requiritur inter materiam & formam Sacramentorum, non physicè, sed moraliter, seu ex cõmuni hominum æstimatione expendenda est, ac proinde ea solùm exigenda, per quam habita ratione significationis verborum, & qualitatis actionis sensilis censeatur moraliter formam in materiam cadere, eamque determinare ad vnum signum constituendum: quod vt varia sunt Sacramenta, ita variè accidit.

9 **R** Equiruntur ne determinata verba in Sacramentis,

Resp. Sacramenta nouæ legis certis, ac conceptis verbis constant. De Baptismo clarus est locus Math. vltimo *Funtes docete omnes gentes, Baptizantes eos in nomine patris &c.* Item Christus in institutione Sacramenti Eucharistiæ certa, determinataque verba vsurpauit, quibus subiunxit hæc alia. *Hoc facite in meam commemorationem.* quibus iubemur iisdem vt i verbis, De Pœnitētia. Math. 18. *Quæcunque alligaueritis super terram &c.* ex quibus colligi-

De Sacramentis in genere. II

tur in ea his verbis vtendum, *Ego te absoluo*
Et si autem aliorum Sacramentorum formam certā, ac determinatam non ita facile ex scripturis possimus colligere, sufficere tamen debet perpetua ab Apostolis accepta traditio, & Ecclesiæ autoritas. Determinatio tamen illa verborum, quæ est a Christo, facta non est secundum certū sonū verborum, sed secundum certum sēsum, ac sententiam: tam enim baptizāt Græci Græcè, quam Latini Latinè, & quamuis apud Græcos forma Baptismi aliis constet verbis, quā apud latinos (non enim dicūt, *Ego te Baptizo*, sed tantum, *Baptizetur seruus Christi*. verus tamē, validusque est eorū Baptism⁹.



SECTIO III.

DE MUTATIONE FORMÆ Sacramentalis.



Vicissim mutationibus forma Sacramenti corrumpitur.

Nota mutationes, quæ in formas Sacramentorum induci possunt, ad tria genera reuo-

cari posse: vel enim mutatio se tenet ex parte Ministri tantum, vel ex parte formæ tantum, vel se tenet tam ex parte formæ, quàm intentionis Ministri. Nota secundò mutationem omnem formæ in Sacramentis esse duplicem, Essentialem vnam, Accidentalem alteram. Mutationem essentialem voco eam, quâ positâ sensus formæ tollitur; Accidentalem verò, quæ licet perfectionem debitam ab eâ tollat, sensum tamen ei debitum relinquit; quò fit, vt quantum est ex se Sacramentum irritum non reddat. Hoc posito.

Resp. 1. Quâdo mutatio est primi generis, ea nunquam est essentialis, nec per eam redditur Sacramentum inualidum: quod enim minister sit hæreticus, vel infidelis, modò cætera ad integritatem formæ requisita non desint, est quid extrinsecum, & impertinens respectu talis formæ.

Resp. 2. Quando mutatio est secundi generis interdum est essentialis, interdum accidentaria tantum: Vel enim mutatur tantum idioma, & tunc mutatio cæsenda est accidentalitantum: vel verba quædã pro alijs inferuntur, & tunc si verba sint perfectè synonyma, mutatio erit tantum accidentalis, vt si quis dicat, *Baptizote in nomine genitoris, geniti, & pro-*

De Sacramentis in genere. 13

dentis ab utroque: si secus, erit essentialis, ut si quis loco *Te baptizo*, dicat, *Ego te aboluo a peccato originali*: vel verba transponuntur, & hoc interdum mutationem inducit accidentalem tantum, ut si quis dicat *Ego baptizo te*, interdum etiam essentialem, ut si quis dicat *Baptizo in te nomine Patris*: vel interrumpitur forma, & hoc fit aliquando cum mutatione essentiali, ut si consecraturus dicas *Hoc est*, & post quartam partem horę multis interiectis subiicias, *Corpus meū*: ex verbis enim prioribus, & posterioribus non censetur confici vna oratio: aliquando verò fit cum accidentali duntaxat, ut si post priora verba tantisper ex deuotione, aut alia simili occasione hæreas, & mox posteriora subiicias; modica enim illa interpolatio vnitati orationis nihil officit, nec eius legitimum sensum euertit: vel verba formę corruptè pronuntiantur; & si vitium tantum sit, ut sensus non subsistat, mutatio erit essentialis, ut si quis loco *Patris*, pronuntiet *Matris*: Si verò verba adhuc nata sint verum sensum audientibus ingenerare, mutatio erit accidentalis, ut cernere est in illo trito exemplo, *Ego te baptizo in nomine Patria, & Filia, & Spiritus sancta*, hanc enim Baptismi formam valere iu-

dicant Zacharias Papa, vt habetur c. *Retulerunt*, de consec. dist. 4. Parum autem refert, quòd ea vitiatio ex imperitia, balbutie aut malitia nascatur; attendendus enim est sensus formæ qui cum non tollitur, Sacramentum manet validum; cum tollitur, redditur inualidum: Vel additione nonnullorum verborum forma variatur; essentialiter quidem, si sensum præscriptum verborum tollant, vt si quis baptizet *In nomine Patris & Filij minoris &c.* accidentaliter si non tollant, etsi existimentur vt necessaria, vt euenit in consecratione Græcorum: Vel ex formis verborum Sacramentalium nonnulla subtrahuntur, qua de re idem iudicium esse debet, quòd de additione: Vel verba formæ omnia mutantur in signa, & nutus, & hoc in Matrimonio est accidentale, in cæteris sacramentis essentialis: Vel demum mutatio ex eo est, quod plures eandem formam partialiter proferant, & hæc mutatio in Extrema vñctione & Matrimonio accidentalis est, in cæteris essentialis.

Resp. 3. Quando mutatio est tertij generis, siue fiat a ministro animo inducendi notum ritum in Ecclesiam, siue non, dummodo sensus formæ remaneat, habeatque

De Sacramentis in genere. 15

intentionem faciendi, quod facit Ecclesia, ea essentialis non est, sed accidentalis. Controuertitur enim inter DD. Catholicos, num hæc verba, *Qui pro vobis, & pro multis &c.* sint de essentia consecrationis calicis, adeo-ut nonnulli ea vsurpent tanquam formæ essentialia, alij secus; quo non obstante tam hi, quàm illi consecrant: quare modò sensus formæ constet, intendantque facere, quod facit Ecclesia. quæuis alia intentio Sacramētum non inualidat; quod vel ex eo cōfirmatur, quod Græci alio modo baptizent, quàm Latini, idque animo inducendi in Ecclesiam Romanam nouum ritum, quem Baptismo essentialem putant. Si tamen alicunde sensus redderetur ambiguus, & alium sensum a Sacramentali minister intenderet, seie semper irritum esset Sacramentum, defectu legitimæ intentionis.

Q Vale peccatum incurrūt, qui formas 11
Sacramentorum immutant,

Resp. Qui sponte, & de industria Sacramēta mutant quo ad essentialia, graue scilicet legium committunt: Christo enim magna irrogatur iniuria, dum nouus ritus inducitur eius institutioni repugnans: a fidelibus

quoque, cum hoc fit, non sine magno salutis eorum dispendio, vera Sacramenta subtrahuntur: posset id tamen ex aliqua perturbatione, aut aliunde oriri, quo casu quis excusaretur a mortali: Idem dicendum, quando redditur dubium Sacramentum; in moralibus enim pro eodem habentur, facere aliquod malum, & exponere se periculo id faciendi. Lethale quoque est, ac species sacrilegij apertè inducere in formas Sacramentorum mutationem accidentalem, contra communem usum Ecclesiæ; vt si quis in consecratione calicis omitteret illa verba *Novi & æterni Testamenti &c.* posset tamē peccatum illud, quod ex genere suo est mortale, fieri leue ob leuitatem materiæ, vt si quis in consecratione calicis omitteret particulam *enim*, sine scandalo, aut contemptu &c.


- 12 **Q** Vid factō opus est, cum dubium est, an forma Sacramēti fuerit inualida, & consequenter Sacramentum nullum.

Resp. Si dubitatio solum ē scrupulo nascatur, reiiciendus est scrupulus: si autem probabili ratione nitatur, forma sub cōditione repeti potest, præsertim si Sacramētum sit necessarium; *vt si non es baptiza-*

ms, ego te baptizo.



SECTIO III.
DE NECESSITATE SA-
cramentorum, eorūque effectū.

 Vntne Sacramēta ad humanā salutē necessaria. Sēsus quēstionis non est, An post Sacramētorum institutionē necesse sit iis vti, sed an fuerit necessariū ad hominum salutem ea institui. 13.

Resp. Sacramentorū institutio non fuit quidem absolutē necessaria ad salutem hominū, cū in potestate Dei esset gratiam, & gloriam ijs conferre absque Sacramentis; eorum tamen institutio, præsertim in lege Euangelica, fuit hominum saluti conuenientissima, & accommodatissima siue naturam hominum spectes, quibus familiare est per corporalia ad spiritualium cognitionem deuenire, quique, vt pulchrè August. l. 19 contra faustum c. ij. in nullū nomē religionis, seu verum, seu falsū

coadunari possunt, nisi aliquo signaculorū, seu Sacramentorum visibilium consortio colligentur: siue rerum ipsarum, quæ per huiusmodi pium vsum, quantum fieri potest, proximè fini, ac creatori suo coniunguntur; siue Dei instituentis, qui hac in re maximè suam potentiam, sapientiam, misericordiam, ac iustitiam manifestat. Neque indignum est, vt obganniant nouatores, hominibus legis Euangelicæ, vt sint adhuc seruientes sub elementis huius mundi, non enim seruimus, sed vtimur, tum ad cultū Deo exhibendum, tum ad præstantissimos effectus gratiæ, gloriæ, & remissionis peccatorum: qua ratione etiam non est inconueniens in eadem lege esse figuras, & simbola, non quæ Christū venturum præsignificent, sed, vt docet D. Thomas, quæ sint demonstratiua gratiæ præsentis, rememoratiua passionis Christi, & vitæ æternæ prognostica.

14. **S** Acramenta suntne causa gratiæ.
Resp. Solus Deus, vt causa principalis, producit gratiam, ac peccata remittit. Ita Trid. sess. 6. c. 7. Sacramēta verò nouæ legis, tanquā causæ minus principales verè, propriè, & immeditatè gratiam conferunt

De Sacramentis in genere. 19


non ponentibus obicem. Clara sunt scripturæ loca, quæ id probant. De Baptismo Ad Tit. 3. *Saluos nos fecit per lauacrum regenerationis.* De Euchar. Ioa. 6. *Qui manducat me, viuet propter me,* vbi Christo in Eucharistia sumpto tribuitur, quod sit causa vitæ spiritualis, scilicet gratiæ; & ita de alijs. Adde id decretum esse a Cōcilijs Arausic. Mileuit. Florē. Trid. Neque nos mouere debet, quod ad Habr. 10 dicatur iustus ex fide viuere: neque enim scriptura dū vim iustificādi tribuit fidei, excludit Sacramenta, aut Christi merita. Hæc igitur omnia ad iustificationem aulorum suo modo concurrunt; fides, vt eius fundamentum; contritio, vt dispositio, Sacramenta, vt Dei instrumenta, Deus vt causa præcipua; quod non obscure docet Trid. sess. 6. c. 7. Ex quibus sequitur 1. non modò Sacramenta habere vim conferendi gratiam, sed etiam eam augendi in ijs, qui ad eam per iustitiam præcedentem disponuntur. Sequitur 2. Sacramenta conferre virtutes alias supernaturales, ac dona Spiritus sancti, quæ sunt veluti quædam proprietates gratiæ eam consequentes.

Sacramenta nouæ legis conferuntne gratiam ex opere operato. 15

Nota Sacramenta conferre gratiam ex opere operato aliud nihil esse, quam actionem ipsam Sacramentalē, ut actio Sacramentalis est præcisē, seu ex vi institutionis diuinæ præter omne meritū vel ministri conferrentis, vel ipsius suscipientis gratiā conferre: ē diuerso autē illud opus dicitur cōferre gratiā ex opere operātis, quod eā cōfert, quatenus est actio laudabilis, & veræ virtutis, habēsque rationē alicuius meriti.


Resp Igitur Sacramēta nouæ legis cōferunt gratiam ex opere operato. Ita Trid. sess. 7. can. 8. cui ratio adstipulatur: Baptismus enim ab impio Sacerdote infanti collatus ei gratiam confert, non ex opere operantis, cum minister peccet mortaliter, suscipiens verò merē passiuē se habeat, ergo ex opere operato. Et quamuis in adulto suscipiente Sacramentum requiratur, ut nullus sit obex (qualis est infidelitas, & omne actuale peccatum mortale) adhuc, ut effectū Sacramenti cōsequatur, ea tamen dispositio non est id, quod effectiuē concurrat ad productionem gratiæ, sed Sacramētum ipsum, ut Dei instrumentum; sicut dispositiones, quæ antecedunt introductionem formæ ignis in materiam combustibilem non attingunt eius productionem,


De Sacramentis in genere. 21
sed solus ignis.



SECTIO V.

DE DISPOSITIONE suscipientis Sacramentum.

 Vam dispositionem requirunt 16.
Sacramenta in suscipiente, ut
producant gratiam.

 Constat nullā dispositionē re-
quiri in infātib⁹, ut enim nō sua
sed aliena voluntate peccarunt, ita sine villo
suo actu per Baptismū iustificantur. Quæ-
stio igitur est tantū de adultis, de quibus.

Resp. 1. Si quidpiam læthale aliquan-
do commiserint, quod in iis nondum re-
missum sit, requiritur bona aliqua actualis
dispositio, ut fructuosè, ac cum effectu
gratiæ possint recipere Sacramenta confe-
rentia primam gratiam; Neque enim con-
sentaneum est, ut ej culpa remittatur, quā
voluntariè commisit, quandiu illam non
detestatur: quod docuit D. Petrus Aq̃or.

c. 2. cū Iudæis cōverti volētibz, quidque sibi factū opus esset quærentibz respōdit, *Pœnitentiam agite, & baptizetur unusquisque vestrum.*

Resp. 2. Non est necesse, vt dispositio illa, quæ requiritur ad gratiā per Baptismum, vel Pœnitentiam suscipiendam post peccatum mortale commissum, sit Contritio, sed sufficit, quod sit Attritio; cū enim duo illa Sacramenta directè instituta sint ad remittenda peccata, finem suum non assequerentur, si Contritio, cui ilico responderet sua gratia iustificās ex opere operantis, prærequeretur ad illa: In aliis verò quinque Sacramentis, ob rationē oppositam, scilicet quia non sunt instituta ad remissionem mortalium, per se non sufficit Attritio, sed tantūm per accidēs, hoc est, ratione ignorantie, & bonæ fidei suscipientis, qui aut ignorat inuincibiliter se esse in peccato mortali, aut putat se contritum, cum sit attritus tantūm. Ex quibus facilè intelligitur, quid causæ sit, cur duo illa Sacramenta. Bap^o, & Pœnitentia nūcupari soleant a Theologis, *Sacramēta mortuorum*, cætera verò *Sacramēta viuorum*; id enim ita fit, quia hæc vitam spiritualem in
susci-

De Sacramentis in genere. 23

suscipiente requirunt, illa duo non.

Resp. 3. Ut Sacramentum quodvis, extra Pœnitentiam, a iusto licitè susceptum, conferat ei gratiæ augmentum, non est necessaria in eo actualis aliqua dispositio, sed sufficit habitualis: cum enim sit in gratia, eo ipso censetur sufficienter dispositus ad recipiendum gratiæ augmentum; quamvis alio modo ad eam non se disponat, sed tantum absteineat a peccato mortali.

Q Vid dicendum est de adulto, in quo 17
non esset aliud peccatum, quam Originale.


Resp. Non esset in eo necessarius actus, quo peccatum suum detestaretur, sed tantum, quo se conuerteret ad Deum.

A N eadem specie Sacramenta non po- 18
nentibus obicem æqualem semper conferunt gratiam.

Resp. Suscipientibus æqualiter dispositis eadem specie Sacramenta semper æqualem conferunt gratiam: quò verò quisque melius dispositus accedit ad Sacramentum eiusdem speciei, eò intensiorem gratiæ effectum ab eo recipit, ex opere operato.

Prior pars probatur, quia quantum est ex parte cuiusvis Sacramenti, effectus ipsius est in omnibus æqualis, quare si ex parte quoque dispositionis ipsius subiecti inueniatur æqualitas, absolute effectus Sacramenti erit æqualis. Posterioris veritas colligitur ex Concil. Trid. Sess. 6. c. 7. ubi agens de iustificatione, quæ fit per Baptismum, ait vnumquemque in se recipere suam iustitiam secundum mensuram, quam Spiritus sanctus partitur singulis, pro-ut vult, & secundum propriam cuiusque dispositionem, & cooperationem: Vnde sequitur melius dispositum, recipere maiorem. Neque dicas melius dispositum habere maiorem fructum ex merito; cum enim Attritioni in homine nondum iustificato nulla respondeat gratia ex opere operantis, dicendum est eam omnem, quæ datur, esse ex vi Sacramenti, & ex opere operato.





SECTIO VI.

DE TEMPORE, QVO

Sacramenta producant gratiam.

Vandonam Sacramenta conferunt gratiam iustificantem. 19,

Quod Resp. Sacramentū nunquam confert gratiam ex opere operato, nisi reipsa suscipiatur; confert autem in illo ipso ultimo instanti, in quo intrinsecè, & essentialiter completur. i. pars ex eo ostenditur, quod Deus instituendo Sacramenta iis solū pollicitus sit gratiæ effectum, qui actu ea suscipiunt, Marci ultimo. *Qui crediderit, & baptizatus fuerit &c.* & Ioa. 6. *Qui manducat meam carnem &c.* Quod si Concil. Trid. & DD. doceāt Sacramenta in voto suscepta satis esse ad effectum Sacramenti recipiendum, id intelligendum est, non de effectū Sacramenti, ut eius effectus est, sed velle tantū eiusmodi voto respondere gratiā aliquam ei persimilem, quæ causatur a Sacramentis re ip-

sa susceptis. 2. pars probatur: Sacramenta enim non producunt gratiam, antequam perfecta sit eorum significatio, hoc autem non fit ante illud instans.

20. **Q**Uoniam instanti Sacramenta gratiam conferunt, an in eo, quod est ultimum prolationis verborum, vel in eo, quod terminat applicationem materiae.

Resp. Gratia in eo instanti confertur, in quo censetur perfectum totum Sacramentum; quare si contingat in eodem instanti applicationem materiae, & prolationem formae terminari, in eo materia, & forma concurrant ad productionem gratiae: Si vero prius adhibeatur materia, quam forma pronuntietur, huius erit conferre gratiam, ut & illius, si posterius applicetur.

21. **A**N Sacramenta fictè suscepta, hoc est, quae non habuerunt suum effectum gratiae, cum conferrentur, ob impedimentum aliquod, quod ei obiciebatur a suscipiente, remoto postea tali obice, concurrant ad gratiam ex opere operato producendam.

Ut res fiat clarius, Nota posse fictè suscipi Sacramentum dupliciter i. sine in-

De Sacramentis in genere. 27

tentione illud suscipiendi, vel cum defectu, qui sit essentialis, ita-ut Sacramentum nullum sit. 2. quando Sacramentum constat iis omnibus, quæ ad eius essentiam pertinent, suscipitur tamen sine suo effectu, qui est gratia, ob indispositionem suscipientis. De priori modo non est hic quæstio, quia in eo casu, quo nullum est Sacramentum, iterari debet, sed tantum de posteriori.

Resp. Igitur quæstioni affirmatiuè, id enim disertè docet D. August. de Bapt. l. ii. c. 12. & l. 3. c. 13. quem in eo sequuntur omnes scholastici: idèque iudiciū videtur faciendum de nonnullis aliis Sacramentis.




SECTIO VII.

DE GRATIA SACRAMENTALI, & Caractere.



Aditne gratia Sacramentalis 22
aliquid super gratiam virtutū
& donorum.



Resp. Gratia Sacramentalis
C iiij.

seu quæ est proprius effectus Sacramentorum, hoc differt a gratia habituali communiter dicta, quod hæc purè, & simpliciter referatur ad animam sanctificandam; illa verò insuper habeat ius quoddam sibi annexum, vt pro loco, & tempore homini fauores, & auxilia quædam in actu secundo conferri debeant, quæ sint ad proprios, & peculiare Sacramenti cuiusque effectus consequendos accommodata; cuiusmodi in Baptismo sunt auxilia necessaria ad observationem legis, cuius Baptism^o est protestatio quædam: In Confirmatione est robur quoddam spirituale ad fidem animosè profitendam; in Ordine ad rectam executionem ministerij sacri &c. Licet igitur omnes omnino gratiæ Sacramentorum sint eiusdem inter se speciej, & cum ea, quæ per merita acquiritur, moraliter tamen, ratione diuersi iuris sibi annexi, inter se differunt.

23 **I**mprimuntne Sacramenta caracterem aliquem in anima.

Resp. Fide credendum est Baptismum, Confirmationem, & Ordinem imprimere caracterem in anima indelebilem, vnde ea iterari non possunt. Ita Trid. sess. 7. cā. 9.

De Sacramentis in genere. 29

Q Vid est Character.

24

Resp. Est qualitas quædam spiritalis, quæ indelebiter imprimitur in intellectu hominis, & per quam homo moraliter disponitur aut ad suscipienda sacramenta, ut facit character Baptismi, qui proinde dicitur ianua Sacramentorum, aut ad ea conficienda, ut facit character Ordinis; aut ad fidem propugnandam, ut facit character Confirmationis. Est igitur character *Nota quædam spiritualis Christianorum animis indebiter a Deo impressa, per quam illi recipiunt signum aut Domesticorum Dei, aut militum eius, aut dispensatorum mysteriorum eius.* Dici quoque potest character ex pacto Dei requiri, & dari tanquam conditio necessaria, atque adeo tanquam potentia quædam moralis ad actus Sacramentales vel suscipiendos, vel efficiendos.

Q Vo sensu dicitur character indebilis. 25

Resp. Non tantum est indebilis, quia toto vitæ tempore, aut etiam post mortem in anima perseverat, iustis quidem ad gloriam, damnatis ad ignominiam; sed etiam quia est qualitas natura sua incorruptibilis: cuius rei ratio est, quod sit in intel-

lectu potentia incorruptibili, nec quidquam sit ei contrarium, a quo corrumpi possit, ne quidem demeritoriè, vt gratia.



SECTIO VIII.

DE AVTORE SACRAMENTORUM.

26



Vis est autor Sacramentorum nouæ legis.

Resp. Christus, vt Deus, potestate præcipua; vt homo, potestate delegata per se, ac immediatè Sacramèta omnia nouæ legis instituit. Quod sit eorum autor, sub anathemate tenendum decernit Concil. Trid. sess. 7. can. 1. Quod autè vt Deus potestate præcipua id fecerit probatur, quia solus Deus potest certis quibusdâ rebus certâ vim, & infallibilè attribuere gratiæ tum significadæ, tum efficiendæ. Porro dicitur, quâ homo potestate delegata ea instituisse; quia licet natura eius humana omnem suam potestatē,

De Sacramentis in genere. 31

& dignitatem ab hypostasi verbi mutaretur; ab eà tamen, eiusque arbitrio externa eorū institutio procedebat. Ex quibus colligi potest quàm meritò vocet Paulus Apostolos ministros, ac dispensatores mysteriorum Dei, non autem autores 1. ad Cor. c. 4.

Q Vis operatur interiùs effectum Sacramenti. 27

Resp. Potestas in Sacramenta, eorumque effectum, gratiam scilicet, & caracterem, triplex non incommodè potest assignari; vna principalis, præcipua, & independens, quæ soli Deo conuenit 2. infima, ac purè ministerialis, quæ Sacramentorum ministris propria est, qui non aliter concurrunt ad eorum effectus, quàm per eorundem applicationem 3. media ministerialis quidem, sed per excellentiam, quæ cōuenit Christo homini, vt homo est.

Improbi ministri conferuntne validè Sacramenta. 28

Resp. Et validè conferunt Sacramenta, & eorum fructum, si nullum sit impedimentum in suscipiente; vnde illud August.

l. 2. contra epistolam Parmeniani c. 10. Omnia Sacramenta, cum obsint indignè tractantibus, profunt tamen per eos dignè fumentibus. Ratio est, quia Sacramenta non operantur ex virtute meritum ministri, sed ex meritis Christi, & virtute diuina, quibus improbitas ministri non officit. Est de Fide definitum in Concil. Constantin. sess. 8. & 15. & Trid. sess. 7. can. 12.

29

Peccatne mortaliter minister, qui existens in peccato mortali Sacramenta ministrat.

Resp. Qui sciens se esse in peccato mortali Sacramenta ex officio ministrat, peccat mortaliter : a mortali verò excusatur, qui ea confert ob vrgentem necessitatem, & non ex officio. Ratio prioris partis est, quia repugnat dignitati Christi, cuius personam minister immediatè sustinet, & Sacramentorum, quæ eiusdem Christi merita, & sanguinem moraliter in se continent, tractari, & dispensari ab eo, qui est hostis Christi, & mancipium Diaboli, præsertim cum ad suum munus ritè obeundum fuerit singulariter per Sacramentum aliquod consecratus. Posterior pars ex eo probatur, quòd qui Sacramentum ministrat, & non ex

De Sacramentis in genere.

33

officio, sed ob urgentem grauem aliquate
necessitatem, v. c. laicus, qui in necessitia
baptizat, ne infans sine Baptismo mor
tur, non habeat huiusmodi peculiare^m
obligationem, cum ad hoc non sit pecu
rrialiter consecratus, & propterea non vi
deatur tantam in Deum committere irre
uerentiam.

O Vid ei faciendū esset, cui ex officio in-³⁰
cumberet ministrare aliquod Sacra
mentum, qui tamen esset in peccato mor
tali,

Resp. Sufficeret ei conteri ante admini
strationem Sacramenti, nec teneretur con
fiteri, nisi celebraturus.

D Vid censendum de eo, qui Eucharis-³¹
tiam porrigeret, seu distribueret in
mortali.

Resp. Peccaret mortaliter toties quo
ties diuersas hostias distribueret; etsi
enim talis Sacramentum non conficiat,
Christi tamen corpus, & sanguinem dis
pensat, estque ad eum actum peculiariter
consecratus. De eo autem, qui Diacona
tus, aut Subdiaconatus actum exerceret in

mortali Euangelium, aut Epistolam cantando solemniter aliter sentiendum esset, talis enim actio non est Sacramentalis; idemque dicendum de Episcopo consecrante Ecclesiam, aut calices, & a fortiori de Sacerdote concionante, aut de Clerico tangente vasa, modò absit contemptus, & scandalum; in his enim non est sufficiens materiæ grauitas.

Licetne ab eo sumere Sacramenta, qui creditur ea dando peccaturus.

Resp. Distinguendo: vel enim ideo minister peccabit ministrando Sacramenta, quia in peccato est, vel quia id ei ob censuram aliquam non licet, vel quia non habet necessariam iurisdictionem. In primo casu possum ab eo petere Sacramentum, etsi præuideam eum peccaturum illud mihi ministrando in peccato, modò ad id me impellat mea aliqua necessitas, aut notabilis vtilitas, siue ille meus sit parochus, siue non; quia etsi petitio mea illi futura sit occasio peccati, id non mihi, sed eius malitiæ imputari debet, qui si velit, illud mihi sine villo peccato conferre potest. Quod si commodè possum ab alio Sacramentum suscipere, qui sine peccato id daturus esset, te-


De Sacramentis in genere. 35

nerer ex charitate id facere ad vitandum in alio peccatum. In secundo casu, si Minister nominatim excommunicatus non toleratus, aut notorius percussor Clerici, nō licet ob prohibitionē Ecclesiæ vllā vñquā ab eo suscipere Sacramēta, nisi Baptismum, & Pœnitentiam in articulo mortis, ob magnam horum Sacramentorum necessitatem.

Si verò sit excommunicatus toleratus, siue parochus sit, siue alius, habens tamen iurisdictionem, licet subditis petere Sacramenta in casibus supradictis, quia taliter excommunicatos iam non tenemur vitare in administratione, aut susceptione Sacramentorum, modò lex charitatis ad id nos non obliget. In tertio casu non licet a ministro petere Sacramentum, cum id sine peccato ministrare non possit.

Q Vis est ordinarius Sacramentorum minister.


Resp. Solus homo est Sacramentorū ordinarius minister, vt pore qui ad ea ordinariè ministranda solus a Christo Domino institutus est, vt patet ex omnibus locis, vbi Sacramenta instituuntur, de quibus singulis suo loco.



SECTIO IX.

DE INTENTIONE

*tam ministri Sacramentorum,
quam ea suscipientis.*

34  Vanam intentio requiritur in ministro ad valorem Sacramenti.

Sensus quæstionis non est, qualis debeat esse intentio ministri, sed quodnam debeat esse eius obiectum, seu ut ratio Sacramenti essentialiter constet, quidnam debeat velle minister. Quod ut resoluator, præmittendum ministrum conferentem Sacramentum posse tria intendere 1. facere exteriorem illū actum. v. c. in Baptismo lauare aliquem, & pronuntiare hæc verba, *Ego te Baptizo* &c. non intendendo vllō modo Sacramentum. 2. Non tantū facere exteriorem illum actum, sed vlteriū conferre Sacramentum, seu facere, quod Christus fecit, vel quod

De Sacramentis in genere 37

facit Ecclesia. 3. Conferre gratiam, seu effectum Sacramenti. Cum igitur de triplici illa intentione dubitari possit, quanam illarum necessaria sit ad validitatem Sacramenti.

Resp. Ad Sacramenti validitatem, non solum prima, sed etiam secunda requiritur intentio; sic Trid. sess. 7 can. ij. ubi ait, Si quis dixerit in ministris, dum Sacramenta conficiunt, & conferunt, non requiri intentionem saltem faciendi, quod facit Ecclesia, anathema sit. Adhuc conferens Sacramentum agit ut minister Christi, ac proinde intendit agere, quod ille instituit; instituens autem Sacramentum non voluit externam eius actionem quacunque ratione fieri, sed ut ceremoniam sacram; quare qui non intendit eam perficere ut talem, non agit ut minister Christi, nec Sacramentum conficit. Non requiritur tamen tertia illa intentio, qua velit explicitè conferre effectum Sacramenti; aliā enim haeretici nostri temporis non baptizarent, cum non intendant conferre gratiam, quam in Baptismo conferri negant.

Qualis intentio requiritur ad valorem Sacramenti, 38

Resp. Intentionem Sacramentum conficiendi posse esse duplicem, conditionatam vnā, absolutam alteram; hanc verò rursus esse duplicem. 1. est remota, ac in causa, seu interpretatiua; & est, quando quis vult rem aliquam non in se, sed in causa; vt si quis sciens se, cum ebrius est, solere proferre verba consecrationis super panem, vellet ebrietatem, vt talis effectus sequeretur; ea enim intentio remotè tantum influeret in Sacramentum, & proinde non satis esset ad Sacramenti validitatem, debet enim actio Sacramentalis esse proximè humana, cuiusmodi non esset hæc. 2. dicitur Habitualis, & est quando quis v. c. habuit intentionem conferendi Sacramentum nec postea eam reuocauit; tunc enim illa intentio censetur in eo manere habitualiter; vnde si postea dormiens, aut amens illud faceret, diceretur ei illa actio esse habitualiter volūtaria. Et hæc quoque intentio ad validitatē Sacramenti insufficiens est, quia non magis influit in actionē Sacramenti, quā si nullo modo præexistisset. 3. Actualis, qua quis actu cogitās quid agat, volens Sacramentum administrat; & hæc ad validitatem Sacramenti sufficit; estque omnium præstantissima. 4. Virtualis dici-

dicitur, & est ea, qua quis v. c. vult conferre Sacramentum, & ex vitalis intentionis se operi accingit, lauando manus, induendo se vestibus sacris &c. Licet enim postea distrahatur, etiam in ipso actu consecrationis, verè tamen consecrat virtute talis intentionis; sufficit enim talis intentio virtualis ex omnium consensu, vt humano modo dicatur quis agere, vt patet in aliis actionibus humanis, quas liberè, & humano modo censemur agere, quamuis eas distracti exerceamus. Dicitur autem virtualis, quia cum actu transeat, manet tamen virtute alicuius impressionis, quam in imaginatione relinquit, & qua excitatur potentia motiua, vt omnes actus initio propositos perficiat, licet tunc homo de aliis cogitet, nisi interrumpatur per contrariam voluntatè, vel ex aliqua occasione superueniente: quo casu cessat intentio virtualis, quam necesse est de nouo repeti ad Sacramenti validitatem. Quod autem attinet ad intentionem conditionatam, vel illa sit sub conditione necessaria, vel contingenti, eaque vel præterita, vel præsentis, vel futura. Si sub conditione præterita, vel præsentis, conferens Sacramentum validè illud conferet, si conditio verè à parte rei sit posita.

siue ea sit cōtingēs, siue necessaria; quia intentio conditionata, conditione posita, transit in absolutā, eique æquiualeat: Quod si posita non sit conditio nihil efficiet, quia in tali casu deest intentio conferendi.

Si verò intentio conferendi Sacramentum fiat sub conditione de futuro contingenti, dicendo v. c. *Ego te absoluo, si cras ablata restituas*, inualidè id fiet, quia ex ordinario modo operandi minister vult Sacramentum tunc tantum esse ratum, quando ponetur conditio, tunc autem materia & forma amplius non erunt, & per consequens nec Sacramentum ipsum.

36 **A**D validitatem Sacramenti debetne intentio ministri ferri in certam aliquam materiam, vel personam.

Resp. Debet: colligitur ex formis Sacramentorum, quæ demonstrant certam materiam ac personam. Quod non ita accipiendum est, quasi necesse sit illam ipsam numero materiam, vel personam præsentem esse, quæ putatur præsens, sufficit enim ut ministri intentio feratur in materiam, vel personam præsentem, quæcumque tandem illa sit, adeo-ut si contingat aliam esse personam, quam alioquin ipse existima-

De Sacramentis in genere. 41

bat, validum nihilominus futurum sit Sacramentum, cum error ille tantum sit accidentalis; secus tamen res habet in Matrimonio, ut suo loco dicetur.

Q Valis intentio requiritur in suscipiente Sacramenta. 37

Resp. Quæstio non est hic de dispositione necessaria ad fructum Sacramenti recipiendum; de ea enim aliàs; sed de intentione, quæ sit necessaria ad essentiam Sacramenti, & sine qua non constet Sacramentum.

Resp. In infantibus non requiritur propria intentio, & consensus, ut pote cuius sunt incapaces: in adulto requiritur intentio suscipiendi Sacramentum; intentio inquam actualis, aut virtualis, hæc in cæteris Sacramentis sufficit, illa in Pœnitentia requiritur: hoc enim differt Pœnitentia a cæteris Sacramentis, quod qui sacramentaliter absolvendus est, debuerit id petiisse explicitè, peccata sua saltem in genere confitendo; sunt enim actus pœnitentis pars Sacramenti huius; Cætera verò Sacramenta sufficiat implicitè petiisse: unde qui consecratur, aut atteritur, censetur implicitè pe-

rere Baptifinum; talis enim dolor includit virtuale propositum feruandi totam legem Christi, ac proinde fufcipiendi Baptifmū.



SECTIO X.

DE NUMERO, DIGNITATE, & neceffitate Sacramētorum nouæ legis.

38.



Q. Vot sunt Sacramenta nouæ legis.

Resp. De fide est eſſe 7. Sacramenta nouæ legis, nec plura, nec pauciora: illa autem ſunt, Baptiſmus, Confirmatio, Euchariftia, Pœnitentia, Extrema vnctio, Ordo, & Matrimonium. Concil. Trid. ſeſſ. 7. can. 1. cuius numeri congruentia petitur ex analogia ad vitam corporalem, cui reſpondet ſpiritalis, ad quam promouendam referuntur Cur autem præciſè tot ſint Sacramēta, cū Chriſtus plura, aut pauciora potuiſſet inſtituere, tota ratio eſt voluntas eius, & inſtitu-

Da Sacramentis in genere. 43

rio, quæ partim ex scripturis, partim ex traditione, & definitione Ecclesiæ nobis innotuit.

Suntne omnia Sacramenta æqualis dignitatis. 39

Resp. Non sunt, sed aliud alio præstariusest, ex Trident. sess. 7. cā. 2. Porro nobilissimum omnium est Eucharistia, quia continet Christum ipsum secundum se, qui est infinitæ Dignitatis: alia Sacramenta diuersimodè inter se se habent, neque vllum est ex iis, quod non alteri secundum quid dignitate præster. Quænam verò inter alia digniora sint quoad effectum gratiæ intensiorem producendum, incertum est.

Suntne omnia Sacramenta de necessitate salutis. 40

Resp. Nota superiùs dictum esse de necessitate Sacramentorum absoluta, & antecedente, ideoque hic agi tantum de necessitate consequente, seu quæ supponit eorum institutionem.

Nota item non omnium Sacramentorum eandem esse rationem, sed nonnulla insti-

ruta esse ad conferendum aliquem effectū gratiæ per se ad salutem necessariæ; & hæc dici necessaria necessitate mediij: alia verò instituta tantum esse ad eum effectum augendum, vel conseruandum, & hæc dici necessaria necessitate præcepti tantum, vt ex quorum omissione non sequatur per se perniciēs animæ, sed tantum per accidēs, seu ratione præcepti. His pōsitis.

Resp. 1. Vſus Sacramentorum Baptismi Pœnitentiæ, & Ordinis necessarius est necessitate mediij ad salutem, aliorum verò quatuor est utilis tantum. Baptismus enim est omnibus necessarius, qui contraxerunt peccatum originale; Pœnitentia omnibus, qui peccatum aliquod actuale mortale, ita-ut sine illis salutem consequi non possint; Ordo autem, licet singulis necessarius non sit, est tamen toti multitudini necessarius: Cætera verò 4. cum gratiæ augmentum conferant, non potest eorum vſus nō esse utilis ad salutem.

Resp. 2. Vſus Sacramentorum aliquorum nouæ legis necessarius est necessitate præcepti omnibus adultis. Pater ex ijs verbis Ioa. 3. *Nisi quis renatus fuerit &c.* Ioa. 6. *Nisi manducaueritis carnem, &c.* & Ioa. 20.

De Sacramentis in genere. 45

*Quorum remiseritis peccata, &c. Ad hæc Ordo,
& Matrimonium, quamvis non sint ita
necessaria singulis, sunt tamen necessaria
toti communitati. De alijs, quia peculiaris
est difficultas, ea alibi explicabitur.*





CAPVT II.

DE BAPTISMO.

SECTIO I.

DENOMINIBVS BAPTismi, natura, & institutione.

I



VÆ sunt huius Sacramēti appellationes.

Resp. Catholicorū vsu trita est illa appellatio, quā Baptismus dicitur, à voce græca *Baptisma*, quæ ablutionem, & immersionem significat. Preterea verò ratione diuersorum effectū, tam à scriptura, quàm à patribus varia sortitur nomina: hinc *Lauacrum* regenerationis dicitur, *Circumcisio non manu facta*, *illuminatio*, *sacramentum fidei*, *donum*, *unctio*, &c.

Q Vid est Baptismus.

2.

Resp. Variè varij Baptismus definierunt; Probatur inter alias definitiones ea, quam habet Catechismus Triden. scilicet, *Baptismus est Sacramentum regenerationis per aquam, in verbo vite.* Quanquam etiam non displicet hæc, in qua quatuor eius causarum genera explicantur: *Baptismus est sacramentalis ablutio hominis, sub præscripta forma verborum, ex Christi institutione, in regenerationem spiritalem.*

F Vitne Baptismus a Christo institutus 3.
ante Passionem eius.

Resp. Sacramentum Baptismi, quale nunc est in Ecclesia, hoc est verum, & proprium Sacramentum, constans ablutione aquæ, & inuocatione Trinitatis, vimque habens conferendi gratiam, fuit a Christo institutum ante passionem. Ratio est, quia Christus ante passionem dicitur baptizasse Ioa. 3. At ex capite sequenti constat Christum per se non baptizasse, sed per discipulos, qui proinde non nisi eius authoritate, & mandato baptizabant, ergo erat iam Christi Baptismus institutus, alioqui si Ioannis Baptismo baptizassent, po-

tius diceretur in illis Ioannes baptizasse, quā Christus: Atqui Baptismus Christi cōferebant gratiam fatente Ioanne baptista *Hic est qui qui baptizat in spiritu sancto*, neq; de- cuiſſet Christū instituere, aut vsurpare ce- remoniam inanem, ergo Baptismus ille ve- rum erat, & proprium Sacramentum &c. Verisimile autem est eius institutionē pro- ximē subsecutam fuisse eum Baptismum, quo a Ioanne Christus baptizatus est.



SECTIO II.

DE MATERIA ET FOR- ma Baptismi, aliisque ad eum pertinentibus.

4



Væ est materia Baptismi.

Quæſt. Materia Baptismi re- mota est aqua vera, & natura- lis, seu elementaris. Ita Trid. ſeſſ. 7. can. 2, de Baptismo. Illa enim ſola aqua eſt aqua vſualis, & quæ vbique in promptu eſſe ſolet; de eaque intelligendus

est Christus Ioa. 3. *Nisi quis renatus fuerit ex aqua &c.* vt docet idem Trid. Nec obstat illud Math. 3. *Qui post me venturus est, ipse vos baptizabit in spiritu sancto, & igni;* non enim de materia Baptismi, sed de eius effectū locus intelligendus est, de feruēte nimirum charitate, quæ instar ignis cor accendit, & peccati scoriā decoquit. Porro materia huius Sacramenti esse non possunt aquæ omnes adulterinæ, cuiusmodi sunt liquores ex plātis, aut herbis vi caloris, aut quouis alio modo expressi; etsi enim appellentur nomine aquæ, non sunt tamen aqua simplex, & elementaris, sed potiùs mixta quædam diuersæ naturæ ab aqua: eademque est ratio de prisanâ, ceruisiâ, iure carniū &c. quando præsertim tanta facta est permixtio quarundam rerum, ex quibus componuntur, vt species aquæ mutata sit. Multò minùs Baptismus conferri potest in sudore, pituita, sputo, lacrymis, vrinâ: hæc enim non sunt essentialiter aqua; Quamquam neque hoc satis est, vt aliquid possit esse actu materia huius Sacramēti, sed insuper requiritur, vt adhiberi possit ad abluēdū; quò fit vt ex niue, grādinē, glaciē quādiu non resoluuntur, Sacramētum cōstare non possit. Interim quod ad prāximā at-

rinet, licet Baptismus in quibusdam rebus impuris validè adhiberetur, semper tamen quantum fieri potest, utendum aqua pura, & naturali, ita ut peccaret grauius, qui secus faceret, nisi necessitas urgeret; tunc enim, etsi dubitaretur, an aqua esset elementaris, posset quis eam adhibere sub conditione; quo casu iterandum esset Baptisma sub conditione, si fieri posset, & suppeteret copia aquæ veræ, & elementaris, ob periculum nullitatis prioris Baptismi.

S Vænam est forma Baptismi.

Resp. Hæc, *Ego te Baptizo in nomine Patris, & Filij, & spiritus sancti Amen.* vđ definit Concil Florent. & indicant verba illa Math. 28. *Baptizantes eos &c.* De cuius formæ essentia est, ut in ea exprimaturs ipsa baptizantis actio, non tamen directæ expressio personæ ministri; valet enim hæc forma Græcorū ex Florent. *Baptizetur seruus Christi &c.* Multo minùs requiritur ad essentiam Sacramenti pronomen *Ego* quamuis ob consuetudinem Ecclesiæ omittendum non sit. Item de eiusdem formæ essentia est, ut exprimaturs persona baptizanda, ut superiùs indicauimus, nec non inuocatio explicita trium personarum, *Patri, & Filij,*

De Baptismo.

51

Et spiritus sancti, cuius ratio, præter institutionem Christi est, quia Baptismus est Sacramentum fidei, quod proinde conuenit per expressam trium personarum inuocationem dari: quod enim nonnulli volunt Baptismum olim tempore Apostolorum collatum nomine solius Christi, falso nititur fundamento, cum baptizari nomine Christi in scriptura idem sit, ac baptizari auctoritate Christi, siue baptismo à Christo instituto. Item ut dicatur *In nomine*, non autem *In nominibus*, quia significaretur diuersa essentia, & virtus omnium personarum. Crediderim verò non vitari essentiam Sacramenti, si præpositio *In*, vel coniunctio *Et*, omittatur, quia sine illis sensus formæ satis constat.

Quæ est materia proxima Baptismi.

Resp. Ablutio est materia proxima, ac necessaria huius Sacramenti: Math. ultimo. *Baptizantes eos &c.* ad Ephes. 5. *Mundans eam lauacro aqua &c.* per lauacrum enim intelligitur ablutio. Ad hæc communis sententia est Baptismus, sicut alia Sacramenta (excepta Eucharistia) consistere in usu quodam, non autem in re permanere; quare non consistit in aqua, sed in eius usu, seu

applicatione. Et si autem ablutio fere sēper fiat fluxu quodam aquæ circa corpus, id tamen non est necesse ad validitatem Sacramenti; sufficit enim ipsum quibusdam aquæ guttulis irrorari, et si in eadem parte sistant, in quam deciderunt.

7 **Q**uanta, & qualis pars corporis debet abluī.

Resp. : Certum est aliquam corporis partem tangi debere ab ipsa aqua, atque ita nullo modo baptizari puerum vestibus tectum, aut ita adhuc in utero materno conclusum, ut nulla arte aqua ad eum usque peruenire possit; secus si vel capilli tantum madesiant: cum sint pars corporis: quam in hoc casu censuerim repetendum Baptismum sub conditione ob maiorem securitatem. Itē sufficere si abluatur caput, pectus, humeri, aliaue similis pars principalis, quia secundum communem loquendi modum, si talis pars abluatur, verè potest homo dici ablutus: Si verò contingat extremum tantum manus, aut pedis digitorum ex utero exeri & abluī, ob periculum mortis, sub conditione Baptismus iterandus erit, si postea in fans totus ex utero prodeat.

AD validitatem Baptismi sufficit ne §
quantumvis exigua aquæ quantitate
hominem aspergi.

Resp. Posset esse tam exigua quantitas,
ut dubium eo casu redderet Baptismum,
ac ea propter esset sub conditione iteran-
dus, si sic baptizatus superuiuat: vigente
tamen necessitate posset, & deberet vel
unica aquæ guttula extremus digitus asper-
gi, si maior copia deesset; sed huiusmodi
casus perrarus est in praxi.

Fitne necessariò Baptismus per immer-
sionem.

Resp. Ad validitatem Baptismi sufficit
quævis ablutio, siue fiat per immersionem
baptizandi in aqua, siue per infusionem,
siue per aspersionem. In praxi tamen ser-
uanda est vniuscuiusque Ecclesiæ, seu pro-
uinciæ consuetudo: contra quam si quis
faceret sine contemptu, & scandalo, pec-
caret tantum venialiter: immo si subesset
causa legitima talis mutationis, vix vllò
modo peccaret.

10 **E**stne trinamersio de necessitate Baptismi.

Resp. Non est: quamuis enim trinamersio distinctiùs significet tres dies sepulture Christi: vnica tamenmersio absolute significat sepulturam ipsam; quod satis est: modò enim adsit significatio gratiæ, de alia multùm laborandum non est.

11 **P**otest ne Baptismus iterari.

Resp. Baptismus legitimè semel collatus nunquam potest ita reperi, vt validus sit. Trid. sess. 7. cā. ij. Accedit scriptura Ephes. 4. *Vnus Deus, vna fides, vnum baptisma*; ac tandem ratio, quia præterquamquod Baptismus imprimit caracterem indelebilem, est spiritualis quædā natiuitas: quare sicut non nisi semel homo nascitur corporaliter, sic nec spiritualiter.

Quid faciendum, cum dubitatur, an alicui fuerit collatus Baptismus.

12 *Resp.* Quocūque modo dubitetur, Baptismus sub conditione iterandus est.

Quam

De Baptismo.

55

Quam pœnam incurrunt, qui ex certa scientia rebaptizant, vel rebaptizantur. 13

Resp. Tam rebaptizans, quam rebaptizatus iure civili plectitur pœna mortis: Iure autem Ecclesiastico, irregularitate.

Quæ sunt Baptismi Ceremoniæ. 14

Resp. 1. Est Catechesis adultorum. 2. Exorcismus. 3. immissio salis in os. 4. apertio aurium cum saliuâ. 5. pectoris & scapularum vñctio cum oleo benedicto, 6. Interrogatio utrùm abrenuntiet Diabolo. 7. Impositio nominis. 8. Datur osculum baptizato, cereus accesus, vestes albæ. &c.



SECTIO III.

DE VARIA ACCEPTIONE Baptismi, & veri Baptismi ministro.

Quotuplex est Baptismus. 15

Resp. Triplex scilicet aquæ, seu fluminis, fluminis, & san-

guinis. Primus duntaxat est Sacramētum, & verè, ac propriè Baptismus, alia duo metaphoricè tantum, & improprie; quatenus scilicet ab illis effectus aliquis profiscitur, qui est similis effectui Baptismi, cuius defectum suppleant in necessitate, quādo nimirum ille nondum susceptus est. Hinc qui ad martyriū rapitur, prius quā baptizari possit, dicitur baptizari in sanguine suo, & qui, cum non suppetat ei copia Baptismi, in extrema necessitate saltē conteritur, dicitur saluari in voto Baptismi, quia nimirum ea contritio, quæ dicitur Baptismus flaminis, continet votum Baptismi.

16 **Q** Vis est Baptismi minister.
Resp. Quilibet homo ratione præditus, vir, fœmina, fidelis, infidelis, adultus, puer, &c. potest validè Baptismū conferre, modò utatur debita forma, materia, & intentione. Ita clarissimè definitum est a Florent. in decreto de Armenis.

17 **Q** Vis habet ius Baptismum conferendi ex officio, seu tanquam ordinari⁹ eius minister.

Resp. Soli Episcopi, & Sacerdotes cō-

secrati: Illi quidem, quia ut principes sunt Ecclesię, ita aliquem in eandem admittere, ut eius privilegiis in posterum fruatur, pro suo iure possunt; hi verò, quia in ordinatione sua potestatem accipiunt administrandi ex officio Sacramenta Eucharistię, pœnitentię, extremę unctionis, & consequenter Baptismi: quod tamen, ut licitè fiat extra necessitatem, necesse est, ut iurisdicção ab Episcopis ad eos deriuetur, quod fit diuinis cura animarum committitur: alioqui peccant graviter Sacerdotes, qui cum pastores non sint, ad ministerium Sacramentorum citra necessitatem se se ingerunt, in eoquè ius alienum usurpāt. Quod a fortiori dicendum est de aliis Sacerdote inferioribus.

Competitne Diacono officium baptizandi. 18

Resp. Non est proprium Diaconi officium baptizare: pater ex Florent. loco citato, & docet apertè Gelasius Papa, qui, ut refertur. c. Diaconus 39. dist. de Diaconis, ait, *Absque Episcopo, vel Presbytero baptizare non audeant*; Ex quibus verbis colligere licet, posse hoc munus ex iusta causa committi Diacono: vnde etiam in ordinatione

Diaconi dicitur, *Diaconum enim oportet ministrare ad altare, baptizare, & predicare*: quibus ostenditur eum aliquo modo ordinari ad Baptismum ministrandum, scilicet ex commissione Episcopi, vel Presbyteri, qui ex iusta necessitate (non extrema tamen) possunt hanc ei prouinciam demandare, ut si sacerdos ob baptizandorum multitudinem, vel infirmitatem, aliaue graui de causa huic muneri facere satis non possit: aliis verò Diacono inferioribus extra necessitatem, ne quidem ex commissione Episcopi baptizare licet.

19 **C**Um quis est in necessitate baptizandus, quem ordinem astantes in ea re seruare debent.

Resp. Hoc officium digniori deferri debet; ita-ut non baptizatus cedat baptizato, mulier baptizata viro laico baptizato, Laicus Clerico, Clericus inferior superiori: Quare simplex Sacerdos grauiter peccaret, qui in extrema necessitate baptizaret, repugnante, vel inuito proprio Sacerdote, ob irreuerentiam grauem, tum erga ordinem sacerdotalem, tum erga ipsum Sacramentum: Secus, si hic cederet iuri suo: Idēque dicendum de laico, vel que-

De Baptismo.

19

cunque alio inferiori clerico, qui baptizaret præsente Sacerdote, non tamen fieret irregularis, nisi solemniter baptizaret: Idè quoque iudiciū faciendū volunt nōnulli, si Diaconus ab inferioribus prætermittatur: Inter homines autem inferiores, si superiores absint, esset tantū veniale hūc ordinem invertere, quia eiusmodi indecētia non est ita grauis; immò nullum esset, si vir esset valde idiota, mulier verò valde perita formæ Baptismi.

C Vinam licet ex officio baptizare cum 20
solemnitate.

Resp. Licet Sacerdoti ex officio baptizare cum solemnitate, cum eiusmodi actus non possit non esse a Potestate ordinis Sacerdotalis: Diacono verò licet ex delegatione iustam ob causam, quæ cum non sit grauis necessitas (in hac enim potest baptizare absque commissione) & sine graui necessitate non possit omitti solemnitas Baptismi, sequitur ei posse committi Baptismum solemnem.

Q Væ pœnæ statutz sunt in eos, qui 21
cum non possint baptizare, nihilominus baptizant.


E ñj

Resp. Qui extra necessitatem priuatim baptizat, cum non possit, nullius pœnæ, aut irregularitatis obligationem incurrit. Qui verò solemniter baptizat, si clericus sit inferior, irregularitatem incurrit, (nisi ignorantia excusetur) Neque eum vlla necessitas excusat; nulla enim vnquam est necessitas baptizandi cum solemnitate. Ita statuitur c. 1. *De Clerico non ordinato ministrante.* De Laico idem sentiendum.



SECTIO III.

DE NUMERO BAPTIZANTIIUM & baptizandorum.

22  Ossuntne plures vnum baptizare.

Resp. Variæ in hac quæstione inuoluuntur difficultates: vel enim ita à duobus conferretur Baptismus, vt vnus ablueret, alter verò formam proferret, & vterque haberet veram intentionem baptizandi: vel ita baptizarêt,

vt vno ablutente, & simul proferente hæc verba, *Ego te baptizo*, alter adderet, *In nomine Patris, &c.* Vel itaut vterque simul ablueret, & pronuntiaret totam formam Baptismi, essetque ita affectus, vt noller baptizare tanquam totalis minister, sed partialis dicendo *Nos te baptizamus, &c.* Vel contra, vt vterque abluendo, & formam pronuntiando, intenderet per se absolute, vt causa totalis integrè Sacramentum conferre dicendo. *Ego te baptizo, &c.* Atque hi sunt præcipui modi, quibus plures eundem possunt velle baptizare; cæteros breuitatis causa præmitto.

Resp. In 1. casu inualidè conferretur Baptismus; quia qui diceret *Ego te baptizo*, falsum diceret, cum ipse in hoc casu non baptizaret, sed alter. In 2. casu inualidus etiam futurus esset Baptismus; quia cum verba illa non pertinerent ad eandem propositionè, non determinarent, vt par est, actionè baptizandi, tâquã ab eo exercitã qui abluit: quare & si retineret materialè quãdam significationem Trinitatis, non tamen significarent Trinitatem, vt baptizantem authoritatiuè, quod fit, dum proferuntur ab eo, qui dicit, *Ego te baptizo, &c.* In 3. neque valeret Baptismus, quia ambo ha-


berent intentionem contrariam institutioni Christi, qui voluit vnā ablu­tionē, vnāque formā ab vno ministro pronuntiatā vnū efficere Sacramentum; quod colligitur ex vsu totius Ecclesiæ, quæ semper ita se gessit, & ex modo significandi formæ ipsius, quam qui profert, significat se applicare quicquid ad essentiam Sacramenti requiritur. In 4. valeret Baptismus, si simul ponerentur omnia essentialia Sacramento: quod facilius defenderetur ab iis, qui volunt Sacramenta non esse causas Physicas gratiæ, sed moraliter tantum ad eam concurrere. Pater autem responsio a simili, recens enim creati Sacerdotes simul concurrunt cum Episcopo ad consecrationem: Neque inde sequeretur eundē his baptizari sed baptizari duplici Baptismate, aut quod magis aridet alijs vnicuique, quod non est improbabile.

- 23 **P**ostne vnus plures simul baptizare.
Resp. Potest vnus plures validē baptizare, dicendo, *Ego vos baptizo, &c.* quod tamen non licet sine graui necessitate, vt cum pluribus imminet mortis periculum, citra quam necessitatem, esse peccatum mortale, cum fieret contra ritum

ab Ecclesia receptum.

SI vnus plures baptizaret, essentne plu-²⁴
ra Sacramenta, vel vnum.

Resp. Essent in eo casu tot Sacramē-
ta, quot essent baptizati: essent enim plu-
res ablutiones; forma verò licet vnica
esset, æquivaleret tamen his pluribus, *Ego*
te baptizo, & Ego te baptizo, &c.



SECTIO V.

DE PATRINIS, EO- rum numero, & obligatione.

Requiritur ne aliquis in Baptis-
mo qui Baptizatum de sacro
fonte leuet.

Resp. Requiritur, quia bap-²⁵
tizatus quasi paruulus modo genitus pæda-
gogo indiget, a quo in reb⁹ fidei instruatur:
hoc autem incumbit susceptori, qui pro-
inde vocatur à patribus fidei doctor, atque
etiam susceptor, qui eum in suam Fidem,
ac disciplinam instituendum suscipit. Ab
hoc onere excluduntur quedam personæ,

nimirum infideles & non baptizati (intelligi etiam hæreticos) Abbates, Monachi, vel moniales, parentes, qui si huic rei se immisceant, contrahunt impedimentum cognationis, modò necessitas eos ad hoc non compulerit. Susceptorum numerum præscripsit Trid. sess. 24. c. 2. de reformatione, nimirum, ut ad sumnum duo, scilicet vir, & fœmina adhiberentur, voluitque si plures adhiberentur, duos ex iis solum à paracho designari, inter quos, ac baptizatum ipsum, & illius patrem & matrem, nec non inter Baptizantem, & Baptizatum, baptizatique patrem, ac matrem tantum spiritualis cognatio contrahatur. Quod si parochi culpa plures adhibiti, aut designati fuerint, iubet Concilium cum ^{pu}niri arbitrio ordinarij.

26 **Q**uæ sunt Susceptoris munera.

Resp. Primum est, ut baptizatum suscipiat de manu baptizantis, quasi suæ curæ, & fidei commissum. Secundum ut eum instruat, vel instruendum curet de rebus ad fidem, & ad mores pertinentibus. Ab hac cura communiter excusantur susceptores, quando non desunt parentes, vel præceptores Catholici, a quibus probabiliter

creditur puer instruendus.



SECTIO VI.

DE NECESSITATE

*Baptismi ad salutem, & de tem-
pore illius suscipiendi.*



Varatione Baptismus est ne- 27
cessarius ad salutem.

Nota quæstionem hanc in-
telligendam esse extra casum
martyrij: si quis enim Martyri-
um subiret ante Baptismum re ipsa sus-
ceptum, illud suppleret Baptismum aquæ.
Nota 2. duo esse, de quibus præcipuè
digladiantur inter se autores. 1. an Bap-
tismus re ipsa susceptus ita sit infanti-
bus ad salutem necessarius, vt ad eam con-
sequendam nullum aliunde possit iis peti
subsidium. 2. an adultis ita Baptismus sit
necessarius, vt iis non satis sit Baptismi
votum, quod in actibus amoris, vel contri-
tionis continetur. His positis.

Resp. 1. Baptismus in re, vel voto sus-
ceptus est omnibus necessarius necessitate

medij ad salutem. Est de fide, Trid. sess. 7. can. 5. & probatur ex eo loco Ioa. 3. vbi Christus generatim dicit, *Nisi quis renatus fuerit ex aqua, & spiritu sancto non potest introire in regnum Dei.* ex quo loco desumitur hæc ratio, quæ rem concludit. Omnes nascuntur in peccato originali, & filij iræ, at nemo potest salutem consequi, nisi prius liberetur ab eo peccato, Nam nihil cœquinatum introibit in regnum cœlorum: Remedium autem a Christo in noua lege ad hoc institutū est Baptismus, Baptismus igitur alterutro ex illis modis est necessarius ad salutem.

Resp. 2. De lege Dei ordinaria infantibus ad salutem necessarius est Baptismus re ipsa susceptus. Sequitur ex dictis; Omnes enim omnino infantes nascuntur in peccato originali, cui tollendo remedium aliud non suppetit, quàm Baptismus.

Resp. 3. Adultis ad remissionem peccati originalis sufficit Baptismi votum suo tempore suscipiendi. Fide certum est, scriptura enim salutem, & gratiam promittit verè pœnitentibus, & diligentibus Deum. Ezech. 18. *Conuertimini ad me, & ego conuertar ad vos.* Ioa 14. *Qui diligit me, diligitur a patre, &*

ego diligam eum, & manifestabo ei me ipsum &c.
 Adde quod facienti quod est in se per gratiam actualem, Deus non denegat habitualem gratiam: Cui vero non suppetit copia Baptismi, si conferatur, si amet Deum &c. censetur facere quod in se est:

Resp. 4. Adulti omnes speciali præcepto tenentur suscipere Baptismum, obligatione, in qua, distincta ab ea, quæ sequitur necessitatem medij. Commune enim est axioma Theologorum, ea omnia esse in præcepto, quæ sunt necessaria necessitate medij ad salutem, in iis saltem rebus, quæ in actu aliquo nostro positæ sunt. Quod ad pueros attinet, cum præcepti capaces non sint, nisi per voluntatem parentum, tenentur eorum parentes ex vi eiusdem præcepti, Baptismum iis procurare, saltem in casu necessitatis: Immo cum consuetudo Ecclesiæ ubique approbata habeat, ut non expectetur eorum ætas adulta, incumbere videtur parentibus, ut quam primum commodè possunt, curent liberos suos baptizari, si non vi præcepti diuini, saltem vi Ecclesiastici.

SI cui desit facultas Baptismi suscipiendi
 Satisne erit ei salutis suæ consequendæ, 23

votum Baptismi implicitum.

Resp. Votum implicitum Baptismi, quod amoris, vel contritionis actibus continetur, sufficit ad gratiā, & remissionē peccatorū, nec non ad gloriam re ipsa consequendam. 1. pars probatur ex Trid sess. 6. c. 6. & 7. vbi docet contritionem esse sufficientem dispositionem ad gratiam: In contritione autem non continetur votum Baptismi, nisi implicitē, in quantum scilicet is, qui perfectē dolet de peccatis propter Deum, eumque perfectē diligit, ita dispositus est, vt si posset, & sciret se obligatum ad Baptismum suscipiendum, illum reuera susciperet. 2. probatur, ad gloriam enim consequendam sufficit, vt quis in gratia ad mortem vsque perseueret, at hoc fieri potest sine formali voto Baptismi. Dixi autē, votū implicitū Baptismi, quod amoris, vel contritionis actibus continetur, quia quodcunque aliud, siue implicitum, siue explicitum non sufficit ad salutem consequendam. Ratio est, quia vt votum Baptismi sufficiat ad salutem, requiritur vt hominem proximē disponat ad gratiam recipiendam, ac eundem proinde auertat a peccato, & ad Deum conuertat: hoc autem soli illi voto conuenit, quod coniun-

gitur cum actibus amoris, vel contritionis.

Quo tempore Baptismus cepit esse ad salutem necessarius. 28

Resp. Post sufficientem Euangelij promulgationem, quæ videtur facta in Pentecoste. Hoc videtur esse ad mentem Trid. sess. 6. c. 4.

Quo tempore Catechumeni adulti diuino, vel Ecclesiastico præcepto ad Baptismum teneantur. 29

Resp. Quiuis adultus iure diuino tenetur suscipere Baptismum quamprimum commodè fieri potest, vel saltem non multo tempore differre; vt enim quisque post fidem sibi sufficienter propositam tenetur ilico interiùs credere, Ita tenetur exteriùs vitam Christiano dignam profiteri. posset tamen ex causa legitima differri, secundum iudicium viri prudentis. Quod attinet ad ius Ecclesiasticum, nullam Ecclesia legem ferre potuit per se, ac directè obligantem adultos non baptizatos ad Baptismum certo aliquo tempore suscipiendum, vt enī perspicuè docet Trid. sess. 14. c. 2. Ecclesia in neminē iudicium exercet, qui non priùs

in ipsam per Baptismi ianuam fuerit ingressus.



SECTIO V II.

DE DISPOSITIONE

adultorum accedentium ad Baptismum.

31 **U**x dispositio requiritur in adulto suscipiente Baptismum.
Quod *Resp.* Hac de re dictum est, ubi de Sacramentis in genere,

32 **A**n peccatoribus Baptizandis imponenda sunt opera satisfactoria,

Resp. Non, quia per Baptismum, per quem assimilamur perfecte morti Christi, simul cum culpa remittitur omnis poena ei debita.

33 **P**eccatores ad Baptismum accedentes, tenentur ne sua peccata confiteri,

Resp.


Resp. Si loquamur de Confessione Sacramentali, ea ante Baptismum nec debet, nec potest esse, quia peccata ante illum non possunt esse subiecta clauibus Ecclesiæ; Si verò loquamur de confessione interiori, quæ sit recogitatio quædam peccatorum iu eum finem, vt quis conuenientem de iis dolorem in se excitet, talis confessio in Baptizando requiritur.

Requiriturne ex parte baptizati intentio suscipiendi Sacramentum Baptismi. 34

Resp. Ad validitatem Baptismi in adulto requiritur vera, & positiua intentio illum suscipiendi; quia nemo vtens libero arbitrio in Ecclesiæ cœtum admittitur, nisi voluntariè. Non est tamen necesse, vt intentio illa eo ipso tempore, quo Baptismus suscipitur, sit formalis, & explicita, sed sufficit virtualis, quæ censetur adesse, quando præcessit intentio formalis suscipiendi baptismum, nec ea per actum contrarium reuocata est, Sub intentione autem ea continetur, quam externa vis, aut metus extorserit, vt pote quæ sit absolutè voluntaria.

35 **R** Equiriturne fides ex parte baptizati.

Resp. Ad finctum, & effectum Sacramenti consequendum, necessaria est in baptizato recta in Deū fides; sine fide enim impossibile est placere Deo: ad Sacramenti tamen validitatem, eam non esse necessariam docet Ecclesia, quæ censet hæreticos validè baptizari, sèque ea de causa in eos ius acquisiuisse,



SECTIO VII

DE BAPTISMO PAR- vulorum, furiosorum, amen- tium &c.

Vnt ne pueri baptizandi.

36 **S** *Resp.* Pueri ante vsum rationis capaces sunt Baptismi. Ita Trid sess. 7. can. 13. & patet ex Circūssione, quæ cum esset figura præparatoria baptismi, pueris octavo a unitate

die dabatur. Adde pueros capaces esse, tum
 ut us peccatum originale remittatur, tum
 ut fiant membra Ecclesie; unde sequitur
 consultiſſimum esse eos baptizari, ant-
 quam ratione uti possint, laudabilemque
 esse consuetudinem Ecclesie, quæ perpe-
 tuo in ea viguit eos baptizandi.

VT puerorum Baptismus validus sit, re- 37
 quiriturne parentum consensus.

Resp. Non requiritur: Confirmatur au-
 thoritate August. epistola 23, ubi sic habet;
Nolo illud te fallat. ut existimes reatus vinculum ab
Adam tractum aliter non posse disrumpi, nisi par-
uuli ad recipiendam Christi gratiam a parentibus
offerantur. Illud quoque inde perspicuum
 redditur, quia adsunt omnia necessaria ad
 Baptismum, materia, forma, & intentio
 ministri.

Possuntne baptizari infantes infidelium 38
 inuitis parentibus.

Resp. Non licet infantes filios infideli-
 um non baptizatorum, inuitis parentibus
 baptizare. Si enim baptizarentur, deberent
 abstrahi ab educatione, & consortio pa-
 rentum, ne eos rursus ad infidelitatem per-

traherent cum Baptismi iniuria : at illud sine parentum iniuria fieri nequit qui iure naturæ habent ius educandi apud se suos liberos ; quare cum parentum iniuria baptizarentur. Si tamen alteruter consentiret, aut esset fidelis, aut filius esset ita extra omnem parentum potestatem, ut nunquam ad eos reditus crederetur, aut mancipij filius, aut esset in certo periculo mortis, & sine vi parentibus inferenda secretò ei prouideri posset, posset ei Baptismus adhiberi.

39 **S**untne pueri in maternis uteris positi baptizandi.

Resp. Pueri non possunt baptizari, quandiu maternis uteris continentur, quia regulariter loquendo non potest ad eos aqua peruenire: Si tamen arte aliqua possent aqua perfundi, id satis esset ad baptismum. Quare non est necesse, ut quidam falsò arbitrantur, ut priùs nascatur puer, quàm ut per baptismum renascatur; sufficit enim ea natiuitas, qua quis per unionem animæ cum corpore, ex non homine fit homo.

40 **L**icetne ma rem viuentem aperire? ut fœtus, qui creditur periclitari, erua-

tur, & baptizetur.

Resp. Matrem innocentem, etiam id ultro ferentem, non licet occidere, ut proles possit baptizari; quamvis certò constet utrumque ante partum moriturum: nunquam enim sunt facienda mala, ut eveniant bona. Posset tamè iam a Iudice condemnata aperiri, si timeretur ne illa ante partum ex aliquo morbo cum prole interiret.

SVnt ne furiosi, & amentes baptizandi. 41

Resp. Si nunquam ratione vti sunt, baptizandi sunt: Idem enim est de iis iudicium, ac de infantibus; Si verò aliquando iudicij vsum habuerunt, & tum voluerint baptizari, baptizandi sunt, nisi speretur futurum, ut ante obitum capaces sint iudicij; secus si nullam talis voluntatis speciè præ se tulerint: Nemo enim adultus censetur de statu salutis suæ disponere, nisi volens.

POtest ne baptizari, adultus, a natiuitate surdus, & mutus. 42


Resp. Talis nutibus, & signis de Deo, rebusque fidei, de Pœnitentia, & Baptismo

pro viribus instruendus est, & baptizandus
 Quod si insuper cæcus is sit, amētium loco
 habendus est, de quibus supra.



SECTIO IX.

DE BAPTISMI EF- fectibus, & ceremoniis.

43  Vi sunt Baptismi effectus.
 Resp. 1. Per illum remittun-
 tur omnia peccata, id est tam
 originale, quam actualia, modò
 sit legitima dispositio in suscipiente. Ita
 Concil. Floren. & Trid. & Ratio est, quia
 baptismus est perfectæ quædam regenera-
 tio, per quam regeneramur Christo, &
 commorimur peccato, quod perfectè non
 fieret, nisi omnia omnino peccata virtute
 illius nobis remitteretur. 2. remittitur quo-
 que omnis omnino pænæ reatus, quæ bap-
 tizato decreta est a Deo ob peccata ipsius,
 hoc enim privilegium decet primordium
 vitæ spiritualis. De pœna autem luenda

respectu Reipublicæ aliter sc̃tiendum. Ad Irregularitates Ecclesiasticas quod attinet, quædã tolluntur per baptismũ, vt sunt eæ, quæ contrahuntur propter delictum : aliæ non tolluntur ; vt quæ contrahuntur ob defectum significationis, vt ex bigamia, vel quodd aliquis natus sit ex illegitimis parentibus : Item non tolluntur pœnalitates, seu defectus, quos incurrimus ex originaria culpa ; cuiusmodi sunt fomes peccati, passibilitas corporis, morbi, dolores, mors &c. quæ nobis ad agonem, & luctam relicta sunt in hac vita, auferenda in futura.

3. Per baptismum infunduntur gratia, & virtutes, tam paruulis quã adultis ; nunquã enim fit iustificatio sine infusione gratiæ, & virtutum saltem theologicarum, scilicet fidei, spei, & charitatis ex Trid. sess. 6. c. 7. Conferit etiam Baptismus auxilia quædam actualia gratiæ, tum ad superandum fomittem, tum ad alia munera meliùs, ac faciliùs obeunda ; qualis sunt susceptio Sacramentorum, obseruatio mendatorum legis diuinæ, & Ecclesiasticæ.

4. in baptismo conferitur Character, ratione cuius est irreiterabilis

5. Baptismus aperit regnum cœlorum, quatenus remittendo totam pœnam simul cum culpa, remouet impedimentum in-

gressus illius, quod conuenit Baptismo, ut est instrumentum passionis Christi iam nobis exhibitæ.

44 **C**onsequiturne Baptismus suum effectum fictione recedente.

Vt hoc intelligatur. Nota duplicem esse fictionem, vnâ, quæ impedit validitatem baptismi, ut cum quis simulat se velle recipere baptismum, cum reuera nolit, sed intendat tantum iocari. Aliam, quæ licet non impediat baptismi validitatem, impedit tamen præcipuum eius effectum, qui est gratia, ut cum quis indispositus accedit ad Sacramentum; talis enim fictè dicitur ad illud accedere, quia nec verè legitimè dispositus ad illud accedit, nec eius effectum accipit, sed quodammodo fingit se vtrumque facere. Repetendum quoque ex alibi dictis, ad effectum gratiæ baptismalis obtinendum, requiri in adultis voluntatem suscipiendi baptismum; Item veram, ac supernaturalem fidem; Item in eo, qui cum peccato originali adiunctum habet peccatum aliquod actuale, necessariam esse saltem attritionem supernaturalem. Notandum denique omnem fictionem, seu indispositionem, quæ impedit validitatem bap-

rismi, impedire quoque omnem eius effectum; eam verò, quæ nō impedit eius validitatem, non posse impressionem characteris baptismalis impedire; omnis enim baptismus validus non potest eum non imprimere, etsi alijs effectibus carere possit. Quod igitur in præsentî quæstione controuertitur est, an quando baptismus validè susceptus est, sed sine fructu gratiæ, ac remissionis peccatorum ob indispositionem suscipientis, eos effectus recuperet, sublata ea indispositione per contrariam dispositionem.

Resp. Baptismus recedente fictione effectum suum consequitur. Desumitur hæc veritas ex August. in libris de baptismo, contra Donatistas; vbi vult baptismum, quatenus est opus, & semen Christi, in se immutatum vim regenerandi semper retinere, donec eam ablato obice aliquando exerceat.

AN si quis commisisset aliqua peccata post baptismum, ea tollerentur virtute baptismi. 45

Resp. Non tollerentur virtute baptismi, sed Contritionis, vel Attritionis cum

Sacramēto Confessionis: Baptismus enim ad ea solum peccata remittenda ordinatur, quæ realem eius susceptionem antecedunt,

46 **Q**uamvis dispositio requiritur ad tollendam fictionem, seu eam indispositionem, ob quam Baptismus gratiæ effectum non est consecutus.

• *Resp.* In eo, qui in ipsa susceptione Baptismi, aut post eam peccavit mortaliter, necessaria est Contritio, vel Attritio cum alio Sacramento. Ratio est, quia Sacramenta non sunt instituta ad remittenda peccata futura; sunt enim medicinæ curatiuæ respectu peccatorum præcedentiū, & præseruatiuæ respectu futurorum: suppono autem peccatum, quod in ipsa susceptione baptisimi committitur, naturā posterius esse ipso Baptismo. In eo autem, qui nec in ipsa susceptione Baptismi, nec postea mortaliter peccavit, fatis est Attritio, ut recuperet effectum Baptismi: Attritio enim sufficit ad tollendam fictionem, ergo & ad recuperandum effectum, qui per fictionem impediabatur.

Ad extremū omnia peccata, quæ quis committit eo tempore, quo baptizatur, si per-

petrentur ante illud ultimum instans, quo completur Baptismus, sunt materia propria Baptismi, ideoque per se loquendo, accedente postea sola attritione remittuntur; secus de iis, quæ eo instanti adhuc durant. Colligitur ex supradictis. Ex quibus omnibus sequitur, peccata commissa ante Baptismum non esse subiicienda clauibus Ecclesiæ; contra verò tam indignam Baptismi susceptionem, speciatim in confessione esse explicandam, quàm quoduis aliud peccatum, eodem quo perficitur Baptismus instanti commissum.

Q Væ sunt Baptismi Ceremoniæ.

47

Resp. 1. Est Catechesis adultorum, qua eorum animi ad Baptismum preparantur. 2. est Exorcismus, qui est abiuratio, per quam arcetur Demonis potestas, ne impediat baptizandum a susceptione Baptismi, propter quod fiunt exufflationes. 3. est immissio salis in os, quo infans significatur condiri gratiâ, cœlestique quadam prudentia, & sapientia 4. est apertio aurium cum salina, ad denotandum aures baptizati verbo Dei, sapientiæque esse deinceps aperiendas. 5. est pectoris, & scapularum unctio cum oleo benedicto, ut intelligat

Catechumenus sibi athletarum more pro Christo luctandum esse: succedit & vnctio verticis, quæ fit cum sacro chrismate, indicatque eundem factum esse membrum Christi, qui caput nostrum est. 6. est interrogatio, utrum Sathanæ abrenuntiet, ut fides, & consensus illius exploretur. 7. est nominis impositio, quod à sancto aliquo legis Evangelicæ mutuandum est. 8. datur baptizato osculum pacis in symbolum amicitiae; datur & cereus accensus, ut acceptum in baptismo fidei lumen luceat per bona eius opera coram hominibus: vestis candida denotat innocentiam, & puritatem per baptismum acceptam: Lac denique infantiam in Christo. Atque hæc quidem sunt præcipue baptismi ceremoniæ, quæ si omitantur ab hæretico, vel infideli; suppleri non solent; ne putetur Ecclesia sentire baptismum ab hæreticis collatum non valere: si verò a Catholicis contingat ob necessitatem prætermitti, postea cum opportunum fuerit suppleantur in infantibus, saltem principales.

48 **Q**uomodo Exorcismi impediunt Dæmonis potestatem.

Resp. Impediunt, quatenus in iis fre-

quense est vsus signi crucis, innocatur nomen Iesu, comminationes fiunt diuinæ vindictæ; aliaque huiusmodi, quæ dæmō tanquam sibi inimica auersatur: Item ratione precum Ecclesiæ, quarum intuitu Deus Dæmonem è corporibus baptizatorum propulsat. Tertiò Dæmon per modū imperij fugatur exorcismis; sic enim eum alloquitur minister imperatiuè, *Exi ab eo maledicte, &c.* quam potestatem non tam ministro conuenire ratione sanctitatis, quàm ratione ordinis, & potestatis Ecclesiæ, vel ex eo liquet, quòd plerique alioquin non ita sancti, vim Dæmonis suis Exorcismis compescant.





CAPVT III.

DE CONFIRMATIONE.

SECTIO I.

DE NOMINIBVS, NA-
tura, autore, institutione
Confirmationis.

I.



VÆ sunt huius Sacramē-
ti appellationes.

Resp. Varia sunt eius
nomina, quæ tum ex ma-
teria, tum ex ritu in co-
obsequari solito desumun-
tur: hinc a patribus, *Inunctio*, & *sacrum*
unguentum, *Oleum sanctificatum*, *Sacramentum*
Chriftatis, *Sacramentum consignationis*, *Signa-*
culum dominicum, *impositio manuum nuncupa-*
tor. Ab effectu quoque, quem sortitur,

profectum est nomen ipsum Confirmationis: Est enim *Sacramentum*, in quo baptizatus in fronte ab Episcopo inungitur, sub præscripta Verborum forma, ad robur, & augmentum gratiæ.

Confirmatio est-ne Sacramentum.

2.

Resp. Confirmatio est proprium nouæ legis Sacramentū, si quis dixerit (inquit Trid. sess. 7. can. 1. de Cōfirmatione) Confirmationem baptizatorum etiosam ceremoniā esse, & non potius Verum, & proprium Sacramentum, anathema sit. Adstipulatur Tridentino ratio ipsa; Tria enim tantū requiruntur ad rationem Sacramenti. Primum. promissio gratiæ. 2. ceremonia externa, qua ea gratia applicetur. 3. mādatum diuinum de eius usu; At 1. constat ex c. 16. Ioa. Si ego non abiero, paracletus non veniet ad vos, si autem abiero, mittam eum ad vos, & Lucæ 24. Ego mittam promissum patris mei in vos. 2. habetur actorū 8. vbi dicitur, tunc imponebant, nempe Apostoli, manus super eos, & accipiebant spiritum sanctum, & c. 19. Cum inposuisset illi manus Paulus, venit spiritus sanctus super eos. 3. ex eo colligitur, quod Apost. ea ceremonia nunquā vti fuisset, nisi eius rei præceptū aliquod a Deo ac-

cepisset.


- 3 **Q** Vis est Confirmationis author, & institutor.

Resp. Hoc Sacramentum fuit immediate a Christo institutum. Trid. sess. 7. can. 1. de Sacramentis in genere, & iam dictum est supra.

- 4 **Q** Vo tempore fuit hoc Sacramentum à Christo institutum.

Resp. Verisimilius est fuisse institutum à Christo in nocte cœnæ, saltem quo ad assignationē materiæ, & formæ ipsius. Docet enim Fabianus Papa Epistola 2. ad orientales c. 1. Christum in nocte cœnæ docuisse Apostolos conficere crisma; quanquam fortè tunc facta non fuit potestas Apostolis hoc Sacramentum administrandi, sed tantum Ioa. 20. cum completè creati sunt Sacerdotes, & Episcopi.





SECTIO II.

DE NECESSITATE

*Confirmationis, eiusdemque
materia, & forma.*

Sine Confirmatio Sacramen-
E tum necessarium necessitate
medij ad salutem.

Resp. Non, quia ex vi suæ
institutionis supponit gratiam baptisma-
lem: quare non est institutum ad primam
gratiam conferendam, sed ad eam iam col-
latam augendam; at ea tantum Sacramen-
ta necessaria sunt necessitate medij, quæ
conferunt primam gratiam, cuiusmodi
sunt Baptismus, & Pœnitentia, ergo &c.

Quæ est materia Sacramenti Confirma-
tionis. 6

Resp. Materia remota Confirmationis
est Chrisma ex oleo oliuarum, & balsamo

compositum, & ab Episcopo benedictum. Ita Florent. in decreto de Armenis : & suaderetur hac ratione. Illud pertinet ad materiam huius Sacramenti quod significatur, & determinatur a forma ipsius, Chrisma est huiusmodi, vt patet ex forma hac, *signo te signo crucis, & confirmo te Chrismate salutis*. Vbi nomine Chrsimatis, ex cōmuni vsu Ecclesiæ intelligitur vnguentum compositum ex oleo & balsamo ; tale igitur Chrisma pertinet ad materiam Confirmationis. Materia verò proxima huius Sacramenti est ipsa inūctio Chrsimatis, in fronte facta, & expressa signo crucis. 1. pars probatur ex cōmuni axiomate, quod est materiā proximā eorū Sacramentorū, quæ in vsu consistunt, positam esse in vsu, & applicatione remotæ, vt videre est in baptismo, extrema vnctione &c. 2. pars nempe quod hæc inunctio in fronte fiat, docetur ex perpetuo vsu Ecclesiæ, & communi patrum, & canonum sententia. 3. ex eo elucescit, quod alioqui forma falsa esset, qua inter vngendum Episcopus vtitur dicendo, *signo te signo crucis &c.*

7 **E**stne necesse, vt Chrisma sit ab Episcopo benedictum.

Resp. Essentiale est huic Sacramento, vt
Chrisma sit ab Episcopo benedictū: Nam
Florentinum decernens Chrisma debere
esse benedictum, hoc contraxit ad benedi-
ctionem factam ab Episcopo.

Estne necesse Confirmationem dari
Chrismate nouo. 8

Resp. Id quidem necessarium est neces-
sitate præcepti, non tamen Sacramenti;
modo vetus Chrisma sit adhuc incorruptū:
ex epistola Fabiani 2, ad Episcopos orienta-
les.

Potestne simplex Sacerdos ex delegati-
one summi pōtificis Chrisma cōficere. 9

Resp. Probabilibus est non posse; quia
cum patres, & concilia dicant de diuina
institutione esse, vt Chrisma sit benedictū
ab Episcopo, facile admittendum non est
hoc munus posse alteri demandari, vsque
dum aliud constet ex praxi contraria, id
enim Episcoporum est ratione ordinis.

Præter inunctionem illam, quæ fit ma-
nu Episcopi, requiritur ne alia manuū
impositio, 10

Resp. Non requiritur, Ecclesia enim, quæ verum vsum huius Sacramenti retinet, nulla alia nunc vtitur.

II

Q Vænam est forma huius Sacramenti.
Resp. Forma huius Sacramenti hæc est, *Consigno te signo crucis, & confirmo te Chrismate salutis, in nomine Patris, & Filij, & Spiritus sancti.* Ita Florent. cui conformis est praxis Ecclesiæ, in qua est legitimus vsus Sacramentorum. Non est tamen necesse illa ipsa verba retineri, quibus forma consueta constat; nam modò sensus formæ seruetur, nihil interest vti æqualentibus; est enim sensus veluti anima verborum,

12

Possuntne hæc verba, *Chrismate salutis*, omitti, stante tota essentia formæ.

Resp. Probabilius est non posse; vñ nec alia hæc, *signo crucis.* est enim expressa crucis & Chrismatis mentio valde consentanea institutioni huius Sacramenti.


13

Vtebantur ne Apostoli Chrismate, offerendo Confirmationem.

Resp. Vtebantur, nec per simplicem


De Confirmatione. 91


manuū impositionem effectum huius Sacramēti conferebant. Neque vrget, quod Actorum 8. & 19. dicantur Apostoli contulisse Spiritū Sanctū per manuū, impositionem: quia per manuū impositionem non intelligitur alia ceremonia, quā inunctio illa in fronte, quæ quia manu fit, habet rationem cuiusdem impositionis manuum, ex communi modo loquendi patrum.



SECTIO III.

DE DVPLICI CON-
firmationis effectu, Caractere
scilicet, & gratia.

 Sacramentum Confirmationis 14
imprimitne Characterem.

 Resp. Imprimit, vt doctū,
vbi de Sacramentis in genere,
& colligitur perspicuè ex eo hæbr. 6. Non
rursus iacentes fundamentum pœnitentiæ ab operi-
bus mortuis, & fidei ad Deum, baptismatum do-
ctrine, impositionis quoque manuum; vbi per

impositionem manuum intelligit Apostolus Confirmationem, quæ post Baptismum conferebatur, docetque ei, qui semel baptizatus, ac confirmatus est, non licere amplius baptizari, aut confirmari; quia hæc sunt fundamenta fidei, quæ semel tantum iaciuntur.

- 15 **I**ncurruntne irregularitatem, qui bis confirmant, aut bis confirmantur.

Resp. Non incurrunt, quia nullo iure id est expressum: Irregularitas autem nunquam incurritur, nisi in casibus iure expressis: Neque ex eo, quod quis irregularis fiat rebaptizando, benè infertur idem dicendum de eo, qui reiterat Confirmationem, quia in præmis iure positivo statutis non valet argumentum a paritate rationis.

- 16 **C**aracter Confirmationis supponitne Characterem Baptismi.

Resp. Eum supponit: Est enim commune axioma Theologorum, quòd Baptismus sit ianua, & aditus ad omnia Sacramenta, itaut eius Character sit veluti potentia passiva ad ea recipienda; quò sit vt non baptizatus inualidè Confirmationem suscipe-

ret, multò minùs eius Characterem.


Confertur ne per Sacramentum Con-17
firmationis gratia gratum faciens.

Resp. Suscipienti hoc Sacramentum
confertur gratia habitualis, per quam au-
getur gratia iam ante per Baptismum ac-
cepta. Est enim institutum hoc Sacramen-
tum in complementum, & perfectionem
Baptismi, ad tribuendum robur, & augmē-
tum Spiritus Sancti.

Gratia quam confert hoc Sacramen- 18
tum, est ne maior gratia Baptismali.

Resp. Est maior & intensior : scriptura
enim, & patres per antonomasiam dicunt,
per hoc Sacramentum conferri Spiritum
Sanctum; Item dari plenitudinem Spiritus
Sancti, siue gratiæ: quibus loquendi mo-
dis significant cumulatiorem per ipsum da-
ri gratiam, quàm per Baptismum.






SECTIO IV.

DE DISPOSITIONE

*suscipientium Confirmationem, de
suscipientibus ipsis, eorumque ad
eam suscipiendam obligatione.*

19



Ut dispositio requiritur in sus-
cipiente hoc Sacramentum,
vt eius fructum, nimirum gra-
tiam, recipiat.

Resp. Ut quis gratiam ha-
bitualem in hoc Sacramento recipiat, non
requiritur per se vlla dispositio actualis,
sed sufficit habitualis: si enim accedens ad
hoc Sacramentum adhuc in gratia habi-
tuali pe. seueret, recipiet ab eo augmentum
talis gratiæ; Sacramenta enim non ponen-
tibus obicem conferunt gratiam; at in eo
casu non ponitur obex: per accidens ta-
men, vt si homo esset in peccato mortali,
prærequireretur cōtritio, vel certe attritio

cum Sacramento pœnitentiæ : est enim hoc Sacramentum institutum ad augmentum gratiæ conferendum; quapropter iam supponit infusionem primæ gratiæ.

Quid fiet, si quis accedat tantum attritus, existimans tamen se contritum. 20

Resp. Si illa ignorantia inculpabilis sit, recipiet gratiam ab hoc Sacramento, quia attritio sufficiēter disponit hominem ad remissionem peccatorum in Sacramento; aliunde verò ratione bonæ fidei, tollitur in eo omnis obex peccati actualis, quare nihil erit causæ, cur gratiam non recipiat.

Quando hoc Sacramentum cum fictione recipitur, atque adeo sine effectu gratiæ, restituitur-ne postea hic effectus recedente fictione. 21

Resp. Restituitur: ratio eadem est, quæ de Baptismo.

Quam sunt capaces Sacramenti Confirmationis. 22

Resp. Soli, & omnes baptizati sunt ca-

capaces sunt Confirmationis. Quòd soli baptizati sint eius capaces, constat ex antedictis : Quòd vero omnes sint tales, docet Urbanus Papa c. i. de consecr. dist. 5. ubi ait, *Omnes fideles per manus impositionem Episcoporum, Spiritum Sanctum post Baptismum accipere debent, ut plene Christiani inueniantur.*

23 **D**ebetne Confirmatio conferri etiam infantibus, perpetuò amentibus, & moribundis.

Resp. Iam esse consuetudinis in Ecclesia, ut pueri non confirmentur ante usum rationis: sufficit tamen ætas septem annorum; tunc enim cēsentur pueri sufficienter uti ratione; nec expedit hoc Sacramentum ulterius differri, ut eius ope iuventur ad euitanda grauiora peccata. Quæ quanquā ita sint, posset tamen occurrere causa legitima, ob quam expediret cōfirmari infantem ante usum rationis, ut si adesset Episcopus, & crederetur postea multo tempore abfuturus &c. Perpetuus amens reputatur ut infans, ideoque ut baptizari, sic confirmari potest; & quamuis nunquam militaturus sit spiritualiter fidem profitando, ac tuendo; tamen id est per accidens, & aliunde est capax præcipui effectus hu-

ius Sacramēti, qui est augere gratiam baptismalem, faciendo hominem perfectum Christianum. Quod si dilucida haberet interualla, expectandus esset eius consensus. Moribundis etiam potest hoc Sacramentū licitē conferri: etsi enim minū sit iis necessarium, quam victuris; indigent tamen illo ut crescāt, & perficiantur in gratia, quō beatiores reddantur in altera vita.

Quanta est obligatio suscipiendi hoc Sacramentum. 24

Resp. Sacramētum Confirmationis non esse necessarium necessitate medij ad salutem, iam supra constitutum est: Nunc igitur quæstio tantū est, teneamur ne illud suscipere vi præcepti alicuius: cui ut satisfiat.

Resp. Nullum extat præceptum diuinū, vel Ecclesiasticum Confirmationis suscipiendæ; nullum enim tale ostendi potest: unde per se loquendo, nec mortale, nec veniale peccatum est, non recipere hoc Sacramentum: per accidens verō potest esse etiam mortale; puta si quis omittat illud suscipere ex graui contemptu, aut contra propriam conscientiam dictantē eius sus-

cipiendi subesse obligationem.

25 **Q**uandonam censetur hæc omisso esse ex contemptu.

Resp. Non satis est ad contemptum, ut quis omittat confirmari, cum facile confirmari possit; sed requiritur, ut parui faciat Confirmationem, existimando rem esse puerilem, non magni momenti, ac proinde indignam, cui se se subiiciat.



SECTIO V.

DE MINISTRO CONFIRMATIONIS.

26 **S**olusne Episcopus potest conferre Sacramentum Confirmationis.

Resp. Solus Episcopus ita est minister ordinarius huius Sacramenti, ut si simplex Sacerdos propria autoritate tentaret illud administrare, Sacramentum nullum esset; Sequitur ex Trid. sess. 7. cā. 3.

de Confirmatione, vbi ait, *Si quis dixerit Sanctæ Confirmationis ordinarium ministrum non esse solum Episcopum, sed quemvis simplicem Sacerdotem, anathema sit*; & sess. 23. cā. 7. vbi dicit anathema ei, qui dixerit potestatem confirmandi esse Sacerdotibus cum Episcopis communem; quod perperam definiret, si Sacerdotes ex vi sui ordinis confirmare possent.

Potest-ne Sacerdos saltem ex cōmissione-27
ne summi Pontificis Confirmationem administrare.

Resp. Potest; id enim aliquando factū docet Floren. & indicat Trid. supra sess. 7. cā. 3. negans enim simplicem Sacerdotē esse ordinarium ministrum, satis insinuat extraordinarium esse posse. Ex quibus patet Cōfirmationem esse actum ordinis, aut Episcopalis, si auctoritate ordinaria fiat, aut Sacerdotalis, si dispensatio summi Pōficis ad eam accedat, quamvis ipsa dispensatio sit actus iurisdictionis.

Potest-ne ab alio, quàm à Summo Pon-28
tifice fieri facultas simplici Sacerdoti hoc Sacramentum ministrandi.

Resp. Non potest: colligitur ex modo loquendi Concil. Floren. *Legitur* (inquit) *aliquando per sedis Apostolica dispensationem, ex rationabili, & urgente admodum causa, simplicē Sacerdotem, chrismate per Episcopū consecrato, hoc administrasse Confirmationis Sacramentum; quin etiam constat ex praxi ipsa, nullus enim hactenus in eo dispensauit, præter summū Pontificem.*

29 **P**otest-ne ea facultas alteri, quàm Sacerdoti conferri, v. c. Diacono, aut Subdiacono.

Resp. Non potest, quia Pontifex in iis, quæ sunt iuris diuini pro arbitrio dispensare non potest; quare quamuis voluerit vt ex ipsa praxi colligitur, Episcopum esse ministrum ordinarium huius Sacramenti, Sacerdotem verò extraordinarium, ex nullo tamen capite colligi potest, voluisse ipsum alteri hoc munus demandari; Non potest itaque Pontifex hoc sibi arrogare, vt alium huic muneri præficiat.

30 **P**otest-ne Episcopus ex communicatus, degradatus, hæreticus, Confirmationē

validè conferre.

Resp. Potest, quia quòd possit Episcopus validè confirmare, id oritur ex potestate Ordinis, quæ in eo indelebilis est, nec ea ab Ecclesia priuari potest: si itaque libeat ei vti hac sua potestate, valida erit Confirmatio; etsi, si Ecclesiæ prohibitionem violet, grauiter peccaturus sit.



SECTIO VI.

DE OBLIGATIONE

*ministrandi Confirmationem,
eiusdemque ritibus.*



Vænam est obligatio Ministri huius Sacramenti.

31.

Resp. Episcopus tenetur aliquoties administrare hoc Sacramentum tempore, & loco conuenienti, non extra suum Episcopatum, licet eos possit confirmare, qui ex alieno Episcopatu ad suum confluunt: Adhuc non de-

bet vti veteri chrisinate, sed nouo. Rursus Confirmatio, sicut & Baptismus omni tēpore dari potest, etiam interdicti, nec tantum in Ecclesia, sed etiā extra ipsam, puta in palatio Episcopi. Chrisma verò intra Ecclesiam semper consecrari debet, idque solemni ritu, in die cœnæ Domini. Ad extremum non est necesse, vt conferens hoc Sacramentum sit ieiunus, cū iam consuetudo obtinuerit, vt conferatur post prandium.

32 **Q** Vinam sunt ritus huius Sacramenti.
Resp. Omissis iis, quæ ipsum prædunt, 1. non debet conferri ab Episcopo, nisi indutus sit vestibus sacris, hoc enim spectat ad ornatum, & reuerentiam Sacramenti. 2. adesse debet susceptor, qui cōfirmandū teneat, & offerat Episcopo. 3. frōs Confirmati linea vitta cingi, ac ligari debet, ne statim effluat, aut deteratur, sed exsiccetur, & vt significetur gratiam Confirmationis esse conseruandam; quia verò vix siccatur ante triduum, eousque gestari debet, nisi loci cōsuetudo aliter habeat, 4. Confirmato leuiter infligitur alapa, tum vt meminerit se esse confirmatum, tum vt intelligat sibi in posterum fortiter ferendas esse iniurias pro Christo illatas.

Caput



CAPVT IV.

DE EVCHARISTIA.

SECTIO I.

DE NOMINIBVS, ET essentia Sacramenti Eucharistia.



V Æ sunt huius Sacramē-
ti nomina, & appellatio-
nes.

Resp. Dicitur *Sacrifici-
um, Synaxis, Viaticum, Cæna,
Hostia, Communio, Sacramen-
tum altaris*, Denique vulgò *Eucharistia*
nuncupatur; quæ vox bonam gratiam si-
gnificat, quia Eucharistia præ cæteris Sa-
cramentis vberrimè confert gratiam super-
naturalem; quippe quæ Christum ipsum
totius gratiæ fontem, & originem conti-

net & vitam æternam repræſentat, quæ dicitur, gratia Dei: ſignificat & gratiarum actionem, quia ſcilicet per Euchariftiam Deo gratias agimus, pro immenſis eius in nos beneficiis; vnde frequentiffimè ab Eccleſia uſurpatur ad ſignificandum Sacramentum illud quod tertio loco inter Sacramenta numeratur, quod eſt, *ſignum ſacrum corporis, & ſanguinis Chriſti, in ſpecie panis, ac vini a Chriſto inſtitutum, ad ſpiritualem animarum reſectionem.*

- 2 **E**ſtne Euchariftia Sacramentum.
- Reſp.** Euchariftia eſt verum, & proprium Sacramentum, a reliquis ſpecie diſtinctum, & a Chriſto Domino in noua lege inſtitutum. 1. pars patet ex Florent. in literis vnionis, & Trid. paſſim ſeſſ. 7. & 13. & ratio eſt; quia cùm ad rationem Sacramenti nihil aliud requiratur, quàm vt ſit ceremonia ſacra quæ habeat mādātū Dei, & promiſſionē gratiæ, & hæc omnia pulchrè quadrent in Euchariftiam, vt clarū eſt ex Ioa. 6. c. & Math. 26. negari non poteſt eam eſſe Sacramentum. 2. pars ex eo probatur, quod hoc Sacramentum materia, & forma, ſine quoque, & vi agendi a cæteris differat. 3. denique tum ex ſcriptura. Marci 4. Lucæ 22. Math. 26. & 1. ad Cor.

ij. tum ex ratione constat : nemini enim cōueniebat hæc potestas in corpus Christi, vt per certa quædam verba poneret illud sub panis & vini speciebus, nisi Christo.

IN quibus consistit essentia Sacramenti Eucharistiæ. 3

Resp. Ratio Sacramenti Eucharistiæ posita est in speciebus panis, & vini, ac præterea in corpore, & sanguine Christi. probatur ex cap. Hoc est, de consecr. dist. 2. vbi dicitur, Eucharistiæ Sacramentum duobus constare, visibili elementorum specie, & inuisibili Domini nostri Iesu carne: Item ex modo loquendi D. Pauli i. ad Cor. ij qui Eucharistiā modò panē, modò corp^o Christi appellat; *probet autem se ipsū homo, & sic de pane illo edat, & de calice bibat; qui enim manducat indignè iudicium sibi manducat, & bibit, non diiudicans corpus Domini: quæ rectè nequeunt intelligi, nisi dicatur vtrumque, scilicet species, & corpus Christi pertinere ad rationem Eucharistiæ: Quod tamen fit cum hoc discrimine; quòd in speciebus, cum sint per se sensiles, insit præcipua vis significandi, & per consequens habeant præcipuè rationem Sacramenti; Corpus autem Christi, cum sit id, quod est verè*

cibus animarum, habeat præcipuè vim agendi.


4 **Q**uomodo se habent panis vinum, & forma consecrationis ad hoc Sacramentum.

Resp. Eucharistia non componitur intrinsecè ex illis, etsi dicat essentialiter ordinem ad illa tria, tanquam ad suas causas; neque enim species cōsecratæ magis significarent Christum ibi esse præsentem, quàm non consecratæ, nisi ad hoc determinarentur per formam consecrationis, & habitudinem ad illam iam pronuntiatam: nec possent significare Christum ibi esse per modū cibi, siue refectiois spiritualis, nisi essent species panis & vini, quibus in refectioe communiter vtimur. Panis igitur, & vinum censentur pertinere ad hoc Sacramentum, quia ex illis, tanquam ex materia conficitur; forma verò consecrationis, quia per illam materia consecranda conuertitur in corpus & sanguinem Christi.

5 **E**st ne in hoc Sacramento aliquid, quod habeat rationem Sacramenti tantum,

aliquid, quod rei tantum, ac denique aliquid, quod Sacramenti, & rei simul.

Resp. Est, solæ enim species cum forma consecrationis sunt Sacramentum tantum: gratia, & charitas res Sacramenti tantum: Corpus Christi Sacramentum, & res Sacramenti simul.



SECTION II.

DE VNITATE SACRAMENTI Eucharistiæ, eiusdemque necessitate ad salutem.



St ne Sacramentum Eucharistiæ vnum, vel plura. 6

Resp. Licet materialiter dici possit multiplex, quatenus minirum species panis, & vini prout sub singulis continetur Christus, sunt aliquomodo diuersa signa practica gratiæ (quo pacto a patribus interdum Eucharistia dicitur in plurali *sacramenta altaris*, & *Domi-*

vna Sacramenta, & ab ipsa Ecclesia in Missa, *Sacramenta quæ sumptimus*) formaliter tamen vnum est Sacramentum vnitare speciei infinitæ; quia species panis, & vini habent tantum vnam significationem Sacramentalem perfectam, & completam, ambæ enim species simul sumptæ significant refectionem spiritualem, per modum vnius conuiuij spiritualis, quod cibo, & potu constat.

7 **Q** Vi sub vna duntaxat specie communicat, suscipitne totum Sacramentum.

Resp. Etsi non recipiat totum Sacramentum quo ad integram suam repræsentationem, quia illud non recipit sub vtraque specie, ac proinde recipit illud tantum per modum alimonie factæ per cibum, & non per potum: tamē quod ad rem attinet, illa vna species tam continet integrum conuiuium, quàm ambæ simul sumptæ, cum corpus & sanguinē Christi, & consequenter spiritualem animæ cibum, & potum contineat; ad eum modum, quo licet in Baptismo trina mersio in aqua expressius significet triduū mortis Christi, vnica tamen tantum valet, quantum tres simul.

E Sto sit Eucharistia, vnum specie infima Sacramentum, sunt ne plures hostiæ consecratæ plura numero Sacramenta. 8

Resp. Plura sunt, si communē loquendi modū spectemus: Si verò rem ipsam, dicendum videtur esse tantum vnū numero Sacramentum, quia vnus in illis numero Christus continetur, qui est præcipua pars Sacramenti,

E Stne Eucharistia in re, vel voto suscepta, necessaria necessitate mediæ ad salutem. 9

Resp. Non est, quia illud solum Sacramentum dicitur eo modo necessarium, quod institutum est adtribuendum aliquē effectum gratiæ ad salutem per se necessarium, & qui sine tali Sacramento obtineri non potest: cuiusmodi est prima gratia, per quam remittitur peccatum originale, vel actuale mortale, & perseuerantia, per quam in ea gratia obtenta perseueramus vsque ad finem vitæ: At Eucharistia non est instituta ad hos effectus, non ad primū quidem, quia eius sumptio vt licite fiat, supponit remissionem peccati mortalis iam ante factam; & sic non ordinatur ad conferendam primam gratiam, sed ad eam


augendam: Quod argumentum probat quoque Eucharistiam ne quidem in voto esse necessariam necessitate medij ad primam gratiam recipiendam, quia votum Sacramenti nunquam tali modo est necessarium medium ad iustificationem, nisi eiusdem realis susceptio sit medium institutum ad iustificationem acquirendam. Non ad secundum etiam, ut patet in pueris, quibus, si decedant ante annos discretionis, nulla sumptio Eucharistiæ necessaria est, ex Trid: sess. 21. can. 4. Itē in adultis, quibus si Eucharistia donum perseverantiæ conferret, certi forent de sua salute. quod erroneum est: Quare illa in re, vel voto suscepta non est necessaria necessitate medij ad salutem. Non negaverim tamē Eucharistiam ad perseverandum in gratia esse maximè utilem, ac fere moraliter necessariam; est enim cibus, quo spiritualiter sustentamur, & præservamur a morte animorum.






SECTIO III.

DE MATERIA SA- cramenti Eucharistiae.

 Vænam est materia huius Sa- IO
cramenti.

 *Resp.* Materia huius Sacra-
menti est panis & vinum. Est
de fide ex Florent. in decreto vnionis: &
probat ex facto Christi ipsius, qui Math.
26. Marci 14. Lucæ 22. 1. ad Cor. ij. narra-
tur accepisse panem, & calicē, & in vtro-
que Sacramentum hoc instituisse; quod
enim per calicem vinum calice contētum
intellexerit, ex eo perspicuum est, quodd
peracta consecratione ilico subiunxerit,
*Non bibam amodò de hoc genimine vitis, siue,
de hoc vino.*

F Vit-ne Eucharistiae Sacramentum con- 11
uenienter in pane, & vino a Christo in-
stitutum.

Resp. Conuenientissimè, siue vsum hu-

ius Sacramenti, siue eius significationem spectes. 1. enim ita fit vt & hæc materia mundissimè in Sacrificio incruento offerri, & ipsum Sacramentum cum reuerentia tractari, & asseruari cum decentia possit. 2. quia panis & vini vsus vt est sine fastidio, ita sine illis cætera ciborum genera insipida existimantur; proindeque pulchrè significant spiritualem illam refectionem, quam nobis in hoc Sacramento Christus exhibet. 3. quia disertè significat hæc materia vnitatem corporis Ecclesiæ; vt enim Ecclesia ex multis fidelibus coalescit, sic panis ex multis granis tritici, & vinum ex multis vuis. 4. significat unitatem veri corporis Christi, quia panis significat corpus illius, vinum animam. 5. demum rectè representat mortem eiusdem Christi; vinum enim separatim & seorsim sumptum a pane significat sanguinem Christi separatim effusum a corpore, quod in passione accidit.

12

VTtraque materia est-ne de essetia huius Sacramenti.

Resp. Sub singulis speciebus perfectum est, & integrum Sacramentum, quoad rem contentam, eiusque significationem essen-

rialem; in modo tamen perfectè repræsen-
tandi integrum conuiuium non est ita per-
fectum sub vna specie; ideoque ad hoc es-
sentialiter requirit vtramque materiam.

Panis, & vinum sunt-ne ita de necessi-
tate huius Sacramenti, vt vnum sine al-
tero consecrari non possit. 13

Resp. Non; vt enim significatio verbo-
rum, quibus consecratur panis, non pen-
det à significatione eorum, quibus vinum
consecratur, ita neque eorum virtus, &
efficacia; quare si quis super panem pro-
nuntiet hæc verba *Hoc est corpus meū*, con-
stituetur ibi corpus Christi, siue nolit vi-
num consecrare ex malitiâ, siue id obliui-
one omittat.

Est ne in præcepto, vt in consecratione 14
Eucharistiæ panis non cōsecratur sine
vino, nec vinum sine pane.

Resp. Præcepti est non tantum Eccle-
siastici, sed etiam diuini, vt vnum sine alio
non consecratur. Quod sit præcepti Eccle-
siastici, liquet ex Pontificum cōstitutioni-
bus, quibus arctissimè præcipitur, vt in om-
ni euentu consecratio integra fiat; etiam-

si sacrificium ab uno inchoatum debeat ab alio perfici. De diuino autem probatur ex Trid. sess. 22. c. 1. ubi ait Christum in nocte cœnæ sub panis, & vini speciebus, corpus, & sanguinem suum patri suo obrulisse, & Apostolis, ac eorum in Sacerdotio successoribus, ut illud in posterum ita offerrent præcepisse. Ex quo sequitur ne quidē Pontificem in ea re dispensare posse, aut ius diuinum in oppositum interpretari, cum non possit interpretari hoc Sacramentum alio modo confici posse, quàm ritu à Christo instituto, ac præcepto, nisi dicamus hoc Sacramentum eadem ratione confici posse in alio genere potus, quàm vini deficiente vino, quod absurdum est.

15

Materia consecranda debet-ne esse præsens ministro.

Resp. Debere præsentē esse docet tum factum Christi formæ, tum significatio, in qua pronomen. *Hoc*, designat rem presentem. Ut autem materia censeatur esset præsens, quantum satis est, ad cōsecrationem, non est necesse, ut actu percipiatur sensu aliquo. sed requiritur, ut ita sit coram Sacerdote secundum omnes suas partes, ut ex communi more, & usu hominum cense-

ri possit illi adesse, & demonstrari pronomine *Hoc*, ita-ut forma ex vi suæ significationis intelligatur eam determinare; hinc dendum est ex usu Ecclesiæ posse consecrari virum calice contentum, & cooperum; posse item consecrari eas hostias, quæ sub aliis latent, etsi non videantur.

Materia consecranda debet-ne cadere 16
re sub certam intentionē, ac determinationem Sacerdotis.

Resp. Debet, quia intentio ministri consecrantis debet quantum ex se est, esse efficax, & operatiua; talis autem esse nequit, nisi sit circa rem determinatā, & singularē: unde qui veller baptizare hominem, & non hunc hominem, nihil efficeret. Non est tamen necesse, vt ex intentione Sacerdotis determinentur in particulari omnes conditiones materiæ; si enim Sacerdos veller consecrare plures hostias sibi præsentēs, consecrarentur omnes, esto nesciret quot ex essent.

Posset-ne quæuis magna quantitas panis & vini consecrari. 17

Resp. Posset consecrari per se loquen-

do, quia nulla est tanta copia panis, aut vini, quin in eorū locū, per transsubstantiationem possit substitui corpus Christi, per accidens tamen fieri posset, vt non quantauis copia panis, & vini posset consecrari, puta si tanto interuallo abesset, vt moraliter præsens dici non posset.

- 18 **P**osset-ne quæuis parua quantitas panis & vini consecrari.

Resp. Posset consecrari per se loquendo, de facto enim nulla est tam parua quantitas hostiæ, sub qua non sit totus Christus: per accidens tamen posset aliqua esse particula panis tam exigua, vt demonstrari, & designari non posset per particulam, *Hoc*, quod tamen est necessarium ad consecrationem.





SECTO IV.

DE PANE INCORPVS

Christi consecrando.



Equiritur-ne ad materiam huius Sacramenti, quod sit panis triticeus.

19

Resp. Ex solo tritico fieri potest panis aptus, ut sit materia huius Sacramenti. Est Florent. in decreto Eugenij, ubi dicit expresse materiam huius Sacramenti esse panem triticeum, & vinum de vite: & probatur ex facto Christi: verba enim trium Euangelistarum, *Accipit Iesus panem*, plane conuincunt solum panem esse materiam huius Sacramenti: panis autem absolute dictus ex vulgari usu sumitur tantum pro triticeo, qui videlicet fit ex tritico nobilissima frumenti specie. Porro ut panis triticeus sit materia idonea huius Sacramenti, debet confici ex farina triticea subacta, & aqua naturali esse commassatus, & vi caloris ignis naturalis concoctus,

talís enim panis est panis ordinarius, & nutriti-
oni accommodus. Ex quibus patet,
qui quid habet rationem tritici, posse
cenferi aptam materiam huic Sacramen-
to, cuiusmodi sunt siligo, & far ex nōnul-
lorū sentētia, si enim siligo sumatur pro se-
cali, vt minimū est materia dubia; proin-
deque grauitér peccaret, qui eā vteretur.
Contra verò panem, qui fit ex amigdalís,
nucib⁹, fabis, auena, oryza, milio, hordeo,
non esse materiā aptam cōsecrationi, quia
vel panis nō est, vel nō est vsualis, sed ad ne-
cessitatem tantū abhibetur, longoque in-
teruallo a tritico distat. De spelta quia non
conueniunt authores, tenendum est esse
materiam dubiam. De amilo, esse insuffi-
cientem, quia est triticum corruptum, vel
certē tendens ad corruptionem.

20 **S**I panis aliquis conficeretur ex varijs
generibus granorum, vt tritici, hordei,
&c. liceret-ne in eo consecrare.

Resp. Si species peregrina esset in par-
ua quantitate, posset fieri consecratio,
talís enim panis communi æstimatione cē-
feretur triticeus: secus si in magna. Quòd
si æqua esset vtriusque mensura; vel ex illa
mixtione illorum, nasceretur quoddā mix-
tum diuersum a singulis, & sic non pos-

set fieri consecratio, vel fieret mixtū imperfectum secundū situm, qualibet specie in sua natura permanente, & tunc licet absolutè posset panis ille consecrari secundū partes, quæ essent triticeæ: in praxi tamen non deberet, propter earum cum alijs permixtionem.

Posset ne consecrari panis corruptus, 21
vel vergens ad corruptionem.

Resp. Certum est panem iam corruptum non esse materiam aptam consecrationi, tendentem autem ad corruptionem, non debere consecrari, tum ob reuerentiam huius Sacramenti, tum quia materia est dubia.

Possetne massa panis incocta consecrari. 22
Resp. Non posset; tum quia probabilius est eam specie differre a pane cocto, tum quia, siue specie differat, siue non, panis vsualis non est.

Sacramentum Eucharistiæ debet ne cō- 23
fici ex pane azymo.

Resp. Nihil refert ad Sacramenti essentiam, azymone, an fermentato conficiatur.

Est de fide ex Flor. in decreto Eugenij. Ratio verò est, quia hoc Sacramentum in eo omni pane triticeo confici potest, qui verè dici potest panis ordinarius, spectato communi hominū vſu; huiusmodi autē est panis tā azymus, quā fermentatus.

- 24 **T**enentur-ne Sacerdotes Latini consecrare in pane azymo, & Græci in fermentato.

Resp. Tenētur, ex Florēt. supra vbi ait, *Definimus in azymo, siue fermentato pane triticeo Corpus Christi veraciter confici, sacerdotisque in alterutro ipsum Domini corpus conficere debere, vnumquemque iuxta Ecclesie sue, siue Occidentalis siue Orientalis consuetudinem.* Hinc in c. Literas de celebratione missarum, animaduertitur in Sacerdotem, qui in fermentato consecrat, quod nulla necessitate potest excusari.


- 25 **E**st-ne consuetudo Latinæ Ecclesiæ celebrantis in azymo conuenientior more Græcorum celebrantium in fermentato.

Resp. Affirmatiuè, tum alias ob causas, tum maximè, quia in eo Christus consecrauit: Nam a primo die azymorum, quo

tempore Christus consecrauit, nihil fermentatū debebat esse in domib⁹ Iudæorū, vsque ad diem septimum, vt constat ex c. 12. Exodi.


Sacerdos latinus, qui versatur in Eccle- 26
sia græca, potest-ne celebrare in fermentato, aut græcus in Ecclesia latina in azymo.

Resp. Tenetur vterque seruare ritum eius Ecclesiæ, in qua commoratur, si fixam in ea habeat suam sedem; quia censerur eo ipso fieri membrum illius. proindeque subiici legibus, ac ritibus eiusdem, nisi cum eo dispensetur. Si verò Sacerdos Latinus transeat per Græciam, licet possit se conformare consuetudini Græcorum, & similiter Græcus transiens per loca Latinorum, consuetudini eorundem; ad hoc tamen non tenetur, vt constat ex praxi, & ex Epistola Leonis 9. ad Michaellem Constantin. c. 29. vbi monet, vt *vnusquisque sinatur celebrare iuxta Ecclesiæ suæ ritum, etiam si sit in aliena Ecclesia.*



SECTIO V.

DE VINO IN SAN- guinem Christi consecrando.

27  **Q**Uænam est materia in sanguinẽ
Christi consecranda.
Resp. Omne, & solum vinum
de vite. Est definitum in Flo-
rent. sess. vltima, & Trid. sess. 13. c. 3. & pa-
ret ex Math. 26. & Luc. 22. Ex quibus col-
ligitur Christũ in calice consecrasse vinũ,
accedente præsertim Ecclesiæ autoritate;
quæ ex Apostolica traditione ea loca sem-
per sic intellexit: verba enim illa Christi,
*Amodo non bibam de hoc genimine vitis, & Bibi-
te ex eo omnes.* clarè indicant eum loqui de
vino quod ex vite generatur, estque huma-
no potui accommodum: Si enim vitis ge-
nimen est; ergo ex vite generatur; si biben-
dum, ergo humano debet vsui aptum esse.

POtest ne vinum album perinde, ac ru-
brum esse materia huius Sacramenti,

Resp. Potest; siue enim specie, siue solo colore differant, vtrumque tamen est simpliciter vinum, ex vsu communi adhiberi solitum ad sitim sedandam; quod ad rem præsentem sufficit.

M Vstum recens ex vuis expressus est-ne 29
huius Sacramenti materia sufficiens.

Resp. Est, licet enim nondum defæcatum sit, essentiariè tamen vinum est: eo tamen non, nisi necessitas urgeat, vtendum.

P Otest-ne hoc Sacramentum confici in 30
vino, quod acescit.

Resp. Si acescat tantum, nec dum planè in acetum conuersum sit, potest in eo confici Sacramentum; quia adhuc essentialiter est vinum: Intellige tamen in necessitate, extra quam eo vti non licet ob indecentiam.

E St-ne agresta, seu succus ex vuis omnino immaturis expressus, materia apta, 31
in qua fiat consecratio.

Resp. Nō, quia illa nondum est vinum, nec materia apta ad potandum.


- 32 **C**onsecratur-ne validè in musto folliculis vix adhuc contento.

Resp. Non; quia etsi probabilius est non differre specie a musto expresso, tamen illud eo modo spectatum nec habet rationem vini simpliciter, nec materiæ potabilis, sed potius comestibilis.

- 33 **V**inum congelatum est-ne materia sufficiens ad consecrationem.


Resp. Est; quia vinum post congelationem est essentialiter vinum; & quamvis sic spectatum actu potari non possit, est tamen naturâ suâ potabile. Neque refert, quòd aqua congelata non sit materia apta Baptismi, nam id ita fit, quia materia proxima Baptismi non est aqua sed ablutio, quæ per aquâ congelatâ fieri non potest; at materia Eucharistiæ non est posita in usu vini, sed in re consecrabili, quod vino congelato evenire potest, quia vinum est. Graviter tamen peccaret, qui tale vinum consecraret, Immo consultus esset post liquefactionem non uti, sed aliud adhibere, si in promptu esset.





SECTIO VI.

DE AQUA VINO consecrando permiscenda.

 St-ne aqua vino permiscenda. 34
E *Resp.* Vino consecrando aqua est permiscenda. Pater ex Concil. Florenr. & Trid. & ex perpetuo vsu Ecclesiæ. qui profluxit a Christo, qui, vt eximiè sobrius erat, temperato vino utebatur.

Q Vorsum aqua miscetur vino consecrando. 33

Resp. 1. Quia aptius per aquam, & vinū repræsentatur vnio Christi cum Ecclesia, quàm per solum vinum. 2. quia per aquam, & vinum repræsentantur sanguis, & aqua, quæ fluxerunt ex latere Christi. 3. Item duplex natura in Christo. 4. denique gratia, quæ est aqua saliens in vitam æternam.

- 36 **M**ixtio illa aquæ cadit- ne sub præceptum, & quale.

Resp. Præcepta est præcepto Ecclesiastico tantum. Ita Trid. sess. 22. c. 7. vbi ait mixtionem illam esse præceptam ab Ecclesia.

- 37 **E**st- ne mixtio illa aquæ de necessitate Sacramenti.

Resp. Non est necessaria ad valorem Sacramenti; Florentinum enim aperte docet *materiam huius Sacramenti esse panem triticum. & vinum vite*: quibus verbis expressit absolute, quæ sit essentialis materia Sacramenti: nec dixit *aqua mixtum*, vt materiam Confirmationis dixit esse *oleum mistum balsamo*, sed tantum addidit, quod *aqua modicissima adhiberi debet*: vbi verbum, *debet*, præceptum indicat, non necessitatem.

- 38 **Q**uâ mensurâ debet aqua misceri.

Resp. In exigua quantitate, vt facilius in vinum conuersa postea mutetur in sanguinem Christi.

- 39 **S**i consecraretur calix, antequam aqua in vinum conuerti posset, ea ne in san-

guinem Christi immediatè conuerteretur.

Resp. Consecraretur tunc solummodò vinū, manente aqua non consecrata: particula enim. *Hic*, quæ est in forma consecrationis calicis, indicare potest tantum id quod est materia Sacramenti; illud autem est solum vinum. —


SI speciebus vini consecratis vinum 4^o
non consecratum, vel alius liquor admisceretur, an tunc desineret ibi esse sanguis.


Resp. Si liquor sanguini infusus vinum esset, nō corrumperetur species cōsecratæ, siue illud in magna, siue in parua quantitate esset. Si autem liquor ille alterius esset speciei, essetque in maiori quātitate, quā sanguis. vel etiam æquali, tunc corrumperentur species consecratæ; Si verò esset in exigua quantitate, vt si vnica gutta aquæ admisceretur sanguini consecrato, tunc non desinerent ibi esse species, sed potius guttam aquæ in vinum conuerterent, quia perinde agunt, ac si substantia vini remaneret.



SECTIO VII.

DE VERITATE COR- poris Christi in Eucharistia ali- isque huc spectantibus.

41  St-ne in hoc Sacramento cor-
pus Christi secundum rei veri-
tatem.

 Resp. Christus verè, & rea-
liter præsens est corporaliter in Eucharis-
tiæ Sacramento. Ita Trid. sess. 13. can. 1.
his verbis. Si quis negauerit in sanctissimo Eu-
charistiæ Sacramento contineri verè, realiter, &
substantialiter Corpus, & Sanguinem, Unà cum
anima, & diuinitate Domini nostri Iesu-Christi,
ac proinde totum Christum, sed dixerit tantum-
modò in eo esse, ut in signo, vel figura, aut vir-
tute, anathema sit. Sed probatur primò ex ijs
verbis Ioa. 6. Panis, quem ego dabo, caro mea
est pro mundi vita, & Caro mea verè est cibus,
& sanguis meus verè est potus; amen dico vobis,
pisi manducaueritis, &c. quibus verbis, sapius

Christus promittit se corpus, & sanguinem suum nobis daturum in cibum, & potum, quæ nullibi nobis exhibuit, nisi in Eucharistia. 2. probatur ex verbis illis, quæ institutione huius Sacramenti continet, Math. 26. Marci 14. *Hoc est corpus meum. Hic est sanguis meus &c.* quod iisdem fere verbis docent Lucas c. 22. & Apostolus 1. ad Cor. ij. quæ verba propriè intelligenda sunt, cū nec Ecclesiæ autoritas, nec vlla necessitas in cōtrarium vigeat. Vnde non est ad rem, quod quidam existimantes non posse ex verbis Euangelij realem præsentiam corporis, & sanguinis Christi demonstrari, allegant locum illum Apostoli, 1. Cor. 10. *Petra autem erat Christus*, quasi verbum *Erat*, metaphoricè posset intelligi: non est, inquam, ad rem, quia spiritualis illa petra, de qua loquitur Apostolus, non metaphoricè, sed verè erat Christus. Quare non potest inde colligi verbum *Est*, in forma consecrationis posse translatitiè sumi. 3. ex consensu totius Ecclesiæ, quæ iam inde a Christo nato vehementer ijs omnib⁹ reclamauit, qui realem hanc Christi præsentiam impugnarunt. Multæ sunt aliæ rationes, quas breuitatis causa prætermitto.

42 **E**st-ne corpus Christi in hoc Sacramēto permanentem, vel tantū in ipso usu, seu actuali eius sumptione.

Resp. Corpus Christi est permanentem in Eucharistia post cōsecrationem, nec prius in ea esse definit, quā corrumpatur species. 1. pars probatur ex verbis institutionis, *Hoc est Corpus meum*. quæ cum absolute efferantur, non verò sub conditione, *si sumatur*, necesse est ad eorum veritatem ilico corpus Christi reponi sub speciebus. 2. pars probatur, quia quādiu species sunt integræ, manent consecratæ, ac veluti determinatæ a forma consecrationis ad significandum Christum, ergo tandiu illum continent.

43 **R**emanet-ne substantia panis, & vini in hoc Sacramento peracta cōsecratione.

Resp. Post Consecrationem nihil substantiæ panis, aut vini remanet, sed totū conuertitur in corpus, & sanguinē Christi. Definitum est a Trid. sess. 13. c. 4. & can. 2. vbi disertis verbis asserit, in hoc Sacramento fieri conuersionem totius substantiæ panis in Christi corpus, & totius substantiæ vini in Christi sanguinem, remanentibus tan-

tum panis, & vini accidentibus. Et patet ex forma ipsa huius Sacramenti, quæ vera nõ esset, si substantiæ panis, & vini remanerent sub speciebus panis, & vini, in postremo instanti prolationis verborum; cùm enim, sumpto pane, Christus dixit, *Hoc est Corpus meum*, indicauit totā substantiā contentā sub speciebus panis (idemque sit iudicium de calice vini) esse corpus suū: quæ propositio falsa sanè fuisset, si aliqua substantia sub illis speciebus contenta fuisset panis.


A Nnihilatur-ne substantia panis, & ⁴⁴ vini post consecrationem.

Resp. Non annihilatur, sed verè, & propriè cōuertitur in corpus Christi. Ita Trid. sess. 13. c. 4. & can. 2. Ratio est, quia annihilatio est actio negatiua, per se primò tendens ad desitionem rei; at substantia panis, & vini desinit tantum per accidens ex actione illa positiua, qua separantur accidentia panis, & vini, & per se subsistunt, ergo non annihilatur, seu non desinit absolute in nihil, sed necesse est conuerti in corpus Christi; quam conuersionem apostolicè Ecclesia *Transubstantiationem* vocat,



SECTIO VIII.

DE TRANSSVB- stantiatione.

45  Vid est Transsubstantiatio.
*Resp. Est conuersio, seu transi-
 tus, quo tota vna substantia in totam
 aliam transsit, qua ei succedit ex vi
 talis conuersionis.*

46 **E** St-ne transsubstantiatio opus super-
 naturale.

Resp. Est supernaturale & quoad sub-
 stantiam, & quoad modum. Quod enim
 est tantum supernaturale quoad modum,
 potest absolute fieri naturaliter, & ab agē-
 te naturali, licet alio modo: at opus Trāf-
 substantiationis non est huiusmodi; nec
 enim fieri potest naturaliter, nec ab agen-
 te naturali, vt vna tota substantia in totam
 aliam conuertatur, nec vt vnum, & idem
 corpus plura loca occupet, aut sit modo
 indiuisibili in loco; hæc enim superāt vim

omnem naturalem agendi creaturæ.

Est-ne Transsubstantiatio opus miracu-
losum. 47

Resp. Si per opus miraculosum intelligatur id, quod omnino sit præter ordinariam Dei legem, est opus maximè miraculosum: Si verò intelligatur, id quod supra rerum naturam ita sit, ut rarò fiat, non est opus miraculosum.

Cum in Transsubstantiatione duæ sint
actiones, una qua definit substantia
panis, & vini, alia qua constituitur corpus
Christi sub speciebus, quænam actio est
hæc posterior. 48

Resp. Actio, per quam constituitur corpus Christi sub speciebus, est vera, ac propria actio substantialis, attingens ipsam esse substantiale corporis Christi, non tamen per modum productionis, sed conseruationis. Quod sit actio substantialis indicat Trid. docens hanc actionem appellari transsubstantiationem: transsubstantiatio autè propriè sumpta significat actionem substantialem. Quod autem sit actio conseruatiua, non productiua, liquet ex

eo, quod actio productiua dicitur ea sola, per quam simpliciter res transit de non esse ad esse, quod cum in transsubstantiationem non quadret, quippe quæ corpus Christi supponit iam esse alibi, meritò dicitur hæc actio non productiua, sed conseruariua corporis Christi.

49 **R** Emanent-ne accidentia panis, & vini in hoc Sacramento post Consecrationem.

Resp. Remanent, si quæstio sit de accidentibus realiter distinctis: Est Trid. sess. 13. can. 3. & patet ad sensum: multa enim visu, tactu, gustu &c. percipiuntur in hoc Sacramento, quæ prius inerant substantiæ panis & vini.

50 **Q** Vi modi loquendi retinendi sunt, & qui reiiciendi in hoc Transsubstantiationis mysterio.


Resp. 1. Propositiones illæ tanquā veræ admitti possunt, quæ significant panem transire in corpus Christi, vt si quis dicat *Panem conuerti, transsubstantiari, transire in corpus Christi &c.* 2. Item illæ vsurpari possunt, quæ solam successionem, & ordinem
termi-


terminorū a quo, & ad quem significare solēt, vt si quis dicat, *Ex pane fieri corpus Christi, ex vino sanguinem &c.* 3. Illæ repudiari possunt, vt falsæ, in quibus per copulam seu verbum *Est*, significatur corpus Christi, & substantiam panis vno, eodemque tempore simul esse, vt si quis dicat, *Panis est corpus Christi, vel erit corpus Christi, vel corpus Christi fuit panis.* 4. illæ item reiciendæ sunt in quibus indicatur manere idem subiectum cōmune sub vtroque termino, vt cum dicitur *de pane fieri corpus Christi, vel panē fieri corp⁹ Christi*, nili cōmodè explicētur.



SECTIO IX.

DE CHRISTO PROVT
continetur sub hoc Sacramento

 Orusne Christus continetur si
sub hoc Sacramento.

 Resp. Totus Christus est in
hoc Sacramento, secundū
totam suam substantiam, hoc est tam se-

cundum humanitatem, quam diuinitatem, corpus, & animam, eaque omnia, quæ pertinent ad optimam, decentissimamque constitutionem corporis ipsius. Ratio est, quia corpus Christi est in Eucharistia, ut iam ostensum est, & non mortuum, quia ut dicitur Rom. 6. *Christus resurgens ex mortuis iam non moritur*, ergo viuit, ergo ibi habet animam, & non per se subsistentem, ergo per subsistentiam verbi, ergo subsistentia verbi est in Eucharistia, idque peculiari modo per unionem ad humanitatem. Addidi autem, *eaque omnia, quæ ad optimam &c.* quia non decet corpus Christi ullibi esse defectuosum, vel deforme.

§2 **T**otusne Christus continetur sub qualibet specie huius Sacramenti.

Resp. Continetur, Confirmatur eadem ratione, qua supra probatum est ipsum in hoc Sacramento viuere, non enim viueret, si in altera specie esset corpus tantum, in altera sanguis, cum ea separatio naturaliter mortem induceret.

§3 **Q**uid in hoc Sacramento præcisè verborum ponitur sub singulis speciebus.

Resp. Solum corpus Christi sub speciebus panis, & solus eiusdem Christi sanguis sub speciebus vini, ex vi verborum constituuntur; alia verò omnia, ut anima rationalis, qua rationalis est, subsistentia verbi- & eius diuinitas per concomitantiam. Ita Trid. sess. 23. c. 3. & ratio est, quia illud dicitur tantum fieri vi verborum, quod per ea disertè significatur; at certum est solum corpus, & sanguinem per ea disertè significari, relinquitur igitur solum corpus, & sanguinem vi verborum in hoc Sacramento constitui, illud ~~sub~~ panis, hunc sub vini speciebus. Ex quo sequitur, cum aliunde totus Christus, ut prius dictum est, sub singulis speciebus contineatur, assignandum esse modum alium, per quem in iis constituatur, secundum ea, quæ in hoc Sacramento non sunt ex vi verborum; hic autem modus alius non est, quam qui dicitur per concomitantiam.

Est-ne totus Christus sub qualibet parte specierum panis, & vini. 54

Quæstio hæc potest intelligi de partibus specierum coniunctis, ac vnitis, ut sit sensus, An substantia corporis Christi post consecrationem sit tota in qualibet hostia,

& tota in singulis partibus illius etiam unitis: potest etiam intelligi de partibus specierum diuisis, siue ante consecrationem, siue post: si priori modo intelligatur.

Resp. Affirmatiue, Nam si tota substantia corporis Christi non contineretur sub qualibet parte specierum, sed pars parti responderet, assignanda esset aliqua causa talis determinationis, cur nimirum fieret, ut una pars corporis Christi esset potius sub una parte hostiæ, quam sub alia; at nulla causa assignari potest, ergo tota substantia corporis Christi continetur sub qualibet parte specierum. Si vero posteriori modo quaestio intelligatur,

Resp. Corpus Christi re ipsa quoque contineri in singulis partibus hostiæ consecratæ, siue ea diuisa fuerint ante consecrationem, siue post tantum. probatur, nam vel diuisio illa partium fit ante consecrationem, vel post. si 1. res per se patet, quia est eadem ratio partium, & hostiarum integrarum, quas certum est plures simul consecrari posse. Si 2. vel facta diuisione hostiæ consecratæ, Christus penitus desinit esse sub partibus diuisis, vel una pars illius est in una parte hostiæ, & alia in altera; vel deni-

que totus remanet in singulis: Non primum, quia inde sequeretur Sacerdotes, qui semper diuidunt hostiam ante sumptionem, nunquam suuere corpus Christi. Non 2. quia Christus ante diuisionem erat totus, exvi consecrationis sub tota quantitate panis, & totus in qualibet eius parte, sola autem diuisio non potest mutare effectum consecrationis, ergo tertium.



SECTIO X.

DE QUANTITATE Christi in Eucharistia.

E Si ne tota quantitas dimensua
corporis Christi in Sacramen-
to Eucharistiae.

Resp. Est; probatur, Nam non minor est connexio inter substantiam corpoream, & quantitatem, quam inter corpus, & sanguinem: quare cum ob connexionem, quæ inter hæc intercedit, ubique est corpus Christi, ibi etiam sit

sanguis, dicendum erit, ubicunque est substantia corporis Christi, ibi etiam esse quantitatem illius.

- 56 **E** St-ne quantitas corporis Christi in Sacramento vi verborum, vel per concomitantiam tantum.

Resp. Est in eo per concomitantiam tantum: Nihil enim est ex vi verborum sub speciebus panis, quod non fiat per transubstantiationem, hæc enim sufficit ad veritatem verborum; at quantitas non fit per transubstantiationem, quia cum hæc sit actio substantialis, terminari non potest ad accidens, ergo quantitas non est in Sacramento vi verborum.

- 57 **E** St-ne tota quantitas corporis Christi in tota hostia consecrata, & tota in qualibet eius parte.

Resp. Est; Quantitas enim est in hoc Sacramento per concomitantiam tantum; & naturalem connexionem cum corpore Christi; at accessorium naturæ principalis accommodatur; Cum igitur totum corpus Christi sit in qualibet parte hostiæ, tota quoque eius quantitas in eodem erit.


Quomodo potest tota quātitas corporis Christi esse in quolibet pūcto Eucharistiæ, cōm id videatur repugnare naturæ quantitatis. 58

Resp. Facile id erit intellectu, si distinguamus duplicē effectum formalem quantitatis; primum vnum, & essentialem, qui est tribuere substantiæ proximam aptitudinem ad extensionem ad locum; beneficio cuius fit, vt partes ipsæ substantiæ inter se aptæ sint proximè se se mutuò expellere, aliamque similem substantiam corpoream, ac quantam ab eodem spatio excludere, itaut sequatur hic effectus, nisi quid obstat: Secundarium alterum, qui est tribuere in actu secundo eam extensionem, ac molem, per quam re ipsa fit, vt vna pars substantiæ aliam eiusdem substantiæ partem ab eodē spatio excludat, illique repugnet; tum verò, vt tota, ac integra substantia totam aliam ab eodem spatio reiiciat, illique veluti resistat, ne ibidem secum ponatur, quandiu ibi est. Quare vt quæstioni satisfiat, dicendum est priorem effectū, qui est essentialis quantitati, poni posse in puncto, non verò posteriorem, nec hunc cum illo confundendum, vt fieri videtur in quæstione proposita.



SECTIO XI.

*DE MODO, QUOTAM
corpus Christi, quàm eius quan-
titas sunt in Eucharistia.*

59  Vid est modus ille, per quem
tam quantitas, quàm totū cor-
pus Christi existit indiuisibili-
ter in qualibet parte hostiæ.

Resp. Est modus quidam supernatu-
ralis, a substantia, & quantitate Christi
formaliter distinctus, qui reducitur ad Ca-
tegoriam *ubi*. Quod sit supernaturalis pa-
ter, quia effectus eius, nēpe Christum esse
indiuisibiliter in qualibet parte sparij, est
quid supernaturale, ex quo etiam sequi-
tur formaliter differre a substantia, & quan-
titate Christi, quæ sūt res naturales. Quod
verò reducatur ad Categoriam *ubi* ex eo li-
quet, quodd per illum determinatur corpus
Christi ad existendum in loco indiuisibi-
liter.

Accidentia alia, quæ Christo in cælo
conueniunt, conueniunt ne eidem
existenti in Sacramento. 60

Resp. Accidentia illa duplicia sunt;
quædam sunt absoluta, vt quâtitas, raritas,
densitas: alia dicunt habitudinem ad locū,
vt extensio in loco, præsentia, relationes
distantiæ, & propinquitatis. Illa sunt in
Christo in Sacramento per concomitan-
tiam, hæc verò ei minime conueniunt, vt
patet ex antedictis.

Estne corpus Christi in Eucharistiæ Sa- 61
cramento, sicut in loco.

Resp. Corpus Christi non est in hoc Sa-
cramento, tanquam in loco, si locus pro-
priè sumatur, nimirum pro superficie ali-
qua ambiente, & extrinseca, a qua conti-
neatur, & cui commensuretur; quæ super-
ficies dicitur locus physicus extrinsecus, vt
constat ex antedictis: est tamen verè, &
substantialiter præsens speciebus Eucharis-
tiæ, earumque spatio, ac circa illas ali-
qui d operatur; qua ratione dici potest ali-
quo modo esse in loco.

Estne Christus in hoc Sacramento defi- 62
nitiuè, vel Circumscriptiuè.


Resp. Non esse in eo Circūscriptiuè manifestum est, ea enim hoc modo tantum dicuntur esse in loco, quæ quantitatiuè ita in eo sunt, vt secundum se tota toti loco, & secundum suas partes eius partibus cōmenturentur: Christus autē hīc est modo quodam spiritali plane diuerso. An autem in eo sit etiā definitiuè difficultas est, quæ magis ad modū loquendi pertinet: Nam si rē esse in loco definitiuè sit ita alicubi esse, vt alibi nō sit, Christus nō est in loco definitiuè. Si verò sit rē ita alicubi esse tanquā in loco adequato, vt possit non esse alibi, Christus dici poterit esse definitiuè in qualibet hostia, quia in ea sic est, vt ex modo, quo in ea existit, possit absolutè in ea sola existere, si alibi desinat esse: quo pacto soli Deo conuenit non esse in loco definitiuè.

SECTIO XII.

DE MUTATIONIBVS

Christi in Eucharistia.

63



Vando nā definit Christus esse sub speciebus.

Resp. Non prius definit Christus esse sub speciebus,

quàm species alterentur alteratione, quæ sufficiat ad corruptionem substantiæ panis, si adhuc sub illis esset. Ratio est, quia Christus non priùs definit esse sub speciebus, quàm sub illis succedat alia substantia; est enim sub illis vice panis: at nulla priùs succedit, quàm per alterationem sufficienter disponantur ad illius formam, & ex consequenti ad corruptionem substantiæ panis, si ibi fuisset, ergo Christus non priùs definit esse sub speciebus, quàm species alterentur, &c.

Per quam actionem definit Christus esse 64
in Sacramento.

Resp. Definit esse in eo per mutationem priuariam loci, seu quasi loci, quia nihil amittit in ea desitione, præter præsentiam, vel quod ad eam reuocari potest.

Potestne corpus Christi existens sub- 65
speciebus ab agente naturali aliquo genere mutationis affici.

Resp. Corpus Christi, prout existit in Eucharistia, per accidens moueri potest localiter ab agente naturali: alio verò genere mutationis ab eo nequit affici. Quod

corpus Christi moueatur motis speciebus, est perspicuum. Quòd verò motus ille ei conueniat non per se, sed per accidens, probatur, quia motus primò, & per se ei non imprimitur, sed mouetur ad motum specierum, quæ primò, & per se motum recipiunt. Quòd denique aliam ab agente naturali mutationem non admittat, ostenditur, omne enim agens naturale, cum sit corporeum, necessariò agit per actionem corpoream, & extensam in loco; sed nullus talis actio potest recipi, vel induci naturaliter in corpus Christi, prout est in Eucharistia, ergo nullum aliam ab agente naturali admittit mutationem, quàm motum localem.

66 **P**otestne corpus Christi existens in Eucharistia primò, & per se moueri.

Resp. Non dubium est, quin ita a Deo moueri possit: Christus, tamen vt homo in Eucharistia existens, neque a se ipso, neque ab illo agente naturali, & corporeo, neque ab Angelo primò, & per se moueri potest; quia talis motus requirit extensionem corporis Christi in loco, quæ ei in Eucharistia non conuenit.

Potestne corpus Christi in Sacramen-
to existens agere actione transeunte in
res externas. 67

Resp. Non potest; quia modus agen-
di debet certa proportionem respondere mo-
do essendi, sed modus qui requiritur natura-
liter in corporibus ad existendum, est, ut
sint modo quantitativo, & extenso in loco,
ergo idem requiritur ad agendum: Chri-
stus autem eo priuatur in Sacramento Eu-
charistiae, ergo &c.

Potest-ne Christus in Eucharistia exi-
stens viribus naturalibus elicere actus
aliquos immanentes. 68

Difficultas non est de iis, qui illi con-
ueniunt tantum per concomitantiam, eo-
quod videlicet eos exerceat in caelo, sed
de iis, qui primo, & per se a Christo exer-
centur, pro-ut est in hoc Sacramento.

Resp. Et si supernaturaliter possit Chri-
stus omnes eos actus exercere, naturaliter
tamen non potest exercere illos actus im-
manentes, vel sensuum exteriorum, vel
interiorum. Prima pars probatur, quia id
nullam involuit contradictionem. 2. pars
confirmatur, quia organa corporea, ut

possint ad hos actus concurrere, postulant extensionem in loco, quæ Christo in Eucharistia non conuenit: Aliter verò sentiendum de operibus gratiæ, quia in his non pendet a corpore, sed a lumine gloriæ, & speciebus infusis.

69 **S**I Christus potest supernaturaliter exercere actus illos immanētes, an eos de facto exercet.


Resp. Probabile est eum de facto eos exercere, ac proinde eum videre, & audire astantes, hoc enim magis Christi dignitatem decet, non tamen eum, ut est sub hac hostia, videre oculo corporeo, quid ubi-libet fiat. Verisimile quoque est, Deo ad id singulariter concurrente, eum quocūque loco sit, producere eandem intellectiōem.





SECTIO XIII.

*DE APPARITIONIBVS
quæ miraculosè fiunt in Eucharistia.*

 Vando in hoc Sacramêto apparet miraculosè caro, vel 70
puer, à quonam fiunt tales apparitiones.

Resp. Ita aliquando euenisse referunt authores fide digni; præterquàm quod multis in locis asseruantur hostiæ sanguine perfusæ. Cæterùm fieri possunt a Deo, & a demone.

IN quem finem fiunt eiusmodi apparitiones circa species Sacramentales.

71

Resp. 1. Fiunt in Confirmationè fidei.
2. ad consolationem accedentium ad hoc Sacramentum. 3. ad terrorem peccatorum, eorum præsertim, qui indignè tractant hoc Sacramentum.

72 **Q**uomodo fiunt hæ apparitiones.

Resp. Interdum tota mutatio, seu repræsentatio est in sola facultate videndi, alias in medio interiecto, quandoque etiam in speciebus ipsis.

73 **Q**uando mutatio est ex parte obiecti, quod in illo apparet est-ne verè Christus, aut caro, vel sanguis Christi.


Resp. Quamuis apparitio fieri possit in forma veri corporis, & sanguinis Christi; verisimile tamen non est rem reuera ita fieri; tum quia constat experientia, quod priùs videbatur caro, vel sanguis, in aliud quiddam esse conuersum; tum quia sæpe id fit per exhibitionem veluti frusti carnis, vel sanguinis defluentis ex hostia, quæ de corpore Christi glorioso cogitare indignū est. Immo verisimili⁹ est, quod tūc apparet, non esse veram carnem, aut verum sanguinem, sed eorum tantū speciem externā referre. Nec rectè inferas Deum ita nobis imponere, aut latere hic falsitatem aliquā, quia per illam speciem non intendit significare Christum sub illa forma ibi esse præsentem, sed verè, & realiter esse præsentem sub Sacramento, nec adorationem
termi-

terminandam, ad id, quod apparet, sed ad verum corpus Christi, quod est sub speciebus.

Q Vando hostia ita per apparitiones illas immutatur, remanet-ne adhuc sub illa corpus Christi. ⁷⁴

Resp. Si immutatio illa fiat in medio, organo tantum, non dubium est, quin corpus Christi sub hostia remaneat. Certum quoque videtur, quandiu mutatio in species inducta tanta non est, ut cum ea non possit naturaliter consistere substantia panis, sub iis remanere corpus Christi: scilicet, si tanta sit in speciebus mutatio, ut per eam tollantur dispositiones necessariae ad panis conseruationem: Cum enim Sacramentum hoc non sit institutum a Christo, nisi sub speciebus panis, & vini, tandiu solum durat, quandiu non corrumpuntur species,





SECTIO XIV.


DE ACCIDENTIBVS

in Eucharistia post consecrationem remanentibus.

75



R Emanent-ne peracta consecratione omnia accidentia panis, & vini, vel aliqua tantum.



Resp. Non remanent ea accidentia; quæ formaliter tantum distinguebantur à substantiis panis, & vini, quæ verò ab iis distinguuntur realiter, ea omnia remanent. 1. pars probatur; quia illa ita sunt affixa subiecto, illud modificando, ac determinando, ut sine eo nequeant existere. 2. confirmatur, quia fide, & experientia constat remanere quantitatem, & qualitates quasdam; non est autem potior ratio, cur quædam remaneant, quam omnes; remanent igitur omnes.

76

I N quem finem remanent accidentia panis, & vini in Sacramento.

Resp. Primus, ac precipuus est, vt in Sacramento habeant rationem signi sensibilis. Secundus, vt Christus sumatur sub speciebus earum rerum, quæ hominibus esse solent vsui ad cibum & potum. Tertius, vt sub iis speciebus Christus commodè offeratur, & immoletur sacrificio incruento. Quartus, ad fidem nostram excitandam, dum aliud nobis videndum, aliud credendum proponitur. Quintus ad hoc mysterium infidelibus occultandum. Sextus denique, ad veritatem verborum consecrationis.

Accidentia illa, quæ remanent sunt-77
ne in aliquo subiecto substantiali.

Resp. Non sunt; nam ex veritate verborum consecrationis euinci potest, peracta consecratione, nullam substantiam intimè præsentem esse speciebus in eodem situ, præter corpus Christi, inter quod, & species nulla est proportio, quo ad extensionem: quare in eo esse non possunt sicut in subiecto.

Quomodo conseruatur quantitas separata ab omni substantia, in hoc Sa-78

cramento.

Resp. Quantitas separata a subiecto conseruatur a Deo distincta actione ab ea, per quam prius conseruabatur in subiecto, communicando illi modum aliquem, cuius interuentu per se positiuè subsistit. 1. pars probatur, quia influxus ille, quo extra subiectum conseruatur, est omnino supernaturalis; quo autem in subiecto antea conseruabatur, naturalis duntaxat. 2. confirmatur ex analogia ad substantiâ, & pleraque alia, in quibus videmus ita comparatum esse, vt si modus ipsis connaturalis ab iis fortè separetur, ei statim succedat alius quo claudantur, & vltimò terminentur: Cùm igitur a quantitate sublata sit inhærentia, naturali quadam sequela debetur ei modus alius inhærentiæ repugnans; is autem est subsistentia quadam.

79 **E**st-ne in hoc Sacramento quantitas dimensiuâ panis, & vini aliorum accidentium subiectum.

Resp. Quantitati, quam mox diximus per se subsistere, cetera accidētia, sicut subiecto insunt. Docet id experientia; quod enim mōta v.c. albedine moueatur figura,

color, odor &c. aliunde non oritur, quā ex aliqua vnione eorum inter se in aliquo tertio, cui inhereant; aliud autem commodē assignari nequit, præter quantitatem.

Possunt-ne species Sacramentales agere
in res externas.

80

Resp. Possunt; testantur id experientia, & sensus; ratio autē est, quia vis eorum agendi non pendet a subiecto, vt agat: Adde habere ea idem subiectum proximum, quantitatem nimirum.

Possunt-ne species Sacramentales corrumpi.

81

Resp. Quod attinet ad qualitates panis, & vini, possunt eodem modo immutari, quo possent, si subiectis suis inexistenter: patet experientia; mouentur enim ad motum quantitatis, intenduntur, remittuntur, corrumpuntur: Quantitas verò specierum panis, & vini potest quidem, vt eorundem qualitates, eodem modo immutari, quo potuisset iuncta substantiæ panis; potest nempe moueri localiter, rarefieri, condensari, &c. re ipsa tamen nec corrumpi, nec

ab ullo agente naturali destrui posse, probabilius videtur.

82 **P**otest-ne aliquid ex speciebus Sacramentalibus generari,

Resp. Potest ex his generari quicquid ex substantia panis, & vini generari potuisset. Constat experientia, ex speciebus enim generantur vermes, cineres, acetum, &c.

83 **E**x qua materia educuntur formæ substantiales, rerum illarum, quæ ex speciebus generantur, cum sub iis sit tantum corpus, & sanguis Christi.

Resp. Eodem instanti, quo ita sunt immutatae species, ut sub illis non posset conservari substantia panis, & vini, si ibi adesset, desinit corpus, & sanguis Christi sub iis esse; tum Deus per creationem producit materiam aut eandem, quæ prius fuit transsubstantiata (quod est verisimilius) aut diversam, ei quæ vnit quantitatem cum qualitatibus praequisitis, ad introductionem formæ substantialis in materiam, quam formam agens educitè potentia materiæ, non secus ac si ibi imme-

mediate præfuiſſet ſubſtantia panis & vini.

Possunt æ species Sacramentales nutri- 84
re.

Resp. Possunt; vt enim possunt conuer-
ti in vermẽ, cinerem, &c. sic in substanti-
am aliti.

Franguntur-ne species Sacramentales 85
in hoc Sacramento.

Resp. Franguntur verè, & propriè; sunt
enim verè quantæ, corpus tamẽ Christi nec
frangi potest, nec diuidi, quia est impassi-
bile, & vt supra dictum est, totum in qua-
libet parte specierum.



SECTIO XV.

DE VERBIS FORMÆ
consecrationis.

Consecratio panis. & vini de- 86
bet-ne fieri verbis quibusdam
certis, & determinatis.

Resp. Affirmatiuè; Florent.

enim in literis Eugenij ad Armenos, cùm in genere præmisset Sacramenta nouæ legis tribus constare, verbis, rebus, & persona ministri, nominatim de Sacramento Eucharistiæ loquens ait, *Forma huius Sacramenti sunt verba saluatoris, quæ certæ sunt, & determinatæ.*

87 **C**hristus est ne vsus iis ipsis verbis in consecratione panis, & vini, quibus instituit, vt cæteri vterentur.

Resp. Christus consecrauit panem, & vinum his verbis semel tantùm prolatis, & palam audientibus discipulis, *Hoc est corpus meum. Hic est calix sanguinis mei.* Colligitur ex scriptura, quæ vt rectè intelligatur, dicendum est, Christum primò quidem accepisse panem, deinde benedixisse, tum in partes varias pro numero astantium diuississe, & in disco ordinasse, postremò porrexisse discipulis, simulque dixisse, *Hoc est corpus meum* (quibus verbis consecrauit) eaque verba priùs absoluisse, quàm Apostoli acceperint: quod subindicat Euangelista per participium *dicens*, quod ex vi propria significandi coniungit subsequencia cum antecedentibus, quasi eodem tempore facta.

PER eandem ne actionem Christus gratias egit patri, benedixit pani, & vino, eaque consecrauit. 88

Resp. Hæc omnia distinctis actionibus peracta esse testantur tum ordo verborum Euangelij, tum Trid. sess. 13. c. 1. ubi ait, *Post panis, Vinique benedictionem se suum ipsius corpus illis præbere, ac suum sanguinem disertis, ac perspicuis verbis testatus est; Hoc autem testatus est per verba consecrationis, ea igitur post benedictionem pronuntiauit.*

VERBA FORMÆ nimirum, *Hoc est corpus meum, & Hic est calix sanguinis mei.* dicuntur a Sacerdote tantū historicè, siue recitatiuè, an verò formaliter, & significatiuè, siue assertiuè. 89

Nota illud dici recitatiuè, siue historicè, quod solū refertur, tanquam ab alio dictum: formaliter verò, ac significatiuè, quod ita proferimus, ut per illud intendamus aliquid affirmare; vel negare.

Resp. Verba essetialem formæ dicuntur tū recitatiuè tū etiā significatiuè: Recitatiuè quia, quia, verè per ea refert Euāgelista, quæ a Christo gesta, & dicta sunt, ut patet ex cō-textu canonis, *Qui pridie quàm pateretur, &c.*

Significatiuè verò, quia alioqui Sacerdos per ea nihil præcisè affirmaret, sed tantùm diceret Christum ea protulisse, & sic non ea applicaret ad materiam præsentem, nec per consequens consecraret; cum Sacramenta nouæ legis tantùm efficiant, quod significant.

90 **Q**Uæ verba in vtraque forma sunt essentialia.

Resp. Hæc sola quatuor verba. *Hoc est corpus meum.* sunt de essentia formæ consecrationis panis; Sicut hæc priora quinque verba, *Hic est calix sanguinis mei,* vel æquiualentia, sunt de essentia formæ consecrationis calicis. Probat, quia ea censetur esse apta forma cuiusque Sacramenti, per quam ratio, & effectus talis Sacramenti aptè significatur, aptè autem significatur solis illis verbis; sola igitur illa sunt de essentia formæ consecrationis. Rectè tamen Ecclesia alia quædam verba partim ex ipsis Euangelistis, partim ex traditione desumpta addit, ad vberiore huius Sacramenti explicationem; quæ prætermittere contra Ecclesiæ consuetudinem (quæ in re tanti momenti vim habet legis) nemo sine peccato possit.

Quid in forma consecrationis panis 91
demonstratur per pronomen. *Hoc.*

Resp. Per pronomen illud demonstra-
tur substantia panis sub ratione vaga in-
diuiduæ substantiæ, seu sub ratione con-
tenti sub eisdem numero speciebus, ab-
strahendo a ratione contenti per modum
sustentantis in genere causæ materialis, &
per modum sustentantis in genere causæ
efficientis; quia hoc pacto recte omnia qua-
drant, quæ ex parte talis vocis requiruntur,
ut tota forma consecrationis vera sit.

Quomodo potest hæc Enuntiatio esse 92
vera, *Hoc est corpus meum.* cum in ea
prædicatum debeat convenire sub-
iecto eo tempore, pro quo ipsi ab ea attri-
buitur; attribuitur autem illi pro præsentis,
quo tamen tempore Christus nondum est
sub speciebus.

Resp. Licet in ea verbum *Est* sit præ-
sentis temporis non habet tamen comple-
tam, & perfectam suam significationem
ante ultimum instans terminativum totius
propositionis, quo instanti corpus Christi
verè est sub speciebus, & sic verum est, quod
per illam propositionem enuntiatur.

23 **Q** Vid sibi vult in illa forma particula *Meum*, cū si Sacerdos ea verba proferat recitatiuè tantū, non consecreret, sed narret tantū, quod olim gestū fuit: si significatiuè, significet non corpus Christi, sed suum, & sic falsa sit tota propositio.

Resp. Ea verba proferuntur a Sacerdote non recitatiuè solū, sed etiam significatiuè, alioquin non applicarentur ad materiam præsentem, & ex consequenti ea nō consecraretur: Malè tamen inde inferas falsum dicere Sacerdotē; non enim ea proferit, vt est particularis quædam persona tantū, nempe Petrus, Ioannes &c. sed cum celebrat, peculiari ratione personam Christi induit, ex eaque simul, & sua proferit verba consecrationis,





SECTIO XVI.

DE EFFECTIBVS SA-
cramenti Eucharistiæ.

Visnam est effectus proprius
Sacramenti Eucharistiæ.

94

Resp. Est augmentū gratiæ,
quæ per modum cibi spirita-
lis confertur, ad fideles tum cum Christo,
tum inter se arctiore charitatis vinculo cō-
iungendos. Testatur scriptura Ioa. 6. *Qui*
manducat me, viuet propter me, & 1. ad Cor.
10. *Vnum corpus sumus, qui de vno pane, & de*
vno calice participamus. Ratio verò est, quia
hoc Sacramentum datur per modum cibi,
& potus, sed cibi est nutrire, & augere
quantitatē viuētis; effectus igitur huius
Sacramenti erit, augendo vitam spiritalem
arctiūs nos coniungere cum Christo, ita ut
quadam ratione in ipsius naturam transeā-
mus: ad quem effectum pertinent auxilia
quædam, quæ Deus suo tempore confert

dignè communicantibus, putà ad excitandam deuotionem in exercitio virtutum, ad feruorem charitatis recuperandū, ad suauitatem, & dulcedinem quādam spiritua-lem in obsequio Dei percipiendam, seu ad gustandū, quā suauis sit Dominus: quæ cōstant ex analogia cibi corporei, qui non mōdō vitam auget, & conseruat, sed etiam vires imminutas reparat, confortat, ac delectat.

25 **Q**uo tempore communicanti confer-
tur gratia Sacramentalis.

Resp. Conferitur in ipsa manducatione Eucharistiæ, quando nulla est indispositio contraria in subiecto: huic enim manducationi, seu corpori Christi, vt manducatur, facta est promissio gratiæ, Ioa. 6: *Qui manducat meam carnem, &c.*

26 **G**ratia illa produciturne in instanti,
vel successiuè.

Resp. Vtroque modo produci potest; Si enim ex parte subiecti nullus sit obex, nullaue successio in dispositione ad Sacramentum Eucharistiæ, Eucharistia simul & in eodem instanti confert totum suum effectum: Si verò ex parte subiecti tempore

manducationis sit aliqua successio in dispositione ad gratiam, effectus huius Sacramenti intenditur successiue.

SI eadem dispositio, quam communi-
cans a principio habuit, duret in eadē
intensione toto tempore manducationis,
quam gratiam recipiet. 27

Resp. Probabile est eum etiam tunc re-
cipere maiorem gratiam successiue; quia
ea dispositio, quatenus non variatur, cen-
setur moraliter præstantior, maiorisque
meriti, quàm quæ durat tantum per instās.

SI quis post indignè sumptum Sacra-
mentum, interim dum digeruntur spe-
cies, contèratur, vel melius se disponat ad
augmentum gratiæ, recipiet-ne etiam tūc
augmentum gratiæ ex opere operato hu-
ius Sacramenti. 28

Resp. Recipiet. Probatur ex analogia
cibi corporei, qui non tantum prodest,
quando manducatur, sed etiam cum in
stomacho digeritur. Adde quod hoc ma-
iorem speciem benignitatis, & charitatis
præ se fert in Christo, & excitat ad pietatē,
& augendam deuotionem post Sa-

cramenti sumptionem.

- 99 **P** Otestne dari prima gratia, vel augmētum gratiæ, ratione huiusce Sacramēti, tum cum omnino desit.

Resp. Non potest; alioquin enim sequeretur Sacerdotem, qui per totum vitæ tempus indignè communicasset, si in fine vitæ resipisceret, ilico peruenturum ad insignem sanctitatem, quod absurdū est.

- 100 **P** Roducitne Sacramentum Eucharistiæ effectum aliquem in corpore.

Resp. Primò, imminuit fomitem peccati, frenat concupiscentiam, aliasque passionē temperat, ad faciliorem vsum virtutum. 2. gloria corporis est peculiāris effectus huius Sacramenti. 3. corpus eius, qui dignè suscipit Eucharistiam, censetur ex contactu ipsius peculiari ratione sanctificari, & fieri membrum corporis Christi.

- 101 **E** ffectus huius Sacramenti estne remissio peccati mortalis.

Resp. Hoc Sacramentum per se, & ex institutione sua nec primam gratiam confert,

fert, nec remittit peccatum mortale; alioquin liceret ad hoc Sacramentum accedere cum conscientia peccati mortalis, ut licet ad Baptismum & pœnitentiam; quæ per se primò instituta sunt ad remittenda peccata, contra praxim Ecclesiæ, & locum illum Pauli, *Probet autem ipsum homo*. Per accidens tamen interdum hoc Sacramentum confert primam gratiam, & remissionem peccatorum: Si enim aliquis esset ita dispositus, ut per ignoratiam inuincibilem existimaret se sufficienter doluisse de peccatis, vel peccata sibi remissa esse in confessione, & cum tali dispositione, ac fide accederet ad hoc Sacramentum. modò attereretur, nullum quantum in eo esset, poneret obicem gratiæ, & sufficienter per attritionem auerteretur à peccato, ad primam gratiam percipiendam; eam igitur reciperet; sunt enim Sacramenta instituta ad conferendam gratiam iis, qui non ponunt obicem.

Peccata venialia remittuntur-ne per 102
Sacramentum Eucharistiæ.

Resp. Remittuntur, non enim tantum pertinet ad hoc Sacramentum, ut augeat vitam spiritalem, sed etiam ut submoueat

ea, quæ huic incremento sunt contraria, cuiusmodi sunt venialia : hoc autem duobus fit modis, primò excitando feruorem actualem Charitatis, qui feruor ipsis repugnat. Secūdo intendēdo habitus ipsos gratiæ, & charitatis ad operandum deinceps feruentius.

130 **Q**Uæ dispositio requiritur vt beneficio huius Sacramenti deleantur venialia.

Resp. Non requiritur alia, quàm vt qui accedit ad illud, sit in gratia, nec sit positiuè affectus ad huiusmodi peccata.

104 **R**Emittitur ne tota pœna peccati per hoc Sacramentum.

Resp. Hoc Sacramentum, vt Sacramētum est, non remittit immediatè ex opere operato pœnam vllam temporalem, quia institutum est ad vitam spiritalem fouendam, cui per se non repugnat reatus pœnæ : Indirectè tamen id præstat, excitando in nobis actus aliquos, qui satisfactorij sunt pro huiusmodi pœna. Dixi autem, vt Sacramentum est, quia si spectetur vt Sacrificium, valet ad pœnam ex opere operato remittendam.

PRæferuat-ne hoc Sacramentum a pec-¹⁰⁵
catis futuris.

Resp. Præferuat tum interiùs nos corroborando per augmentum gratiæ, & virtutum, tum vel maximè per gratias præuenientes, quas suo tempore percipiunt, qui dignè communicant. Vt tamen hoc Sacramentum homini libertatem non eripit, sic plerique in peccata labuntur, qui hoc Sacramentum frequentant, sed suo vitio & culpâ, dum charitatem & auxilia ad non peccandum concessa flocci faciunt.

PRodest-ne hoc Sacramentum aliis,¹⁰⁶
quàm sumentibus.

Resp. Eucharistia, quatenus Sacramentum est, prodest tantum sumentibus ex opere operato; quia, vt sic, institutum est per modum cibi, qui soli manducanti, prodest: Quod non obstat, quominus aliis etiam profit quatenus est actus meritorius, & satisfactorius, vt quæuis alia opera pia. Quatenus verò est Sacrificium, si pro aliis offeratur, proderit iis ex opere operato, per modum satisfactionis.

107 **P**lures hostiæ simul, vel continuè sumptæ conferuntne plus gratiæ, quàm vna tantum.

Resp. Quando plures hostiæ, vel simul vel continuè sumuntur, ita. vt earum sumptio moraliter censeatur pertinere ad vnâ communionem, non conferunt, per se loquendo, & quantum est ex parte Sacramenti, plus gratiæ, quàm altera tantum. quia non est plus virtutis in multis hostiis consecratis, quàm in vnâ tantum.

108 **A**mbæ species simul sumptæ profuntne ad vberiores gratiam ex opere operato conferendam, quàm altera tantum.

Resp. Per se loquendo non conferunt. Ratio, quæ petitur ex Trid. est hæc, quia fideles nulla gratia ad salutem necessaria priuantur, ex eo quod cõmunicent sub vna sola specie, quia in ea recipiunt totum Christum, qui est fons totius gratiæ; hinc enim sequitur vtramque speciem non conferre plus gratiæ, quàm vnâ.

Quando nam confertur gratia Sacerdoti communicanti sub vtraque specie

Resp. Confertur in sumptione primæ speciei; quia causa agente (nimirum Christo rectè applicata, & non impedita, & subiecto rectè disposito, ilico sequi debet effectus. Adde quòd Sacerdos celebras in die parasceues post sumptionem specierum panis, ilico recipit gratiam, quare eandem recipiet, post sumptionem earundem specierum panis, quando communicabit sub vtraque specie, nam gratiæ productio pendere non debet ab euentu futuro.


Peccatum veniale impeditne effectum huius Sacramenti. 110


Resp. Peccatum veniale præteritum, & solo habitu manens in anima non impedit augmentum gratiæ, quia sicut peccatum veniale non auertit a Deo, ita neque ponit obicem gratiæ habituali. Peccatum verò veniale, quod actu inter communicandum committitur, licet non impediat infusionem gratiæ habitualis, impedit tamen spirituales illam delectationem, quam percipere solent deuotè communicantes, præterquam quod efficit, vt remissior gratia habitualis infundatur.



SECTIO XVII.

DE MODIS MANDUC- candi corpus Christi: & praeuia dispositione ad communionem.

III  Vor sunt modi manducandi
corpus Christi.

 Resp. Sunt 3. Sacramentalis
tantum, Spiritualis tantum, &
Sacramentalis, & spiritualis simul. Commu-
nio Sacramentalis est ea, qua peccator
baptizatus suscipit hoc Sacramentum cum
intentione recipiendi illud, vt Sacramen-
tum est. Spiritualis nihil aliud est, quam de-
sideriũ, ac propositũ hominis iusti sumendi
Eucharistiã. Sacramentalis denique & spi-
ritualis communio est ea, qua & re ipsa Sa-
cramentum suscipitur, & quia dignè sus-
cipitur, inde acquiritur fructus aliquis ex
opere operato.

Est ne solius hominis hoc Sacramen-¹¹²
tum spiritualiter sumere.

Resp. Solus homo potest hoc Sacramentum tum Sacramentaliter, tum spiritualiter sumere. 1. pars probatur; quia solus homo capax est baptismi, & intentionis recipiendi hoc Sacramentum, ut Sacramentum est. 2. pars item probatur, quia in eo solo potest esse verum desiderium sumendi re ipsa Eucharistiam, qui est capax sumptionis illius, sed huiusmodi est homo, non Angelus igitur &c.

Solusne homo iustus potest Christū Sa-¹¹³
cramentaliter manducare.

Resp. Non modò homo iustus, sed etiam peccator potest Christi corpus verè, ac realiter sumere: patet ex verbis Apostoli. 1. ad Cor. ij. *Qui autem manducat, & bibit indignè. &c.*

Peccat ne peccator sumēs corpus Chri-¹¹
sti Sacramentaliter.

Resp. Peccat mortaliter qui accedit ad hoc Sacramentum cum conscientia peccati mortalis: probatur ex Apostolo. 1. Cor. ij. *Qui enim manducat, & bibit indignè, indici-*

um sibi manducat, & bibit, non diiudicans corpus Domini.

- 115 **E**st ne præceptum aliquod conscio peccati mortalis, de præmittenda confessione ante communionem.

Resp. Non est quidem iuris naturalis, ut Confessio præmittatur sumptioni Eucharistiæ; quia ex natura rei dignè ad eam accedit, qui cum sola attritione ad eam accedit. Est tamen id iuris diuini positiui. Colligitur ex verbis Pauli, *Probet autem se ipsum homo &c.* & ex Trid. sess. 13. c. 7 ubi dicitur praxim Ecclesiæ semper talem fuisse. Nam praxis, cuius initium nescitur, meritò creditur à Christo profluxisse.

- 116 **N**unquam-ne licet conscio peccati mortalis sumere Eucharistiam sine confessione.

Resp. Licet interdum, si necessitas communicandi urgeat, & desit Confessarius. Ita Trid. supra.

- 117 **Q**uando-nam censetur adesse necessitas communicandi.

Resp. Censetur adesse, i. in articulo mortis;

tam Sacerdotis, quàm alterius; quando scilicet aliquis aliàs esset decessurus sine viatico 2. quando Sacerdos tenetur ex officio celebrare, nec potest per alium. 3. quando quis sine scandalo, aut infamia non posset omittere sacrum, aut communionem. 4. quando celebrans post consecrationem recordatur peccati mortalis non confessi, aut etiam peccat mortaliter, non tenetur ante communionem confiteri etiamsi adesset confessarius, & posset sine nota fieri; quia sacrificium non decet interrumpi, nisi fortè crederet se non esse contritum. 5. quando quis aliàs non posset in Paschate communicare: tunc enim, quamvis non confessus posset communicare, concepta cōtritione. Addunt aliqui alium casum, nimirū cum quis habet casus reseruatōs, a quibus non potest absolui a confessario; sed probabilius est, eo casu teneri eum præmittere confessionem omnium peccatorum, si habeat aliqua peccata mortalia non reseruata, vt saltem à reseruatis indirectè absoluator: quod si nulla habeat mortalia non reseruata, consultius esset, vt sua reseruata cum venialibus confiteretur, ob eundem finem.

118 **Q** Vandonam censetur deesse confessarius.

Resp. 1. Quādo absolutè deest, qui possit confessionem audire. 2. cum quis non potest sine interprete confiteri; ad hoc enim nemo tenetur. 3. quando quis prudenter iudicat se non posse præsenti confessario confiteri sine graui periculo notabilis damni, aut scandali.

119 **Q** Vantū debet distare confessarius, ut possit dici abesse.

Resp. Id ex variis circumstantiis expendendum, & prudenti iudicio determinandum est. Hoc tamen in genere dici potest, ei deesse confessarium, qui ob inualerudinem, itineris difficultatem, tēporis breuitatem, aliorum præsentiam, vrgentia negotia, aliāque id genus, sine graui incommodo hīc, & nunc eum adire nequit.

120 **A** D quid obligatur communicaturus, qui confiteri non potest, & tamen peccato aliquo lathali tenetur.

Resp. Obligatur vi præcepti diuini, ad eliciendam contritionem, ut quantū po-

test dignè ad communionem accedat. Insuper Trid. sess. 13. c. 7. iniungit Sacerdoti, qui ob inopiam confessarii, urgente necessitate, omissa peccati mortalis confessione, celebrauit, vt quâprimùm commodè potest, confiteatur; quo præcepto non tenentur laici.

Accedere ad hoc Sacramentum cum¹²¹ conscientia peccati mortalis, est-ne grauiissimum omnium peccatorum.

Resp. Indigna sumptio corporis Christi, graue quidem est peccatum Sacrilegij, quo violatur religio, ac veneratio rebus sacris, ac sanctis debita; ex genere tamen suo non est peccatum omnium grauiissimū; infidelitas enim, desperatio, odium Dei &c. quibus destruuntur virtutes Theologicæ, grauiora sunt.

Debetne Sacerdos denegare Eucharistiam peccatori petenti.¹²²

Resp. Distinguendo: vel enim peccator est publicus, vel occultus: si publicus, siue publicè, siue priuatim Eucharistiam petat. eam illi Sacerdos ministrare non debet, ante pœnitentiam peractam, & qui-

dem publicam, si publicè petat, vel priuatam, aut publicam, si priuatim. Ratio est, quia sancta sanctè tractanda sunt, nec debet sanctum dari canibus. Immo negari eadem deberet, si vel violenta tantum suspitio haberetur de crimine ipsius, quia certitudo moralis, & euidentia sufficiunt ad res humanas gerendas. Si verò peccator occultus sit, & occultè eam petat, ei dari non debet, quia eiusmodi peccator nullum habet ius ad eam petendam; neque ex eo, quod illi denegetur, sequitur vlla vel infamia ipsius, vel scandalum, & aliunde citatur magna irreuerentia huius Sacramenti, quod fieri semper debet, quando potest: Si autem talis peccator occultus publicè ad eam accipiendam se se offerat, eam non debet ille denegare Sacerdos; quia ad bonum commune, rectamque gubernationem requiritur, ut bona communia cuique distribuantur, pro cuiusque meritis, ac dignitate, eaque non priuatâ scientiâ, sed publico testimonio cognita; at peccator occultus, etsi reipsa, & iudicio Sacerdotis sit indignus hoc Sacramento, publicè tamen non iudicatur indignus, ergo debet Sacerdos huic scientiæ se conformare.

Impeditne nocturna pollutio aliquem ¹²³
a susceptione huius Sacramenti.

Resp. Si pollutio eueniat citra vllū peccatum mortale, mortale non est eo die accedere ad hoc Sacramentum: si tamen ex ea, siue voluntaria fuerit, siue non, oritur magna quādam mentis distractio, veniale erit eo die ad illud accedere; nisi aliunde quis excusetur; alioqui si ex pollutione involuntaria non sequatur huiusmodi effectus, potest quis eo die sine peccato vllō communicare; imo etiamsi pollutio accideret cum peccato mortali, modo præcederet communionem legitima pœnitentia, & confessio: quamnis consultius esset eo die sibi communionē interdicere.

Coniugati possuntne post actum con- ¹²⁴
iugalem eodem die sine peccato cō-
municare.

Resp. Regulariter non possunt sine veniali, quia talis actus ordinariē non fit ex mero proliis desiderio, sed ex concupiscētia, ac libidine, vnde magnæ distractiones oriuntur, & hebetudo mentis ad cogitandum de rebus diuinis: Si tamen constaret valem actum susceptum tantū fuisse p. o.

lis desiderio, & ad reddendum debirum, nil causæ esset, cur deberet impedire à cōmunionē, si præsertim nullus talis effectus ex eo sequeretur.

125 **I**mpeditne sumptionem huius Sacramenti cibus, vel potus præassumptus.

Resp. Solis iis licet sumere hoc Sacramentum, qui ita ieiuni sunt, ut post mediā noctem nihil omnino per modum cibi, vel potus sumserint. Patet ex vniuersali Ecclesiæ consuetudine, ab ipsis Apostolis introducta in reuerentiam huius Sacramenti.

126 **R**egula illa de non sumendo cibo, vel potu ante communionem, itane generalis est, ut nullus sit exceptioni locus.

Resp. Varij sunt casus, in quibus licet etiam non ieiuno communicare. 1. est cū quis versatur in articulo mortis, nec iudicio Medici potest expectare tempus, in quo possit ieiunus communicare; vel licet possit expectare, non potest tamen Eucharistia ad eum commodè deferri. 2. oritur ex necessitate perficiendi Sacrificium iam inceptum, quia enim maius est præceptum

de integrè celebrando, quàm de ieiunè sum-
mendo hoc Sacramentum, fit vt debeat
Sacerdos potiùs communicare post cibũ
sumptum, quam relinquere Sacrificiũ im-
perfectum. 3. est, quando timetur grauis
aliqua irreuerentia Sacramenti, v. c. ne
deueniat in manus hæreticorum, qui illud
indignè sint tractaturi, vel ne incendatur
&c. 4. est, si timeatur vel scandalum alio-
rum, vel grauis infamia, nisi quis com-
municet, licebit enim ei tunc communi-
care post cibum sumptum. 5. est, cum
Sacerdos loco vini consecrauit aquam, eã-
que sumpsit, tunc enim debet iterum vi-
num consecrare, illudque sumere.

Licet-ne in eadem ægritudine alicui¹²⁷
non ieiuno communicare.

Resp. Licet, siue æger ex morbo ferè to-
tus conualescat, & postea ex eodem iterum
in periculum mortis incidat [quia tunc sũt
quasi diuersi morbi] siue perseverante eo-
dem morbo post interuallum aliquot die-
rum sæpius exponatur præsentì vitæ peri-
culo, quia in eò casu permittitur non ieiun-
o communicatio, vt diuino præcepto satis-
faciat, egetque moriturus talis Sacramenti
præsidio.

128 **P**Otest ne Sacerdos nō ieiunus celebra-
re, quando deest hostia, quæ morituro
datur, ne cogatur sine viatico decedere.

Resp. Non potest, quia non potest vio-
lare præceptum Ecclesiæ, vt alter possit
seruare diuinū, a cuius obseruatione æger
excusatur, ob impossibilitatem communi-
candi.

129 **Q**ui carent vsu rationis, sunt-ne capa-
ces fructus huius Sacramenti.

Resp. Infantes, amentes, & alij caren-
tes vsu rationis, dummodo sint in gratia
constituti, sunt capaces fructus huius Sa-
cramenti. Sacramenta enim omnia con-
ferunt gratiam non ponentibus obicem.

130 **E**st-ne præceptum aliquod, quo vel te-
neantur infantes, & adulti amentes ad
hoc Sacramentum suscipiendum, vel
obligetur Ecclesia ad illud ipsis conferen-
dum.

Resp. Non est: Quod ipsi præcepto
non teneantur patet, quia præcepti capaces
non sunt. Quod Ecclesia etiam ad id non
obligetur, probatur; ex eo quod Ecclesia
teneatur tantum iis ea remedia conferre,
que

quæ ad salutem necessaria sunt, cuiusmodi non est Eucharistia.

Quid de eo dicendum, qui antequam incidere in amentiam petiit hoc Sacramentum, fuitque rectè dispositus ad illud suscipiendum.

Resp. Si sit spes sanioris mentis, expectandum donec rationis sit compos: Si verò amentia putetur futura perpetua, & occurrat extrema necessitas, debet ei ministrari, quia virtute prioris desiderij censetur habere ius ad illud, pièque illud suscipere,

Potest ne hoc Sacramentum dari Energumenis.

Resp. Si sint rectè dispositi, & ita à Dæmone perpetuo vexentur, ut nunquam sint compotes mentis, potest in articulo mortis, iis ministrari. Quòd si interdum vterentur ratione, deberet Eucharistiæ administratio in illud tempus differri.

Licet ne quotidie hoc Sacramentum sumere.


Resp. Et si per se loquendo, laudabilius sit frequentius communicare, quàm rari-

us; hominibus tamen laicis, iisque præsertim, qui coniugati sunt, consulendum non est, ut sæpius, quam semel per hebdomadam communicent, ob varias rerum humanarum curas, & solitas, quibus distinentur occupationes: quæ quia in omnibus non habent locum, sic aliquis ab illa regula exceptioni locus esse potest.

134 **L**icet ne sæpius per diem communicare.


Resp. Nullo quidem iure diuino id prohibitum; ne vulgò tamen id fiat, ob reuerentiam tanti Sacramenti, meritò Ecclesiastica consuetudine, & lege sancitum est, per quam eandem potestas fit Sacerdotibus in festo Natiuitatis Domini ter inter celebrandum communicare.






SECTIO XVIII.

DE PRÆCEPTIS AD
*communione obligantibus, &
communione sub utraque
specie.*

 Tenemur-ne præcepto aliquo 135
diuino ad huius Sacramenti
susceptionem.

 *Resp.* Vi præcepti diuini te-
nentur omnes adulti ad communicandum,
non modò in articulo mortis, sed etiam ali-
quoties in vita. Quod teneantur commu-
nicare in articulo mortis, ex eo docetur,
quòd semper Ecclesiæ curæ fuit, ne vllus
sine viatico ex hac vita decederet. Quòd
verò teneantur etiam sæpius communicare
in vita, probatur ex fine, & institutione
huius Sacramenti; Institutum enim est ad
charitatem, & robur spirituale augendum,
tum etiam ad perseverandum in gratia, ad

quod vnica Eucharistiæ sumptio non sufficit.

136 **T**ENEMUR ne ad eandem Eucharistiæ sumptionem præcepto aliquo Ecclesiastico, & quo tempore obligat hoc præceptum,

Resp. Præcepto Ecclesiæ tenentur omnes adulti baptizati singulis annis communicare, idque in paschate, Ita enim habetur in c. Omnis vtriusque sexus, de pœnitentia, & definitur in Trid. sess. 13. can. 9. Nomine verò paschatis non intelligitur solus dies resurrectionis, sed octo dies ipsi præcedentes, & octo consequentes, vt testatur Ecclesiæ consuetudo.

SI quis ex impotentia, vel malitia totum tempus paschale transigeret sine sumptione Eucharistiæ, liberaretur ne onere, & obligatione communicandi eo anno, differendo vsque ad Pascha sequentis anni.

Resp. Non liberaretur, sed ei communicandum esset prima data occasione; quia communio ita præcipitur fieri tempore Paschali, vt ratio, vel occasio talis præcepti non nascatur ex illo tempore, sed ex ipsa

substantia præcepti; quò fit, vt tempus illud habeat tantum rationem circumstantiæ; quare si communio præcepta tempore constituto non fiat, adimpleri debet alio tempore.

Satisfacit ne præcepto de communione; 38
facienda, qui communicat indignè, hoc est in peccato mortali.

Resp. Satisfacit; ratio est, quia quotiescunque lex aliqua præcipit actum aliquem, censetur tantum præcipere substantiam ipsius, non verò modum, nisi sit intrinsecus, & essentialis ipsi actui (quo pacto cum præcipitur confessio, præcipitur quoque integritas ipsius) at dignitas, & dispositio, quæ requiritur in sumptione huius Sacramenti, non est de substantia ipsius sumptionis, quæ præcipitur, sed est tantum modus quidam ipsius, ergo illa non præcipitur, & per consequens satisfacit, qui quouis modo communicat.

Tenentur ne Laici iure diuino com- 129
municare sub vtraque specie.


Resp. Non tenentur, Ita Trid. sess. 21.
c. 1. & can. 1. imò legitimis ex causis præci-

piratur a Concil. Constant. sess. 13. sub pœna excommunicationis, ne vllus Sacerdos communicet populum sub vtraque specie. Et probatur ex loa. c. 6. vbi Christus ait, *Si quis manducauerit ex hoc pane. Vuet in æternum.* & *Panis, quem ego dabo, caro mea est pro mundi vita.* quibus verbis vim sanctificandi, & viuificandi tribuit Sacramento sub vnica panis specie; quod falsum esset, si vtraque species necessaria esset ad salutem.



SECTIO XIX.

*DE POTESTATE EV-
charistiæ consecrandi, eamque
aliis dispensandi.*

140  Onsecratio huius Sacramenti est ne propria Sacerdotis,
Resp. Potestas consecrandi seu conficiendi Eucharistiæ Sacramentum pertinet ad omnes, & solos Sacerdotes per Episcopum consecratos: patet ex Florent. in decreto

Eugenij, & Trid. sess. 22. c. 1. Ratio est, quia ij soli habent hanc potestatem, quibus ea à Christo data est; at iis solis data est à Christo, quibus Math 26 dictum est, *Hoc facite in meam commemorationem*, Hi autem fuerunt soli Apostoli, & qui iis in munere Sacerdotali successerunt, quales tantùm sūt ij qui in Ecclesia certo ritu consecrantur in Sacerdotes.

Possunt ne plures Sacerdotes vnā, & ¹⁴¹ eandem hostiam consecrare.

Mouetur hæc quæstio occasione eorum, qui recenter creati sunt in Sacerdotes, qui plerisque in Ecclesiis iubentur simul cum Episcopo verba consecrationis proferre: ad quam.

Resp. Si tam Episcopus, quàm Sacerdotes eodem instanti finiant formam consecrationis, concurrent omnes ad consecrandum eandem hostiam; secus si simul non absoluant; cum hoc tamen discrimine, vt si prius Episcopus finiat, solus consecret; Si verò ex nouis Sacerdotibus nonnulli Episcopum præuertant, non consecrent, modò non habeant intentionem faciendi, quod per formam significatur; debent enim

ita esse comparati ad vitanda quædam incommoda, 1. vt non præsumant præuenire Episcopum in consecrando. 2. vt intendant cum eo consecrare, si fieri possit; sin minus, intendant solum verba consecrationis materialiter proferre.

¹⁴² **A**D solumne Sacerdotem pertinet dispensatio huius Sacramenti.

Resp. Ad solum presbyterum pertinet iure diuino dispensatio huius Sacramenti. Colligitur ex illo 1. ad Cor. 4. *Sic nos existimet homo, vt ministros Christi, & dispensatores mysteriorum Dei, id est, sacramentorum, vbi loquitur de se, & aliis Sacerdotibus.*

¹⁴³ **E**St ne de iure diuino, vt Sacerdos talem potestatem per se ipse semper exerceat, nec possit alteri eam committere.

Resp. Non: Confirmatur ex consuetudine quæ olim fuit in Ecclesia, quando laicis dabatur communio sub vtraque specie; tunc enim Diaconi calicem ministrabant, vt patet ex illo D. Laurentij ad Sixtum pontificem, *Experire vtrum ministrum idoneum elegeris cui commissi Domini sanguinis dispensationem: quod sit, vt etiamnum hodie, si quis*

esset in articulo mortis, nec Sacerdos propter infirmitatem posset eum adire, nec aliter⁹ suppeteret copia Sacerdotis, posset ad eum à Sacerdote mitti diaconus, qui ei hoc Sacramentum ministraret; Immo, quod amplius est, si Sacerdos abesset, & talis necessitas vrgeret, posset diaconus ex voluntate interpretatiua superioris, ei per se Eucharistiam ministrare. Addam non desse graues Theologos, qui inferiores Clericos, aut etiam Laicos in tali necessitate idem posse asserant: Vnde infertur à fortiori licere Sacerdoti, aut Diacono in extrema necessitate se ipsum communicare; quod etiam de Laico nonnulli putant probabile.

VT quis legitimè ministret Eucharisti-¹⁴⁴
am, sufficitne potestas ordinis.

Resp. Non, sed præterea requiritur iurisdictio, siue ordinaria, siue delegata; quod locum habet non solum tempore Paschatis, sed etiam quocunque alio. Patet ex Concil. Cartag. 1. c. 7. & quia ad rectam Ecclesie gubernationem pertinet, vt soli pastores pascant oues suas,


145 **Q**uam pœnam incurrit, qui sine licetia alienis ouibus hoc Sacramentum distribuit.

Resp. Is, qui Sacerdos non est, fit irregularis, quia exercet actum ordinis, quem non habet. Qui Sacerdos est non religiosus, grauius quidem peccat, nullam tamen incurrit censuram. Religiosus non religioso sine licentia præsumens dare communionem incurrit excommunicationem, vt patet ex Clement. Religiosi, de priuilegiis, secus si alteri religioso.

146 **S**acerdos consecrans tenetur ne sumere hoc Sacramentum.

Resp. Tenetur, & quidem sub vtraque specie, quia talis sumptio pertinet ad integritatem sacrificij.






SECTIO XX.

DE IMPIO EVCHARI

*stia ministro, & obligatione Sa-
cerdotis ad consecrandum.*

 Otestne malus Sacerdos Eu-¹⁴⁷
charistiam consecrare.

Resp. Potest, quia potestas
consecrandi non nititur boni-
tate ministri, sed caractere, qui indelebi-
lis est.

Missa mali Sacerdotis minùsne valet, ¹⁴⁸
quàm missa Sacerdotis boni.

Resp. Si Missa spectetur ex parte effectus,
qui illi convenit ex opere operato, tan-
tùm valet: Si autem spectetur, quantùm
ad vim operãdi, quam habet ex opere ope-
rantis ipsiusmet Sacerdotis celebrantis,
minùs valet. Ratio prioris partis est, quia
talís effectus non pendet ex meritis operã-

tie, sed ex mera Dei institutione. Ratio posterioris partis est, quia vis impetrandi boni operis præcipue pendet ex dispositione operantis, cum ergo malus Sacerdos minus sit dispositus ad impetrandum, quàm bonus, Missa mali Sacerdotis hæc ex parte minus valebit, quàm boni.

149 **S**acerdos hæreticus, schismaticus, excommunicatus, degradatus, potestne hoc Sacramentum conficere.

Resp. Potest; quia potestas consecrandi non distinguitur à caractere Sacerdotali, qui in omnibus illis indelebilis est.

150 **L**icetne a Sacerdotibus excommunicatis, vel Hæreticis, seu peccatoribus communionem recipere, & eorum Missam audire.

Resp. De hac difficultate dictum est, ubi de Sacramentis in genere.

151 **L**icetne Sacerdoti omnino à consecratione abstinere.

Resp. Præterquamquod Sacerdos cui animarum cura commissa est, toties celebrare tenetur, quoties id necessarium est,

De Eucharistia.

125

vt muneri suo satisfaciat, vt docet Trid. sess. 23. c. 14. de reform. Singuli Sacerdotes etiam curam animarum non habentes, tenentur sub mortali aliquoties in anno, ter nimirum, aut quater celebrare: Christus enim Dominus non modò Sacerdotibus omnibus potestatem fecit consecrandi sui corporis, sed vnà iis id iniunxit his verbis, *Hoc facite in meam commemorationem.* Cui mādato vt satisfaciant, debent, vt minimum, ter, quaterue in anno ad altare accedere, celebrioribus nimirum festis, ex decentia quadam, vel si placet, aliis.





CAPVT V.

DE SACROSANCTO

Missæ sacrificio.

SECTIO I.

DE SACRIFICII NO-

*mine, natura, & varijs eius
acceptionibus.*

I.

VÆNAM sunt huius vo-
cis, *Sacrificium*, significatio-
nes.*Resp.* Sacrificium di-
citur quasi sacrum factum,
teste Greg. in c. Multi. i.q. i. Porro dupliciter sumitur *Sacrificium*,
i. Largè, & improprie, pro omni opere
bono, siue interno, siue externo, quod in
laudem, ac honorem Dei referri potest: sic

De Sacrosan. Missæ sacrif. 197

Psalim. 50. *Sacrificium Deo spiritus contri-*
bulatus, & Psal. 49. *Immola Deo sacrifi-*
cium laudis. 2. strictè & propriè, & defini-
ri potest, *Actio externa, per quam Deo aliquid*
offeritur, ac immutatur in protestationem, ac agni-
tionem supremi eius Domini. quò pacto Sa-
crificium non significat quemcunque actû
virtutis, sed eum supremum actum religio-
nis, qui cõsistit in immutatione alicuius rei
sacræ, in honorem Dei.


QUænam est natura, & ratio Sacrificij 2.
propriè sumpti.

Resp. Sacrificium propriè sumptum ita
describi potest. *Est oblatio externa rei alicuius*
permanentis, ac sensibilis, a Deo, vel hominibus pu-
blica potestate instituta, a legitimo ministro Deo
ipsi immediatè facta, per immutationem eiusdem
rei, in signum agnitionis supremi ipsius in res om-
nes Domini, & reuerentiæ interioris, quæ illi
sanguam supremo Domino exhibetur.

QUotuplex est Sacrificium.

Resp. Quadrifariam diuiditur, ni-
mirû ex parte materiæ, seu rei in eo obla-
tæ; ex parte formæ; ex parte finis; & ex
parte efficientis. Ex parte materiæ diuidi-

tur in victimas, seu hostias, immolationes, & Libamenta. Ex parte formæ diuiditur in holocaustum, hostias pro peccato, & hostias pacificas: quæ diuisio spectari quoque potest ex parte finis: quia enim varius erat finis sacrificiorum, ideo diuerso modo fiebant. Huc refertur diuisio sacrificij in c. u. entum, & in c. u. entum. Illud ita dicebatur, quodd cum sanguinis effusione fieret; hoc verò, quod sine illa. Denique diuiditur sacrificium in Sacrificium legis naturæ, Mosaicæ, & gratiæ; de quo postremo deinceps dicendum.



SECTIO II.

DE SACRIFICIO MIS- sa, eiusque autore.

4.



Stne in lege Euangelica aliquod visibile, & proprium Sacrificium.

Resp. Fide certum est aliquod esse: probatur luculenter ex c. i. Malachie

No.

De Sacrosan. Missæ sacrif. 199

Non est mihi voluntas in vobis, dicit Dominus exercituum, & munus non suscipiam de manu vestra; ab ortu enim solis, usque ad occasum magnum est nomen meum in gentibus, & in omni loco sacrificatur, & offertur nomini meo oblatio munda, quia magnum est nomen meum in gentibus, dicit Dominus exercituum. Quod Sacrificium intelligi nequit de operibus virtutum, nec de Sacrificio vlllo iudaico, nec sacrificio vlllo eorum gentilium, qui ante Christi aduentum verum cultum vero Deo offerebant, nec de Sacrificio aliquo gentiliū idololatrarum, vt patebit intuenti: quare debet intelligi de vero aliquo sacrificio, quod nunc a nobis offertur, qui prius eramus gentiles.

Offertur in Missa verum, ac propriū nouæ legis Sacrificium.

Resp. Offertur: probatur ex facto Christi; illud enim ipsum nunc fit à Sacerdotibus, quod Christus gessit in nocte cœnæ: tunc verò non modò Sacramentū instituit, sed etiam Sacrificium obtulit: cū enim Christus, qui est Sacerdos in æternum secundum ordinem Melchisedec aliquando offerre debuerit Sacrificium secundum eundem ordinem, hoc est, in pane, & vino, &

id in nocte cœnæ non præstitit, nusquam
fanè præstitit. Sacrificant igitur Sacerdo-
tes, quoties Eucharistiæ Sacramentum cõ-
ficiunt.

6. **F** Vitne hoc Sacrificium in vltima cœna
à Christo institutum.

Nota duo esse in Missa distinguenda.
1. est substantia ipsa Sacrificij, 2. sunt ora-
tiones, & ceremoniæ, quæ adhibentur ve-
luti quædam accidentiâ eius ornamenta.
hoc posito.

Resp. Fide tenendum est Christum in
vltima cœna instituisse Sacrificium Missæ,
quoad substantiâ. Probatur hac ratione,
necessaria est connexio inter legem, sa-
cerdotium, & sacrificium, autore Apo-
stolo, ergo eiusdem est sacrificium insti-
tuere, qui legem, & Sacerdotium instituit;
sed Christus est autor nouæ legis, & eius
sacerdotij, ergo & sacrificij; illud autem
aliud non est, quàm immolatio corporis,
& sanguinis sui. Ad hæc idem cõfirmatur
ex ipsius verbis, quibus Christus hoc Sacra-
mentum confecit, quæ D. Lucas c. 22. ita
refert. *Hoc est corpus meum, quod pro vobis
datur. Hic est calix nouum testamentum in san-
guine meo, qui pro vobis effunditur. Ex quibus*

De Sacrosan. Missæ sacrif. 201

sic argumentor, verbum. *Datur*, aut sumitur pro, porrigitur vobis, aut pro, offertur in cruce pro vobis in Sacrificium, aut pro, offertur iam pro vobis in Sacrificium. Non primum, quia non dixisset Christus, *Datur pro vobis*, sed *datur vobis*. Similiter de calice non dixisset *Effunditur pro vobis in remissionem peccatorum* simplex enim porrectio non refertur ad peccata remittenda: neque dixisset, *Effunditur pro vobis, & pro multis*, sed tantum *effunditur pro vobis*, solis enim Apostolis tunc porrigebatur. Neque 2. quia non dixisset, *datur, effunditur. &c.* sed *dabitur, effundetur &c.* quam effusionem cum calici tribuat, loquaturque in præsentì tempore, manifestum est eam non posse accommodari sanguini in cruce; is enim quatenus calice continetur, non fuit fusus in cruce. Dicendum igitur est 3. per illa verba *Datur pro vobis*, intelligendam esse præsentem quandam oblationem corporis, & sanguinis Domini Deo factam à Christo, qui est Sacerdos secundum ordinem Melchisedec, quæ oblatio non distinguitur ab oblatione crucis ratione rei oblatae, quæ utrobique est eadem, ipse scilicet Christus, sed tantum ratione modi: in cœna enim in cruentè, in cruce cruentè

fuit oblatus.

- 7 **A** Quo institutæ sunt Ceremoniæ, & orationes, quæ in Missa fiunt quæque extrinsecæ sunt substantiæ sacrificij Eucharistiæ.

Resp. Non à Christo, sed ab Ecclesia.

- 8 **E** St-ne vnum tantum Sacrificium Eucharistiæ in lege noua.

Resp. Est: probatur ex Trid. præfatione ad sess. 12. vbi appellatur hoc sacrificium, *vnun, verum, ac singulare sacrificium*; Cuius rei ratio est, quia vna res est oblata, scilicet Christus, qui offertur sub speciebus Eucharistiæ, & vnus finis talis oblationis, nempe supremus cultus Patriæ.

- 9 **E** St-ne absolutè loquendo vnicum Sacrificium in lege Euangelica.

Resp. Est vnicum, quia lex Euangelica perfectissima est, & eius sacrificium, ratione rei in eo oblata, infinitæ dignitatis, ergo nõ debuerunt in eo multiplicari Sacrificia.

- 10 **O** Fferuntur ne in Missa corpus, & sanguis Christi.

De Sancto Missæ sacrif. 20;

Resp. Offeruntur, illud enim in Missa offertur à Sacerdote nouæ legis, quod Christus in nocte cænæ Deo patri obtulit, ac sacrificauit: sed illud fuit corpus, & sanguis ipsius, vt supra probatum est, ergo corpus, & sanguis ipsius offeruntur.

II

Quomodo corpus, & sanguis Christi in Missa offeruntur.


Resp. Christus, vt in propria specie existit, nullo modo offertur in hoc sacrificio, sed tantum vt est in speciebus panis, & vini modo Sacramentali; offertur autem nõ vt materia, quæ supponatur actioni sacrificandi, sed tantum vt terminus oblationis. 1. pars probatur, quia eo modo offertur in Sacramento, quo in eo continetur, continetur autem modo indiuisibili, ac Sacramentali. 2. pars probatur, quia actio sacrificandi est cõsecratio, seu Transsubstantiatio, cui actioni non supponitur Christus (hoc enim potius conuenit substantiis panis, & vini) sed potius per eã fit præsens speciebus.

Nihil-ne aliud offertur in Missa præter corpus, & sanguinem Christi. 12

Resp. Substantiæ panis, & vini in Missa


offeruntur. tanquam materia ex qua fit totum sacrificium: species verò panis, & vini pertinent intrinsecè ad rem oblatam, ita ut in Sacrificio Missæ offeratur compositum aliquod sensibile ex speciebus, & corpore Christi. 1. pars probatur, quia substantiæ illæ non offeruntur tanquam res oblata manens in termino oblationis, ergo ut materia, ex qua fit id quod offertur. 2. pars probatur tum ex August. qui in c. hoc est de consecr. d. 2. ait Sacrificium Ecclesiæ *Duobus confici, Visibilibus Sacramentorum specie, & invisibili Domini Iesu Christi carne*; tum ratione; est enim de ratione sacrificii, ut sit aliquid sensibile, Christus autem, ut est in Sacramento non est aliquid sensibile, nisi ut cū speciebus componit vnum Sacramentum, ac signum sensibile.





SECTIO III.

DE ACTIONE, IN QVA
posita est essentia Sacrificij Missæ.

 Vm iam constet de re, quæ in 13
Missæ offertur, ac sacrificatur,
quænam est actio, per quam res
illa in Missæ offertur, seu in
qua actione posita est essentia
Sacrificij Missæ.

Nota quinque præcipuè esse actiones,
de quibus potest esse dubitatio. 1. est obla-
tio, & eleuatio panis, & vini, quæ fit his
verbis. *Suscipe sancte pater &c. & Offerimus tibi
Domine calicem salutaris &c.* 2. est consecra-
tio, & transubstantiatio panis, & vini in
corpus, & sanguinem Christi, quæ fit his
verbis. *Hoc est corpus meum. &c.* 3. est obla-
tio corporis, & sanguinis Christi, quæ fie-
ri solet post consecrationem, his verbis.
*Vnde & memores Domine offerimus maiestati tue
hostiam puram &c.* 4. est fractio hostiæ, &

mixtio particulæ ipsius cum vino. s. distributio, & sumptio Eucharistiæ, seu communio. hoc posito.

Resp. Sacrificium nouæ legis totum essentialiter perficitur consecratione: probatur, quia in consecratione inueniuntur omnia necessaria ad rationem Sacrificij, Nam quatenus fit in vtraque specie, per eam sufficienter representatur mors, & passio Christi, qui quantum est ex vi verborum, & significatione specierum, ponitur super altari separatim, quasi victima macrata. Quatenus verò fit maxima & supernaturalis immutatio panis, & vini in corpus, & sanguinem Christi, vt hæc res tantæ dignitatis super altare positæ in honorem Dei cedant, potuit institui, ad potestandum supremum Dei dominium. Præterea, sola hæc actio propriè fit in persona Christi, qui est præcipuum agēs, & offerens in hoc Sacrificio; in ea igitur sola consistit oblatio, seu Sacrificium. Quod attinet ad alias actiones supra enumeratas, ex meritò excluduntur à ratione Sacrificij; Nam oblationes, tam ea quæ præcedit consecrationem, quam ea quæ subsequitur, non semper usurpatæ sunt ab Ecclesia: fractio Eucharistiæ consecratæ, eiusque particulæ


De Sacrosan. Missæ sacrif. 207

mixtio sunt tantū ceremoniæ sacræ, quibus nusquam Christus legitur vsus, nec eas semper vsurpauit Ecclesia: distributio Eucharistiæ Laicis facta, & communio, quæ fit ab illis, prorsus extrinseca est huic Sacrificio, nec si omittatur censetur ideo Sacrificium imperfectum: sumptio verò, quæ fit à Sacerdote ad summum pertinet ad integritatem Sacrificij, vt sit nimirum veluti consummatio, & complementum totius immolationis.

Consecratio vtriusque speciei est. ne de ¹⁴
essentia huius Sacrificij,


Resp. Ad essentiam Sacrificij nouæ legis, prout de facto institutum est à Christo, pertinet cōsecratio vtriusque speciei. Ratio est, quia Christus instituit hoc Sacrificium prout est expressa representatio mortis, & passionis ipsius, vt patet ex iis verbis, *Hoc facite in meam commemorationem*, hoc est, representando passionem meam: at ad talem representationem requiritur intrinsecè consecratio vtriusque speciei; Igitur ad essentiam sacrificij pertinet consecratio vtriusque speciei. Vnde hoc interest inter Sacramentū Eucharistiæ, & Sacrificium, quod illud *ita in vtraque specie cōsistat*, vt simul eri-

am essentialiter in altera tantum inueniatur, quia ratio essentialis Sacramenti Eucharistiae, quæ Sacramentum est, non est, ut significet per modum conuiuij perfecti, & absoluti, sed ut absolute significet refectiõnem spiritualem, quæ significatio in vtriusque specie reperitur; Sacrificio verò essentiali sit, ut discrete repræsentet passionem Christi, quod in vnica tantum specie non inuenitur.



SECTIO IV.

DE VI AGENDI SACRIFICII MISSÆ.

15.  Sacrificium Missæ est ne propitiatorium, hoc est, habet ne vim Deum flectendi ad condonanda peccata nostra.

Resp. Est propitiatorium: docet Trid. sess. 22. c. 2. & probatur ex verbis institutionis, Math. enim 26. & Lucæ 22. Calix sanguinis Christi dicitur *Effundi*, siue

De Sacrosan. Missæ sacrific. 209

per sacrificium Deo offerri, in remissionem peccatorum, quod nihil est aliud, quàm hoc sacrificium esse propitiatorium. Verba autem Christi esse etiã intelligenda de sacrificio in cruento supra ostensum est.

Sacrificium Missæ estne impetratorium, 16.
seu potestne offerri ad quavis beneficia impetrandã tam ipsis offerentibus, quã quibuscvis alijs.

Resp. Est impetratoriũ vtrisque: Nam non est minoris virtutis, quàm sacrificia veteris legis, quæ id præstabant, vt patet ex l. 2. Regum, & 1. Mach. 3. Adde quod hoc sacrificium sit perfectissimus actus virtutis religionis, ac proinde ad Dei beneficentiam erga nos excitandã aptissimus.

Sacrificium Missæ habetne vim conf- 17.
rendi effectum aliquem ex opere operato.

Certum est Missæ Sacrificium habere posse vim aliquam agendi ex opere operantis; est enim, vt mox dictum est, opus religionis præstantissimum; itaque sicut reliqui actus virtutis procedentes ex charitate, & deuotione Deo placent, sic & sacrificium à probò Sacerdote Deo oblatum.

Dubium verò iam est, an idem Sacrificiū vim habeat agendi ex opere operato, quod quid sit explicuimus, vbi de Sacramentis in genere.

Resp. Sacrificium Eucharistiæ habet vim agendi ex opere operato. Indicat Trid. sess. 22. c. 1. & probatur ex communi cōsensu Ecclesiæ; existimauit enim semper Ecclesia effectum huius sacrificij non pendere ex dispositione Ministri, sed ex certa lege, & pacto Dei, alioqui non magis posset hoc Sacrificium offerri pro alio, quàm sumptio ipsa Eucharistiæ, quæ cū sit opus satisfactorium, meritorium, & impetratorium, potest offerri ex opere operantis, ad satisfaciendum pro alio &c. quod non est ad sensum, & praxim Ecclesiæ. Porro hunc effectum assequitur Missæ Sacrificium non attingendo illum physicè, sed moraliter tantū; quippe qui positus sit in cōdōnatione debiti, quam attingere influxu Physico non potest.

18. **H**abetne Sacrificium specialem vim, seu valorem ad impetrandū res illas, pro quibus impetrandis offertur, quæ vis neque sit ex opere operato, neque ex opere operantis.


De Sacrosan. Missæ! sacrif. 211

Nota Sacrificium Missæ offerri a tribus, nimirum a Christo, tanquam a præcipuo Sacerdote, qui per hominē Sacerdotem, tanquam per ministrum suum offert; ab homine sacerdote, & ab Ecclesia, siue populo, qui etiam offert per Sacerdotem, sed non tanquam per ministrum, sed tanquam inferior per superiorem: Est enim Sacerdos populo maior, ut pote mediator inter Deum, & populum. Hoc posito.

Resp. Hoc Sacrificium ex vi suæ institutionis habet specialem vim, ut varia à Deo impetret iis, pro quibus offertur, quæ vis neque est ex opere operato, neque ex opere operantis; Christus enim, in cuius persona offertur hoc Sacrificium, semper est dignissimus, qui quidvis a Deo impetret, idque independentem a bonitate ministri: qua ratione differt hæc vis tum a valore ex opere operato, qui determinatus est ad certum aliquem effectum, tum a valore operantis, qui in eiusdem bonitate positus est.


VAlor huius sacrificij estne infinitus. 210
Resp. Utendum distinctione: Si

enim valor spectetur tam ex parte rei oblatae, quam Christi id offerentis, est simpliciter infinitus: Christus enim qui in hoc Sacrificio offertur, & qui seipsum in eo offert, est dignitatis infinitae, quare cum actio praecipue mutuetur suam dignitatem ab agente, sequitur oblationem eius esse valoris, seu dignitatis infinitae. Si vero valor sacrificij spectetur tam ex parte Ecclesiae, quam Ministri offerentis, finitus est duntaxat; quia huiusmodi valor fundatur in sanctitate tam Ecclesiae, quam Ministri; quae simpliciter est infinita.



SECTIO V.

DE EFFECTV SACRIFICIJ *Missae.*

21.  Sacrificium *Missae* confertne primam gratiam, seu remissionem peccati mortalis, & quomodo.

Resp. Valer quidem ad obti-

De Sacrosan. Missæ sacrif. 213

nendam a Deo remissionem peccatorum
mortalium, atque adeo ad primam gratiã
obtinendam, vt definiuit Trid. sess. 22. c.
1. hoc tamen non præstat immediatè ex
opere operato (id enim ex nullo capite
colligi potest) sed tantùm per modũ im-
petrationis, idque mediatè tantùm, quate-
nus alicui impetrat, vel contritionem, vel
suscceptionem Sacramenti, ænitentiæ, sine
quibus de lege Dei ordinaria nemo iusti-
ficatur: impetrat autè illa, quatenus a Deo
impetrat auxilia, quibus homines excitan-
tur, & mouentur ad eiusmodi actus elici-
endos; quæ impetratio auxiliorum certa
non est, & infallibilis, cùm doceat expe-
rientia non omnes eos, pro quibus offer-
tur hoc Sacrificium, conuertri.

Confertne Sacrificium Missæ augmẽ- 21.
tum gratiæ, & quomodo:

Rep. Hoc sacrificium per se, & ex vi
institutionis suæ, seu ex opere operato, ne-
mini confert augmentum gratiæ, aut dis-
positionem ad illam: Hoc enim Sacrifi-
cio naturã suã non conuenit, nec aliunde
exstat talis institutio, vel promissio Dei: va-
let tamen hoc Sacrificium ad augmentum
gratiæ, mediante dispositione, & merito

operantis, quod meritum illi impetrat: patet ex supradictis; si enim valet ad impetrandum pœnitentiam peccatori, valere quoque potest ad impetrandum iusto actû meritorium, quo in gratia crescat.

22 **C**onfertne hoc Sacrificium remissionem venialium, & quomodo.

Resp. Hoc Sacrificiû nunquam immediate, & ex opere operato confert remissionem venialium: nulla enim exstat ea de re promissio; sed mediante actû doloris & detestationis ipsius, quem impetrat: offertur enim ab Ecclesia in remissionem eorum peccatorum. Nemini verò ex ordinaria Dei lege potest impetrari talis effectus, nisi mediante actû proprio, quo quis peccatum detestetur. Porro ea impetratio in vniuersum loquendo non est infallibilis.

23 **R**emittiturne per hoc Sacrificium ex opere operato pœna temporalis peccatis debita.

Resp. Hoc Sacrificiû confert ex opere operato remissionem pœnæ, quæ luenda superest post culpæ remissionem: probatur inductione; probatum enim est hoc Sacrificiû

De Sacro sanc. Missæ sacrif. 215

crificium habere effectum aliquem ex opere operato, nec alius assignari potest, qui ab eo ita procedat, præter remissionem pænæ, ergo illum confert.

HOc Sacrificium tollitne omnem omnino pœnam peccatis debitam ab eo, pro quo offertur. 24

Resp. Non omnem semper tollit: patet ex usu Ecclesiæ, quæ pro eodem defuncto plura offert sacrificia.

HOc Sacrificium nonne etiam tollit pœnam per modum impetrationis.

Resp. Tollit etiam hoc modo, si ea intentione à Sacerdote offeratur; ex eo enim quod pœnam tollat ex opere operato, non amittit vim eam tollendi per modum impetrationis.

CUm hoc Sacrificium offertur pro alio, 26 tollitne immediatè pœnam aliquam ab illo, sine ullo proprio actu satisfactorio ipsius.

Resp. Verisimilius videtur id fieri per modum immediatæ applicationis satisfactionis Christi peractæ in cruce, idque non

modò vragit ex opere operato, sed etiam per modum impetrationis. Docet id vsus Ecclesiæ, quæ offert hoc Sacrificium pro deunctis, in quibus nulla potest esse satisfactio, sed satisfactio tantum.

27 **C**onfert-ne hoc Sacrificium ad bona temporalia impetranda & quomodo.

Resp. Confert ad ea obtinenda; fieri enim non potest, vt eius oblatione, veluti obsequio Deo ipsi gratissimo eius beneuolentiam non demereamur, ad impetrandum quod unque beneficium. Cæterum id ei non conuenit ex opere operato, sed per modum impetrationis. Si enim non valet ad remissionem peccatorum ex opere operato conferendam, multò nimis valebit ad ea bona.

28 **E**st-ne effectus huius Sacrificij infinitus.


Nota bifariam posse aliquid esse infinitum. Primò intensione, Secundo extensione, seu multitudine.

Resp. Effectus, qui ab hoc Sacrificio procedit, siue ex opere operato, siue per modum impetrationis, finitus est, secun-

De Sacro san. Missæ sacrif. 217

dum intensionem, quia nullus effectus potest esse infinitus secundum intensionem. Quando tamen plures cum Sacerdote offerunt idem Sacrificium, singuli accipiunt totum, ac integrum fructum, qui illis debetur ex opere operato, quatenus sunt offerentes, neque minorem, quam si unus tantum offerret: alioquin enim quod plures convenirent ad idem Sacrum audiendum, & Sacrificium offerendum cum Sacerdote, eò minorem fructum reciperent, quod absurdum est. Quod si quaestio sit de fructu Sacrificij, qui oblationi Sacerdotis ex opere operato responderet, quique ab eo potest aliis applicari, eò à singulis imperfectius participatur, quod pluribus ab eo applicatur: alias enim Sacerdotes nunquam deberent illud pro vno tantum offerre, sed pro multis; imò verò pro omnibus viventibus, ac defunctis, cum id facile fieri posset, citra incommodum aliorum, pro quibus vellet illud peculiariter offerre; quod tamen repugnat praxi, & consuetudini Ecclesiæ. Denique is effectus Sacrificij Missæ, qui ab eo per modum impetrationis proficiscitur, quantum est ex parte Sacrificij, potest multiplicari in iis omnibus, pro quibus offertur quia hæc oblatio tam ex parte rei oblata,


quā personæ offerentis, qui est Christus, est infinita dignitatis, ergo quantum est ex se habet vim infinitam ad impetrandum; atq; ita sufficiens est ad impetranda quævis beneficia, & si in infinitum multiplicetur: Aliunde tamen fieri potest, ut non tantum valeat pro multis oblatum, quantum pro vno, quia nimium commensuratur orationi. per quam applicatur, quæ oratio, cæteris, paribus, facilius est ad impetrandum rem postulata, si pro vno fiat, quam si pro multis.



SECTIO VI.

DE OFFERENTIBVS

*Sacrificium Missæ, & fructu
eorum oblationi respondente.*

- 29  Sacrificium Missæ offertur-ne à Christo, & quomodo.
Resp. Offertur à Christo Domino, tanquam à summo, & supremo Sacerdote, idque immediate,

De sacro san. Missa sacrif. 219

& propriè, non tantùm quòd illud actu offerat per Sacerdotem ministrum, sed etiam quòd illud immediatè offerat cum Sacerdote, referatque in honorem, & cultum Dei. 1. pars probatur a Trid. quod ait *eundem Christum esse hic præcipuum offerentem*. 2. pars, quòd scilicet immediatè, & propriè illud offerat, probatur, ex eo quòd ita ad actiones Sacramentorùm concurrat.

Possunt-ne soli Sacerdotes hoc Sacrifici-
cium offerre, tanquã proprij ministri
Christi.

Resp. Soli Sacerdotes, certa ceremonia,
ac ritu in Ecclesia ordinati possunt hoc
Sacrificium offerre. Est de fide ex Trid. &
ratio est, quia hoc Sacrificium est verum,
& proprium Sacrificium; hoc autem re-
quirit Sacerdotem proprium.

Possunt-ne Sacerdotes omnes in Eccle-
sia ordinati validè offerre hoc Sacri-
ficium. 31

Resp. Possunt, quia facultas offerendi,
vt cõsecrandi innititur caractere, qui in-
delebilis est.

- 32 **O**ffertur-ne hoc Sacrificium ab aliis fidelibus, & quomodo.

Resp. Offertur quidē etiā ab aliis fidelib⁹, iisque præcipuē qui vel illi intersunt, vel curant illud offerendum, offertur, inquam, non cōcurrento ad illud physico quodam influxu, sed morali: ratione cuius meritō vulgo censentur peculiari ratione offerre hoc sacrificium.

- 33 **O**ffertur-ne etiam hoc Sacrificium à tota Ecclesia.

Resp. Offertur; docet enim Trid. *Christum dilectæ suæ sponse reliquisse hoc Sacrificium visibile, ut illud offerret.* Offertur verò ab Ecclesia non verè, & propriè, sed tantum per extrinsecam denominationem, nimirum vel quaten⁹ offert per Sacerdotes, qui sūt mēbra ipsius, vel quaten⁹ Sacerdotes sūt instituti tanquam publici Ministri ad offerendas preces, & Sacrificia &c.

- 34 **R**esponderne aliquis effectus oblationi huius Sacrificij, à quocunque tandem offeratur.

Nota ex supra dictis duplicem esse huius Sacrificij effectum; vnus est per modum

De Sacrosan Missæ sacrif. 221

impetrationis, alter verò ex opere operato. Nota item offerentes hoc Sacrificium esse in quadruplici differentia, Christum, Ecclesiam, Sacerdotes, & fideles peculiari ratione offerentes & assistentes Sacrificio.

Resp. Oblationi huius Sacrificij à quocunque tandem fiat, correspondet effectus aliquis per modum impetrationis, idque ob sanctitatem, & dignitatem tam rei in eo oblatae, quam Christi præcipui offerentis. Ad hæc oblationi huius sacrificij, prout fit à sacerdote offerente in persona Christi, respondet aliquis effectus ex opere operato (talis enim oblatio est proprium Sacrificiū) qui distinctus nō est ab eo, qui ex opere operato correspondet oblationi Christi vel Ecclesiæ, actio enim Christi eadem est cum oblatione Sacerdotis, ac proinde idem fructus, ac satisfactio. Ecclesia verò non offert verè, & propriè per aliquam actionem, sed tantum denominatione quadam, ut dictū est. Fructus autem satisfactionis Christi nemini applicatur ex opere operato, nisi per veram actionem. Denique oblationi fidelium, qui suo modò concurrunt ad Sacrificium, respondet aliquis effectus ex opere operato, id enim magis est consentaneum bonitati, & dignitati Christi, &

deuotioni fidelium.

35 **E**ffectus satisfactionis, qui responder oblationi Sacerdotis, vt Sacerdos est, est ne diuersus ab eo, qui responder eidem oblationi, prout ab eo offertur, vt est priuata persona.

Resp. Est diuersus, cuius diuersitatis præcipua ratio hæc est, quòd sanctitas ministri necessaria non sit ad priorem effectum, alioquin Missa facta à Sacerdotibus impiis nihil proderet aliis, quod absurdum est: necessaria autem sit ad posteriorem; quia in oblatione minister non operatur in persona Christi, sed in propria, & priuata: Quare mirum non est, si dispositio in eo requiratur, cum pœna non remittatur, nisi ei, qui est in gratia.





SECTIO VII.

DE INTENTIONE SACERDOTIS CELEBRANTIS.

QUæ intentio requiritur in Sacerdote ad applicandum effectum Sacrificij, qui respōdet ex opere operato oblationi eius, ut operatur in persona Christi. 36

Resp. Ut talis effectus (quem supra diximus esse remissionem pœnæ) alicui communicetur, necessaria est intentio Sacerdotis, qua velit eam illi applicare; est enim Sacerdos proprius Minister, & dispensator Sacrificij, & mysteriorum Dei; Illa autem intentio non necessariò debet esse formalis, sed sufficit, si virtualis sit.

SI Sacerdos fructum qui Sacrificio respōdet ex opere operato, nec formaliter, nec virtute vlli applicaret, aut eum alicui applicaret, qui non esset capax illius, 37


vel eo non egeret, cui vsui esset talis fructus.

Resp. In eo casu remaneret eiusmodi fructus in thesauro Ecclesiæ, vt constat tantum ex satisfactionibus, & meritis Christi; est enim pars aliqua antiquæ satisfactionis Christi, quæ est iam tota in Ecclesiæ thesauro,

38 **Q** Vando-nam intentio illa debet esse in Sacerdote,


Resp. Debet in eo esse vel priùsquàm offerat, nempe ante consecrationem, vel tempore consecrationis. Ratio est, quia Sacrificium tantum est in potestate Ministri, quandiu offertur, ergo & effectus illius.






SECTIO VIII.

DE IIS PRO QUIBVS
offerri potest Missæ Sacrificium.

 S à quo offertur hoc Sacrificium, potestne pro se illud offerre. 39

 *Resp.* Christus pro se non offert, ex D. Paulo ad Hæb. 5. alij offerentes possunt pro se illud offerre; patet tum ex eodem D. Paulo ibid. tum quia potest illis prodesse, siue ex opere operato, siue quoad effectum impetrationis.

Potestne hoc Sacrificium pro alijs offerri. 40

Resp. Potest, ex D. Paulo supra; deinde ex usu, & praxi Ecclesiæ, huiusque Sacrificij institutione.

Potestne hoc Sacrificium offerri pro viuis. 41

Nota viventium Varia esse genera: alij sunt fideles, alij infideles; fideliū alij baptizati, alij Catechumeni: Baptizatorū alij infantes, alij adulti, quorum alij iusti, alij peccatores, quorum nonnulli tolerantur ab alijs, alij non tolerantur: infideliū autem alij sunt subiecti Ecclesiæ, vt Apostatæ a fide, alij non subiecti.

Resp. Hoc Sacrificium pōtest, & debet offerri a Sacerdote pro fidelibus omnibus baptizatis, ac toleratis; Est enim hoc Sacrificium commune bonum totius Ecclesiæ, cuius valor infinit⁹ est, ac proinde pro omnibus offerri potest, & debet. Potest itē offerri pro Catechumenis fidelibus, quia per fidē vniti sunt Ecclesiæ, & Christo eius capiti: imò pro infidelibus quibuscunque, qui non sunt subditi Ecclesiæ, cū hoc nec malum sit, neque in contrarium exstet vlla prohibitio Ecclesiæ. Non licet verò Sacerdoti fungenti vice publici Ministri offerre Sacrificium pro excommunicatis, vel ab Ecclesia præcisis, id enim prohibetur ab Ecclesia in c. Nobis, & in c. sacris, de senten. excom. Nisi id fiat ex initione priuata Sacerdotis, cui etiam licet in suo Memento peculiari Oratione orare pro iisdem excommunicatis.

De Sacrosan. Missa sacrif. 227

Licetne hoc Sacrificiū Offerre pro defunctis. 42

Nota, defuncti vel sunt damnati, vel detinētur in purgatorio, vel sunt beati.

Resp. Vt illud offerre non licet pro damnatis, quia illis prodesse nequit, sic pro animabus purgatorij offerre licet ex Trid. sess. 22. c. 2. & ex perpetuo vsu Ecclesiæ ab Apostolis profecto.

Quomodo hoc Sacrificium prodest animabus purgatorij. 43


Resp. Habet quoad illas infallibilē effectum, atque adeo ex opere operato; hoc enim magis pertinet ad dignitatem tum Christi, tum ipsius sacrificij. Quod ad sanctos attinet, non illis offertur hoc Sacrificium, nec illis eriguntur templa, vel altaria, sed soli Deo, nec pro illis offertur hoc Sacrificium, seu quā propitiatorium, cū iam immunes sint ab omni malo tam culpæ, quā pænæ; seu quā impetratorium, pro augenda eorum gloria essentiali: potest tamen, quatenus est sacrificium laudis, offerri Deo pro sanctis, quatenus offertur Deo in gratiarum actionem, pro beneficijs ab ipso in eos collatis; vt & po-

est pro iis offerri, ad impetrandum illis maiorem honorem externum, quod dum fit, non tam pro sanctis oramus, quam pro nobis; oramus enim ut magis, ac magis à fidelibus glorificentur, quod ad utilitatem nostram pertinet, licet in eorum quoque utilitatem redundet.



SECTIO IX.

DE DISPOSITIONIBUS requisitis ad fructum Sacrificij ex opere operato consequendum, deque eius fine duplici.

44  Væ dispositiones requiruntur in eo, pro quo offertur hoc Sacrificium, ut in illo habeat effectum ex opere operato.

Resp. 1. Conditio est, ut supersit illi pœna aliqua luenda. 2. ut sit Baptizatus. 3. ut sit viator, 4. ut habeat gratiam iustificatorem, præter quã non requiritur alia actua-

lis dispositio.

Effectus ille, qui est ex opere operato, 45
daturne intensior ei, qui vel habitua-
liter, vel actualiter est melius dispositus.


Resp. Non, sed id totum pēdet ex in-
tentione applicantis, itaut sublato obice
tanti sit, quantum vult applicans.

Quomodo hic effectus ex opere opera- 46
to iis prodest, pro quibus offertur
hoc sacrificium.

Resp. Fructus ille iis tantū applicatur,
quibus libet Sacerdoti eum applicare, &
prout vult eum applicare; itaut si velit vni
tantū eū totū applicare, totus ei applicetur;
si pluribus æqualiter, æqualiter eis applice-
tur, si inæqualiter, inæqualiter: Illi enim
soli commissa est applicatio talis effectus.

Quis est finis huius Sacrificij.

Resp. Is duplex est, vnus præcipu- 47
us, qui est honor Dei, cui soli offertur
hoc Sacrificium, ex Trid. sess. 22. c. 3. Al-
ter secundarius, qui est utilitas spiritualis
tam viuorum, quàm defunctorum: præte-
rea laus, & honor sanctorum.



SECTIO X.

DE PERFECTIONE SACRIFICII MISSÆ, eiusque cum alijs comparatione.

48



Vomodo differt hoc Sacrificiū à Sacrificiis veteris legis, & de perfectione illius, si cum iis conferatur.

Resp. Differt hoc Sacrificium essentialiter à Sacrificiis omnibus antiquæ legis, ut patet ex ritu offerendi, materia oblationis, & re oblata; eaque infinitè superat in perfectione, & dignitate, valore, & efficacia, ut meritò dixerit Trid. sess. 22. c. 1. *Hoc Sacrificium esse omnium aliorum consummationem, & perfectionem.*

49

Q Vomodo differt hoc Sacrificiū, quatenus à nobis offertur à sacrificio Christi in nocte cœnæ, & quodnam eorum est

De Sacrosan. Missæ sacrif. 232

est præstantius.

Resp. Licet eiusdē sint speciei (est enim utrobique idem ritus, eadem materia, eadē res oblata, idem præcipuum offerens) differunt tamen secundū accidentia quædā, ratione quorum se se mutuò superant in perfectione accidentali, si enim confertur Christus, ut fuit tunc præcipuus offerens cum Sacerdote, qui nunc offert, præstat Sacrificium oblatum in nocte cænæ: si autem res oblata cum re oblata, Sacrificiū Missæ est præstātius, erat enim Christus in nocte cænæ mortalis, nunc autem immortalis, & impassibilis.

Quomodo differt hoc Sacrificium à so
Sacrificio crucis.

Resp. Verisimilius est differre ab illo essentialiter; quia alia est specie actio, per quam sacrificatur Christus in Missa, ab ea, qua immolatus est in cruce.

Vtrum alteri dignitate præstat.

Resp. Neutrum absolutè est perfectius altero, sed se se superant, secundū diuersas rationes. Hæc de Missæ Sacrificio.

SI



CAPVT VI.

DE POENITENTIA.

SECTIO I.

DE NOMINE, NATV-
tura, & partibus Pœnitentiæ.

I.



VÆNAM est huius vocis
Pœnitentia, significatio.

Resp. Deriuatur hoc no-
men a pœnitere, quod pœ-
nā tenere significat, quasi
semper in se vlciscendo,
quod commissum est peccando, vt dicitur
l. de vera, & falsa Pœnitētia. Sumitur ve-
rò Pœnitētia. 1. pro virtute, ac habitu quo-
dam voluntatem hominis inclinante ad sa-
tisfaciendum Deo pro peccatis. 2. pro pœ-
na illa, quam peccator sumit de seipso in

vindictam peccatorum, siue sponte, siue iussu confessarij id faciat. 3. pro quodam ritu externo in lege noua à Christo instituto, qui positus est in absolutione sacerdotali, & certis quibusdam actibus Pœnitentis &c. & sic sumpta Pœnitentia interdum vocatur a patribus *Reconciliatio*, *absolutio*, *Confessio*, seu *Exomologesis*, & denique *manus impositio*.

POEnitentia tertio illo modo sumpta 2. estne Sacramentum nouæ legis.

Resp. Fide tenendum est esse verum, & proprium nouæ legis Sacramentum. Ita Floren. in literis Eugenij, & Trid. sess. 14. can. 1. & ratio est, quia in eo reperiuntur omnia necessaria ad rationem Sacramenti. 1. signum aliquod sacrum, externum, ac sensibile. 2. Institutio Christi, ac præceptum de eo vsurpando. 3. Promissio gratiæ iustificantis, quæ omnia constant ex c. 20. Ioannis, vbi Christus Apostolis ait *Quorum remiseritis peccata, remittuntur eis, & quorum retinueritis, retenta sunt,*


Sacramentum Pœnitentiæ constatne essentialiter his quatuor partibus, Absolutione, Contritione, Confessione, & Sa- 3.

tisfactione.

Resp. Hæ quatuor actiones, Absolutio, Contritio, Confessio, & Satisfactio, pertinent quidem ad substantiam, & integritatem huius Sacramenti, non sunt tamē omnes de eius essentia, sed solæ tres priores, satisfactio autem est tantum pars integras. Quod quatuor illæ actiones sint de integritate illius probatur, quia Contritio, Confessio, & Satisfactio, pertinent ad materiā, Absolutio ab formā huius Sacramenti; materia autem, & forma sunt nomina partium vel essentialium, vel integrantium. Quod verò Absolutio, Contritio, & Confessio sint de essentia huius Sacramenti probatur ex eo quod cuiuslibet earum defectu tollitur essentia pœnitentiæ. Quod denique satisfactio sit tantum pars integrans, ostenditur ex eo, quod in articulo mortis dari possit absolutio sine satisfactione, quæ iniungatur.

- 4 **E**st-ne in hoc Sacramento aliquid, quod sit Sacramentum tantum, aliquid quod res Sacramenti tantum, & aliquid quod sit Sacramentum, & res Sacramenti simul.

Resp. Tria illa hic designari possunt; Confessio enim, & absolutio sunt Sacramentum tantum; quia ita significant, & causant gratiam, ut ab aliis non significantur. Res Sacramenti tantum est remissio peccati, & gratia, quæ ita significatur, ut non significet. Res Sacramenti, & Sacramentum simul, est Contritio, seu Attritio, quæ & significat gratiam, & significatur à Confessione, & absolutione.



SECTIO VI.

DE MATERIA, ET forma Pœnitentia.

Ux est materia huius Sacramē- 5
ti Pœnitentiæ.

Q *Resp.* Materia proxima, & ex
qua constat Sacramentum Pœ-
nitentiæ, sunt tres actus pœnitentis, scili-
cet Contritio, Confessio, & Satisfactio, ex
Florent. & Trid, nihil enim est in Pœni-

nitentia, quod locum habeat materia, præter illos actus. Materia verò remota, & circa quam tollendam versatur hoc Sacramentum, sicut Medicina circa vulnera, sūt omnia, & sola peccata, propria voluntate, seu sponte commissa post baptismum, de iis enim tantum potest verè, & propriè dolere, pœnitens, eaque subiicere clauibus, & potestati Ecclesiæ.

- 6 **P**eccata iam confessa, & à quibus iam quis est absolutus, possunt ne iterum subiici clauibus, & Sacramento pœnitentiæ.

Resp. Possunt non modò licitè, & validè, sed etiam cum fructu ad gratiam consequendam; quia materia proxima huius Sacramenti tantum est dolorosa confessio peccatorum admissorum post baptismum; potest autem quis iterum dolere, ac confiteri de peccatis iam dimissis.

- 7 **S**unt ne peccatum mortale, & veniale eodem modò materia Sacramenti Pœnitentiæ.

Resp. Non; mortale enim est materia eius necessaria; veniale verò sufficiens qui-

dem, sed non necessaria; Sacramentum enim Pœnitentiæ per se institutum est ad remissionem mortalium, itaut si cognoscatur, non remittantur, nisi per ipsum, vel in ordine ad ipsum. Trid. sess. 14. c. 1. A venialibus verò etsi quis absolui possit, si de iis dolere velit, eaque confiteri, ac proinde dici possint materia sufficiens; nemo tamen de iis confiteri tenetur, cum multis aliis remediis expiari possint, ut ait idem Trid. ibidem. c. 5.

QUÆ nam est forma Sacramenti Pœnitentiæ.

Resp. Hæc, *Ego te absolvo a peccatis tuis.* Colligitur hæc forma ex verbis illis Ioa. 10. *Quorum remisistis peccata &c.* eodem modo, quo forma Baptismi ex verbis illis Math. 28. *Euntes docete omnes gentes, Baptizantes eos in nomine &c.* Nota tamen totam formam solis duobus his verbis, *Te absolvo*, præcisè contineri, eo enim ipso, quo à Sacerdote proferruntur, peracta confessione, satis intelligitur ea significare remissionem peccatorum: ex quo consequens est alia verba, quæ per modum precum adduntur. *Passio Domini nostri Iesu Christi &c.* multò minùs esse de essentia talis formæ, quàm illa, à pe-

*catu tuu. nec ad eā magis pertinere alia, quā
absolutione iam data addi solent, tametsi
ex usu Ecclesiæ vtiliter adhibeantur, nec
ordinariē omitti debeant. nisi necessitas
urgeat.*

9 **Q**uāvisnam est sensus formæ huius Sa-
cramenti.

Resp. Sensus est, Sacerdotem verè, &
propriè absolvere Pœnitentem, quantum
est tam ex-parte ipsius Sacerdotis, quàm
Sacramenti: Absolvere, inquam, à pecca-
to, quatenus ligat, vel secundum culpam,
vel secundum pœnam æternam, aut tem-
poralem, vel secundum aliquam aliam ra-
tionem, si confessio vera sit.

10 **T**ollitur-ne verè, & propriè virtutè ab-
solutionis reatus pœnæ æternæ, tam
sensus, quàm damni, præter ipsam culpæ
remissionem.


Resp. Tollitur, quia effectus proprius
huius Sacramenti est tollere peccatum, &
facere amicum Dei, ac hæredem gloriæ;
non potest autem quis acceptari ad glo-
riam (saltem de lege ordinaria) quandiu
in eo manet reatus pœnæ æternæ: Quare

beneficio absolutionis remittitur eiusmodi reatus.

R Equiritur ne impositio manuum Sacerdotis ad hoc Sacramentum. 17

Resp. Ceremonia illa non est essentialis huic Sacramento, cum nec ad materiam, nec ad formam eius pertineat: tamen omit-
ti non debet, ubi moris est eam usurpare. Idemque dicendum de signo crucis, cuius
usus ob eius significationem præcipue com-
mendatur; significat enim potestatem Sa-
cerdotis in pœnitentem, & huius subie-
ctionem, & reconciliationem cum Deo,
singularem denique Dei protectionem,
providentiam, ac curam de pœnitente.





SECTIO III.

DE NECESSITATE

*Pœnitentiæ ad salutem, eius-
que institutione,*

12



St-ne Sacramentum Pœniten-
tiæ ad salutem necessarium.

Resp. Supposito rerum sta-
tu, in quo nunc sumus, Sacra-
mentum Pœnitentiæ necessarium est ad
salutem, necessitate medij omnibus lætha-
liter peccantibus post Baptismum, quæ
necessitas orta est ex institutione Christi,
qui Ioa. 20. his verbis. *Quorum remiseritis*
peccata remittitur eis, & quorum retinueritis, re-
sentia sunt, Sacerdotes ita constituit iudices
offensarum in Deum, ut sine illorum sen-
tentia, & absolutione, nemini velit pecca-
ta mortalia remitti: quæ tamen remissio
necessaria est, necessitate medij ad salu-
tem: Quod tamen non ita strictè intelli-
gendum est, ut realis susceptio huius Sa-

cramenti sit absolutè necessaria ad salutem sed vel realis, vel in voto: Cùm enim scriptura passim veniam polliceatur peccatori vel contrito, vel conuertenti se ad Deum, & aliunde habeamus hoc Sacramentum esse ad salutem necessarium, vt hæc inter se concilientur, dicendum contritionem quidem iustificare sine Sacramento Pœnitentiæ realiter suscepto, non tamen nisi vt continet votum quoddam, ac desiderium eius suo tempore suscipiendi, itaut reipsa suscipi debeat, si eius suscipiendi facultas se se offerat. Addo tale votum non debere necessariò esse explicitum, sed sufficere implicitum, vt supra de Baptismo dictum est.

E Sine pœnitentia secunda post naufragium tabula, & quare. 13

Resp. Rectè dicitur Pœnitentia secunda post naufragium tabula, quia est veluti secundum remedium necessarium ad portum salutis tenendum, post nauim iustitiæ originalis effractam; Est enim Baptismus primum remedium, primæue tabula.

Quo tempore fuit hoc Sacramentum institutum. 14

Resp. Institutum fuit à Christo post resurrectionem Ioa. 20. & si enim Christus Petro antea pollicitus erat potestatem clauium, Math. 18. eam tamen ei non tradidit nisi post resurrectionem Ioa. 20. cum insufflando dixit Apostolis, *Accipite spiritum sanctum, quorum remiseritis, &c.*

15

A Ssignanturne conuenienter partes Pœnitentiæ Contritio, Confessio, & Satisfactio.


Resp. Conuenienter assignantur tres tantum partes integrantes Pœnitentiæ, nimirum Contritio, Confessio, & satisfactio. Ita Florent. in decreto vnionis, & Trid. sess. 14. c. 3. & can. 3. Dixi, partes integrâtes, quia partes Pœnitentiæ subiectiuæ esse non possunt, cum in singulis non inueniatur tota ratio talis Sacramenti.





SECTIO IV.

DE CONTRITIONE, ET
Attritione.

 Vibus nominibus dicitur Con- 16
tritio, & quomodo diuiditur.

Resp. Actus ille voluntatis, quo peccatum detestamur, & quoad fieri potest abolemus, ac consequenter voluntatem ipsam, quæ velut in peccato obduruerat, comminuimus, *Contritio* dicitur, Metaphorâ ductâ à corporibus duris, quæ vi impacta comminuuntur. Alia quoque sortitur nomina in scriptura, vt *Compunctionis*, Psal. 4. *in cubilibus vestris compungimini: amaritudinis*, Isay. 48. *Recogitabo tibi annos meos in amaritudine anime mee.* Diuiditur verò Contritio in perfectam, & imperfectâ: perfectâ, quæ & absolute Contritio dicitur. *Est actus voluntatis, quo detestamur peccatum, vt est offensa Dei super omnia amati.* Imperfectâ verò, quæ & Attritio vulgo nuncupatur, *Est dolor, vel detestatio peccati*

aut propter pœnas inferni, aut propter turpitudinem, quæ peccato inest.

- 17 **E**stne Contritio detestatio, seu odium peccati, an verò potius dolor.

Resp. Est detestatio, seu odium, nam Contritio fertur in peccatū, tanquā Deo, & eius amicitiae contrarium; Id autem fit per detestationem, & odium.

- 18 **Q**uid est ista detestatio peccati.

Resp. Est nolitio quædam conditionata peccati, quæ explicatur hoc actu, nollem peccasse si fieri posset; quia verò apprehenditur peccatum non posse non esse præteritum, inde sequitur dolor.

- 19 **A**d veram Contritionem estne necessarium propositū non peccandi amplius saltem mortaliter, confitendi, satisfaciendi, ac reliqua mandata observandi.

Resp. Non est necessarium ut eiusmodi propositum formale sit, & expressum, sed sufficit implicitum, quod in ipso actu detestationis peccati continetur; Nam Contritio non accipit vim illam suam iustificandi ab illo proposito, sed ex eo quod contri-

neat amorem virtutalem Dei super omnia, seu hominem perfectè conuertat ad Deū; quare si illud absit, nihilominus iustificabit. Si tamen mentem, & memoriā subeat cogitatio vitæ deinceps instituendæ, item obligationis, quam quisque habet ad confitendum, satisfaciendum, seruandumque reliqua Dei mandata. Contritio vera esse nequit sine proposito formali, & expresso eorum omnium, vt colligere est ex scriptura, quæ non magis præcipit dolorem, quàm propositum ea deinceps euitandi, seruandique Dei mandata.

Estne necesse ad rationem veræ Contritionis, vt sit de omnibus, & singulis peccatis læthalibus. 20

Resp. Non est necesse, vt sit de omnibus peccatis mortalibus in particulari, seu diuissim sumptis; sed sufficit generalis detestatio, vel dolor, qui ad omnia virtute extēdatur, seu nullum excludat. Ratio est, quia momentis singulis potest quis iustificari, vt docetur Isay. 3. *Cum reuersus ingemueris, saluus eris*, & Ezech. 31. *Impietas impij nō nocebit ei, in quacunque die (dies autem pro momento sumitur) conuersus fuerit ab impietate sua: Quocunque autem momento non*

possunt omnia, & singula peccata in memoriam reuocari, sed interdum multo ad id tempore opus est.

- 21 **Q**uanta debet esse Cōtritio, quoad durationem, vt iustificet.

Resp. Quod aliqua temporis intercapidine durare debeat Contritio, sacræ pagine non indicant, sed potiùs innuunt, quouis momento peccatorem posse gratiam Dei sibi conciliare; videturque id naturæ contritionis maximè consentaneum, quæ ex natura, & specie sua habet, vt cū in indiuisibili consistat, possit acquiri in quolibet instanti.

- 22 **Q**ualis debet esse Contritio, quoad intensiōem, vt possit iustificare.

Resp. Optimum quidem est intensiùs, & vehementiùs dolere de peccatis commissis, quàm de damnis tēporalibus, & de grauioribus vehementiùs, quàm de leuiorib⁹; vt tamen Contritio talis sit, qualis requiritur ad remissionem peccati, id non est necessarium, sed tantum vt ea summa sit apprehensiue, seu quoad æstimationem, hoc est, vt virtute illius homo sit ita affectus, vt malit

ut malit peccato carere, quàm quouis alio malo, malitque quæcunque mala incur-
re, quàm Deum iterùm offendere; hoc enim
est plurius facere amorem Dei, quàm cuius-
uis alterius rei. Ratio horum est, quia Con-
tritio hominem iustificat, quatenus eum
auertit à peccato, & ad Deum conuertit;
hoc autem habet in quouis gradu intensio-
nis: Quare non est necesse ad remissionem
peccati, ut peccator vehementiùs doleat
de peccatis commissis, quàm de damnis tẽ-
poralibus &c. Non potest autem non esse
summa appropriatiuè cuiuscunque sit intẽ-
sionis, quia hoc ex natura, & essentia sua
ei conuenit; tota autem essentia actus po-
test perseuerare in quouis gradu intensio-
nis, cum intensio, & remissio non mutant
speciem.

Potestne Contritio esse nimia.

23

Resp. Contritio, quæ est detestatio
peccati, & in voluntate cõsistit, nimia esse
non potest, per se loquendo; sed quò in-
intensior est. eò salubrior, & aptior ad præ-
nam, quæ peccatis debetur, minuendam:
quatenus tamen redundat in sensum, eum-
que afficit, nimia esse posset, ac proinde
cohiberi deberet, si deprehenderetur nota.

R

bile nocumentum afferre corpori; debet enim esse rationabile obsequium nostrum. Rom. 12.

24 **A**D actum contritionis eliciendum, requiritur-ne speciale, & supernaturale auxilium, Dei.

Resp. Requiritur; vt enim ad actum naturalem requiritur auxilium naturale, sic ad supernaturalem, supernaturale: at contritionis actus est supernaturalis, quippe cuius motiuum est supernaturale, nempe offensa Dei auctoris supernaturalis gratiæ; quare ad eum eliciendum requiritur auxilium supernaturale. Non ita est tamen Contritio à gratia adiuuante, quin etiam sit à libero arbitrio: sumus enim ea in re Dei cooperatores.

25 **C**ontritio, quæ est actus Charitatis, elicitur-ne effectiuè ab ipsa.

Subindicatum est supra actum Contritionis pertinere ad virtutem Charitatis: Iam verò quæritur, an etiam effectiuè eliciatur ab habitu Charitatis.

Resp. Contritio, quæ est vltima dispositio ad gratiam, non procedit effectiuè ab

illa, vel à Charitate, sed ab auxilio Dei supernaturali, & à libero arbitrio. Probatur ex Trid. sess. 6. c. 5. & 6. & maximè can. 3. vbi sic habetsi *quis dixerit sine praueniēte spiritus sancti inspiratione, atque eius adiutorio, hominem sperare, diligere, aut pœnitere posse, sicut oportet ut ei iustificationis gratia conferatur, anathema sit.* Vnde constat eos actus, qui præcedunt iustificationem, inter quos est Contritio, procedere a speciali Dei auxilio; gratiam verò & Charitatem tribui illis in eo iam præexistentibus, tanquam dispositionibus: vnde colligo eos actus à charitate non procedere effectiue, sed a libero arbitrio adiuto à Deo.

Quomodo differt Contritio ab Attritione, quæ coniuncta cum Sacramento sufficit ad iustificationem. 26

Resp. Ex definitionibus Contritionis, & Attritionis supra allatis colligere est 1. vtrumque hūc actum esse supernaturalem, tum quia vterque est ex motiuo supernaturali, tum quia vterque disponit ad gratiam; dispositio autem, & forma sunt eiusdem ordinis. 2. per vtrumque actum hominem auerti à quocunque peccato mortali, quia

utriusque motuum repugnat omnibus, & singulis huiusmodi peccatis. 3. dolorem omnem, qui non excludit omnem voluntatē peccandi, vel non est secundū Deum, cuiusmodi est timor mortis, pœnæ temporalis, iacturæ bonorum &c. non esse veram attritionem, quæ sufficit ad gratiam accipiendam in Sacramento. Ex his rursus facile assignantur quatuor præcipua discrimina, quæ sunt inter Contritionem, & Attritionem 1. est ex parte obiecti; Contritio enim est detestatio peccati, ut est offensa Dei super omnia amati; Attritio verò detestatio peccati, propter pœnas inferni, vel turpitudinem, quæ peccato inest. 2. est ex parte causæ, Contritio enim oritur ex timore filiali, vel potius eum includit; Attritio autem ex timore servili. 3. ex parte effectus; Nam Contritio gratiam semper conciliat, non item Attritio, sed tantum in Sacramento. 4. Contritio nunquam est informis, sed semper coniuncta cum Charitate, etsi ab ea non eliciatur, Attritio non item, nam non semper cum illa coniungitur.

27 **P**otestne Attritio fieri Contritio?
Resp. Quamvis Attritioni succede-

re possit Contritio, nimirum si is, qui pri-
attritus erat, actu Attritionis omisso, eliciat
actum Contritionis, siue in Sacramento,
siue extra Sacramentum: Attritio tamen
non potest fieri Contritio, nisi hoc sensu,
quod Attritio in Sacramento habet eun-
dem effectum, quem Contritio extra Sa-
cramentum; quia scilicet Attritio cum Sa-
cramento sufficit ad gratiam consequen-
dam, quod facit Contritio extra Sacramen-
tum, quo sensu vulgò dici solet, Sacra-
menta ex attrito facere contritum.

Contritio in lege Euangelica est-ne 28
necessaria necessitate medij ad salu-
tem.

Resp. Non est simpliciter necessaria ne-
cessitate medij ad salutem consequendam;
potest enim quis absolutè saluari sine Con-
tritione, vt si quis ilico post Baptismum
decederet, antequam ad vsum rationis per-
ueniret, vel post illum innocentiam serua-
ret. Neque necessaria est necessitate me-
dij ad salutem, etiam supposito peccato,
quia potest quis cum sola Attritione cum
Sacramento gratiam, & salutem consequi.

29 **E**st-ne Contritio necessaria necessitate præcepti.

Resp. Est: probatur ex scripturis, Ezechiel. 18. *Conuertimini, & agite pænitentiam.* Mathæi 4. *Pænitentiam agite.* Lucæ 13. *Nisi Pænitentiam egeritis.* quibus adstipulatur ratio hæc: datur speciale aliquod præceptum Charitatis, ad quam pertinet Contritio, speciale item est præceptum Deo satisfaciendi, quod fit per Contritionem, ergo Contritio præcipitur.

30 **Q**uo tempore obligat præceptum Contritionis.


Resp. Obligat specialiter in articulo mortis, cum non suppetit copia confessionis faciendæ, & insuper aliquoties in vita. 1. pars probatur; quia si quod sit tempus in quo obliget præceptum contritionis maxime est mortis articulus, cum post mortem nulla supersit commoditas, ad gratiam Dei recuperandam, illiue satisfaciendū. Immo verisimilius videtur, eum qui tunc confessus fuisset, vel aliquanto ante tempore contritus, teneri rursus ad eliciendam Contritionem de peccatis suis ex præcepto charitatis, quo quisque tenetur quam tutissime

potest sibi prospicere in rebus ad salutem animæ pertinentibus. 2. pars ex eo ostenditur quod verisimile non sit Deum rem tam necessariam permisisse differri ad extremam vitæ periodum. Quoniam verò tēpore hoc præceptum per se obliget, non ita facile statuitur: putarim ego non obligare sapius, quam semel in anno; aliunde tamen ei satisfieri per Sacramentum Pœnitentiæ; cum enim hoc præceptum non obliget, nisi peccatorem, si quis alia via peccati iugum excutiat, liberabitur ab obligatione contritionis eliciendæ; alioqui Sacramentum Pœnitentiæ nobis potius oneri, quàm fauori esset, inuexisset enim nouum onus sine noua vtilitate, quandoquidem potuissemus per solam contritionem peccatorum remissionem consequi, quod fiebat in veteri lege. In his igitur duobus casibus tenetur peccator conteri, non autem statim post peccatum admissum, ut volunt nonnulli, etiamsi illi memoriæ occurrat; tenetur tamen semper non complacere sibi in illo. Neque obligat speciali modo præceptū Cōtritionis diebus festis, aut quando suscipienda, vel administranda sunt Sacramenta.



SECTIO V.

DE CONFESSIONE

- 31  Vid intelligitur per Confessionem, cum numeratur inter partes Sacramenti pœnitentiæ.

Resp. Intelligitur declaratio peccatorum, quæ fit Sacerdoti, ad obtinendam eorum remissionem, per potestatem clauium.

- 32 **E**st-ne Confessio necessaria, necessitate medij, ad salutem.

Resp. Confessio Sacramentalis necessaria est necessitate medij ad remissionem peccatorum mortalium post Baptismum commissorum obtinendam. probatur, Illud est necessarium necessitate medij ad salutem, ac remissionem peccatorum obtinendam, sine quo in re, vel voto suscepto non potest ea remissio obtineri, Sed huiusmodi est Confessio respectu mortalium post

Baptismum admissorum, igitur illa necessaria est &c. Minor ostenditur ex sacris literis, Ioa. 20. *Quorum remisistis peccata, remittuntur eis, & quorum retinueritis, retenta sunt.* quibus verbis Sacerdotibus, tanquam iudicibus, datur à Christo potestas, tum ad remittenda, tum ad retinenda peccata, ita ut quibus ipsi ea remisissent, ea sint ipsis remissa; quibus verò non remisissent, ea illis non cōdonentur: Concedit enim iis verbis Christus plenam peccatorum omnium, saltem mortalium potestatem; quod non faceret, si aliqua sine eorum autoritate remitti possent, ac cū sententia ferri non possit causa incognita, Sacerdotes nequeunt de peccatis sententiam ferre, nec æquitatem in pœnitentiis iniungendis seruare, nisi ea ipsis aperiantur, subiicianturque eorum cognitioni, & potestati: quod quidem fieri tantū potest per Confessionem; Igitur sine confessione re, vel voto suscepta, non potest peccatorum saltem mortalium remissio obtineri.

Estne Confessio necessaria etiam necessitate præcepti diuini.

33

Resp. Confessio peccatorum omnium mortalium, quæ post Baptismum commi-

missimus. quantum morali adhibita diligentia id facere possumus, necessaria est ad salutem non modò necessitate medij, sed etiam præcepti diuini. Est de fide ex Trid. sess. 14. c. 5. Ratio verò est, quia vbi instituta fuit confessio tanquam necessaria ad salutem ibi etiam fuit consequenter præcepta, videlicet Ioa. 20. quæ enim sunt media necessaria ad salutem, sunt etiam sub præcepto, si sint in nostra potestate: vnde qui per Contritionem obtinuit veniã peccatorum, tenetur nihilominus ad Confessionem, sub pœna peccati mortalis,

34 **Q**uam tenentur præcepto diuino Confessionis faciendæ,

Resp. Tenentur soli adulti fideles, qui sibi cōscij sunt alicuius peccati actualis, quod sciunt esse mortale, vel de quo probabiliter dubitāt, an sit tale. De adultis probatur, vt enim hi soli capaces sūt rationis, ita præcepti, & obligationis. De fidelibus autem, quia peccata infidelium non sunt materia propria huius Sacramenti; vt enim illi nondum subdūtur potestati Ecclesiasticæ, sic nec eorū peccata sententiæ, ac iudicio illius. Quòd verò ii soli, qui habent conscientiam peccati mortalis

teneantur hoc præcepto, ex eo confirmatur, quòd obligatio præcepti confessionis oritur tantùm ex necessitate gratiæ, & amicitiae Dei in hac vita recuperandæ, quæ gratia non tollitur per venialia; unde illorum confessio non est iure diuino necessaria, ex Trid. sess. 14. c. 5. Potest tamen licitè, ac rectè usurpari eorum confessio, sunt enim venialia quædam vincula, Christus autem dixit, *Quaecunque solueris, &c.*

Quo tempore obligat præceptum diuinum Confessionis.

35

Resp. Conscius sibi peccati mortalis, tenetur per se ex vi præcepti diuini cōfessionis confiteri tam in articulo, quàm in periculo mortis, quia tunc est maxima necessitas huius Sacramenti; quare vel tunc obligat, vel nunquam. Tenetur præterea per se, extra periculum vitæ, aliquoties in vita confiteri, quia Deus instituit hoc Sacramentum, non tantùm vt in eius gratia decedamus, sed etiam vt in ea viuamus.

Esne præceptum aliquod Ecclesiasticum annuæ Confessionis.

Resp. Exstat præceptum aliquod Eccle-

fiasticum annuæ Cōfessionis, obligans sub pœna peccati mortalis. Patet ex c. Omnis vtriusque, de pœnitentiis, & docet Trid. sess. 14. c. 5. & ean. 8.

37 **Q**uam tenentur præcepto Ecclesiastico Confessionis annuæ, & ad quid tenentur vi illius præcepti.

Resp. Infantes, qui carent usu rationis, & infideles hoc præcepto non obligantur ut patet ex supradictis. Ex fidelibus autem adultis ij soli obligantur, qui tenentur Consciētia alicuius peccati mortalis; quia præceptum Ecclesiasticum est tantum determinatio quædam præcepti diuini: Præceptum autem diuinum non obligat nisi ad Confessionem mortalium, vel quæ putantur mortalia. Obligantur autem ad confessionem singulis annis peragendam, ita ut ex vi illius præcepti nihil referat, quo quisque anni die confiteatur, modò ab vna confessione ad alteram non intercipientur plures, quàm duodecim menses; Quod non ita præcisè accipiendum est, quin possit tēpus illud pauculis aliquot diebus differri. Quæ licet ita habeant, fieri tamen posset, ratione dignæ, ac decentis communionis, ut qui iam non multò ante confes-

sus esset, ob conscientiam peccati mortalis, teneretur iterum confiteri in paschate, ne indignè communicaret.

Q Vid de eo dicendum, qui probabili- 38
ter iudicaret eo tempore, quo ex
præcepto Ecclesiæ tenebitur confiteri, nō
futuram sibi copiam confessarij.

Resp. Teneretur eo casu præuerrere tē-
pus illud, quia præceptum Confessionis nō
obligat ad confessionem peragendam cer-
to aliquo die, sed semel in anno; quare qui
videt se non posse illud adimplere vno die,
teneretur quo potest tempore illud implere,
alioquin non satisfaciet tali præcepto. Alia
est ratio de sumenda Eucharistia, quia eius
obligatio ita addicta est tempori Paschali,
vt ei satisfiat tantum communicando tali
tempore.

Satisfaceretne præcepto Confessionis 39
faciendæ, qui sponte non confiteretur
integrè, vel sine dolore.

Resp. Non satisfaceret, tum quia Eccle-
sia præcipit integram peccatorum Cōfes-
sionem, tum quia sine dolore non potest
consistere substantia actus Pœnitentiæ,

quam præcipit eadem Ecclesia.

39 **Q**ui præcepto Confessionis annuæ non satisfecit, teneturne ex vi eiusdẽ præcepti quamprimùm cõmodè potest, confiteri.

Resp. Tenetur; præceptum enim Cõfessionis ita obligat ad confitendum singulis annis, vt simul veter confessionem diutius differri; est enim præceptum non merè affirmatiuum, sed etiam negatiuum, vt patet ex fine institutionis illius, qui est occurrere negligentie eorum, qui vel nõquam, vel rarò confiterentur, si id liberũ illis relinqueretur.

40 **P**otestne Papa cum aliquo dispensare in præcepto Confessionis.

Resp. Etsi Papa nõ possit cum vllò dispensare in substantia præcepti cõfessionis, itaut nunquam teneatur confiteri, potest tamen cum aliquo dispensare, vt non confiteatur singulis annis. Prima pars probatur, quia præceptum confessionis, quoad substantiam, est iuris diuini lati à Christo. Secunda pars probatur, quia confessio annua est iuris Ecclesiastici, in quo Pontifex


potest dispensare. Vix tamen occurrere
potest vlla legitima id faciendi causa.




SECTIO VI.

DE SACERDOTE SOLO

*Confessionis ministro, deq; duplici
eius potestate, ordinis scilicet,
& iurisdictionis.*

 Oline Sacerdotes possunt exci-
pere Confessiones. 41

 Resp. Soli Sacerdotes legiti-
mè in Ecclesia ordinati habent
potestatem absoluendi sacramentaliter, ex
Trid. sess. 14. can. 10. & scriptura ipsa; solis
enim Apostolis, eorumque successoribus
dictum est Ioa. 20. *Quorum remisistis pecca-
ta &c.* Quare licet cōfessiones, quæ fiunt
Laicis fortè possint esse vtilis, vel humili-
tatis, vel consilij petendi causa, non pos-
sunt tamen esse Sacramentales; nec solum
grauiter peccaret Laicus, qui sic tentaret

absolvere, sed etiā fieret irregularis. Addo consultius fore non detegere peccata sua, præsertim occulta, laico.

- 43 **E**stne præter potestatem absoluēdi, quæ Sacerdotibus confertur in ordinatione, necessaria iurisdicctio ad validè absoluendum, & à quo ea tribuitur.

Nota per iurisdictionem hic intelligi auctoritatem quandam in alterum, tanquam in subditum, ad cognoscēda peccata ipsius, eaque vel remittenda, vel retinenda.

Resp. Præter potestatem ordinis, quæ datur Sacerdoti in ordinatione, necessaria est iure diuino ad validè absoluendum potestas alia iurisdictionis, tam in personas, quàm in peccata ipsarum, ex Trid. sess. 14. c. 7. Ratio est, quia absolutio ex institutione Christi est actus iudicialis, quem nemo potest exercere sine iurisdictione. Porro hæc iurisdicctio, quam plenissimam habet solus Pontifex immediatè à Christo acceptam, bifariam confertur. 1. modo ordinario. v. c. cum aliquis in Episcopū, aut parochum eligitur, hoc enim ipso datur illi iurisdicctio in omnes subditos suæ Diocesis, vel parœciæ. 2. ex delegatione, vt cū Episcopus, vel Curatus suum gregem pas-
cendum

cendum alteri committit : quo pacto etiã Summus pontifex, qui est vniuersalis omnium pastor, concedere potest, & re ipsa concedit iurisdictionẽ quibusdam religiosis. Ad extremum sacerdos, qui iurisdictionem habet, vsum eius liberum habere debet, si enim per censuras impediatur, vel inualidẽ, vel saltem illicitẽ pro varietate censurarum absoluet.

Estne necesse confiteri proprio Sacerdoti, vel alteri idẽ eius licentia, & quis est proprius Sacerdos. 44

Resp. Tenentur omnes proprio Sacerdoti, vel alteri de eius licentia confiteri, ex c. Omnis vtriusque sexus. Per propriũ autem Sacerdotem intelligitur omnis ille Sacerdos, qui vel implicite, vel explicitẽ est superior ordinarius pœnitentis, quales sunt parochus, episcopus, pontifex. Per delegatum autem, qui a quouis istorum potestatem acceperit.

Si quis extra tempus, quo obligat præceptum annuæ confessionis, veller ex deuotione liberẽ confiteri, an non liceret ei alteri confiteri, quàm proprio Sacerdoti vel delegato. 45

Resp. Non; quia absolutio semper est actus iudicialis, qui proinde à nemine potest validè conferri, qui non habeat iurisdictionem.

45 **T**enerne parochus excipere Confessiones subditi, quoties libet subdito ei confiteri.

Resp. Tenerur, modò pœnitens non sit ei nimium molestus, nec ipse alioquin distineatur grauioribus negotijs; id enim ad officium pastoris spiritualis pertinet.

46 **S**i subditus à proprio Sacerdote petat facultatem alteri confitendi, tenerne eam ei concedere.

Resp. Tenerur, modò confessarius ille sit idoneus, nec grauem habeat causam Parochus eam denegandi: debet enim confessio esse libera, quoad fieri potest.

47 **P**otestne quiuis Sacerdos etiam hæreticus, & degradatus quemcunque in articulo, vel periculo mortis constitutū absolvere tam à peccatis omnibus, quàm à cœsuris.

Resp. Potest ex Trid. sess. 14. c. 7. & suadet maxima necessitas ei⁹ remedij, quod est institutum in remissionem peccatorum: Ea autem potestas non est à iure diuino, sed ab Ecclesia ex tacito consensu Pontificis Sacerdoti cuius concessa.



SECTIO VII.

DE APPROBATIONE, bonitate, & scientia Confessarij.

DE St-ne Approbatio necessaria, 49
vt quis censeatur idoneus, cui
dari possit iurisdictio, ad con-
fessiones audiendas, & qualis ea
esse debet.

Resp. Vt quis censeatur idoneus ad Cō-
fessiones audiendas, necesse est, vt vel
habeat beneficium parochiale, vel ab Episcopis,
eorumue vicariis fuerit approbatus.
Ita Trid. sess. 23. c. 15. de reformatione.
Quod intellige de Confessionibus sæcula-

50 **C**onfertur-ne per Approbationem ius
Caliquod ad audiendum Confessiones,
vel iurisdictio aliqua.

Resp. Non; sed persona, quæ dicitur
approbari iudicatur tantum idonea, cui il-
la conferantur; sine qua approbatione in-
ualidè hoc munus ei committeretur.

51 **Q**ui est approbatus in vno Episcopatu
absolute, censeturne idoneus, vt in
quouis alio possit eligi à parochis &c. ad
Confessiones excipiendas, absque eo, quòd
opus sit alia approbatione facta ab ordi-
nario loci.

Resp. Affirmatiuè; Concilium enim
non requirit, nisi vnam approbationem.

52 **Q**ualis bonitas, aut scientia requiritur
in Confessario.


Resp. Vt confessarius validè absoluat,
nulla requiritur in eo bonitas; requiritur
tamen, si conscientia suæ consultum velit.
De Scientia verò dicendum, vt licitè hoc
Sacramentum ministret, debere cum tan-
ta scientia pollere, vt in iis peccatis, quæ

communiter occurrunt, possit veniale à mortali discernere: Item quam habeanť excommunicationem annexam: quæ sint superiori reservata: quæ circumstantiæ necessariò sint confitendæ: quibus casibus pœnitens obligetur ad restitutionem: quæ causæ excusent à mortali, & vice versa quam ad mortale sufficiant; ut sunt, præter opus externum, consensus internus, delectatio morosa, & periculum peccandi, cui se quis obicit &c. quia sine horum omnium cognitione vix muneri suo facere potest satis. Non requisierim tam æqualē in quouis Confessario scientiam, neque ita accuratam, ut de quolibet casu occurrente certum possit ferre iudicium: hoc enim peritiorum est. Sufficit itaque, si postquam excepit peccata pœnitentis, eorumque circumstantias, possit iudicium de iis ferre, quamvis non usquequaque certum; si possit etiam, si quid incerti interueniat, prudenter dubitare, pœnitentem ad alium remittere, absolutionem differre, donec de tota re melius constiterit. Quin etiam nonnulli sunt casus, in quibus excusari potest imperitia Confessarij.



SECTIO VIII.

DE CASIBVS RE- servatis.

53  Vid intelligitur nomine Casu-
um reservatorum.

Resp. Intelliguntur grauiora quædam peccata, à quibus non potest absoluerè quiuvis Sacerdos, sed reservatur eorum absolutio Papæ, Episcopis, prælatis Ecclesiæ &c.

54 **V**Nde est illa potestas Ecclesiæ reservandi quædam grauiora peccata.

Resp. Ex eo id oritur, quòd omnis iurisdictionis à Summo pontifice deriuetur in pastores & Sacerdotes inferiores, quæ ut ad personas plures, vel pauciores extendi, & contrahi potest, ita ad hæc, vel illa peccata.

Possunt-ne quacumque peccata referuari, & ex quacunque causa. 55

Resp. Et si nullum sit peccatum seu veniale, seu mortale, quantumvis occultum, quod non possit vel secundum quid; vel simpliciter referuari; nullum tamen peccatū veniale, aut mortale internū re ipsa referuatur; nulla enim exstat talis reservatio vel in iure, vel ex cōsuetudine. Nec obstat, quod à Trid. detur Episcopis facultas absoluedi ab hæresi occulta, quæ facultas negatur vicariis eorum, nam per hæresim occultam non intelligitur mentalis occulta, sed externa hæresis, occulta tamen, seu quæ nondum prodiit in publicum. Ad hæc non debent peccata ex quacunque causa referuari, sed vt ea reservatio fiat sine peccato, debet adesse causa rationabilis.

Quotupliciter peccata referuari possunt. 56

Resp. Dupliciter, nempe ratione culpæ, & ratione censurarum, quibus aliquando sublati, peccata amplius non referuantur.

Potest-ne inferior interdum absolvere à casibus superiori reservatis. 57

Resp. Non potest per se quidem, & directe, præterquam in articulo mortis, in quo nulli sunt casus reservati; unde fit, ut qui ita absolueretur ab inferiori, ne quidem teneretur postea adire superiorem, ratione culpæ, sed tantum ratione censuræ: Per accidens tamen, & indirectè potest interdum inferior absolvere à casibus suo superiori reservatis. v. c. si ei, qui habet casus reservatos, ex inculpabili obliuione nullus eorum veniat in mentem, sed sola non reservata, quæ Sacerdoti inferiori cōfiteatur, is non modò absoluetur à non reservatis, sed etiam à reservatis, per accidens tamen, & indirectè. Ratio est, quia cum ex se, ut suppono, sit sufficienter dispositus, & aliunde Sacerdos habeat cum potestate veram intentionem cum absoluendi ab auditis, si absoluat, sequetur effectus gratiæ, gratia autem omnia omnino peccata delet; manebit tamen in eo obligatio ad eundem superiorem, si peccata illa postea ei veniant in mentem, ut ea eius iudicio subiiciat. Sunt & alij huiusmodi casus.

58 **Q** Vando pœnitens habens casus reservatos non potest adire superiorem, ideoque urgente tempore confessionis an-

nuz faciendæ, cogitur ad vitandum scandalum, vel infamiam confiteri inferiori, tenerne ei aperire reſeruata, vt ab iis indirectè abſoluatur.

Reſp. Tenetur, ob integritatem cōfeſſionis, quæ integritas eſt iuris diuini: vnde diuidi non poteſt, niſi ex cauſa legitima.

Q Vando pœnitens abſolutus indirectè 59
ab inferiori à reſeruatis conuenit ſuperiorem, tenetur ne ei aperire alia etiam non reſeruata, à quibus directè fuit abſolutus ab inferiori.

Reſp. Non tenetur; eſſet enim onus intolerandum.






SECTIO IX.

*DE QUALITATIBVS
legitimæ Confessionis.*

60 Vanam sunt qualitates legitimæ Confessionis.



Resp. Ex communiter 16. numerantur his versibus.

*Sit simplex, humilis confessio, pura, fidelis,
Atque frequēs, nuda, discreta, libēs, verecūda,
Integra, secreta, lachrymabilis, accelerata,
Fortis, & accusans, & sit parere parata.*

1. Igitur cōditio est vt sit *simplex*, id est sine fuco, & apparatu verborum, eaque tantum complectatur, quæ simpliciter necessaria sunt peccatis, & statui pœnitentis declarandis, omissis aliis, quæ ad rem non pertinent.

2. Vt sit *humilis*, nimirum gestu, & affectu, quo testetur pœnitens summam animi demissionem, & agnitionem sui reatus.

3. vt sit *pura*, id est, vt fiat ex sincera intentione finis huius Sacramenti, qui est obtinere remissionem peccatorum, & sine

admixtione impertinentium.

4. vt sit *fidelis*, id est vera sine mendacio, referendo certa tanquam certa, & dubia tanquam dubia.

5. Vt sit *frequens*, id est crebra, vt scilicet, qui saepe labitur, saepe resipiscat: quæ conditio perutilis est, non tamen necessaria.

6. Vt sit *nuda*, vt contineatur verbis perspicuis, non autem obscuris, & æquiucis.

7. Vt sit *discreta*, id est prudens, fiatque verbis honestis, præsertim in narrâdis quibusdam peccatis, caueaturque, ne ex declaratione nonnullarum circumstantiarum deueniat confessarius in cognitionem peccati aliarum personarum, præsertim si non sunt participes talis peccati.

8. Vt sit *lubens*, id est, vt sponte, & vltro fiat.

9. Vt sit *verecunda*, id est, vt pœnitēs de peccatis suis confundatur, & erubescat: Erubescencia tamen tanta esse non debet, vt præ illa omittatur aliquid confitendum.

10. Vt sit *integra*, in qua scilicet dicantur peccata omnia, saltem mortalia, tam secundum numerum, quam secundum speciem, cum eorum circumstantiis necessariis.

11. Vt sit *secreta*, id est, vt Sacerdos illā

nunquam reuelet.

12. Vt sit *lachrymabilis*, id est cum Contitione, vel saltem Attritione vera.

13. Vt sit *accelerata*, id est, ne peccator diu iaceat in sordibus peccati, sed per hoc Sacramentum, quantocius inde emergat, quod consilij est.

14. Vt sit *fortis*, vt pœnitens nihil ex necessariò dicendis omittat, præ timore, vel verecūdia, sed magno, & virili animo omnia euomat.

15. Vt sit *accusans*, id est, vt pœnitens confiteatur tanquam reus coram iudice, sibi peccatum attribuens, non alijs causis, carni, mundo, Dæmoni, sociis &c.

16. Vt sit *parere parata*, id est, non detrectet satisfacere pro peccatis suis, iuxta Confessarij præscriptum, eiusque monitis obtemperet. Atque hæ confessionis condiciones communiter assignantur; quarum quædam sunt necessariae, aliae verò tantum requiruntur ad maiorem reuerentiam. Subiiciemus itaque nonnullas quæstiones, quæ specialem de hisce conditionibus difficultatem continent.



SECTIO X.

DE VERITATE, ET INTEGRITATE Confessionis.

QUONIAM Mne mendacium in Confessione. 61
ne admissum est ne peccatum
mortale.

Resp. Qui inter confitendum
sciens ac prudens peccatum aliquod mor-
tale admissum negat, aut non admissum
tanquam admissum proponit, peccat mor-
taliter, estque talis confessio irrita: secus
est de veniali. Prima pars probatur, quia
vel subtrahit confessioni materiam neces-
sariam ad eius integritatem, vel supponit
absolutioni materiam falsam, & adulteri-
nâ, imponitque Sacerdoti Christi loco eû
iuste interroganti, idque in materia graui,
quorum vtrumque graue sacrilegium est.
Secunda confirmatur: totum enim hoc
genus mendacij est in materia leui, nec
ideo confessio redditur irrita, aut mutila,

nec ideo grauitur fallitur Sacerdos. Qui tamen nulla alia peccata subiiceret absolutioni præter veniale, quod non fecit, peccaret mortaliter, sic enim redderet Sacramentum mutilum.

62 **T**enetur ne vnusquisque vi præcepti de integritate confessionis, omnia sua peccata specie diuersa confiteri; item circumstantias omnes speciem mutant, hoc est, quæ peculiarem habent cum recta ratione repugnantiam.

Resp. Tenetur ex Trid. sess. 14. c. 5. & can. 7. & colligitur ex natura, & fine talis præcepti, aliàs enim non posset Sacerdos iudicium ferre de conscientia pœnitentis, nec eas iniungere pœnitentias, eaque consilia adhibere, quæ e re ipsius essent.

63 **D**ebet etiam pœnitens eas aperire circumstantias, quæ de veniali faciunt mortale.

Resp. Debet; quamuis enim eæ non mutant speciem peccati in genere malitiæ moralis, mutant tamen in genere peccati, seu auersionis à Deo, vt patet in fuito leui, & graui.

Estne etiam numerus peccatorum nec cessatio declarandus. 64

Resp. Est quidem, si memorie occurrat: innuit Trid. supra, cum ait *peccata sigillatim explicanda esse, ut sacerdos certum indicium de pœnitente ferre possit.* Quod si pœnitens certum numerum non norit, adhibitâ debitâ diligentia, satisfaciet numerum verisimilè assignando, ut si dicat, decies plùs minùsue peccaui: quod si ne id quidem possit, significet tantum tempus, & consuetudinem in peccatis, ut si dicat meretrix, exercui meretricium per annum integrum, meque exposui omni hominù generi &c. vel si fur dicat, Latrocinium exercui per duos annos, & singulis septimanis, aut mensibus tot circiter furta plùs, minùsue commisi in his, illisue rebus.

Satisfacitne huic præcepto, cui cū vno vel pluribus diebus fuerit voluntas v. c. occidendi hominem, designat tantum tempus, quo talis voluntas duravit. 65

Resp. Non, sed debet declarare, quoties voluntatē illam vel ex obliuione natu. ali, vel per contrarium actum interruptam reuocauit; toties enim noua peccata

con misit.

66 **Q** Vando plures actus ordinantur tanquam media ad finem, ad aliquē actū mandandum executioni, teneturne quis plures eos actus in confessione declarare.

Resp. Non tenetur. v. c. fornicatus est quispiam, non tenetur confiteri oscula, tactus impudicos, obscœna verba, aliaue eiusmodi, quæ turpem illum actum præcedere solent, aut subsequi, quia ad eundem finem per se spectant, qui est delectatio obscœna: Si tamen actus illi aliam haberent malitiam, quàm eam, quàm à tali fine accipiunt, v. c. si quis dum furaretur, iurasset, blasphemasset, percussisset &c. deberent aperiri singulæ illæ actiones.

67 **S** I quis diceret, iuravi decies, plùs, vel minùs, & postea recordaretur, se pluries iurasse, tenereturne iterum confiteri, vt id exprimeret.

Resp. Si excessus ille levis esset, v. c. si iurasset duodecies, non teneretur ampliùs confiteri, quia continetur in ea particula, plùs, vel minùs: Si autem notabilis esset vt si iurasset vicies, teneretur repetere,

cum

eam excessum.

Confiteaturne integrè, qui prætermisso actu externo, confitetur solū internū. 68

Resp. Non, sed si opere consummatus sit, exprimi debet, vt consummatus; est enim opus externum præcipuè, contrā iustitiam, & proximi damnū, inestque illi primò & per se ratio malitiæ, saltē obiectiua.



SECTIO XI.

DE CIRCVMSTANTIIS

in confessione aperiendis, &

Confessione dimidiata.



Eneturne quis ex vi præcepti de integritate confessionis, etiā peccatorū circumstantias explicare. 69

Nota I. Circūstantias aliud nihil esse, quàm accidentia quædam actioni adiacentia, eiusque qualitatem in genere moris mutantia, aut si non mutant, augent tamen, vel mi-

nunt. Solent autem communiter septem numerari, quæ hoc versiculo continentur.

Quis, quid, Vbi, quibus auxiliis, cur, quomodo, quando. *Quis*, id est, quæ persona, Ecclesiastica, an secularis, soluta, an coniugata. *Quid* denotat quâritatem, v. g. fueritne fur-tum magnum, an paruum. *Vbi*, id est, quo loco, sacro, an prophano. *Quibus auxiliis* significat instrumentum, quo cum aliquid fit, vt sustene percusseris aliquē, manu, vel sclopeto. *Cur*, id est, qua intentione, quo fine, vt si quis furatus sit, vt possit fornicari, vel se inebriare &c. *Quomodo*, id est, fraudene, an dolo, an ignorâter, ex necessitate, an sine necessitate. *Quando*, id est, quo tempore, diene festo, vel prophano.

Nota 2. Spectandas hîc esse à nobis præcipuè circumstantias illas, quæ ita afficiunt, ac circumstant substantiam actus moralis, vt neque mutant eius speciem, vel aliâ illi superinducât, sed tantum illam augeant, vel minuant, aut alio modo intrinsecè eam afficiant intra eandem speciem: quæ enim priori modo se habent, habet potius rationem obiecti, & principij specificantis, quàm circumstantiæ. Vtque de illis aliquid statuamus, certum est omnes circumstantias peccati speciem mutant, vel nouam deformitatem specificam inducentes ne-

cessariò esse confitendas, v. c. qui commisit aliquid, quod ex obiecto erat tantum veniale, cum fecit tamen, putabat ex conscientia erronea esse mortale, tenetur illam circumstantiam confiteri, quia per illam transfertur malitia vnius speciei in aliam: Similiter, qui furto sustulit rem sacram, obligatur confiteri circumstantiam illam, quod nimirum res illa sacra sit, quia per illam inducitur noua deformitas specifica; subreptio enim rei illius, vt aliena est, constituit præcisam rationem furti; vt autem est sacra, habet rationem Sacrilegij: vnde fit, vt in eodem actu Physico inueniatur multiplex ratio peccati, illa contra iustitiam, hæc contra religionem; vtraque tamen confitenda, cum quisque teneatur de omnibus, & singulis suis peccatis mortalibus confiteri. Quare quod dici solet, furtum rei sacræ non esse simplex furtum, non ita intelligendū est, quasi in tali actione non insit malitia furti (id enim falsum esset) sed id ita dicitur, quia non tantum inest illi malitia furti, sed etiam illi adiuncta est malitia irreligionis, quæ duæ malitiæ aduersantur duabus virtutibus, iustitiæ scilicet, & religioni, violanturque per illa duo diuersa præcepta decalogi, sep-

timum, & tertium. Pro quo.

Notandum est pro generali regula, eum non satisfacere huic obligationi, qui, cum per vnum actum deliquerit contra multas virtutes, seu præcepta, quæ perrinent ad diuersas virtutes, vel etiam ad vnam virtutem obligantem ad diuersas honestates nõ sibi inuicem subordinatas, fatetur tamen illum actum simpliciter, non exprimendo: varias illas ad bene operandum obligationes, v. c. iurauit quispiam se seruaturum castitatem, & præterea ad hoc ipsum voto se obstrinxit, non satisfaciet huic præcepto de integra confessione facienda, si tantum dicat confessario se fornicatum; teneatur enim dicere se fornicatum contra votum, & contra iuramentum, quia in tali actu, præter ipsam malitiam fornicationis, duplex est deformitas distincta, vna contra iuramentum, altera contra votum, ac proinde duplex peccatum.

Quod si desint conditiones supra requisitiæ, fieri poterit, vt quamuis actus sit contra diuersas obligationes, non inueniatur tamen in eo multiplex ratio peccati, hinc quando obligat præceptum audiendi sacrum, ratione duplicis festi occurrentis, vt si festum aliquod incidat in diem do-

minicam; aut ieiunandi ratione peruigilij festi alicuius incidentis quatuor anni temporibus, aut tempore quadragesimæ, vnica est malitia, vnicumque peccatum contra religionem, aut contra temperantiam, transgredi eiusmodi præcepta. His igitur circumstantiis omissis, spectamus huc eas præsertim, quæ accidentaliter, & intra eandem speciem afficiunt actum malum, vt sunt duratio, intensio actus, quantitas, tempus, &c. His enim propriè loquendo, conuenit ratio, & natura circumstantiæ; Quæ rursus sunt in triplici differentia: aliæ enim augent malitiam actus, aliæ minuunt, aliæ planè sunt impertinentes, id est, quæ neque malitiam actus augent, neque minuunt, vt quod quis hominè interfecerit manu dextra, vel sinistra. His ita positis.

Resp. Primò Circumstantiæ impertinentes non necessariò sunt confitendæ, immò non sunt exprimendæ. Secundò Circumstantiæ, quæ non notabiliter minuunt, vel augent speciè peccati, non necessariò sunt declarandæ; si enim parum minuunt, videntur potius dici ad excusationem, si verò parum augent, non sunt adeo necessariae, vt inde confessarius intelligat statum pœnitentis; secus si ita minuerent, vt ex mor-

ali facerent veniale; tunc enim essent declarandæ, quia falleretur alioqui confessarius. Tertio. Circumstantiæ illæ, quæ valde notabiliter malitiam peccati intra eandem speciem augent, necessariò sunt explicandæ: hinc si quis v. c. integram urbem incenderit, aut mille aureos furatus sit, non censebitur satis declarare peccatum suum, si dicat se perpetrasse incendium, aut furatum esse mortaliter, nisi addat se incendisse integram urbem, aut furatum mille aureos; alioqui sæpe falleretur Confessarius circa criminum gravitatem, nec posset pœnitenti pœnitentiam iustam imponere, nec medicinam morbo debitam adhibere.

70 **Q**uandonam Circumstantia aliqua censeatur ita graviter augere peccatū, ut necessariò sit confitenda.

Resp. Quando peccator notabiliter excessit communem modum peccandi, ut si quis aliquot horis inhæserit alicui delectationi turpi, siue mente tantum, siue etiam opere, vel hostem suum iam occisum pluries confoderit, &c.

71 **E**st-ne Circumstantia temporis sacri, seu diei festi necessariò aperienda in

Confessione.

Resp. Non; festum enim pertinet ad religionem, & consistit in cessatione ob opere seruii ab Ecclesia prohibito; non verò à cessatione à peccato. Alia est ratio de loco sacro; interdum enim aggrauatur peccatum per circumstantiam nouæ speciei petite ab illo, vt cum furtum rei etiam prophane eius tutelæ commissæ in eo committitur, vel cum in eo sit voluntaria, iniustaue sanguinis effusio, &c. quæ directè pugnant cum sanctitate loci, & expressè prohibentur per Ecclesiam.

Teneturne pœnitens Confessioni præ- 72
mittere examen conscientie.

Resp. Iure diuino tenetur quisque, pro ratione sui status ac conditionis, confessioni præmittere examen Conscientie; nisi Confessarius velit vtrò subire laborem eū interrogandi, ac iuuandi. Ratio est, quia tenetur quisque peccata sua omnia mortalia, eorumque circumstantias confiteri, non potest autem nisi prius ea sibi reuocet in memoriam, ergo pœnitens tenetur se se discutere, in eamque rem tantam diligentiam adhibere, quantam vir prudens

adhiberet in negotio graui; neque enim debet esse summa, nec exactissima: Quod si huius diligentiae defectu omittatur peccatum aliquod mortale, vel circumstantia mutans speciem, censetur scienter omis- sum, & inducere nouum peccatum, atque adeo confessionem totam inualidare. Nunquam enim validè hoc Sacramentum suscipitur, cum ex negligentia mortaliter culpabili peccatum aliquod mortale omit- titur.

73 **S**I quis existimaret factâ prolixissimâ, & scrupulosa sui discussione, peccata alia ventura illi in memoriam, tenereturne ad illam.

Resp. Non teneretur, quia non est opus tanta diligentia.

74 **T**ENERURNE quis peccata sua scribere, ne memoria excidant.

Resp. Non tenetur; quia etsi debeat vti diligentia in peccatis percensendis, sufficit tamen mediocris, nec tenetur vti remediis, extraordinarijs.

75 **P**ERTINETNE ad integritatem Confessionis vt fiat vni, & eidem sacerdoti, & non

partim vni, partim alteri.

Resp. Quātūm fieri potest peccata omnia aperienda sunt eidem Sacerdoti; perinet enim ad sanctitatem, & reuerentiam huius iudicij, vt non sine causa diuidatur.

Q Vi peccatum, aut circumstantiam in priori cōfessione, adhibita debitā diligētia ignoranter omisit, aut seclusa mala fide non bene expressit, teneturne statim illud confiteri. 76

Resp. Non tenetur (nisi occurrat necessitas) sed expectare potest in annum sequentē. Ratio est, quia peccata oblita sub generali accusatione censentur comprehensa, quare non necesse est illa statim confiteri.

L icetne in aliquibus casibus scienter dimidiare confessionem. 77

Resp. Licet: Casus autem illi varij sunt.

1. Est, quando superior legitimis impedimentis distentus vult tantū audire cōfessionem sibi reseruatum.

2. Est, quando peccatum aperiiri non potest sine graui damno consortis peccati, qui simul debet declarari.

3. Quando pœnitens non potest declarare aliquod suum peccatū sine graui damno, vel suo, vel confessarij.

4. Quando confessarius non potest declarare peccatum aliquod à se commissum, occasione confessionis auditæ, nisi simul speriendo peccatum alterius, cūque simul manifestando; sigillum enim confessionis magis obligat, quam eius integritas.

5. Quando periculum est, ne agrotus agens in extremis subito moriatur, antequā detur absolutio, tunc enim auditis nonnullis peccatis, potest illi impendi beneficium absolutionis, & si per vires liceat, reliqua possunt audiri, & ipse postea ab iis absolui. Idem sentiendum cū multis imminet subitò periculum vitæ, vt fit in naufragio, hostium irruptione, in instante periculosa pugna, &c.

6. Quando quis est mutus, vel peregrina lingua vititur; sufficit enim tunc fateri peccatū aliquod, vt ab omnibus possit absolui.

Postremus est ex parte Sacerdotis, cū scilicet illi ex morbo, vel aliunde imminet mors, & maximè, si pœnitens sit in periculo mortis nec speretur futurum alium Sacerdotem, à quo possit absolui;

tunc enim aliquot peccatis auditis deberet eum absolueret. Similiter ut sacerdos seruet se indemnem, ut si v. c. confessiones eorum, qui peste laborant audiret, ad præcauendum mortis periculum, auditis aliquot peccatis, posset ab illis, & à reliquis simul absolueret.


Debet-ne absolui moribundus, qui vocis usum amisit, antequam Sacerdos 78
euocatus potuerit illi adesse, si nullum peccatum in particulari possit confiteri; sed solum signa generalia doloris ostendat, vel testentur tantum præsentem ipsum dedisse signa pœnitentiæ, & petiisse confessionem.

Resp. Debet; probatur à simili, si quis enim dicat Confessario se certò scire peccatum aliquod mortale a se admissum esse, nec tamen possit eius recordari, omnium sententia est absoluendus, & tamen in genere tantum confiteretur. Item potest quis confiteri per interpretem, cui fides habetur, ergo cum quis non potest per se confiteri, potest per astantes Sacerdoti iam præsentem confiteri, qui instar interpretum eius pœnitentiam, & confessionem eidem exponant.




SECTIO XII.

DE VARIIS MODIS
confitendi.

79  Ebet ne Confessio secretò fieri.

Resp. Non est de essentia confessionis, vt secretò, vel publicè fiat, ex Trid. sess. 14. c. 5. probabilius autem est, esse iuris diuini naturalis, vt non fiat ordinariè alio modo, quàm secretò, hic est enim conuenientissimus modus, quo fieri potest, cùm nemini liceat, sine vrgenti causa, peccata sua secreta propalare, aut seipsum infamare.

80  Ebet ne interdum pœnitens publicè confiteri.

Resp. Et si confessio peccatorum secretorum possit interdum rectè fieri publicè, ad eam tamen nullus vnquam publicè obli-

gatur, patet ex Trid. sess. 14. c. 5. ubi cum dixisset, Et si Christus non vetuerit, quin aliquis in vindictam suorum scelerum, & sui humiliationem, cum ob aliorum exemplum, tum ob Ecclesiæ offensæ adificationem delicta sua publicè confiteri possit, non est tamen (inquit) hoc divino præcepto mandatum, nec satis consiliū humana aliqua lege præcipitur, ut delicta præsertim secreta, publica essent confessione aperienda.

Debet ne interdum Confessio fieri per interpretem, 81

Resp. Quamvis confiteri per interpretem laudabile sit, ac consulendum, quando id alio modo fieri nequit, nullum tamen exstat ea de re præceptum, ne quidem pro articulo mortis. 1. pars probatur, quia qui cum Sacerdote agit per interpretem, censetur moraliter loquendo per se cum eo agere. 2. pars confirmatur, quia id neque ex institutione Christi, neque ex traditione, aut aliunde habetur.

Potest-ne pœnitens confiteri ex scripto, aut ad id aliquando obligatur. 82

Resp. Quando pœnitens apud præ-

senem Sacerdotem potest se accusare voce, ad id tenetur ex præcepto Ecclesiæ, siue simul recitet peccata sua ex scripto, siue ex sola memoria; Ita docet praxis, & consuetudo Ecclesiæ; Non est tamen de essentia confessionis, ut voce fiat, sed potest fieri scripto, si causa sublit, ut si æger commode possit scribere, non ita verò loqui, siue enim quis scripto, sine voce confiteatur, absolute confiteretur. Confiteri autem scripto, cum non potest verbo, non tenetur, hoc enim nimium esset onerosum.

83 **P**otest-ne pœnitens confiteri per literas, aut internuntium.

Resp. Potest id ex graui causa rectè, & valide fieri: patet ex eo, quod supra dictum est de moribundo, quem aliorum relatione Sacerdos accepit petuisse Sacramentum pœnitentiæ; vtriusque enim euentus eadem videtur esse ratio: de absolutione putarim aliter sentiendum.

84 **P**otest-ne aut debet pœnitens confiteri per nutus.

Resp. Quando potest voce, non debet nutu cōfiteri: patet à simili de scripto: si ta-

men non posset alia ratione cōfiteri; quān-
per nutus, & signa. teneretur eo modo cō-
fiteri; is enim modus sufficere potest ad pec-
catorum declarationem, neque est exposi-
tus periculo euulgationis, sicut scriptio.



SECTIO XIII.

DE DOLORE NECES-
sario ad iustificationem in Cōfessio-
ne Sacramentali, aliisque ad
confessionem spectantibus.

Valis debet esse dolor, qui ne-
cessarius est ad iustificationem, §5
in confessione Sacramentali.

Resp. Dolor ille non neces-
sarius est contritio, saltem tamen requiri-
tur, vt sit vera attritio ex motiuo superna-
tali. 1. pars probatur ex Trid. sess. 14. c.
4. ait enim *per contritionem imperfectam* (quo
nomine intelligit attritionem) *hominem*
in hoc sacramento disponi ad gratiam impetrandam.
2. pars probatur, quia vt dispositio censet-

tur apta ad aliquam formam, debet esse eiusdem ordinis cum illa; quare cum gratia sit ordinis supernaturalis, requirit dispositionem supernaturalem. Ex quo sequitur dolorem ex motu merè naturali non sufficere, cuiusmodi est metus damni temporalis, amissionis bonorum, infamiae &c. multoque minùs sufficere solam voluntatem suscipiendi hoc Sacramentum sine interna pœnitentia; cum nemo censeatur sufficienter dispositus ad gratiam, & remissionem peccatorum, quandiu à peccatis suis non auertitur, per dolorem, ac detestationem.

86 **D**atur ne Confessio informis, hoc est ex qua non sequatur effectus gratiæ, & remissionis peccatorum, quamvis ei ad integritatem veræ, & validæ confessionis nihil desit.

Resp. Datur; si enim pœnitens bona fide doleat de peccatis dolore merè naturali, & ex motu naturali, ut propter Deum autorem naturæ, vel propter turpitudinem quæ inest peccato, quatenus aduersatur rectæ rationi, is auertetur sufficienter à peccatis, quod satis est, ut talis dolor sit pars Sacramenti; non tamen sufficienter disponetur

netur ad gratiam, quæ cum sit forma ordinis supernaturalis, supernaturalem requirit dispositionem : Excusabitur tamen à peccato ob bonam fidem, & ignorantiam inuincibilem; sed & satisfaciet præcepto seu diuino, seu Ecclesiastico, nec obligabitur talem confessionem repetere: reuiuifcet denique tale Sacramentum ad gratiam per attritionem supernaturalem subsequentem, modò post illud pœnitens non peccarit mortaliter, vt priùs dictum est de Baptismo.

E St ne Confessio aliquando iteranda. 87

Resp. Nulla confessio valida, & integra est necessariò iteranda; modò fuerit absolutio data à Sacerdote habente legitimam iurisdictionem, & ea vti volente; nulla enim apparet huius rei obligatio. Omnis verò confessio inualida, & nulla necessariò est repetenda; illa enim non fuit vera Confessio Sacramentalis, nec per eam satisfactum est præcepto de confessione facienda.

Q Vibus ex causis Cōfessio redditur nulla, & irrita, 88

Resp. Ex ad duo capita generalia reduci possunt. Primum est, ex parte pœnitentis, ut si careat dolore sufficienti ad integritatem Sacramenti: si sponte, vel ex negligentia inuincibili, ac mortali peccatum aliquod mortale omiserit; si peccet mortaliter inter confitendum, si non habeat usum rationis sufficientem. Secundum caput est ex parte confessorij; si nimirum careat potestate ordinis, vel iurisdictionis; si sit nominatim excommunicatus, vel suspensus; si non habuit intentionem absolueudi, vel ita distractus sit, ut pleraque non audiat; vel si sit ebrius, aut amens; si non protulit omnia necessaria ad essentiam formæ; si careat scientia necessaria ad ferendum iudicium de statu pœnitentis, nec id ignoret pœnitens.

89 **E** Si ne Confessio illa censenda irrita, & nulla, quam fecit pœnitens excommunicatus ignorans excommunicationem suam, vel nesciens saltem absolutionem suâ ab excommunicatione præmittendam esse absolutioni à peccatis.

Resp. Non, quia quamvis excommunicatio prohibeat Sacramentum suscipi, non

obstat tamen susceptioni veri Sacramenti. Quare si aliunde quis excusetur ob ignorantiam inuincibilem, excommunicatio non obstat, quominus valide absolua-
tur.

Vtile-ne est repetere confessiones va- 90
lidas.


Resp. Est, quia valet id ad gratiæ augmentum, ad Contritionem, & erubescen-
tiam maiorem excitandam, quibus abundantiùs satisfit pro peccatis, ad supplendos defectus, qui fortè irrepserunt in confесси-
onibus particularibus, vel ignorantia, vel negligentia circa integritatem, dolorem, absolutionem. &c.





SECTIO XIV.

DE SIGILLO CONFES-
sionis.

91  Sacerdos audita confessione te-
netur-ne ad Sigillum.

Nota Sigilli nomine intelli-
gi obligationem, qua quis te-
netur peccata in confessione audita se-
creta seruire, Metaphora sumpta à sigillo
materiali, quo literas, aliudue quidpiam,
quod secretum esse volumus, obsignamus.

Resp. Iure naturali tenetur Sacerdos
non reuelare audita in Confessione, quia
tenetur non diffamare proximum, eique
seruire fidem: iure etiam Ecclesiastico ad
idem obligatur, vt patet ex c. Omnis vtri-
usque. de pœnit. & remiss. vbi imponitur
pœna degradationis, & inclusionis perpe-
tue in arcto monasterio Sacerdoti contra
facienti. Hæ tamen obligationes, ex se
non sunt ita strictæ, quin sæpe cessent: pos-
sum enim ob bonum publicum alterius

crimen mihi commissum reuelare, etsi non sine ipsius infamia : Arcētissima verò alia sigilli obligatio iure positiuo diuino induta est (quod ex praxi, & traditione Ecclesiæ colligitur) qua in nullo casu ad vitandū quodcunque malum , siue pro quocunque bono, etiam totius reip. licet peccata directè , vel indirectè reuelare, nisi quando id cedit in magnum bonum, & pœnitens id expressè concedit.

QUodnam peccatum committit Confessarius violando sigillum. 92

Resp. Peccat peccatō Sacrilegij, contra virtutem religionis, quia per infractionem sigilli prophanatur eius sanctitas, & veluti redigitur in ordinem aliorum secretorum naturalium. Potest quoque hoc peccatum reuocari ad iniustitiam, & ad peccatum contra charitatem, cū per illud detrahatur famæ alterius, & deterreatur proximus ab vsu confessionis,

QUæcumque violatio sigilli est-ne peccatum mortale. 93

Resp. Est; quia licet fortè peccatū, quod reuelatur, in specie sit tantū veniale in se,

usus tamen confessionis, quæ per huiusmodi revelationem exosa redditur, materia gravissima est; quare sicut in periurio non datur materiæ leuitas, sic neque in infractione sigilli.

94

Quinam alij præter Sacerdotem tenentur obligatione sigilli.

Resp. Etsi solus Sacerdos, qui Confessionem excepit, teneatur strictissima illa obligatione sigilli seruare secretum confessionis, quia solus ille Christi minister est in hoc Sacramento; plerique tamen alij tenentur eadem obligatione in specie, ij nimirum, qui confessionem siue licitè, siue illicitè intellexerunt, vt interpretes, astantes, si pœnitentem vocem contendentem fortè exaudierint, ii que insuper, quibus confessarius aliquid de confessione ex malitia reuelasset, facerent enim contra reuerentiam debitam huic Sacramento, peccarēt. que peccato sacrilegij, non secus ac Sacerdos, quamuis peccatum eorum non esset adeo graue.

95

Obligatne etiam sigillum illud sacrum, ac sanctum secreti confessionis, cùm confessio non sit integrè, aut non sequitur absolutio.

Resp. Obligat quotiescumque peccata

declarantur in ordine ad absolutionem, siue sequatur absolutio, siue non idque vel ex culpa Sacerdotis, vel pœnitentis: vnde si quis confiteretur alicui laico, putans eum esse Sacerdotem, teneretur ille ad seruandũ sigillum obligatione religiosa: etsi enim confessio re ipsa non esset Sacramentalis, fieret tamen ex parte pœnitentis ex intentione recipiendi sacramentum, quod sufficit ad eam obligationem; est enim regula, obligationem seruandi secretum semper esse sacram, ac religiosam, quando confessio est Sacramentalis, seu ex intentione accusandi se coram Deo, aut satisfaciendi præcepto Cõfessionis; secus si hæc non adsint: vnde si quis extra confessionem quidpiã secretum alteri reuelaret, profitereturque se hoc ei dicere sub sigillo confessionis, non imposeret ei obligationem sacram, quia talis confessio non est Sacramentalis: Obligatio autẽ sigilli confessionis nõ nascitur ex conuentione, vel voluntate reuelãtis, vel eius, cui fit reuelatio, sed ex natura Sacramenti, ac reuerentiæ illi debitæ in gratiã pœnitētis. Idem dicendũ, cùm quis alteri detegit peccata sua, non vt se accuset, sed consilij tantũ petēdi causa, aut cùm quis simulatè, & quasi confessurus Sacerdotem adit, animo tantũ eum pertrahendi in cõsortium pec-

cati alicuius; tales enim confessiones Sacramentales non sunt.

- 96 **T**enetur ne pœnitens sigillo cōfessionis ad ea tacenda, quæ ei à Sacerdote dicta sunt in confessione.

Resp. Non; quia secretum confessionis obligat tantum ratione peccatorum in confessione auditorum, Sacerdos autem non confitetur pœnitenti, sed contra pœnitens Sacerdoti, ad id igitur obligatur tantum iure naturali, quo quisque tenetur consulere famæ alterius.

- 97 **S**i quis inueniret cartam alicuius, in qua peccata confitenda descripta essent, & casu, vel de industria aliquid in ea legeret, tenereturne obligatione sacra sigilli cōfessionis.

Resp. Non, sed teneretur solum obligatione naturali, ad seruandum secretum; quia descriptio illa nō pertinet ad cōfessionem, tanquam pars illius, sed tanquam via, ac preparatio ad illam.

- 89 **Q**uando imminente tempestate, vel quouis alio mortis periculo plures simul voce elata confitentur si detegant, quicquid audierunt, peccant ne peccato sacrilegij contra sigillum.

Resp. Peccant illi quidem peccato iniuritiæ, & detractionis, non tamen contra sigillum: obligatio enim sigilli confessionis nascitur tantum ex secreto, talis autem confessio secreta non est.

Solane peccata cadunt sub sigillum. 99

Resp. Omnia, & sola peccata cadunt sub obligatione Sigilli, itaut neque verbo, neque signo vlllo liceat ea reuelare, citra sacrilegium, quando ex huiusmodi reuelatione non tantum peccatum, sed etiã peccator ipse designatur. Sigillum enim confessionis obligat tantum respectu eorum, quæ sunt materia propria confessionis, cuiusmodi sunt sola peccata. Vnde infero propositum peccandi pœnitentis reuelari non posse sine infractione sigilli confessionis, quia tale propositum iam est peccatum. Infero 2. eum non peccare contra obligationem sigilli confessionis, qui detegeret defectum aliquem naturalem pœnitentis ex confessione cognitum, etsi aliunde peccaret contra obligationem iuris naturalis, quia tales defectus nec peccata sunt, nec eorum circumstantiæ, per se loquendo.

100 **P**eccatne cōtra sigillū Confessionis, qui cū pœnitēte extra cōfessionē colloquitur de peccatis in cōfessione exceptis.

Resp. Is non peccat contra Sigillū cōfessionis, nam de natura secreti in genere tantū est, vt non aperiatur aliis; peccaret tamen aliunde, quia redderet confessionem aliquomodo odiosam, impropere illi quodammodo peccata sua, quod diligentissimè cauendum est. Sed id intellige, si id fiat absque expressa licentia illius, vel certè tacita.

101 **S**emperne facit contra sigillum confessionis, qui negat pœnitentem à se absolutum ex causa legitima.

Resp. Non semper, sed quādo alij possunt ex eo deuenire in suspicionem alicuius peccati grauis, aut reseruati, aut ex cōmunionis, vel indispositionis occulte. Quare nō peccaret contra sigillū, qui diceret, non absolui talem pœnitentē, quia nōdum absoluit confessionē; si præsertim alij norint eum propter negotia, aliāue impedimenta protrahere confessionem in plures dies.

102 **P**eccaretne contra Sigillum confessionis, qui ob notitiā incapacitatis pœni-

tentis, quam accepit ex sola confessione, eum ab officio remoueret.

Resp. Peccaret, etiam si ex eadem confessione nosset illū in tali officio perpetuò versari in proxima occasione peccandi, si ex tali priuatione officij possent probabiliter alij conijcere, illum priuari tali officio ob peccatum aliquod in confessione cognitum, quia in tali casu saltem in genere detegeretur confessio, quod non licet.

Caduntne etiam sub sigillum confessionis peccata consortis, quando pœnitens ea manifestauit in confessione, tanquam circumstantiam sui peccati. 103

Resp. Cadunt; quia peccatum consortis hoc modo declaratum fit materia confessionis, quæ præterea valde onerosa redderetur, si Sacerdos non teneretur ea sub sigillo seruare.

Licetne reuelare confessionem ex licetia pœnitentis. 104

Resp. Licet, siue pœnitens eam facultatem faciat extra confessionem, siue in cōfessione; Sigillum enim confessionis institutum est tantum in bonū pœnitentis,

ut nempe seruetur illi secretum suum; in hoc vero casu cedit ille iuri suo, nec confessionem odiosam reddit. Addendum tamen talem facultatem primò debere esse expressam, & non sufficere interpretatiuā, seu rati habitationem: secundò debere esse de peccato proprio ipsius pœnitentis, non verò tertiæ personæ, nisi pœnitens faciat simul facultatem reuelandi suum, cuius illud fuit circumstantia: tertio debere esse omnino liberam, & non coactam: quarto debere esse rationabilem.

105 **N** Vllone alio euentu, quàm ex facultate pœnitentis licet reuelare confessionem.

Resp. Nullo prorsus, etiamsi ex eo silētio secuturus esset interitus totius Reip. omnia enim incōmoda, quæ nasci possunt ex obligatione seruandi sigillum, leuis momenti sunt, si cōferantur cum eo, quod sequeretur ex violatione sigilli, quod est interitus confessionis.

106 **Q**uomodo Confessarius respondere debet iudici, aut Tyranno, à quo iniquè compellitur & etiam sub iuramento, ut dicat, num sciat, vel audierit aliquid de

peccato pœnitentis, quod ipse nouit tantum ex confessione.

Resp. Si simpliciter, & absolute interrogetur ab illo, num sciat, vel audierit aliquid de tali peccato, potest respondere se nihil scire, etiamsi prius de dicenda veritate se iureiurando obstrinxerit; quia cum non habeat ius petendi, an de eo crimine aliquid sciat ex confessione, quando simpliciter rogat num de eo aliquid norit, censetur confessarius ad mentem eius respondere, qui merito existimari potest interrogare de notitia accepta extra confessionem: Si verò interrogetur, num peccatum illud ex confessione norit, tenetur respondere se nihil scire, subintelligendo, vt dicat alijs, sic enim non mentietur, & aliunde non tenetur respondere ad mentem inique interrogantis.


Q Vando confessarius nouit peccatum pœnitentis non tantum ex confessione, sed etiam alia via, teneturne ad sigillū. 107

Resp. Non tenetur, sed potest illud reuelare secluso scandalo; quia confessarius qui peccatum alterius nouit extra confessionem, eo ipso habet ius de eo loquendi,

& peccatorem ipsum accusandi, si opus sit, per confessionem autem non amittit tale ius, neque peccatum illud detegendo fit vlla iniuria confessioni, nec inde magis odiosa redditur: nullo tamē modo dicere potest, se audiuisse illud in confessione.

108 **L**icetne Sacerdoti extra confessionem uti scientia in ea comparata.

Resp. Varii euentus recenseri solent, in quibus id licere plarisque probabile videtur. Opposita tamen aliorum sententia tuior videtur, in praxi sequenda, minùsque exposita periculo confessionis violandæ.



SECTIO XV.

DE SATISFACTIONE.

109 **Q**uid intelligitur per Satisfactionem quæ numeratur inter actus pœnitentis.

Resp. Intelligitur voluntaria pœna susceptio ab homine iusto facta in compensationem aliquam pœna temporalis promerita, ob

iniuriam Deo per peccatum illatam.

R Emanetne in peccatore, peccato quo-¹¹⁰
ad culpam remisso, reatus aliquis pœ-
næ temporalis.

Resp. Cum peccator ad Deum conuer-
titur, licet in eo tollatur totus reatus pœnæ
damni, quæ peccato eius debebatur, rede-
atque in gratiam, & amicitiam cum Deo,
non tamen semper p̄t̄r̄sus tollitur in eo
reatus pœnæ æternæ sensus, sed (quamuis
interdum accidat, vt tantus sit dolor pœ-
nitentis, qui sufficiat non modò ad culpæ,
sed etiam ad totius pœnæ remissionē) plæ-
rumque commutatur in reatum pœnæ tē-
poralis luendæ. Est Trid. sess. 6. can. 30.
& sess. 14. c. 8. & cā. 12. & probatur ex scri-
ptura. 2. Reg. c. 12, vbi Dauidi iā iustifica-
to statuitur pœna mortis filij, aliisque simi-
libus. At peccatorum omnium eadem est
ratio, & nihil est causæ cur Deus ita se ges-
serit erga aliquos potiùs, quam erga alios,
alioquin videretur Deus quodāmodo per-
sonarum acceptor: dicendū igitur est post
peccatū remissū superesse adhuc in pecca-
tore pœnam aliquam tēporalem luendam.

Q Vanam est pœna illa, quæ post cul-
pam remissam luenda superest. ¹¹¹

Resp. Non videtur illa alia esse specie ab ea, quæ ante peccatum remissū luenda erat in inferno, sed accidentaliter solum differre, quodd cum antea futura esset æterna, postea fiat temporalis, possitque in hac vita redimi per bona opera, ac satisfactiones sponte susceptas.

112 **P**ossumusne satisfacere pro pœna temporali, quæ superest, peccato iam remisso.

Resp. Quamuis homo iustus satisfacere non possit pro pœnis omnibus temporalibus peccati (ut patet de morte, quæ est pœna peccati, nullus tamen potuit bonis operibus eam auertere) potest tamen pro permultis satisfacere, idque de condigno; quia cum bona nostra opera possint habere sufficientem proportionem, ut mereantur de condigno vitam æternam, multò magis id dicendum est de iisdem respectu remissionis pœnæ temporalis.

113 **E**stne satisfactio non tantum possibilis, sed etiam necessaria, ac præcepta.

Resp. Necessarium quidem est satisfacere pro pœnis tēporalibus vel in hac vita,
vel in

vel in purgatorio, nisi aliunde remittantur per martirium, baptismum, indulgentias &c. patet ex supra dictis; si enim remissa culpâ supersit adhuc pœna aliqua luenda, necessario pro ipsa satisfaciendum est, nisi aliunde remittatur. Nullum verò exstat præceptum, quod nos sub mortali obliget ad satisfaciendum in hac vita pro pœna illa temporali.

POtest-ne pro pœnis satisfacere, qui est¹¹⁴
in peccato mortali.

Resp. Qui est in peccato mortali, quando in eo statu manet, non potest satisfacere pro vlla pœna temporali peccatis iam condonatis debita; quia satisfactio nostra non habet vim obligandi Deum ad remittendum nobis pœnam, nisi ex pacto, & acceptatione Dei, Deus autem non acceptat opera peccatorum, Eccl. 15. *Dona impiorum non probat altissimus*, Licet igitur, qui in peccato mortali peragit pœnitentiam sibi à suo Confessario iniunctam, satisfaciat quo ad confessionem, adeout eam, aut pœnitentiam denuo repetere non teneatur, Deo tamen non satisfacit, nisi gratia accedente.

115 **O**pera satisfactoria extra Charitatem facta, reuiuiscunt ne accedēte gratia.

Resp. Cetera opera in peccato mortali facta non reuiuiscunt, nec fortiuntur suum effectum, quia defuit illis principium vitæ spiritualis, nempe Charitas, & gratia; pœnitentia tamen Sacramentalis, etiam in peccato mortali peracta reuiuiscit ad satisfaciendum ex opere operato, pro pœna aliqua debita peccatis confessis. Ratio est, quia est pars Sacramenti pœnitentiæ, quod interdum reuiuiscere supra docuimus.

116 **P**otest ne vnus pro alio satisfacere pro pœnis peccato remisso restantibus.

Resp. Iustus pro alio iusto satisfacere potest, si velit suum opus in eum finem referre. Est de fide, ad Galat. 2. *Alter alterius onera portate*, quod de pœna intelligendum est; De culpa enim additur, *Vnusquisque onus suum portabit*. Adde cōmunionem sanctorum in eo positam esse, vt vnus satisfactio alteri possit applicari, quia scilicet cū simus membra vnus corporis, sub vno capite, quod est Christus, vnus actio cēsetur quodāmodo alterius, si fructus illius sit capax; ad quod requiritur vt sit in gratia.

Quam requiruntur ad hoc, vt opus 117
aliquod sit Satisfactorium.

Resp. Duo requiruntur, Primum, vt sit Deo honorificum; debet enim suus honor Deo restitui per satisfactionem. Secundum, vt sit ex se pœnale, & laboriosum, nempe vt peccator qui illicitè sibi nimium indulserat, hoc pacto puniatur; Cuiusmodi sũt Ieiuniũ, Oratio, & Eleemosyna. Per ieiunium intellige non solũ cibi abstinentiam, sed alias etiam corporis afflictiones, vt disciplinas, peregrinationes &c. Per orationem verò opera omnia spiritualia, vt lectiones, prædicationes, meditationes &c. Per eleemosynam denique opera misericordiæ, vt pupillos, infirmos, incarceratos visitare, iuuare, consolari &c. Per pœnas quoque, & flagella, quæ nobis à Deo immittuntur, & patienter tolerantur, satisfieri potest. Calamitates etiam aliæ, quæ ex causis naturalibus, vel liberis nobis obveniunt eatenus sunt satisfactoriæ, quatenus à nobis æquo animo feruntur. Exempla priorum sunt Iob calamitates, Tobia: cæcitas &c. posteriorum mors naturalis, vel violenta, iniuriæ &c.

118 **P**otest-ne per hæc opera satisfieri, si quis in iis exercēd s nullam percipiat molestiam, sed potiùs delectationem.

Resp. Potest: quod enim quis post longam assuetudinem voluptate aliqua perfūdatur, id per accidens est satisq, est, quòd opus ipsum ex natura rei, & obiecti sit difficile.

119 **P**œnalitas, & molestia actus externi auget-ne satisfactionem.

Resp. Auget; quia pœnalitas operis externi concurret ad sarcendam illam inæqualitatem, quâ peccatum induxerat, quatenus homo priuat se bono vt li, & delectabili, in quibus plus æquo sibi indulserat.

120 **O**pera pœnalia, quæ aliàs sunt debita, & in præcepto sunt-ne satisfactoria.

Resp. Sunt; potest enim per idem opus satisfieri diuersis obligationibus, ratione plurium formalitatum, quæ in eo sunt. v. c. in actu temperantiæ est substantia actus præcepti, & per hanc satisfieri potest præcepto de tali actu faciēdo; Secundò est quòd sit actus laude dignus, & fiat in gra-

ria, & sic valet ad meritum. Tertio est quod idem actus difficilis sit, & molestus, & sic valet ad satisfactionem.

AD quam virtutem pertinet Satisfactio. 121

Resp. Et si hic actus pertinere possit ad rationem iustitiæ, quia per illum constituimus æqualitatem quandam inter nos, & Deum; propriè tamen ad virtutem religionis pertinet, quia debitum, quod per satisfactionem Deo redditur, est superioris cuiusdam rationis quovis alio debito, necesse est igitur, ut pertineat ad superiorem quandam virtutem, & non aliam quam religionis.

Tenetur-ne Confessarius imponere 122
pœnitenti satisfactionem aliquam,
quam ille teneatur acceptare.

Resp. Confessarius tenetur vi præcepti divini ad imponendum pœnitenti satisfactionem, eamque, si iusta sit, & pro peccatis mortalibus imponatur, pœnitens acceptare tenetur sub obligatione peccati mortalis. i. pars probatur, quia ex Concil. Florent. & Trid. satisfactio necessaria est ad integritatem Sacramenti, cum igitur Sacerdos sit eius minister eniti debet, ut suis

omnibus partibus constet, nec mutilum sit, & imperfectum. 2. pars probatur, quia potestas, quæ data est Sacerdotibus, non solum est ad soluendum, sed etiam ad ligandum, quod præcipue debet intelligi de vinculo satisfactionis, nulla autem esset potestas ad ligandum in Sacerdote, nisi vicissim esset in pœnitente obligatio ad ei parendum.

123 **Q**uomodo peccaret, qui detrectaret satisfactionem acceptare in confessione venialium.

Resp. Is non peccaret mortaliter, sed tantum venialiter, reddens Sacramentum aliquo modo imperfectum, possetque, si à Sacerdote absolueretur (quod facere non deberet Sacerdos ne peccato illius cooperaretur) consequi remissionem peccatorum confessorum, si cætera non deessent. Ratio est, quia confessio venialium non est in re graui, neque quæ necessariò subiiciatur iudicio Sacerdotis: Idem iudicium faciendum est de satisfactione, quæ iniungeretur pro peccatis iam confessis, & remissis. Quin etiam id extendi potest ad pœnitentiam pro mortalibus iniunctam, quando ea est leuissima, ut si oratio Dominica

semel, aut iterum tantum esset recitanda, ob materiæ leuitatem.

DEbet-ne moribundo imponi Satisfactio. 124

Resp. Tutius est, etiam in articulo mortis, pœnitentiam aliquam leuem imponere, quam moribundus possit obire, vt breuem aliquam oratiunculam, vel mentis eleuationem in Deum, vel saltem sub conditione, si ægrotus conualescar.

Quomodo se gerere debet Sacerdos in imponendis satisfactionibus scrupuloso, qui sæpius subinde confitetur peccata quæ memoriæ occurrunt, vel quæ non satis suo iudicio declarauit. 125

Resp. Si priorem satisfactionem iam impleuit, debet aliquam imponere pro qualitate peccatorum: Si verò nondum impleuit, & peccata leuia sunt, aut circumstantiæ non multum aggrauantes, mone-re potest pœnitentem, vt priorem pœnitentiam applicet ad satisfactionem eorum; secus si peccata ita graua essent, vt notabiliter mutarent statum pœnitentis;

tunc enim condigna satisfactio iniungenda esset.

126 **S**I pœnitentia à confessario iniuncta sit manifestè iniusta, teneturne pœnitens eam acceptare, vel si acceptarit adimplere.

Resp. Non tenetur, quia sententia iudicis manifestè iniusta non ligat. Idem dicendum, si pœnitens deprehendat suam confessionem fuisse nullam.

127 **S**I contingat ut pœnitens non recordetur satisfactionis iniunctæ, ad quid tenetur.

Resp. Si sua culpa id euenerit, aperire debet hunc defectum in proxima confessione; Quocunque autem modo id euenerit, aliam sibi iniungendam in sequenti confessione petere debet (nisi confessarius prioris recordetur) quamcunque enim aliam ipse sibi assumat, Sacramentalis non erit: Non erit tamen necesse eadem peccata repetere, sed sufficiet confessario exponere, an pœnitentia iniuncta fuisset grauis, vel leuis.

Estne pœnitentia iniungenda ad arbitrium Sacerdotis. 128

Resp. Est; hoc tamen sensu, non quòd possit Sacerdos pro libito suo quascunque imponere (hoc enim repugnat Trid. sess. 14. c. 8.) sed quod hoc negotium eius prudentiæ relinquatur, qui sustinet personam, non tantùm iudicis, sed etiam patris, & Medici, cuius est iniungere pœnitentiam iustam, id est, peccatis proportionatam, habita ratione non solùm gravitatis peccatorum, sed multò magis personæ, loci, temporis, illecebræ peccandi, cæterarumque circumstantiarum; pœnitentiæ enim Sacramentales non imponuntur duntaxat, ut vindicta sumatur de culpis præteritis, sed etiam ut medicina futuris adhibeatur; quòd sit, ut adolescenti fornicanti maior imponenda sit pœnitentia, quam seni (esto ille minùs peccet fornicando ob maiora, & vehementiora ad delinquendum ætatis incitamenta) quia naturâ propensior est ad illud vitium, quod ut cohibeatur freno indiget, estque ad ferendam pœnitentiam validior, quam senex.

Potesne pœnitiienti imponi pœnitentia, 129
quæ tantùm sit ex consilio.

Resp. Non potest, nisi ei alia adiungatur, ad quam obligetur; quia si pœnitentia esset tantùm ex consilio, nulla esset obligatio ad eam explendam, quod tamē requiritur ad integritatem Sacramenti.

130 **P**œnitentia Sacramentalis liberat ne omnino à pœnis peccatorum.

Resp. Quando satisfactio Sacramentalis Mathematicè exæquat pœnam in purgatorio luendam, tota illa remittitur; alias non seruaretur iustitia in commutatione pœnarum illarum. An autem satisfactio iniuncta exæquet pœnam in purgatorio debitam, non potest Sacerdos prudenter iudicare, qui neque nouit, quanta pœna debentur huic, vel illi peccato in purgatorio, neque quanta sit vis satisfaciendi operibus huius vitæ.

131 **P**œnitentia ab vno Sacerdote iniuncta potestne ab alio paris authoritatis, nec habente potestatem dandi indulgētiæ mutari, cū non potest impleri citra incommodum pœnitentis.

Resp. Potest, ita enim obtinuit vsus.

Pœnitentia à superiore iniuncta, etiã 132
propter casus ipsi reseruatos, potestne
ab inferiori immutari, quando id suadet
necessitas, aut vtilitas, nec superior adiri
potest.

Resp. Potest, alioqui obligatio explen-
di pœnitentias esset intolerabilis. His ta-
men casibus præmittenda est confessio, vel
peccatorum omnium, propter quæ fuerat
iniuncta pœnitentia, vel certè grauiorum,
quia cõmutatio illa pœnitentiæ est actus
iudicialis, qui prudenter institui non po-
test causa incognita.






CAPVT VII.

DE EXTREMA
Vnctione.

SECTIO I.

DE NATVRA EXTRE-
*mæ vnctionis, institutione, uni-
tate, necessitate.*

I  VOT sunt in Ecclesia Vn-
ctiones.

Resp. Varię sũt in Eccle-
sia Vnctiones, alia est enĩ
quę neque est Sacramentũ
neq; Sacramẽtale, qualis
est *Vnctio regũ*; alia quę Sacramentũ quidẽ
nõ est, est tamen quiddã Sacramẽtale, quia
aliquo modo ordinatur ad Sacramentũ, vt

De Extrema Vnctione. 324

Vnctio Cathecumenorum, alia quæ est Sacramentum, & dicitur *Extrema Vnctio*.

Estne extrema vnctio verum, ac proprium nouæ legis Sacramentum. 2

Resp. Est, vt patet ex c. 5. Epistolæ Iacobi, *Infirmatur quis in vobis, inducat presbyteros Ecclesiæ, & orent super eum, Ungentes eum oleo, in nomine Domini, & oratio fidei saluabit infirmum, & alleviabit eum Dominus, & si in peccatis sit, remittentur ei.* Vbi continentur omnia ad essentiam Sacramenti requisita; 1. res externa, seu ritus sensibilis, ipsa scilicet vnctio olei, cum oratione fidei, quæ duo pertinent ad materiã, & formam huius Sacramenti. 2. Promissio gratiæ, *Et si in peccatis sit, remittentur ei.* 3. Christi institutio; nisi enim Christus hunc ritum instituisset, nunquam Iacobus tam constanter ei effectum gratiæ promississet, cum nemo sit, penes quæ sit potestas instituendi signa efficacia gratiæ.

Quo tempore fuit hoc Sacramentum à Christo institutum. 3

Resp. Quamuis id non ita certum sit, probabilius tamen est, ab eo fuisse institu-

tum vel in nocte cœnæ, vel Ioa. 20. vbi collata fuit Apostolis potestas in peccata, ipsumque penitentiae Sacramentum institutum, cuius Extrema vnctio est quoddam complementum tollens peccatorum reliquias.

4 **E** Stne Extrema Vnctio Sacramentum vnum, vel plura.

Resp. Et si Extrema Vnctio constet ex pluribus partialibus inunctionibus, & ex pluribus formis partialibus, eæ tamen omnes referuntur ad vnum, eundemque effectum significandum, qui est perfecta sanitas mentis, tollendo reliquias peccatorum; quare vnicum est signum sacrum, ac sensibile gratiæ, vnicumque Sacramentum. Simile quid videre licet in Sacramento Eucharistiæ, in quo sunt diuersæ partiales materiæ, diuersæ item partiales formæ, quæ tamen vnicum Sacramentum conficiunt, quia vnâ perfectam, & integram refectionem spiritalem significant.

5 **E** Stne Sacramentum Extremæ Vnctionis ad salutem necessarium, & quomodo.

Resp. Non est necessarium necessitate
medij ad salutem, quia non confert primā
gratiam, sed eam supponit, Neque item
necessariū est, necessitate præcepti diuini,
vel Ecclesiastici, quod obliget ad mortale,
quia nullibi exstat tale præceptum: si ta-
men omitteretur ex contemptu, vt si in-
firmus se digniorem existimaret, quā vt
se ei subiiceret, vel si ex eius omissione
sequeretur scandalum, puta quia inde mo-
ueretur aliis suspicio hæresis; graue pec-
catum esset illud prætermittere: secus, si
ex sola aliqua negligentia.



SECTIO II.

*DE MATERIA, ET
forma Extremæ Vnctionis.*

*Q*UÆNAM est materia Sacra-
menti Extremæ Vnctionis.

6

Resp. Duplex est eius ma-

teria, Remota scilicet, & Proxima. Remota est solum Oleum oliuarū. Proxima ipsa inunctio, seu vsus olei circa moribundum.

1. pars colligitur ex c. 5. Iacobi, *Ungetes eum oleo*. Oleum autem propriè, & absolute illud tantum dicitur, quod ex oliuis cōficitur. 2. pars ostenditur, ex eo, quod omnia Sacramenta (excepta Eucharistia) non consistunt in re permanente, sed in vsu, & applicatione materiæ, applicatio autē olei est ipsa inunctio.

7 **E** Stne de essentia huius Sacramenti, vt Oleum sit benedictum.

Resp. Est; quia Concil. Florēt. & Trid. sess. 10. expressè dicunt *materiam huius sacramenti esse oleum oliuæ ab Episcopo benedictum*. Nec probabile est hanc benedictionem posse committi simplici Sacerdoti,

8 **E** Stne de necessitate huius Sacramenti, vt inunctio illa fiat in formā Crucis.

Resp. Non est, quia id ex nullo capite colligi potest, peccaret tamen qui secus faceret, cū id consuetudine receptum sit; sed peccatum non videtur futurum graue, modo absit contemptus.

Quænam

Quænam est forma huius Sacramenti. 9
Resp. Hæc, quæ traditur à Concil.
Florent. & Trid. *Per istam sanctam vnctionem,*
& *suam piissimam misericordiam,* indulgeat tibi
Deus quicquid deliquisti per visum, per auditum
&c.

Verba illa, quæ communiter adduntur 10
In nomine Patris &c. sunt ne essentialia
formæ.

Resp. Non sunt; seruanda tamen est quod
ad illa attinet, cuiusque Ecclesiæ consue-
tudo.

Verba illa, *Per suam piissimam misericor-* 11
diam, sunt ne essentialia formæ.

Resp. Non, sine graui tamen peccato
omitti non possunt.


Debet-ne forma illa toties repeti, quot 12
fiunt inunctiones.

Resp. Debet, Ita enim habet praxis Ec-
clesiæ, & qui secus faceret, Sacramentum
dubium redderet, quod sufficit, vt non
liceat.



SECTIO III.

DE MINISTRO EX- tremæ Vnctionis.

- 13  Vis est proprius Minister Sa-
cramenti Extremæ vnctionis.
- Resp* Solus Sacerdos potest
esse Minister huius Sacramēti,
Ita definitur à Trid. sess. 14. c. 3. & can. 4.
de hoc Sacramento, & colligitur ex D.
Iacobo. *Inducat Presbyteros*, quod intelligen-
dum de senioribus non ætate, sed dignitate,
& ordine, docet idem Trid. supra c. 3.

- 14 **P**otest-ne quivis Sacerdos hoc Sacra-
mentum ministrare.

Resp. Potest quidem quivis Sacerdos
hoc Sacramentum validè ministrare, cum
non sit actus iurisdictionis; non potest tamē
licitè conferri à quoquam alio, quàm à pa-
rocho, seu proprio Sacerdote (quo no-
mine veniunt etiam superiores Religio-
num) vel alio de eius licentia. Quare pec-

De Extrema Vnctione. 330

caret grauitur Sacerdos, qui subiectis non suis, sine licentia pastoris ipsorum, hoc Sacramentum ministraret, & insuper, si religiosus esset, incurreret excommunicationem papalem, vt habet Clementina 1. de priuilegiis.

Quid si ægroto non adesset pastor suus, 15
& censeretur morti proximus.


Resp. In hoc casu posset quiuis simplex Sacerdos etiam religiosus hoc Sacramentum ministrare per ratihabitionem parochi, & quia præsumitur Ecclesia nolle filiorum suorum salutem periclitari, ac proinde facere hanc potestatem cuius Sacerdoti.

Si hoc Sacramentum à pluribus Sacerdotibus conferretur, itaut singuli pronuntiarent partem aliquam formæ, cum partiali inunctione, esset-ne validum. 16

Resp. Esset, illicitè tamen id ita fieret, & contra praxim Ecclesiæ, nisi necessitas ad id cogeret, vt si Sacerdos moreretur antequam omnes inunctiones absoluisset, tunc eni posset ab alio suppleri, quod defuisset.

Si vnus Sacerdos inungeret ægrotum, alius verò verba formæ pronuntiaret, 17
constaret-ne Sacramentum.

Resp. Aut nullum esset Sacramētum, aut dubium, ac proinde illicitum esset illud eo modo ministrare.



SECTIO IV.

DE HIS QVIBVS CON- ferendum est *Extremæ vñctionis* Sacramentum, & de par- tibus inungendis.

18



Vinam sunt capaces *Extremæ vñctionis* suscipiendæ.

Resp. Soli Baptizati, adulti, ratione vñtentes, aut qui aliquādo vsi sunt, & infirmitate aliqua laborant, capaces sunt huius Sacramenti: de Baptizatis patet ex verbis D. Iacobi. *Infirmatus quis in vobis, scilicet Christianus.* & ex peruulgato axioma, Baptismum esse ianuam ad reliqua Sacramenta: de adultis ratione vñtibus constat, quia hoc Sacramentum institutum est ad tollendas reliquias peccato-

De Extrema Vnctione. 332

rum, ad roborandum infirmi animum contra tentationes, & contra tadium ex morbo conceptum, &c. horum autem effectuum capaces non sunt pueri, nec perpetuè amētes. De infirmis, manifestum est ex iisdem Iacobi verbis. *Infirmatur quis in vobis, &c.*

QUAM infirmitas requiritur in susci- 19
piente hoc Sacramentum,

Resp. Requiritur vt infirmus in probabili mortis periculo versetur, ex Concil. Florent, quod ait *non debere dari, nisi infirmo, de cuius morte timetur.* Non expectandum tamen, donec ægtotus ita extremè laboret, vt censeatur iam iam moriturus, sed expedit ei conferri hoc Sacramentum, dum est adhuc integris sensibus (vt percipere possit alacritatem illam spiritalem, quæ est effectus huius Sacramenti) & superest adhuc aliqua spes salutis corporalis; cū & hæc pertineat etiam ad effectus huius Sacramenti.

POtest-ne hoc Sacramentum conferri 20
iis, qui cū nullo morbo laborent, paulo post capite plectendi sunt, vel in periculo naufragij versantur &c.

Resp. Non potest, et si conferatur, nullum erit Sacramentum, patet ex verbis D. Iacobi, ex usu Ecclesiæ, & sine huius Sacramenti, qui est sanitas.

- 21 **S**I conferretur hoc Sacramentum initio morbi esset- ne validum.

Resp. Id dubium est, præsertim si morbus levis esset; si verò grauis, probabile est futuū validum. Innuir Trid. sess. 14. c. 3.

- 22 **N**ihil- ne interest, vnde contrahatur infirmitas.

Resp. Modò ægrotus morbum contrahat, ex quo mors imminet, parum refert vnde, aut quo ex principio nascatur infirmitas: vnde si quis periclitetur de vita, ex morbo naturaliter contracto, vt acuta febri, graui senio, peste; Item ex veneno, vulnere læthali &c. poterit inungi.

- 23 **F**Vriosi, & amētes qui habent lucida interualla, sunt- ne capaces huius Sacramenti.

Resp. Si in sanitate illud petierint, fuerintque probatæ vitæ, vel certè non

De Extrema Vnctione. 334

constet eos esse impœnitentes, nec sit periculum irreuerentiæ erga Sacramentum, poterit iis dari. Quòd si non petierint, debet iis nihilominus dari, si vixerint benè Catholicè, quia præsumitur quod petiissèt, si fuissent memores.

SI dubitetur, an infirmus inungendus 24
Sobierit, quid factò opus est.

Resp. Inungendus erit sub conditione; idemque sentiendum. si dubitetur, nec certum sit, an exspirarit, antequam omnes inunctiones peractæ sint, pergendum enim erit ad reliquas sub conditione; secus, si constet esse mortuum.

QUAMAM corporis partes sunt inun- 25
gendæ.


Resp. De necessitate Sacramenti est, vt inungantur 5. organa sensuum: oculi propter visum, aures propter auditum, nares propter odoratum, os propter gustum, & manus propter tactum. Docet praxis Ecclesiæ; Cuius ratio est, quòd peccata omnia originem ducant ex 5. sensibus, quibus

proinde tanquam radicibus morborum medicina sit adhibenda. Quod ad renes, & pedes attinet, etsi inungi debeant, ubi consuetudine receptū est, id tamē nō, est de necessitate Sacramenti; unde fit, ut in plarissq; locis earū partiū inunctiones præmittantur, præsertim in feminis, quæ ob honestatem non vnguntur in renibus, sed tantū prope umbilicum, Quare Florent. recensens septem dictas vnctiones sic interpreror, ut velit eas omnes approbandas, non tamen omnes esse de essentia Sacramenti.

26 **Q**uomodo se gerere debet Sacerdos, cum ægroto dō est aliquis horum sensuum.

Resp. Inungi debent partes dictis sensibus propinquiores.





SECTIO V.

DE DISPOSITIONE

suscipientium Extremā Vñctionem,
deq̃ eius effectu, & iteratione.

QUæ est dispositio necessaria in
suscipiente hoc Sacramen-
tum. 27

Resp. Primò requiritur in
eo voluntas, & consensus eius suscipiendi;
hic tamen consensus non necessariò debet
esse explicitus, sed sufficit virtualis, qui in
infirmo censetur esse, cùm is Christianè
vixit, & bene se disposuit ad mortē, præ-
sertim per Confessionem, & communio-
nem, vt docet praxis Ecclesiæ, quæ hoc
Sacramentum confert iis, qui vi morbi
de repente opprimuntur, & si illud non
petierint. Secundò vt quis cum fructu hoc
Sacramentum suscipiat, necesse est, vt
priùs conteratur, vel putet inuincibiliter
se contritum. Non est enim primò, & per

se institutum ad tollenda peccata saltem mortalia, vel conferendam primam gratiam, sed illam supponit. Quare qui cum conscientia peccati mortalis illud susceperet, peccaret grauiter.

- 28 **Q** Vinam est effectus Sacramenti Extremæ vnctionis.

Resp. Hoc Sacramentum primariò, ac peculiater est institutum ad conferendam gratiam habitualement, cui debentur auxilia quædam actualia, tum ad tollendas reliquias peccatorum, tum ad hominem muniendum in vltimo illo agone, contra omnes tentationes, ac difficultates. Colligitur ex Trid. sess. 14. c. 2. de Extrema vnctione. Vbi verba Iacobi de his explicat. Institutum etiam est peculiari aliquo modo ad tollenda peccata venialia, vt indicare videntur verba Iacobi. *Et si in peccatis sit, remittentur ei.* Denique confert sanitatem corporis, quando ita expedit ad salutem animæ. Ita Trid. supra.

- 29 **Q** Vanam dispositio requiritur ad remissionem venialium in hoc Sacramento.

Resp. Requiritur vel eorū Attritio, vel certē voluntas illud in eum effectum suscipiendi; quæ voluntas censetur virtualis eorum detestatio.

Quandonam Sacramentum Extremæ 30
vnctionis confert suum effectum.

Resp. Confert suum effectum (gratiam nimirum) ilico post quintam inunctionē. Ratio est, quia tunc constat tota Sacramenti essentia, cū post illam integrè significatæ sint causæ, & radices morborum spiritualium, ex quibus reliquæ peccatorum profluxerunt, contra quas est institutum hoc Sacramentum per modum pharmaci cuiusdam, quod applicari debet radici morbi.

Daturne simul cum gratia auxilia illa 31
actualia, quæ conferuntur ad tollendas peccatorum reliquias.

Resp. Non semper datur cum illa, quia datur ad superandas tentationes, quæ infestare solēt hominē in articulo mortis, ad roborandū infirmi animum contra imbecillitatem illam, & ineptitudinē ad benè operandum in mente ipsa ex peccato relicto, ad fugandam tristitiam illam

ortam ex apprehensione imminētis separationis animæ à corpore, vt anima in Deū erigatur, recreetur, seriōque salutis suæ prospectum velit, suffulta firmā fide, spē diuinæ misericordiæ, & patientia: dari igitur debent ea auxilia, cū maior est eorū necessitas, hoc est, cū maximè urgent difficultates vltimæ illius luctæ: urgent autem non tantū cū confertur gratia, sed deinceps ad finem vsque vitæ. Simile quid est in Confirmatione, auxilia enim quæ dantur ad profitendam fidem, tunc tantū dantur, cū necesse est fidem profiteri.

32 **Q**uomodo numeratur sanitas inter effectus huius Sacramenti, cū enim Sacramenta sint efficacia, & habeant infallibiles effectus, si sanitas esset verus huius Sacramenti effectus, possent vitæ hominum perpetuò prorogari.

Resp. Non est necesse, vt Sacramentorum effectus secundarij, cuiusmodi est sanitas ægroti, sint ita infallibiles, vt patet in Confirmatione, quæ non reddit Confirmatum infallibiliter constantem in fide coram Tyranno profitenda, & in Eucharistia, quæ non efficit infallibiliter, vt

homo propulset incurfus Dæmonum.

Potestne Sacramentum Extremæ Vn- 33
ctionis iterari.

Resp. Potest iterari non solùm in diuer-
si infirmitatibus, sed etiam in eadem, pu-
ta si quis post probabile mortis periculum
conualescat, & iterum incurrat idem pe-
riculum. Etsi enim ratione continuatio-
nis vna, eademque infirmitas dici possit,
quatenus tamen exponit infirmum nouo
mortis periculo, diuersa censei potest,
atque ita seruatur in praxi.





CAPVT VIII.

DE ORDINE.

SECTIO I.

DE NOMINE ORDINIS, natura, numero.

I.



VÆNAM sunt huius vocis, *ordo*, significationes.

Resp. 1. Sumitur amplissimè pro respectu, seu habitudine quadam inter plura, quorum alterum altero prius est; sic inter causam, & effectum reperitur ordo quidam, secundum quem causa dicitur esse naturâ prior effectu. 2. significat statum quendam hominum ceteris præ eminentium ob officiũ aliquod Ecclesiasticum ad, quod assumun-

tur. 3. sumitur pro ipsa actione, quæ tales
consecrantur, quæ actio ordinatio dicitur.
Et definitur, *Ceremonia quædam externa, ac
sensilis, qua confertur, ac significatur potestas Ec-
clesiastici ministerii, ad decenter celebrandum Sa-
cramentum corporis Christi.*

Estne ritus ille, seu ordinatio verum, & 2
proprium novæ legis Sacramentum.


Resp. Est: definitur à Trid. sess. 23. c. 3. &
Ratio est, quia in ordinatione inveniun-
tur tria illa ad rationem Sacramenti ne-
cessaria, ac Primò quidem ceremonia ex-
terna significans gratiam, quæ plerumque
est manuum impositio, de qua frequens est
mentio in scripturis, Acto. 14. *Cum consti-
tuissent eis presbyteros, scilicet per manuū im-
positionem, ut sonat vox græca. 1. Timoth.*
4. *Cum impositione manuum presbyterij,*
& c. 5. *Nemini cito manus imposueris &c.*
Secundò promissio gratiæ, *Noli negligere
gratiam, quæ data est tibi per prophetiam, cum
impositione manuum presbyterij, 1. ad Timoth.*
4. Tertiò Institutio Actorum 10. *In quo nos
posuit Spiritus sanctus Episcopos, & ad Ephes.*
4. *Ipse dedit quosdam quidem Apostolos, alios
prophetas, alios pastores, & Doctores.*

3 **Q**uot sunt ordines ministrorum Ecclesie.

Resp. Septem sunt veri, & proprii ordines, nimirum Sacerdotum, Diaconorum, Subdiaconorum, Acolytorum, Exorcistarum, Lectorum, Ostiariorum. Est Tridēt. sess. 23. c. 2. Et si enim Episcopus certo ritu ordinetur, eoque diuerso à ritu, quo Sacerdos ordinatur, non censetur tamen ordo diuersus, quia ordinum diuersitas hinc petitur ex diuersitate ministerii, quod exhibetur Eucharistiæ; idem autem exhibet Sacerdos, & Episcopus; vel quod alijs placeat, cum numerantur septem ordines, habetur ratio eorum tantum, qui vni, & eidem ordinariè conferri solent. Tonsura verò non est Ordo, sed tantum destinatio ad ordines.

4 **O**mnesne, & singuli ex septem ordinibus sunt Sacramenta.

Resp. Sunt: probatur ex Trid. sess. 23. c. 2. ubi cum septem illos ordines percensuisset, c. 3. absolutè definit ordinem esse Sacramentum.



SECTIO II.

DE DIVISIONE ORDINUM, unitate, discrimine inter se, eorumque autore.

Vomodo diuiduntur Ordines. S
Q Resp. Ex his septem Ordinibus tres vocantur Maiores, & Sacri; alij vocantur Minores, & non sacri; Etsi enim omnes ordines sunt sacri, quatenus sunt signa gratiæ habitualis, aliqui tamen ex illis peculiariter, & veluti per excellentiam dicuntur Sacri, tum quia per illos insigne quoddam ministerium circa Eucharistiam exercetur, non item per alios; tum quia habent annexum votum continentiae (quo Ordinati sunt inhabiles matrimonio) quod aliis adiunctum non est. Maiores, seu sacri sunt tres, nimirum Presbyteratus, Diaconatus, & Subdiaconatus. Minores, seu non sacri sunt quatuor,

Acolyratus, Lectoratus, Exorcistatus, & Ostiariatus,

- 6 **V** Num ne tantum Sacramentum constituant septem illi Ordines.

Resp. Vnum tantum constituunt; alioqui plura essent Sacramenta, quam septem, contra Trid. & Florent. Sunt autem vnum Sacramentum unitate signi constituti ad significandum eam omnem gratiam, quæ datur ad perfectum usum potestatis collatæ circa ministerium Eucharistiæ: quæ significatio incompletè quidem in singulis ordinibus, cōpletè vero in omnibus simul reperitur. Sic species panis, & vini in Eucharistia conueniunt inter se ad vnum tantum Sacramentum, vnicumque signum completum constituendum eius gratiæ, quæ in ea datur per modum perfectæ refectiōis spiritalis.


- 7 **Q**uomodo differunt singuli ordines inter se collati.

Resp. Differunt specie incompletâ, quia non modò constant diuersa materia, & forma, sed etiam ordinantur ad actus, & effectus specie diuersos, qui proinde aliâ,

& aliam gratiam; alia item, & alia auxilia
requirunt.

FVerunt ne hi omnes Ordines à Christo
instituti. 8

Resp. Fuerunt, ut cōstat tum ex scri-
ptura, tum ex traditione, & patrum auto-
ritate.



SECTIO III.

DE MATERIA, ET forma singulorum Ordinum.

Vanam est materia Presbyteratus. 9

QNota in omni ordine formā
esse verba illa, quæ proferūtur,
quando materia Ordinis appli-
catur, & quibus significatur traditio pote-
statis, quæ confertur in quouis Ordine.
Quare forma omissa, dicendum tantum de
materia.

Resp. Tota materia presbyteratus cō-
sistit essentialiter tum in traditione calicis
cum vino, & patenæ cum pane, tum etiam

in impositione manuum. 1. pars expresse definitur à Florent, 2. verò probatur, quia per illam manuum impositionem presbyteri ordinantur, ex Trid. sess. 14. de Extrema unctione. c. 3. in eaque ceremonia gratia confertur, vt colligitur ex eodem Trid. sess. 2; can. 4. Illa igitur manuum impositio, cum sit ceremonia sensibilis, qua homines Deo consecratur, & gratia illis confertur, ad materiam Sacramenti sine dubio pertinet. Ex quibus infero, vt in ordinatione presbyteri duæ sunt formæ, quibus duæ traduntur potestates, vna ad consecrandum corpus Christi, his verbis, *Accipe potestatem offerendi sacrificium Deo. &c.* altera ad remittenda peccata, his aliis, *Accipe Spiritum Sanctum. quorum remiseris peccata &c.* Ita duplicem iis correspondere materiam, nimirum vasorum porrectionem & manuum impositionem; ex quibus omnibus Ordo Sacerdotij, seu presbyteratus essentialiter componitur, Itaut alterutrius partis defectu Sacerdotium maneat imperfectum, incompletum, & veluti dimidiatum.

IO **Q** Vænam est materia Diaconatus.
Resp. Est impositio manuum, & traditio libri Euangeliorum: de impositione ma-

num, definitur à Concil. Cartag. 4. c. 4.
 & ratio est, quia illud pertinet ad materiam
 alicuius Sacramenti, quod eius formæ con-
 iungitur, & per eam significatur; Ita autem
 se habet impositio manuum ad formam Dia-
 conatus, quæ est, *Accipe Spiritum Sanctum ad
 robur, & ad resistendum Diabolo, & temptationibus
 eius.* Coniungitur autem tali formæ, & per
 eam significatur, quatenus ea significat
 protectionem quandam & abundantiam
 spiritus sancti, igitur impositio manuum
 pertinet ad materiam Diaconatus. De por-
 rectione autem Euangeliorum definitur à
 Florent.

Quomodo potest porrectio libri Euan-
 geliorum pertinere ad materiam Dia-
 conatus, cum initio Ecclesiæ fuerint Ordini
 veri Diaconi, quo tamen tempore nō
 dum scriptus erat liber Euangeliorum.

Resp. Christum liberum reliquisse
 Ecclesiæ, ut significaret collationem pote-
 statis Diaconi, per traditionem huius, vel
 illius rei; unde ex iusta causa variis modis
 fieri potuit, eo modo, quo nō determinavit
 Christus verbis-ne an signis contrahentes
 matrimonium cōsēsu mutuū exprimerēt, sed

ad voluntati contrahentium permisit.

Vanam est materia Subdiaconatus.

Q *Resp.* Est traditio calicis vacui cum patena. Ita docet Flotent. Traditio autem libri Euangeliorum, manuum impositio, traditio viceoli, ampullarum &c, sunt tantum ceremoniæ quædam Sacramentales, & piæ.

13

Q Vanam est materia quatuor minorum ordinum.

Resp. Probabilius est materiam Acolytatus esse duplicem, vnâ porrectionem candelabri cum cereo, alteram traditionem viceoli, quia per vtramque illam ceremoniam confectur Acolyto potestas aliqua. Materia Exorcistatus est traditio libri Exorcismorum, vt Lectoratus traditio libri, in quo continentur lectiones prophetarum. Ostiariatus denique traditio clauium templi; addunt aliqui & traditionem cāpanæ.

14

E St ne necesse ad validitatē Sacramenti vt ordinandus verè, ac physicè tangat materiā, quæ illi in ordinatione exhibetur.

Resp. Probabilius est contactū physicū esse necessariū non tantum necessitate præ-

cepti, (quod patet ex praxi Ecclesiæ) sed etiam necessitate Sacramenti: aliàs enim non videtur ei materia sufficiēter applicari: Quod si omittetur, censerem huiusmodi contactum physicum supplendum, præsertim in Sacerdotio, quia res maioris momenti est. Vbi aduertendum in Sacerdotio non esse necesse, vt tangatur hostia, sicut nec vt vinum, quod calice continetur; quia quemadmodum tangendo calicem censetur quis sufficiens tangere vinum, ita tangendo patenam censetur tangere ipsam hostiam ei superpositam. Eniti tamen debet ordinandus ad maiorem securitatem, & ad vitandum scrupulum, & quia res alicuius momenti est, vt vtrumque tangat.

QUODNAM est munus singulorum istorum Ordinum, 15

Resp. Sacerdotibus ex officio incumbit Sacramentum corporis, & sanguinis Christi ad altare cōficere. illud populo ministrare, à peccatis absolue e, dona Dei benedicere, preces fundere: Sacramenta conferre, exceptis Confirmatione, & Ordine, quæ Episcoporum propria sunt: denique predicare, & docere populum ex facultate Episcopi. Diaconorū est præcipue Sacerdo-

ri sacrificanti proximè assistere, eique panē, & vinum ministrare, tēporē Sacrificij solēnis, cum stola Euangelium recitare, Eucharistiam Sacerdotis loco deferre, ac præbere Laicis &c. prædicare verbum Dei de licentia Episcopi. &c.

Subdiaconis incumbit proximè assistere Diaconis, & illis in sacrificio ministrare, aquam illis porrigere ad lauandas manus Sacerdotis, Illis porrigere manutergium, calicem, & patenam, vt eā postea offerant Sacerdoti cum materia consecrationis, cētare solemniter, & ex officio Epistolam.

Acolytorum est 1, ac præcipuè parare ampullas vini, & aquæ, eaque Subdiacono porrigere, Luminaria accendere, seu ferre candelabrum cum cereo accenso ante Sacerdotem ad altare procedentem, & ante Diaconum, cū pergīt ad cantandum Euangelium.

Exorcistarum est manus super Energumēnos imponere, & super illos nonnulla recitare ad expellendos dæmones.

Functio Lectorum erat ex superiori loco lectiones prophetarum in Ecclesia legere, Catechumenos instruere, benedicere panem, & nouos fructus.

Oſtiariorum munus eſt fores templi claudere, & aperire, caſque cuſtodire, in templum admittere qui digni ſunt, indignos excludere, quales antiquitus erant pagani, catechumeni, excommunicati, & qui publicam agebant Pœnitentiam.



SECTIO III.

*DE EFFECTV SACRA-
menti Ordinis.*



Vis eſt effectus Sacramenti 16
Ordinis.

Reſp. Præter gratiam iuſtificationem, quæ ex opere operato conferitur à quolibet ordine ex ſeptem numeratis, conferuntur etiam auxilia quedam gratiæ actualis ad miniſterium ſuſcepti Ordinis ritè obeundum, eo modo, quo reliqua ſacramenta conferunt auxilia quedam actualia ad eos actus rectè exercēdos, ad quos ordinātur, vt Confirmatio ad fidē profitendam, Matrimonium ad onera ma-

rimonij facilius subeunda, &c.

Ad hæc singuli ordines imprimunt suum characterem indelebilem, qui est illa ipsa potestas, quæ confertur Ministris Ecclesiæ ad Ecclesiastica munia obeunda, quæ enim Sacramenta repeti non possunt, imprimunt characterem, ex Florent.

- 17 **S**I non baptizatus ordinaretur, conferretur illi character.

Resp. Non, quia baptismus est ianua ad cætera Sacramenta.

- 18 **Q**uid si ordinandus baptizatus esset, nondum tamen confirmatus.

Resp. Non confirmatus suscipiens ordines peccaret quidem, valeret tamen ordo collatus: idemque dicendum de eo, qui superiores ordines susciperet, ante inferiores, (loquendo de septem inferioribus ordinibus) ordinatio enim valida esset, nec reiteranda, (sic tamen ordinatus maneret suspensus à suscepti executione) sed supplenda esset susceptio ordinis prætermissi.

- 19 **E**stne unius ordinis unus tantum Character.

Resp. Vnus quidem est tantum vnus
Ordinis caracter, isque simplex, vel com-
positus, pro ratione ordinum, quorum
aliqui consistunt in indiuisibili, alij di-
uersis actionibus essentialibus constant, vt
de Sacerdotio dictum est Probabile etiam
est ex omnibus caracteribus singulorum
ordinum conflare vnicum totalem cara-
cterem, qui sit potestas ad exhibendum per-
fectum ministerium Eucharistiae. vt enim
singuli ordines sunt vnicum tantum Sacra-
mentum, sic iis correspondet vnicus tota-
lis caracter, compositus ex pluribus parti-
bus heterogeneis.



SECTIO V.

DE EPISCOPATV

sigillatim.



Stae Episcopatus iure diuino 20
superior Sacerdotio.

Resp. Episcopi iure diuino
superiores sunt tam potestate

Ordinis, quàm iurisdictionis simplicibus Presbyteris. Necesse enim est, vt ij Ecclesie ministri Ordine differant, quorum sunt diuersæ consecrationes, potestates diuersæ, munera distincta; huiusmodi autem sunt Episcopi, & Sacerdotes, vt patet tum ex can. 1. & 2. Apostolorum, & ex Pontificali Romano, tum quia Episcopi possunt administrare Sacramentum Ordinis, & Confirmationis; possunt item consecrare tēpla, altaria, vasa sacra, &c. quod non possunt simplices Sacerdotes.

21 **E** Sene Episcopatus Sacramentum.
Resp. Episcopatus est verum, & propriè dictum Sacramentum: quantū enim colligitur ex scriptura, aut ordinatio Episcopi est Sacramentum, aut nulla ordinatio est Sacramentum. Non est autē Episcopatus vnum integrum, ac totale Sacramentum distinctum à reliquis ordinibus, sed cum ijs vnicum, ac totalem ordinem componit, alioquin plura essent Sacramenta, quàm septem, contra Trid.

22 **E** Piscopatus imprimetne nouum Characterem.

Resp. Imprimet nouum caracterē par-

tialiter distinctum à Caractere Sacerdotij. Ratio est, quia confert Sacerdoti nouam potestatem ordinandi Episcopos, & Sacerdotes, ergo & nouum caracterem; cum per caracterem nihil aliud intelligatur, quàm potestas aliqua intrinseca, & permanens.



SECTIO VI.

DE CONDITIONI- bus Ordinandorum.



Stne de Essētia Sacramēti Ordinis, vt suscipiens illud sit vir.

23

Resp. Sexus virilis est conditio necessaria in eo, qui ordinatur, adeout mulier sit omnino incapax ordinis. Probatnr ex facto ipsius Christi, qui ne quidem beatissimam matrem suam fœminarum omnium dignissimam ordinauit, & quia quo iure prohibetur mulier in Ecclesia loqui. 1. Cor. 14. & 1. ad Timot. 2. eodē iure interdicitur ordinibus insigniri, qui bona ex parte ad docendū referantur.

24 **P** Orestne infans ordinari.

Resp. Si infanti Ordo conferatur, etiā facer, erit verè ordinatus. Ratio est. quia vsus rationis ad validitatem Sacramenti necessarius non est, nisi quando Sacramentum consistit in actu aliquo humano, vt Matrimonium, & pœnitentia, huiusmodi autem non est Sacramentum Ordinis. Puer tamen ita ordinatus non obligaretur ad onera, quæ sequuntur ordinationem, qualis est continentia & c. nisi post rationis vsu ordinationem suam approbaret.

25 **Q** Væ conditiones requiruntur, vt quis licitè ordines suscipiat.

Resp. Requiritur 1. certa ætas. Circa quod Trid. sess. 23. c. 12. de reform. statuit *vt nullus deinceps ad Subdiaconatus ordinem ante 22. ad Diaconatus ante 23. ad Prebyteratus ante 25. ætatis suæ annis promoueat.* Quod intellige de annis inchoatis. Ad minores ordines suscipiendos requiritur vt minimū septenniū, quo exacto potest statim Clericus iis initiari. *Tonsuram quoque suscepturus septennis esse debet, & confirmatus,* ex Trid. sess. 23. c. 4. de reform. quod idem voluit inter susceptionem vltimi ordinis ex minoribus, & Sub-


diaconatum, & ita deinceps intercipi annum vnum, nisi aliud exposceret necessitas, aut Ecclesiæ utilitas. 2. requiritur morum integritas, tum vt Sacramenta aliis dignè ministret, tum vt iis vitæ exemplo præeat. 3. requiritur certa scientia; vnde Trid. supra requirit, vt prima tonsura initiandus sciat rudimenta fidei, itemque legere, & scribere. Ad 4. minores requirit præterea aliquam cognitionem linguæ latinæ. Qui verò cupiunt ad superiores ordines gradum facere, tanta scientia instructi esse debent, vt norint ministeria eorum ordinum, ad quos promouendi sunt, & maximè cùm iis demandata est cura animarum. 4. Titulus aliquis beneficij Ecclesiastici pacificè detenti, ac sufficientis ad victum honestum, vel ex causa legitima (qualis est utilitas, vel necessitas Ecclesiæ) patrimonij, vel pensionis, quæ pariter ad vitam sufficiant. Quo titulo abdicare se nullus potest, nisi valeat aliunde viuere. 5. requiritur examen, debet enim ordinandus examinari, & approbari ab Episcopo. ex Trid. sess. 23. c. 7. & 12. de reform. nisi aliunde constiterit de moribus, & scientia ordinandi. Quod si quis nec approbatus, nec examinatus se ordinandum sci-

enter offerret, peccaret grauitur: quo tamen peccato non obstante verè ordinaretur, si cùm venitur ad singulorum ordinationem, velit Episcopus singulos ordinare, esto priùs intenderit in genere non examinatos non ordinare; posterior enim intentio priorem corrigeret. 6. Necessè est, vt Clericus immunis sit ab omni censura, irregularitate, & quolibet impedimento iuris. Vltima conditio est, vt non ordinetur, nisi à proprio Episcopo, aut ab alio de eius licentia; proprius autem Episcopus tripliciter dicitur, vel ratione originis, vel ratione domicilij, vel ratione beneficij; quòd fit, vt si quis in aliqua Diocesi natus esset, & in alia haberet domicilium, animo ibi permanendi, in tertia verò beneficiũ, posset à quouis ex tribus illis Episcopis ordinari, aut literas dimissorias accipere, quia cuius ex illis subditur, quoad susceptionem ordinum. Excipiuntur à superiore regula familiares Episcoporum, qui per triennium apud ipsos commorati sunt, dummodo eis statim re ipsa beneficium conferant. Trid. sess. 23. c. 9. de reform.

26 **Q** Vis est ordinarius Minister Sacramenti Ordinis.

Resp.

Resp. Solus est Episcopus. Ita Florent
& Trid. sess. 23. can. 7.



SECTIO VII.

DE MINISTRO OR- dinis. eiusque conditionibus, & temporibus ordinationum.

Resp. Otest ne qui Episcopus non²⁷
est, conferre aliquando hoc Sa-
cramentum, si ipsi fiat eius rei
potestas.

Resp. Potest simplex Sacerdos ex de-
legatione Summi pōtificis validè conferre
minores ordines. Constat ex praxi Ecclesiæ
& Trid. sess. 23. c. 10. de reform. vbi hoc
concedit Abbatibus respectu regularium
subditorū suorum. Immo probabile putāt
permulti nonnullis Abbatibus ex speciali
priuilegio licere Subdiaconos, & Diaconos
creare. Nullum tamen exstat exemplum,
quo vnquam non Sacerdoti licuerit con-
ferre ordinem vllum, aut Sacerdoti simpli-
si conferre Sacerdotium,

28 **P**ossunt-ne Episcopi hæretici, degradati, & ab Ecclesia præcisi validè ordines conferre.

Resp. Possunt; retinent enim illi veram potestatem ordinandi, quæ datur per impressionem characteris indelebilis.

29 **C**uius est ordinare Episcopum.

Resp. Episcopus ordinari non potest à non Episcopo, quia maior à minori benedici nequit. Ad cōsecrationem autem ipsius ex constitutione Ecclesiæ requiruntur tres Episcopi.


30 **Q**uæ conditiones requiruntur vt ordines legitimè conferantur.

Resp. Episcopus, vel alius ordinans debet esse in gratia, 2. Nulla debet esse censura irretitus; aliàs graviter peccabit tam ille, quàm qui ab eo scienter ordinabitur, præter irregularitatem, quam inde incurret. 3. Debet esse Episcopus consecratus, alioquin erit Episcopus tantùm quo ad iurisdictionem, nō quo ad ordinem, vñ cuius tamen ministrat ordinationes.

31 **Q**uo tempore debent conferri Ordines.

Resp. Tonsura quouis tempore, etiam die festo conferri potest. Ita enim habet generalis Ecclesiæ consuetudo. Minores ordines quibuscumque festiuis diebus dari possunt vni, vel duobus, vel etiam pluribus ex causa, Possunt quoque omnes eodem die cum prima tonsura eidem conferri, vbi ita habet consuetudo. Non licet tamen duos ordines sacros, vel vnum sacrum, & alterum non sacrum (nisi quis consuetudine excusetur) eodem die ministrare. Item minores ordines dari possunt diebus Sabbati, quibus maiores dari solent: quin etiam nonnullis placet minores conferri posse feria sexta ante eiusmodi Sabbata, vel feria quarta quatuor temporum. Maiores verò conferri non possunt, nisi Sabbatis quatuor temporum, Sabbato Sancto, & Sabbato ante Dominicam de passione ex c. de eo, de temporibus ordin. Quæ omnia intellige de Episcopis. Papa verò omni tempore ordinare potest.






SECTIO VIII.

DE VOTO CONTINENTIE sacris Ordinibus annexo.

32



St ne votum continentie sacris
ordinibus annexum.

Resp. Qui sacris ordinibus
initiantur, obligantur omnes
ad continentiam seuuadam, ex voto, quod
Ecclesia suo præcepto annexuit ordinibus
sacris: & si enim illi, cum ordinantur, voce
non voueant, facto tamé, & opere per ipsâ
sacrorum ordinum susceptionem castitatē
profitentur. Probat, Nam D. Gregor. l.
i. Epist. 42. & refertur i. dist. 28. sic ait,
*Nullum facere Diaconum præsumant Episcopi, nisi
qui se victurum castē promiserit.* expressē scilicet,
vel tacitē, & c. Diaconi eadē dist. sic dicitur.
*Quicumque sanē tacuerunt, & susceperunt manus
impositionem, professi continentiam.* Idem colli-
gitur ex c. cum olim de Clericis cōiugatis,
& Trid. sess. 24. can. 9. Et meritō sanē id
ita statutum est, ob actus scilicet coniugalis

cum sacro ordine indecentiam, qui si ministris Ecclesiæ permittetetetur, eos quoque non mediocriter ab officio suo rectè peragendo reuocaret.

SI quis sciret quidem se Ordinē sacrum recipere, sed ignoraret continentia vortum ei annexum, teneretur-ne continere. 33

Resp. Teneretur, sicut & officium recitare, ceterasque status sui leges obseruare; ea enim est lex cœlibatus, vt constat ex vsu Ecclesiæ, teneretur, inquā, idque ex voto; secus, si ignoraret se ordinē sacrum recipere.

SI quis suscipiens sacros ordines haberet expressam intentionem non obligandi se voto ad continentia, teneretur-ne cōtinere. 34

Resp. Teneretur, non quidem titulo voti, id enim eius naturæ aduersatur, sed ex sola Ecclesiæ constitutione, quæ omnes sponte promotos ad sacros ordines, velint nolint, ad id obligat: peccaret item mortaliter, qui in promotione sua ita se gereret, quia in re graui faceret cōtra statutum Ecclesiæ.

SI quis verè promoueri veller ad sacros ordines, inualidè tamen ordinaretur, ob aliquem essentialē defectum, teneretur- 35

ne ad continentiam.

Resp. Non teneretur, quia suscipiens ordinem sacrum non emittit per se, & principaliter votum castitatis, sed accessorie, & in consequentiam status, cum igitur principale non subsistat, nec subsistere potest, quod est secundarium, & per accidens ei annexum.

36 **S**I infans ordinaretur ante rationis usum, teneretur-ne postea continere.

Resp. Non teneretur villo modo; sed ordinato, ubi adoleuisset, danda esset optio, vellet-ne in ordine permanere, an resilire, quia non habuit in ordinatione proprium quendam actum, quo voueret, aut propositum sibi ab Ecclesia votum amplecteretur, quod necessarium est ad voti obligationem subeundam.

37 **A**Stringitur-ne ad cœlibatum, qui metu iniusto, eoque cadente in constante virum ordinatur.

Resp. Non astringitur, quia talis ex voto tantum obligari potest, quod emittit in ordinatione, at tale votum metu extortum irritum est c. 1. & 6. de his quæ vi &c.



CAPVT IX.

DE MATRIMONIO.

SECTIO I.

DE MATRIMONII nominibus, natura, & essentia.



Væ sunt huius Sacramenti I.
appellationes.

Resp. Hoc Sacramentū

1. *Matrimonium* dicitur, eo quòd in illo, vel per illud fœmina matris munus obestat. 2. dicitur *Coniugium*, à vinculo illo, quo mutò inter se vir, & mulier coniunguntur, vel quia idem onus Matrimonij, quasi iugum quoddam vnà sustinent. 3. dicitur *Nuptia*, quòd olim virgo, cùm viro per Matrimonij tradebatur, pœ pudore caput

obnubieret.

2 **I**N quo posita est ratio, & essentia Matrimonij.

Nota varia considerari posse in Matrimonio. 1. est contractus, seu actus contrahendi, qui aliud nihil est quàm mutuus coniugum consensus; per verba de presenti expressus, quibus vir mulieri dicit, *Accipio te in meam*, mulier autè viro, *Accipio te in meum*, vel aliquid æquivalens. 2. est coniunctio, seu vinculum ortum inter vtrumque cōiugem ex illo contractu, estque obligatio mutua coniugum ad actus coniugales, & mutuam vitæ societatem. 3. est potestas, quam etiam ex tali contractu coniuges acquirunt ad actus coniugales, aliaque Matrimonij officia. 4. est vsus talis potestatis. Denique est ratio Sacramenti, de qua postea.

Quæritur igitur in quonam ex illis quatuor posita sit essentia Matrimonij.

Resp. Matrimonium primò, & per se consistit in illa obligatione habituali, seu vinculo, quod intercedit inter virum, ac fœminam, ad redendū debitū, & alia munia matrimonij pariter exercēda; definitur enī *Maritalis coniunctio viri, ac mulieris inter legitimas personas, indiuiduam vitæ consuetudinem retinē-*

Consistit tamen etiam aliquo modo in illo contractu actuali, qui fit per verba de præsenti à coniugibus, cum ineunt Matrimonium: quia licet vinculum illud habituale ortum ex consensu actuali dici possit Matrimonium habituale, nihil tamen est cause, cur contractus dici non possit Matrimonium actuale: Adde quod datur Sacramentum aliquod Matrimonij, hoc autem in contractu positum est, ergo contractus ille aliquo modo Matrimonium dici potest.

Estne Matrimonium ita de iure naturæ, ut eidem fornicatio repugnet. 3

Resp. Est. Ratio est, quia finis Matrimonij, quæ est procreatio liberorum, eorum educatio, & institutio obtineri nequit sine matrimonio: fornicatio verò, seu vagus concubitus tum susceptioni liberorum, tum eorum educationi, & institutioni obest quamplurimum, secumque infinita propemodum trahit incommoda.

Repugnatne polygamia, seu multiplicitas vxorum rationi Matrimonij. 4

Resp. Polygamia non repugnat naturæ Matrimonij absolute, quia non est contra

præcipuum eius finem, qui est generatio, & educatio proles: est tamen aliquo modo contra finem eius secundarium, qui in pace, & tranquillitate familiæ positus est: Quapropter in ea re à Deo dispensatum est in veteri lege, cum patriarchis aliquibus. In lege tamen Evangelica polygamia omnibus omnino interdicitur. Patet ex c. 19. Math. & Trid. sess. 24. can. 2. Ratio verò est, quia Matrimonium in lege noua est Sacramentum à Christo institutum, ad representandam vnionem Christi cum Ecclesia, Christus autem vnus tantum est, Ecclesia vna, ergo iure diuino vir per Matrimonium debet vniri cum vna tantum vxore.





SECTIO II.

DE MATRIMONII AV-
tore, obligatione, & fine.

Quo institutū est Matrimoniu. 5
A *Resp.* Matrimonium vt est
 contractus retinens indiuidu-
 am vitæ consuetudinem, &
 dans coniugibus potestatem in mutua cor-
 pora, institutū est à Deo Gen. 2. cū crea-
 to vtroque sexu inspirauit Adæ hæc ver-
 ba. *Propter hoc relinquet homo patrem, & ma-*
trem suam, & adhaerebit uxori suæ, & erunt
duo in carne vna: quæ verba confirmauit
 Christus in lege Euangelica Math. 19.
 cū dixit, *Quos ergo Deus coniunxit homo non*
separet.

E Sine Matrimonium sub præcepto. 6
Resp. Est præceptum aliquod Matri-
 monij, non tantū naturale; sed etiā diuinū
 positiuū, De naturali patet; ratio enī natu-

ralis dicat actum Matrimonij necessarium esse toti communitati, ad propagationem, & multitudinem hominum conseruandā. De diuino positiuo confirmatur ex eo loco Genes. *Crescite, & multiplicamini*. Porro præceptum illud naturale etiam nunc obligat in lege Euangelica, quæ præcepta naturalia non reuocauit; obligat, inquam, nõ quidem omnes, & singulos, sed totam cõmunitatem, idque in extrema necessitate.

7 **I**N quem finem institutum est Matrimonium.

Resp. Finis Matrimonij triplex est. 1. est, vt procreentur liberi, procreati educantur, educati instituantur; & intuitu huius finis dici solet matrimonium institutum in officium naturæ. 2. est in remedium concupiscentiæ, quod spectat illud Pauli, 1. ad Cor. 7. *Propter fornicationem vnusquisque habeat suam uxorem*: vnde quod institutum erat in officium naturæ, lapso homine per peccatum, perstitit in remedium concupiscentiæ. 3. est mutuum subsidium, quo sibi vir, & mulier prouident in necessariis.



SECTIO III.

DE MATRIMONIO VT

Sacramentum est, eiusque institutione, & insolubilitate.



Stne Matrimonium non tantum contractus quidam ciuilis institutus ad fines supradictos, sed etiam signum externū gratiz, seu Sacramentum.

Resp. Fide certum est Matrimonium esse verè, & propriè legis nouæ Sacramentum: Trid. sess. 24. can. 1. probatur ex c. 5. ad Ephesios, *Propter hoc relinquet homo patrem, & matrem suam, & adhaerebit uxori suæ, & erunt duo in carne vna.* quæ verba debent intelligi de Matrimonio: quare cum de eodem subiiciat Apostolus, *Sacramentum hoc hoc magnum est, ego autem dico in Christo, & in Ecclesia,* quasi diceret Sacramentum hoc tendit ad significandā coniunctionē Christi cum Ecclesia, sequitur ex mente Apo-

stoli Matrimonium esse verum Sacramentum. Quod non ita debet intelligi, quasi Matrimonium ex eo præcisè sit Sacramentum, quòd immediatè significet vnionem Christi cum Ecclesia, sed quòd contractus Matrimonij significet immediatè mutuum charitatem inter cõiuges, & hac mediãte, charitatem inter Christum, & Ecclesiam.

- 9 **Q**uo tempore fuit institutum Matrimonij Sacramentum.

Resp. Videtur institutũ. Math. 19. His verbis, *Quos Deus coniunxit, homo non separet*, quibus institutionẽ ab initio factam Christus confirmat, eamque inter Christianos ad esse Sacramenti eleuat.

- 10 **E**stne Matrimonium vinculum indissolubile.

Resp. Matrimonium est vinculum indissolubile vsque ad mortem. Probatum ex c. 7. Epistolæ primæ ad Cor. *Mulier alligata est legi, quanto tempore Vir eius viuit*: Ratio verò sumitur ex fine Matrimonij, de quo supra. Dixi, vsque ad mortem; quia contractus iste morte dissoluitur; quo euentu semper licuit coniugi superstiti secũdò nubere, vt ibidem docet Apostolus.

Licuitne Iudeis antiquitus ex rationabili causa solvere Matrimonium, quoad vinculum. II

Resp. Licuit, Deo ita dispensante cum illis, vt patet ex Deutero. c. 24. Concessio tamen illa sublata est à Christo, sicut & illa altera de pluralitate vxorum, & Matrimonium reuocatum est ad primam suam institutionem.

Dissoluitur ne Matrimonium infidelium, cum alter coniugum ad fidem conuertitur. 12

Resp. Si ambo fidem suscipiant, vel simul, vel vnus post alterum, tantum abest vt matrimoniū dissoluatur, vt potius maneat idē Matrimonium, & de nouo recipiat rationem Sacramenti, si illud confirmet per nouum consensum; tali enim Matrimonio nihil deest ad rationem Sacramenti. In tribus tamen casibus habet fidelis ius Matrimonium dissoluedi, siue Matrimonium ratum sit tantum, siue consummatum. Primus est, quando infidelis non vult cohabitare. 2. quando si vellet cohabitare, non tamen sine iniuria creatoris, quæ est quando blasphemaret, aut religionem despiceret.

3. quando induceret fidelem ad peccatum mortale. Colligitur ex 1. ad Cor. c. 7. unde patet hoc privilegium dissoluēs Matrimonium, diuinum esse, & in fauorem fidei.

13 **N**ullone in casu licet inter fideles Matrimonium dissoluere.

Resp. Matrimonium iam consummatū nullo in casu dissolui potest, quoad vinculum, etiam si ambo coniuges consentiant; quia est Sacramentum repræsentās unionem Christi cum Ecclesia, quæ omnino insolubilis est. Matrimonium tamen ratum ante consummationem solui potest; etiam quoad vinculum, per solemnem professionem alterius coniugum in religione approbata, alio etiam coniuge renitente, qui alius licitè aliud Matrimonium inire poterit. Ita Trid. sess. 24. can. 6. & videtur conforme sententiæ Apostoli. 1. Cor. 7. *Si dormierit Vir eius, liberata est, cui vult nubat, tantum in Domino*, at qui proficetur religionem moraliter mundo moritur, ergo vt per mortem, sic per hanc professionem solui poterit Matrimonium. Per Pontificē quoque dispensari posse in Matrimonio rato, ex legitima causa, probabilis est nonnullorum

rum Theologorum opinio.

Est-ne idē sentiendum de voto simplici, 14
seu non solemnī, quod de solemnī.

Resp. Non; quia qui tantū emisit votum, seu professionem simplicem, tantū promisit se ipsum Deo, non autem realiter exhibuit, quod si se non exhibuit, manet in alterius coniugis potestate. Qui tamē sic se vouit, licet reddere debitum petenti possit, petere ipse non potest.

Licet-ne post Matrimonium consummatum ingredi religionem. 15

Resp. Vnus sine altero non potest ingredi, siue alter consenserit, siue non. Possunt verò ambo coniuges ex communi consensu profiteri. Quicquid sit autem de ingressu, vinculum ipsum Matrimonij nūquam dissolvitur, nisi per mortem. Excipiuntur tamen 3. casus in quibus potest alter coniugum religionem ingredi altero manente in saeculo. 1. est, cū alter est iam proeclatæ ætatis, ita ut sine periculo incontinentiæ possit in saeculo remanere, dummodo perpetuam castitatem voueat, ut habetur in c. Apostolicam. 2. est, cū alter

coniugū incidit in hæresim, aut infidelitatē notoriam. tūc enim factō autoritate Ecclesiæ diuortio, licebit alteri ingredi religionem, etiam inuito nocente c mulier de conuersione conjugatorum. 3. casus est crimen adulterij ab altero cōmissum. c. constitutus & c. veniens, eodem titulo.

16 **P**otest-ne Matrimoniū dissolui quo ad torum, siue etiam cohabitationem.

Resp. Coniuges nisi subsit causa aliqua legitima tenentur vitam ducere conjugale, ad quam cogi potest alter altero perente à iudice, implorato ad id, si opus sit, auxilio brachij sæcularis: Si tamen subsit causa legitima, Matrimoniū siue cōsummatum sit, siue non, dissolui potest, quoad torum, siue etiā cohabitationē, siue in perpetuum, siue ad tempus tantūm quæ solutio diuortium dicitur, quod coniuges manente vinculo à se mutuo diuertant.


17 **Q**uibus de causis Matrimonium quoad torum dissolui potest.

Resp. I. Separatio fieri potest, etiam quoad habitationem perpetuā, ob fornicationem tam carnalem, quā spiritualement. De carnali probatur ex autoritate Christi

Domini. Math. 19. Qui dimiserit uxorem suam, nisi ob fornicationem, & aliam duxerit, mæchatur, & ratio est, quia si id non liceret, Matrimonium esset onus intolerabile. Excipiendi tamen sūt aliqui casus, propter quos non potest fieri diuortium. 1. est Ignorantia adulterantis. 2. quando fornicatio est per vim extorta. 3. quando per fraudem deceptus fuit coniux. 4. quando vterque fornicatus est, quia cōpensatur mutua iniuria. 5. quando alter coniux cōsensit adulterio alterius. 6. quando coniux innocens reconciliatur alteri; quod fit vel expressè remittendo iniuriam, vel tacitè, petendo, & reddendo debitum. &c. De spiritali fornicatione probatur ex c. Quanto de diuortiis, & ratio huius est, quia innocens habitaret cum nocente, non sine periculo salutis. 2. separatio fieri potest ob nimiam mariti sæuitiam. 3. si alter esset veneficus. 4. si esset valde furiosus. 5. si graui, & contagioso morbo laboraret. 6. si alterum pertraheret ad peccatum. Demum ob ea omnia crimina diuortiū fieri potest, quæ tendunt ad perniciem spirituales, vel corporales innocētis. Intellige, quandiu non corriguntur, si enim corrigantur, iterum coniungi debent.

18 **E**st-ne diuortium faciendum publica
autoritate Ecclesiæ.

Resp. Potest innocens diuertere propria autoritate, quo ad torum. Idem facere potest, quo ad habitationem, si Matrimonium sit occultum: Si uero sit celebratum in facie Ecclesiæ, interuenire debet eiusdem Ecclesiæ autoritas, alioquin sequeretur scandalum: Nisi adulterium sit eiusmodi ut omnino sit notorium, tunc enim innocens posset diuertere propria autoritate, quia in eo cessaret scandalum. fauet concessio Christi facta Math. 19.



SECTIO IV.

*DE MATERIA, FORMA, & sine Matrimonij, alijsq;
nonnullis eò spectantibus.*

19 **V**anam est materia, & forma
Sacramenti Matrimonij.

Resp. In Matrimonio materia circa quam sunt corpora contrahentium, sicut materia circa quam po

nitentiæ sunt peccata pœnitentis. Materia verò, ex qua intrinsecè componitur hoc Sacramentum, est traditio ipsa corporum affectu maritali facta, & signo externo expressa. Forma verò est acceptatio eorundem, signo itè externo declarata; idq; siue traditiones & acceptationes illæ exprimantur verbis, siue nutibus, siue scripto, siue sola externa taciturnitate, siue eodem signo utrūque simul declaretur, siue diuersis. Ratio verò est, quia in omni contractu illud habet rationem materiæ, per quod, cum pertineat essentialiter ad contractum, talis contractus veluti inchoatur: Illud verò rationem formæ, per quod completur, & perficitur: sed huiusmodi sunt in Matrimonio traditio, & acceptatio corporum; per traditionem enim veluti inchoatur contractus Matrimonij; per acceptationē verò finitur, cōpletur, & perficitur; ergo traditio ad materiā, acceptatio ad formā pertinet.

POtest-ne quis indifferenter vti verbis, 20
nutibus, scripto &c.

Resp. Ex præcepto Ecclesiæ necessaria sunt verba, quando adhiberi possunt: Non sunt tamen de essentia Sacramenti, ad quā soli nutus sufficiunt.

- 21 **C**Opula carnalis pertinet-ne ad essentiam Sacramenti.

Resp. Copula carnalis nec pertinet ad essentiam Matrimonij, nec ad eius integritatem intrinsecam; quia ut dicitur c. Matrimonium. 27. 4. 2. *Matrimonium non coitus facit, sed voluntas.* unde inter B. Virginem, & Iosephum verū fuit Matrimonium, à quibus Matrimonij actus longissimè abfuit. Ordinatur tamen Matrimonium ad copulam tanquam ad suum finem, ratione cuius vocatur consummatum.

- 22 **I**N Matrimonio reperiuntur-ne hæc tria, Sacramētum tantū, res Sacramēti tantū, & Sacramētū, & res Sacramēti simul.

Resp. Reperiuntur, Nam Sacramentum tantū sunt verba utriusque coniugis: res Sacramenti tantū est gratia Sacramentalis: res & Sacramentum simul est vinculum habituale.

- 23 **M**atrimonium fidelium inter absentes per procuratores contractū, est-ne Sacramentum.

Resp. Est verum. & proprium Sacramētum. Ratio est, quia ex Florent, & Trid,


Matrimonium Christianorum est verum Sacramentum, sed tale Matrimonium est verum Matrimonium, ergo & verum Sacramentum.

Matrimonium contractum inter infideles est. ne Sacramentum. 24

Resp. Et si tale Matrimonium sit verum Matrimonium in ratione contractus naturalis, non est tamen verum Sacramentum. Commune enim est axioma Theologo um Baptismum esse ianuam ad omnia Sacramenta.

Et ne consensus coniugum ita Matrimonio 25
necessarius, ut sine eo nullum esse queat Matrimonium.

Resp. Si spectemus Matrimonium, ut est contractus quidam, consistere non potest, sine mutuo coniugum consensu. Ratio est, quia talis consensus ei est essentialis. Si vero spectemus illud, ut est vinculum quoddam, potest Deus valide copulare coniuges sine eorum consensu: quia vinculum illud nihil aliud est, quam mutuum corporum dominium, at Deus multo maius habet dominium in corpora coniugum. quam coniuges ipsi; quare si coniuges possunt sibi inuicem tradere dominium illorum per legitimum Matrimonium, multo magis id poterit Deus. Talis vero potestas non convenit Ecclesiae.



SECTION V.

DE LIBERTATE MATRIMONIJ.

26



Contractus Matrimonij debet-
ne ita esse liber, vt si fiat ex me-
tu, Matrimonium sit irritum.

Resp. Consensus in Matri-
monium debet esse consensus liber, & ex
certa ratione profectus; si enim talis nō sit,
contractus Matrimonij non erit actus hu-
manus. & consequenter non erit capax ad
inducēdam vllam obligationem moralem;
debet inquam, ita esse liber, vt si metus gra-
uis, siue cadens in constantem virum iniu-
stē inferatur ab extrinseco ad eliciendum
hunc consensum, reddat illum omnino in-
ualidum. Ratio est, quia cū contractus
Matrimonij sit nobilissim⁹, quippe quo cō-
iuges sibi mutuā in corpora sua, & se ipsos,
non ad tēpus aliquod, sed quādiu viuēt, tra-
dāt potestātē in ordine ad prole suscipiēdā,

conueniens fuit posito hoc metu eum irritari, tum ad maiores Matrimonij libertatem, tum ad reprimendam eorum audaciam, qui alioquin ex tali metu permultis ad ineunda talia Matrimonia vim inferrent.

Q Vis metus hoc loco dicitur cadere in ²⁷ constantem virum, & irritare Matrimonium.

Resp. Ille, qui eiusdem cum contrahente conditionis homines solet communiter grauitur concutere, & permouere, vt aliquid aggrediantur magni momenti, sibi alioquin permolestū, & quod aliàs non facerent: cuiusmodi censetur esse metus mortis, grauis cruciatus, stupri in virgine, seruitutis, diuturni exilij, infamiae grauis, amissionis omnium bonorum, &c.

M Etus reuerentialis impeditne Ma- ²⁸ trimonium.

Resp. Distinguendo; si enim metus sit verè reuerentialis, non impedit Matrimonij validitatem; si verò cōiunctas habeat graues minas, patris scilicet morosi, & truculenti, quique exequi solet, quod minatur, secus sentiendum, quia non discre-

pat à timore graui iniustè illato à principio extrinseco.

29 **Q**ui metu graui perculsus Matrimoniu iniit, potestne illud consummare.

Resp Non potest, quòd si consummaret, scortaretur, quia cognoscere non suam malum est, nec vlla ex causa licet.



SECTIO VI.

DE PRÆSENTI CON- sensu in Matrimonium.

30 **C**onsensus in Matrimoniu debetne esse de præsenti.

Resp. Debet, quia Matrimonium est contractus, per quem re ipsa coniuges dant sibi ius mutuum in corpora; consensus autem de futuro, non est traditio, sed traditionis promissio. Porro censetur consensus esse de præsenti, quando contractus fit sub conditione praterita, vel præsenti, quæ

de facto subest.

Consensus de præfenti cum conditio- 31
ne de futuro, quem qui præbet, vult
tantum obtinere effectum, conditione
posita, estne validus in foro conscientiæ,
vt si quis dicat, *Accipio te in meam, si sis fu-*
tura hæres.

Resp. Non est, quia talis consensus non
est actualis traditio corporum, sed æquiu-
let promissioni.

Consensus ille conditionalis per verba 32
de præfenti cum conditione de futu-
ro, facitne Matrimonium, saltem statim
atque apponitur conditio, vel estne neces-
sarius nouus consensus de præfenti.

Resp. Probabilius videtur requiri no-
uum consensum, quia in Matrimonio ne-
cessariò requiritur consensus de præfenti,
hic autem non reperitur talis consensus,
nisi denuo renouetur, & colligitur ex e.
super eo de conditionibus apposis, vbi
dicit Gregor. 9. *adueniente conditione cum, qui*
illam apposuit, cogendum esse ad Matrimonium
contrahendum, ergo non erat antea con-
tractum.


- 33 **Q** Vid sentiendum de consensu, qui fit per verba de præsenti, cum conditione de futuro, in quo conditio appositae est vel necessaria, vel impossibilis, vel turpis.

Resp. In foro externo conditiones necessariae præsumentur per iocum adiectae, & sic non suspendunt consensum: impossibiles, & turpes habentur pro non adiectis. Ita Greg. 9. in c. finali, de conditionibus appositis. Si tamen constaret sic contrahentem noluisse se aliter obligare, nisi conditione impleta, non modo in foro conscientiae, sed etiam in externo nullum esset Matrimonium.

- 34 **Q** Vid si conditio turpis repugnet fini Matrimonij.

Resp. Talis consensus moraliter ordinariè inualidus esset, vt si quis diceret, contraho tecum, si pro questu alteri adulterandam te tradas. Ita idem Greg. supra.





SECTIO VII.

DE MATRIMONIO

clandestino, Matrimonij loco,
denuntiationibus. parentum
consensu, &c.



Matrimonium contractum per
verba de præsenti, sed clandesti- 35
ne, hoc est, sine paracho, &
duobus, vel tribus testibus ce-
lebratum, estne verum Matri-
monium.

Resp. Tale Matrimonium sine legiti-
ma causa sic contractum, semper fuit pec-
catum mortale; *Semper enim Ecclesia*, vt ait
Trid. *detestata est huiusmodi Matrimonia*; quod
& si ita sit, validum tamen fuit eiusmodi
Matrimonium ante concilium Trid, &
etiam nunc validum est, vbi non præterie-
runt 30. dies à promulgatione talis statuti,
ex eodem Concil. sess. 24. c. 1. de reform.
Vbi verò receptum est, & promulgatum

Trid. Matrimonia omnia clandestina irrita sunt, vt patet ex loco mox allegato, in quo omnia Matrimonia irritat, quæ facta non sunt coram parcho, vel alio Sacerdote de eius licentia, & duobus, vel tribus testibus. quare quicquid horum defuerit, Matrimonium fiet irritum.

- 36 **Q** Vando sponsus, & sponsa sunt diuersæ parochiæ, coram quo parcho tenentur contrahere.

Resp. Possunt cōtrahere cum alterutro, sponsi scilicet, aut sponsæ; est enim imperitinus, vter pastor assistat, ex declaratione Concilij.

37. **S** I parochus assistat suorum parochianorum Matrimoniò extra suam parochiam, sine licentia parochi ipsius loci, valide assistet.

Resp. Validè assistet, quia hoc nullum tribunal, aut strepitum iudiciale, aut solemnitatem requirit. Imò ex rationabili causa, & cessante scandalo, id licitè facere potest, quia nullibi prohibetur.

- 38 **D** Enūtiations, quæ fieri præcipiuntur à Trid. suntne ita validæ, vt sine illis ma-

matrimonium validum non sit.

Resp. Nō, imò ex legitima causa omit-
ti possunt à parochò, vt si probabilis sub-
sit suspicio Matrimonium malitiosè impe-
diendū, vel si aliqui publicè putentur cōiu-
ges, qui tamen vixerūt in cōcubinato. &c.

Estne necesse, vt parochus præsens
Matrimonio sit Sacerdos. 39

Resp. Non; Concilium enim nihil aliud
requirit, quàm vt sit parochus. Aliud est
de delegato; hunc enim vult esse Sacerdo-
tem. Porro nihil refert ad matrimonij vali-
ditatem, siue parochus, vel Sacerdos sit ir-
regularis, aut censura aliqua irretitus, siue
non.

Quævis potest in Matrimonio clandesti-
no dispensare. 40

Resp. Solus Papa.

Quæ pœnas incurrunt clandestinè cō-
trahentes. 41


Resp. Præter quàm quòd peccant mor-
taliter. 1. Priuantur priuilegiis matrimonij
publicè cōtracti. 2. Ecclesia sēper præsūmit
pro matrimonio in facie eccles. cōtracto cō-
trahendū, nisi fortissimè probetur.

3 Debent ab ordinario grauiter pœna arbitraria puniri c. vltimo de clandest. despons. Quæ vltima pœna etiam ad parochũ, qui sine testibus, & ad testes, qui sine parrocho huiusmodi contractui interfuerint, extenditur à Trid. sess. 24. c. 1.

42 **M**atrimonium à filiis sine consensu parentum contractum estne validũ.


Resp. Etsi culpâ non vacent filij, qui ea ineunt Matrimonia, quæ honestis, & grauib; de causis displicent parentibus; huiusmodi tamen Matrimonia, modò cætera non desint, valida sunt. 1. pars probatur; interdum enim graues subesse possunt causæ, ob quas mallent parentes filios suos his potiùs, quam illis nubere, vt ob splendorem familiæ augendum, ob cõcordiæ bonum, ob præconcepta animo eorũ commoda, quibus maximè prospectum volunt; filios autem in re tanti momenti patrum imperium detrectare, cum commodè possent iis morem gerere, non potest non esse peccatum graue. 2. verò probatur ex Trid. sess. 24. de reform. & quia expedit, vt Matrimonium sit liberrimum, ab eoque omnis coactio arceatur, ne scilicet inde graua odia, rixæ, & dissidia oriantur
inter


inter eos, qui tenentur ad indiuiduam vitæ societatem.



SECTIO VIII.

DE MINISTRO SACRAMENTI matrimonij, eiusque effe- ctu, & usu.

 Vis est minister Sacramenti ma- 43
trimonij.

 *Resp.* Proprie loquendo soli coniuges sunt ministri huius Sacramenti, sacerdos verò improprie tantum. Ratio est, quia ille est minister Sacramenti, à quo fit Sacramentum, in matrimonio autem ab eo fit Sacramentum, à quo fit contractus, hic autem fit à solis coniugibus, ergo soli coniuges sunt eius ministri. Quare sacerdos adest solum tanquam publicus Ecclesiæ testis, qui & nuptiis benedicit. Unde sequitur eum non peccare mortaliter assistentem matrimonio in peccato mortali, quia non est minister sacramenti, sed neq; cō-

trahentes ipsi peccant mortaliter sibi illud in malo statu ministrantes, quia non sunt ad hunc effectum singulariter consecrati: peccant tamen mortaliter, quatenus Sacramentum indignè suscipiunt.

- 44 **Q** Vis est effectus matrimonii.
Resp. Si matrimonium spectetur ut est contractus, eius effectus sunt. 1. mutua coniunctio indissolubilis, quo ad vinculum, de qua supra. 2. communicatio bonorum. 3. usus mutuus corporum, mutuaque obligatio reddendi debitum. Si verò spectetur, ut est Sacramentum. 1. eius effectus est gratia spiritalis communis omnibus Sacramentis, quam recipiunt contrahentes, si sint ad eam dispositi. 2. est gratia quædam propria matrimonio, auxilia nimirum ad familiam ritè gubernandam, 3. est benedictio filiorum, quæ provenit tum ex Sacramento, tum ex sacerdote ipso.

- 45 **Q** Va ratione actus matrimonialis licitus est.

Resp. Si fiat ob amorem prolis, aut ex amore iustitiæ, nimirum ut coniugi debitum reddatur, erit actus bonus, & licitus, alio-

quod in matrimonium, quod ad eos, sine, ordi-
natur, malum esset.

Licet ne coniungi petere debitum, ut in- 46
continentiae periculum in seipso viter.

Resp. Licet, est enim institutum matri-
monium in remedium concupiscentiae, ut
colligitur ex Apostolo 1 ad cor. 7. *propter
fornicationem autem unusquisque uxorem
suam habeat*, Immo id ipsum licet, ad vitan-
dum in cōiuge periculum incontīnētiæ, sic
enim utetur re sua, non mala, ad finem ho-
nestum.

Quid si coniuges actum istum referant 47
ad explendam duntaxat libidinem.

Resp. Non possunt hunc finem sibi prae-
stitueri sine peccato, saltem veniali, quia
delectatio non est finis honestus, unde ac-
tus ad eam relatus est inordinatus.

Quid si alter coniux petat eum propter
solam libidinem, licebitne alteri red-
dere.

Resp. Licebit, eritque actus bonus 48
ex parte ei⁹, qui reddit: simile quid est in eo,
qui reddit debitas pecunias creditori suo,

cas exigenti, vt prodigè expendat.


49 **T**enetur-ne alter alteri debitum reddere, & quomodo.

Resp. Vterque tenetur reddere idq; ex iustitia, quoties debitè petit, secundè illud Apostoli 1. Cor. 7. *uxori vir debitū reddat, similiter autem & uxor viro, mulier sui corporis potestatem non habet, sed vir.*

50 **N**vm interdum excusantur coniuges à reddendo debito.

Resp. Excusantur multimodè. 1. ob periculum sanitatis, 2. propter voluntatem ingrediendi religionem ante matrimonij consummationem spatio duorum mensiū, ex c. ex publico de conuersione coniugatorum. 3. ob impotentiam cœundi, siue ea ex culpa proueniat, siue non. 4. ob emissā, professionem in religione approbata ante consummationem, aut votum castitatis, cū coniuge sciente, & volente in sæculo emissum, quandiu non est in eo voto dispensatum. 5. ob periculum abortus. 6. ob eam omnem causam propter quam matrimonium quo ad habitationem dissolui potest. 7. ob reuerentiam loci sacri, solet enim

mortaliter peccare qui debitum in loco sacro petit, aut reddit, ob irreuerentiam sacrilegam, nisi grauis necessitas excuset. S. ob certitudinem de inualiditate matrimonij, quamuis probari nequeat; qui enim ita certus est, nullo modo reddere potest debitum, quocunque etiam periculo proposito, quia fornicari absolute malum est, ac proinde semper illicitum.



SECTIO IX.

De Impedimentis matrimonij.

Potestne Ecclesia sua lege imponere impedimenta Matrimonij constituere.

Resp. Potest. Est de fide, ex Trid. sess. 24. can. 3. & ratio est, quia matrimonium, præterquam quod est Sacramentum, est etiam contractus ciuilis, ac ecclesia leges statuere potest, in iis quæ spectant ad huiusmodi contractus, ergo & in iis, quæ spectant ad matrimonium. Vnde ecclesia

Christianis principibus hanc potestatem circa matrimonia fidelium eripuit, occasione Sacramenti, voluitque Sacramentorū causas ab ecclesiastica potestate omnino pēdere.

52 **S**olusne Papa, & consilium vniuersale possunt statuere hæc impedimenta, an verò etiam Episcopi.

Resp. Hoc solum pertinet ad Papam, & conciliū generale, quia dum hoc fit utitur ecclesia potestate illa indirecta, quam habet circa res temporales in ordine ad bonū spirituale fidelium, potestas autem illa concessa est toti ecclesiæ, eiusque capiti, Romano pontifici. Vnde sequitur posse Papam dispensare in omni impedimēto matrimonii, quod est iuris positiui; Quiuis enim princeps dispensare potest in suis legibus; secus de iis, quæ sūt iuris naturalis, aut diuini.

53 **S**i matrimonium contrahatur à coniugibus, quorum alter, vel vterque nesciat impedimentum dirimens, impedimento illo cessante, vi dispensationis pontificis, sufficitne ad validandum matrimonium, eodē modo perseuerare quo prius.

Resp. Non sufficit, talis enim dispē-

ratio non facit vt matrimonium antiquum sit validum, sed tollit tantum futuri impedimentum; unde requiritur vltius nouus coniugum consensus, siue formalis sit, siue virtualis.

Quot sunt impedimenta matrimonij in genere. 54


Resp. Duplicia sunt, quædam maiora dicuntur, alia minora. Maiora sunt, quæ ita impediunt matrimonium contrahendum, vt etiã dirimant contractum id est, reddant omnino nullum, si quis cum illis attentet contrahere. Minora sunt, quæ impediunt quidem contrahendum, non tamen dirimunt contractum; id est, quæ efficiunt, vt matrimonium illicitè quidem contrahatur, non tamen inualidé. Rursus maiora numero sunt 12. quibus Trid. alia duo adiecit: omnia autè his versibus continetur.


*Error, conditio, votum, cognatio, crimen,
Cultus disparitas, vis, ordo, ligamen, honestas.
Si sis affinis, si forte coire nequibis.
Coniugumque latens, aut raptus tempore in*




SECTIO X.

DE IMPEDIMENTIS
maioribus.

 Vid intelligitur per errorem.

55  *Resp.* Intelligitur deceptio circa personam ducendam in matrimoniū, quod fit, cum non illa est, quæ esse putatur, sed alia quædam. Talis autem error meritò irritat matrimonium, quia tollit omnino consensum; qui enim cum tali errore consentit, non consentit in personam præsentem, sed in aliam, quam habet in animo.

56  Vid dicendū de errore qualitatis, vel fortunæ, puta si quis ducat in uxorem eam, quam putat diuitem, nobilem &c. cum reuera nec diues sit, nec nobilis.

Resp. Error qualitatis non irritat matrimonium, nisi inuoluat errorem personæ,

quod fit, cum determinat intellectum contrahentis, ut certam, ac omnino determinatam personam concipiat, cum qua hîc, & nunc intendit contrahere, eamque diuersam ab ea, cum qua externum contractum celebrat.

Q Vid intelligitur nomine conditionis. 57
Resp. Sumitur hîc conditio, pro statu seruorum legalium, qui mancipia dicuntur, quos Dominus potest vendere, ac quibusuis operibus occupare. Talis igitur conditionis impedimentum iure Ecclesiastico irritat Matrimonium, cum scilicet liber cum serua, vel libera cum seruo, ignari conditionis alterius, contrahunt, ita quòd si eam sciuiſſent, non contraxiſſent, ex c. proposuit & c. finali de cõiugio seruorum.

Q Vodnam votum dirimit Matrimonium. 58

Resp. Votum illud, quod est professio solemñis in religione approbata, siue expresse, siue tacite fiat, impedit Matrimonium contrahendũ, & dirimit contractũ, patet ex c. consuluit, & c. insinuante extra,

qui Clerici, vel vouentes. Hunc eundem effectum operantur tria illa vota simplicia religiosorum societatis Iesu, ex bulla quadam Gregorij xiiij.

59 **Q** Votuplex est cognatio.
Resp. Triplex, nimirum Carnalis, quæ dicitur consanguinitas, Spiritualis, & Legalis.

60 **Q** Vid est consanguinitas.
Resp. Est cognatio, seu vinculum, quod oritur inter illas personas, quæ ab eodem stipite, carnali propagatione descendunt.

61 **Q** Vid est gradus consanguinitatis.
Resp. Est determinata propinquitas personarum inter se, vel quod in idem recidit, Est habitudo, & mensura distantia: sic pater dicitur esse in primo gradu cum filio, & in secundo cum nepote.

62 **Q** Vid est linea, in qua collocantur gradus consanguinitatis.
Resp. Est ordinata collectio personarum, quæ sanguine coniunguntur v. c. Patris, Filij, nepo-

tis &c. Est autem linea duplex, recta scilicet, & obliqua, quæ etiam collateralis; & transuersa dicitur. Linea recta est, quæ est inter eos, qui à se inuicem descendunt, vt inter patrem, filium, nepotem, pronepotem, quæ etiam dicitur linea ascendentium, & descendantium, secundum varium modum computandi. Linea verò obliqua est inter eos, qui non à se inuicem, sed ab vno tertio descendunt. v. c. inter duos fratres, duas sorores &c. quæ rursus duplex est, æqualis, & inæqualis. Æqualis est, quando duæ personæ distant æquali gradu à communi stipite v. c. duo fratres respectu patris, & aui. inæqualis verò, quando alter altero longius distat, vt Filius vnus dictorum fratrum respectu patris sui, remotior enim est ab auo communi stipite, quàm patruus.

Quomodo dignoscitur in quo gradu consanguinitatis duæ personæ sint inter se. 63

Resp. Tres ad id computandum obseruandæ sunt regulæ. 1. communis est iuri civili cum canonico, pertinetque ad lineam rectam, & est talis. Quot sūt personę inter se, tot sunt gradus, vna persona dempta; sic

Pater, & Filius sunt in 1. gradu, quia duæ tantum sunt personæ, quarum altera dempta, manet una: eadem ratione auus, & nepos sunt in 2. gradu, quia tres sunt personæ, quarum una dempta manent duæ. 2. Vsurpatur à Canonistis, pertinetque ad lineam transuersam inæqualem, nimirum hæc. In quo gradu remotior persona distat à communi stipite in eodem gradu sunt illæ personæ inter se v. c. Filius vnus fratris, cum suo est in 2. gradu, at fratris alterius nepos cum eodem illo suo proauo est in 3. sunt igitur filius vnus fratris, & nepos alterius inter se in 3. Pro linea verò transuersa æquali, sit hæc 3. regula. Quo gradu distat quælibet earum persona à communi stipite, eodem gradu distant inter se: vnde duo fratres vnus patris sunt in 1. gradu, quia per primam regulam vterque est cum patre in 1. gradu. Ius ciuile aliam seruat computationem; computat enim simul gradus vtriusque distantis; quare secundum illud duo fratres distāt inter se duobus gradibus, duo verò patruels 4. gradibus.

64 **Q**uinam gradus consanguinitatis sunt prohibiti iure Ecclesiastico.

Resp. Ex si olim iure Ecclesiastico cō-

sanguinitas erat prohibita, vsque ad septimum gradum, hoc licet tamen tantum prohibita est, & irritat Matrimonium vsque ad quartum gradum inclusiuè. Patet ex c. nō debet de consanguinitate.

Quid est cognatio spiritualis, & inter quos contrahitur. 65

Resp. Est vinculum quoddam, quod nascitur ex Sacramento Baptismi, vel Confirmationis. Post Concilium autem Trid. contrahitur tantum cognatio spiritualis Matrimonium iure Ecclesiastico dirimens inter baptizantem, vel confirmantem, & baptizati, aut confirmati patrilinos ex vna parte, & baptizatum, aut confirmatum eiusque patrem, & matrem ex altera parte. Ita Trid. sess. 24 c. 2. de re-form. Matrimonij. Iam ergo nulla oritur affinitas inter baptizatum, & filium baptizantis, seu patrilinorum: nulla item inter baptizatum, & parentes carnales eiusdem ex vna parte, & ex altera inter uxores patrilinorum, & baptizantis; nulla denique inter baptizantem, & patrilinos.

Contracto iam Matrimonio cognatio superueniens impeditne illud. 66

Resp. Impedit quoad petitionem de-

biri. Colligitur ex c. Si vir, de cognatione spirituali. & c. ad limina 30. q. 1. Intellige extra casum necessitatis, nam in tali casu, contracto iam Matrimonio, non impedit petitionem debti.

- 67 **C**ognatio spiritualis impeditne Matrimonium contrahendum, quando fit tempore necessitatis.

Resp. Impedit, ius enim solùm excipit baptizantem filium post matrimonium iam validè contractum.

- 68 **I**n quo actu contrahit patrinus hoc impedimentum.

Resp. Non contrahit, quòd deferat puerum ad templum, vel teneat in Catechismo ante templi ingressum, sed quod cum teneat, dum baptizatur, vel confirmatur, vel immediatè è baptizantis, aut confirman- tis manibus eum suscipiat. Ratio est, quia hæc cognatio oritur ex ipsa essentia Sacramenti, quia nimirum per illam verè regeneratur per gratiam.

- 69 **C**um per Concil. Trid. ad summū debeant susceptores esse vnus, & vna, si contingeret plures duobus levare infantē, quis eorū hanc cognationem contraheret.

Resp. Si certi patrini designati essent, alij tangentes non contraherent, si verò nulli essent designati, omnes tangentes contraherent, vt & contraherent omnes tangentes si plures duobus designati essent, & à parocho admitteretur. Erli enim Trid. prohibeat ne plures suscipiant, factum tamen non irritat.

Q Vi per procuratorem alium suscipit, contrahitne hanc cognationem. 70

Resp. Contrahit, quia iura non prohibet hunc actum fieri per procuratorem, ergo potest quis per procuratorem hoc munus obire, & consequenter hanc cognationem contrahere.

Q Vid est cognatio legalis. 71

Resp. Est propinquitat confurgens ex adoptione, seu arrogatione, qua quis alienum filium recipit in suum.

Q Votuplex est hæc cognatio legalis Matrimonium dirimens. 72

Resp. Triplex est inter arrogantem, & arrogatum, eiusque filios, & nepotes

vsque ad 4. generationem, & hæc species dicitur paternitas legalis, duratque in perpetuum. 2. est inter filios legitimos arrogantis, & arrogatum, & dicitur fraternitas legalis, & durat tantum, donec alter eorum emancipetur. 3. species est inter coniugem adoptantis, & adoptatum, & inter adoptantem, & coniugem adoptantis, & hæc est perpetua.

73 **Q**uæ crimina dirimunt Matrimonium contractum.

Resp. Duo sunt illa, scilicet homicidium, & Adulterium. Quod attinet igitur ad homicidium, quando vnus coniugum cõcurrit cum tertia persona ad necem alterius coniugis, illi duo non possunt inter se contrahere. Sed requiritur ad hoc impedimentum 1. vt vere sequatur mors. 2. vt eã vterque machinetur. 3. vt id fiat animo contrahendi. De Adulterio autem hoc notandum, illud per se non dirimere Matrimonium, sed cum habet secum coniunctũ vnum eorum, quæ sequuntur, sicut nec è contra vllum istorum impedit, nisi ei adulterium sit annexum. 1. est, quando post adulteriũ coniux interficitur ab vno adulterorum animo contrahendi Matrimonium.
2. quando

2. quando cum adulterio datur fides de matrimonio postea contrahendo, licet non intendat interficere alterum coniugem. 3. est, quando coniux alter contrahit Matrimonium cum adultero, vel adultera per verba de presenti, viuente adhuc priore coniuge: tunc enim tales sunt inhabiles ad Matrimonium, etiam post mortem coniugis alterius. Quæ omnia statuit Ecclesia, vt tolleret occasionem interficiendi cōiuges.

Quæ cultus disparitas irritat Matrimonium. 74

Resp. Cultus disparitas Matrimonium irritans in eo consistit, quod vno ex futuris coniugibus existente baptizato, alter baptizatus non sit: defectu enim baptismi ex parte alterius, Matrimonium inter eos celebratum nec est Sacramentum, nec validum in ratione contractus, vt docet communis Ecclesiæ praxis. De cætero si Catholicus cōtrahat cum hæretica, vel schismatica matrimonium tenet, esto peccet grauissimè.

Quæ vis Matrimonium reddit inuolidum. 75

Resp. De hoc impedimēto supra egimus
Dd

vbi de vltroneo consensu contrahentium

76 **Q** Vis ordo impedit, & dirimit matrimonium.

Resp. Solus ordo sacer impedit, & dirimit matrimonium, ex T. id. sess. 24. can. 9. & qui in sacris constitutus illud attentaret, præter graue sacrilegium, incurreret excommunicationem latæ sententiæ. Clementina vnica de consanguinitate, fieretque irregularis, extra qui clerici, vel vouentes. c. 1. & 2.

77 **Q** Vis dispensat in hoc impedimento.

Resp. Solus pontifex, cuius est sacris ordinibus initiatum eximere à voto in susceptione ordinum implicitè emisso.

78 **S**I quis post matrimonium contractum ordinaretur, susciperet ne ordinem, & caracterem.

Resp. Susciperet ex extrauag. Ioannis 22. de voto. Talis autem teneretur reddere, & non petere debitum; fieret item irregularis, nisi in quibusdam casibus. 1. in causa diuortij perpetui, cuius occasione posset quis ingredi religionem, aut ordinari. 2. ex cōsensu mutuo, modò mulier profiteretur religionem. 3. si mulier esset proeclatæ ætatis, & voueret continere in sæculo.

Quid intelligitur nomine ligaminis.

Resp. Intelligitur impedimentū matrimonij præuij, seu præcedētis illud, de 72
quò agitur: tale enim præuiū matrimoni-
um impedit posterius iure naturæ, quo iu-
betur vir adharere vxori suæ & contra, vt
sint duo in carne vna, vt sic repræsentetur
vniō Christi cum ecclesia vna. Hinc illud
Apostoli Rom. 7. *Mulier vincte viro vocabitur
adultera, si fuerit cum alio viro.* Quod impedi-
mentum vim habet, etiam si matrimonium
fuerit tantū ratum, hoc est. etsi coniuges
cōtraxerint per verba de præfēti nulla secu-
ta copula, secūdum verò consummatum.

Quid in hoc casu facto opus est.

Resp. Quod ad conscientiam spectat: 80
si coniux post diuturnam mariti absentiam,
ob probabiles, & prudentes coniecturas de
morte ipsius, cum alio cōtraxerit, nō pecca-
uit: erunt autē probabiles coniecturæ, quas
iudex, vel viri prudentes probabunt. Si ta-
men post tale contractum matrimoniū cer-
tò intellexerit priorem coniugem viuere,
nō poterit debitū reddere: Quod si in cepe-
rit tantū dubitare, utrū adhuc superstes sit,
an obierit, nō poterit debitū petere, redde-

re verò tenebitur alteri vtenti iure suo.

Resp. 2. Si prior maritus superstes redierit, tenetur vxor ad eum redire, illeq; coniugem suam recipere, nisi probaretur copulam habuisse cum secundo, postquam cerò intellexit alium esse superstitem.

81 **S**I quis ratus suam vxorem viuere, quæ reuera obiit, contrahat cum alia, censebiturne talis contractus verum matrimonium.

Resp. Non, quia talis eius consensus nō fuit maritalis, sed fornicarius.

82 **Q**uid est impedimentum publicæ honestatis.

Resp. Est impedimentum, quod nascitur ex sponsalibus puris, certis, & validis, ex c. vnico, de sponsalibus in 6. & ex Trid. sess. 24. c. 3. de reform. matrimonij; vbi decernit *quacunque de causa sponsalia inualida fuerint, tolli hoc impedimentum.* Ratio huiusmodi impedimenti est, quia & si sponsalia sint tantum cōiugij promissiones, resultat tamen ex iis fœdus quoddam speciale, non modò inter coniuges futuros, sed etiam inter quēlibet eorū, & alterius parentes, quod impe-

dimentum publicæ honestatis dicitur, quia indecorum est tales inter se coniungi.

Resultatne impedimentum publicæ honestatis ex solis sponsalibus. 83

Resp. Resultat etiam ex matrimonio rato, quamvis inualido, dummodo inualidum non sit ex defectu consensûs. patet ex c. sponsam, extra de sponsalibus.

Ad quod gradum hoc impedimentum protenditur.

Resp. Iure antiquo dirimebat matrimonium usque ad 4. gradum: restrictum est tamen à Trid. ad primum gradum, qualis complectitur solos parentes, fratres, sorores, ac filios. Quare sponsus de futuro potest contrahere cum omnibus consanguineis sponsæ, excepta matre, filiabus, eiusque sororibus. Sed hæc intellige, cum hoc impedimentum oritur è sponsalibus. Nam si oriatur ex matrimonio rato, extenditur usque ad 4. gradum; quia Trid. iuri antiquo non derogavit, nisi quoad sponsalia, ut declaravit Pius 5. in bulla Ad Romanum spectat pontificem.

Quid est affinitas.

Resp. Est vinculum quoddam propinquitatis. 85

¶ *tatis inter diuersas personas ex duorum carnali copula
provenientes, quo omnes cōsanguinei constituuntur al-
teri affines in eadē linea, & gradu, quo alteri sunt
cōsanguinei v. c. pater, & frater meæ vxor-
is sunt mihi affines in 1. gradu, inter con-
sanguineos verò ipsos viri, & vxoris nulla
contrahitur affinitas: ynde fit, vt frater mei
mariti possit cum mea sorore contrahere :
Item pater, & filius cum matre, & filia; af-
finitas enim non parit affinitatem.*

86 **Q** Vibus gradibus concluditur affinitas.
Resp. Affinitas veniens ex copula
matrimoniali impedit, & dirimit matrimo-
nium solū vsque ad quartum gradum in-
clusiue, tam in linea recta, quā collatera-
li, vt habetur c. non debet, de cōsanguin.
quamuis olim dirimeret vsque ad 7. Si ve-
rò veniat ex copula illicita, extenditur so-
lū ad 2. gradum inclusiue. Ita Trid. sess.
24. c. 4. de reform.

87 **Q** Vid iuris si affinitas superueniat ma-
trimonio iam rato.

Resp. Talis affinitas non soluet illud,
sed efficiet, vt qui fuit in culpa debitum ci-
tra dispensationem petere non possit, sed

solùm reddere. v. c. ex duobus coniugatis vnus habet rem cum consanguinea alterius in secundo gradu, cōtrahit impedimentum, vt non petat debitum à coniuge, quia factus est affinis illius.

Quæ impotētia impedit, & dirimit matrimonium.

88

Nota impotentiam coeundi, qua non potest semen effundi intra vas muliebrem aliam esse perpetuam, quæ scilicet auferri nequit sine vitæ periculo, vel non sine miraculo, vel non sine peccato; quod enim cum peccato fit, censetur fieri non posse; aliam temporalem, quæ arte aliqua, aut ordinariis ecclesiæ remediis tolli potest. Item aliam esse absolutam, quæ reddit aliquem impotentē, non modò respectu huius, aut illius, sed respectu omnium: aliam respectiuam, quæ est tantum respectu certæ personæ, vt solet communiter esse in maleficiatis. His positis.

Resp. Impotentia absoluta, & perpetua impedit, & dirimit matrimoniū. Ratio est, quia etsi copula nō sit de essentia matrimonij, potestas tamen, & obligatio ad illā est de eius essentia; at in impotēte nulla potest esse talis obligatio, nemo enim obligari po-

test ad impossibile, ergo nec matrimoniū.

Resp. 2. Impotentia, quæ est tantum respectiua, sed perpetua, dirimit matrimonium inter eos, respectu quorum est; respectu verò aliorum non dirimit.

Resp. 3. Impotentia non perpetua non dirimit matrimonium, siue illa sit absoluta, siue respectiua. Ratio est, quia qui laborat hac impotētia absolutē est potens, licet egeat aliquo adminiculo. vt perfectē fiat potens.

89 **Q**uandonam impotentia cocundi censetur perpetua.

Resp. Iudicium sumi debet ex triennali cohabitatione (modò frigiditas prius probari non possit) si enim eo tempore coniuges consummare matrimonium non potuerint, censebitur impotentia perpetua, erūtque toro separandi, aut etiam habitatione, si periculum sit incontinentiæ, aut alteruter id petat. c. laudabilem de frigidis.

90 **Q**uid si elapso triennio, & secundo matrimonio cōtracto appareat illū esse potentē, qui antea iudicabatur impotēs.

Resp. Reddēda erit ei prior coniux, quia

prius Matrimonium fuit validum, ex c. Laudabilem, & c. fraternitatis, secus si impotentia sit tantum respectiva perpetua, quod fieri potest operam Daemonum, & maleficorum, qui experientia teste efficere possunt, ut quis sit potens coire cum una, non cum alia, idque in perpetuum, si enim vno die id possunt, possunt & totam vitam: quo in casu uterque posset aliud inire Matrimonium, cum sint incapaces inter se, non autem respectu aliorum.

Cum impedimentum eiusmodi ortum ex maleficio, tolli possit alio maleficio, nunquid censeri debet temporale. 91

Resp. Non, sed perpetuum, cum tolli alio maleficio non possit sine peccato (Licet tamen posset maleficio destrui auferendo ligaturas, & similia, quae à malefico inconsulto Dæmone destrui possunt, & per consequens petere id liceret à malefico) neque liceat uti opera Daemonis, neque rogare maleficos, ut maleficiis maleficia dissolvant. Quare etsi de facto maleficium maleficio dissolueretur, Matrimonium tamen nullum esset, sed posset uterque aliud Matrimonium inire, nisi secundo postmodum inter se contraherent, quia tale

impedimentum fuit verè perpetuum, secus, si vis Dæmonis reprimeretur exorcismis, orationibus, aliisque piis exercitiis.

- 92 **S**I impedimentum superueniret Matrimonio rato, dissolueret ne illud.

Resp. Non; quia non soluitur matrimonium ratum, nisi per ingressum religionis, ut supra diximus.

- 93 **S**Terilitas, quæ est impotentia quædam ad conferendum semen generationi opportunum, estne sufficiens causa matrimonij dirimendi.

Resp. Non, quia sterilitas non est impotentia ad coeundum simpliciter, sed tantum ad actu generandum. Modò igitur steriles seminare possint, poterunt contrahere, si non ob prolem, saltem ob alium Matrimonij finem, scilicet ob remedium concupiscentiæ, quod & senibus licet,

- 94 **I**Mpotentia generandi in pueris impeditne Matrimonium.

Resp. Iure naturæ non impedit, dummodo adsit rationis usus, quia est tēporalis tantum impotentia. Si spectemus tamen ius Ecclesiasticum, impedit in masculo usque

ad 14. in fœmina verò vsque ad 12. annum, nisi priùs potentes sint, & sufficienter doli capaces, vt pater ex c. Tuæ nobis, & c. continebatur, de desponsatione impuberum. postquam verò ætatem attigerūt non impediūtur contrahere, & si adhuc ob ætatis imbecillitatem impotentes sint.

Vnde oritur impotētia ad coeundum. 95

Resp. Oritur illa vel ex causa intrinseca, & naturali, & est frigidity, vel ex causa extrinseca, puta opera Dæmonis, & maleficorum, de quibus titulo de frigidis, & maleficiatis.

Quid intelligitur per cōiugium latens. 96

Resp. Nomine cōiugij latentis intelligitur cōiugiū clādestinū de quo supra.

Quid per Raptū intelligitur, cum dicitur, coniugiū raptus tēpore iunctū. 97

Resp. Raptus hoc loco sumitur pro violentia illa, qua vir fœminam nolentem de loco in locum abducit, vt eam in sua potestate habeat, estque impedimentū huiusmodi, vt inter raptorē, & raptam, quādiu hæc in illius potestate manserit, nullum

possit consistere Matrimonium. Quod si illa post raptum in loco securo, ac libero constituta consensum præberet in Matrimonium, tunc validè contrahere posset Trid. sess. 24. c. 6. de reform. Matrimonij.

98 **S**I vir puellam volentem abduceret inuitis parentibus, essetne raptus.

Resp. Si non esset violentia ex parte puellæ, esset tantum raptus imperfectus, qui Matrimonium non dirimeret secundum ius canonicum, quia concilium voluit tantum consulere libertati Matrimonij, ad quâ satis est solus puellæ liber consensus.


99 **V**enam est pœna raptorum.

Q *Resp.* Raptor decernitur à Concilio loco citato perpetuè infamis, ipso iure excommunicatus, omnium dignitatum incapax, & non solum ille, sed omnes consilium, auxilium, & fauorem dantes. Insuper tenetur raptam, siue eam in vxorê ducat, siue non, decenter arbitrio iudicis dotare, & si Clericus sit, præcipit vt de proprio gradu decidat. Ad has tamen pœnas incurrendas (excepta excommunicatione) requiritur sententia iudicis,



SECTIO XI.

DE IMPEDIMENTIS
Minoribus.

 **Q**uot sunt impedimenta, quæ
impediunt matrimonium con-¹⁰⁰
trahendum, sed non dirimunt
contractum.

Resp. Quinque sunt, scilicet interdictum,
votum, sponsalia, catechismus, crimen.

Quid intelligitur per impedimentum
interdicti. ¹⁰¹

Resp. Intelligitur prohibitio Ecclesiæ,
cùm scilicet interdicitur aliquibus, ne in-
ter se contrahant; quod si faciant: coniuges,
peccant mortaliter; tenet tamen Ma-
trimonium. Huc referri potest Excommu-
nicatio tam maior, quàm minor, quæ
innodati remouentur à susceptione om-
nium Sacramentorum.

102 **Q** Votuplex est interdictum.

Resp. Duplex; aliquando enim est à iure, aliquando ab homine; ab homine, vt quando præcipitur alicui à superiore ne contrahat propter rationabiles causas, vt quia lis pēdet, & litigatur de validitate matrimonij: à iure, vt patet de matrimonio clandest. quod est prohibitū, ex c. cū inhi- bitio de clandest. despons. Item de tempo- re interdicto, in quo non licet contrahere cum solemnitatibus, ex trid. sess. 24. c. 10. de reform. Matrimonij. Quod tempus in- terdictum modò est ab aduentu vsque ad Epiphaniam, & à feria 4. cinerum vsque ad octauam Paschatis inclusiue. Dixi non li- cere contrahere cum solemnitatibus; quia sola solemnitas est prohibita, scilicet so- lemnis Ecclesiæ benedictio, traductio spō- sæ in domum, tripudia &c. Quare mortale non esset contrahere Matrimonium in qua- dragesima sine solemnitate, & etiam con- summare absque benedictione.

103 **Q** Votū votum impedit Matrimonium.
Resp. Votū simplex castitatis, vel re- ligious, vel suscipiendi sacros ordines, vel nō contrahendi Matrimonium. Vbi aduertendū eum, qui post votum castitatis cōtrahit, nō posse petere debitum, sed tantum reddere

petenti, nisi in ea re fuerit dispensatum: potest autem dispensare Episcopus, & quidam regulares ex privilegio.

Qua ratione sponsalia impediūt Matrimonium. 104

Resp. Impediunt, quia sponsalia sunt promissio de futuro Matrimonio, promissio autē seruanda est, & quia est in re graui, obligat sub mortali, nisi subsit causa rationabilis in contrarium.

Quomodo Catechismus impedit, ne licitē contrahatur. 105

Resp. Tale olim impedimentum contrahatur, qui quēpiā in Catechismo tantū suscipiebat, quale hodie contrahunt, qui in ipso Baptismo, aut Confirmatione aliquem suscipiunt, cum hoc tamen discrimine, quod illud erat tantū impediens contrahendum, hoc verō sit etiā dirimens contractum Matrimonium. Sed iam videtur exoleuisse tale illud impedimentū per trid. sess. 24. c. 2, de reformatione Matrimonij.

Quid per impedimentū criminis intel- 106
ligitur.

Resp. Nōnulla sūt crimina, propter quē quis prohibetur cōtrahere Matrimonium. 1.

Incestus cum consanguinea cōiugis adhuc
 viuentis. 2. est vxoricidium. 3. est raptus
 alienæ sponsæ. 4. est presbytericidium. 5.
 proprii filij de fonte susceptio malitiosè
 facta, ne scilicet teneatur reddere debitum
 6. Coniugium cum moniali scienter factū.
 7. Omne peccatum, propter quod impo-
 sita est publica pœnitentia. Sed hæc om-
 nia videntur iam abrogata. Hæc de impe-
 dimentis Matrimonij.



SECTIO XII.

DE SPONSALIBVS.



107

Vid sunt Sponsalia.

Resp. Sunt promissio mutua fu-
 turi Matrimonij. ex c. Nostra-
 tes. 30. q. 5.

108

*Q*uomodo diuiduntur Sponsalia.

Resp. Alia sunt absoluta, alia con-
 ditionata, vt ducam te si patri placuerit.
 Item vtraque vel fiunt cum iuramento, vel
 sine illo. Adhęc aliquādo fiūt cū traditione
 ante, vel

munusculorum. Item alia sunt certa, alia incerta, vt si quis promittat se vnam ex pluribus puellis ducturum. Denique quædam sunt sponsalia in rigore, quædam verò ex interpretatione iuris, cuiusmodi sunt ea, quæ fiunt per verba de præsentì, quando velambo coniuges vel saltem vnus eorum non attingit legitimam ætatem.

Q Vi potest contrahere Matrimonium, ¹⁰⁹ potest-ne & sponsalia.

Resp. Potest, & è contra etiam, nisi in duobus casibus. 1. est ex defectu ætatis, 2. est ex absentia parochi, & duorum testium. post Trid. sess. 24. c. 1. de reform. Matrimonij, saltem vbi illud receptum est. Nam in iis casibus patet posse esse sponsalia, non autem Matrimonium.

Sponsalia incerta sunt-ne verè sponsalia. ¹¹⁰

Resp. Non sunt, vt neque conditionalia, nisi post impleram conditionem, neque ea, quæ fiunt à parentibus, insciis filiis, vel non consentientibus, ob defectum ætatis, neque tenentur filij stare tali contractui parentum, nisi ex quadam æquitate, non verò ex necessitate.

111. **S**ponsalia facta per litteras, & per procuratores, sunt ne vera sponsalia.

Resp. Sunt, quia matrimonium sic contractum est validum, ergo & sponsalia multò magis.

112. **S**ponsalia clandestina, & ea, quæ fiunt per verba de præsentia ante pubertatem, sunt ne valida.

Resp. Sunt, etiam post Trid. quia concilium loco supra citato irritat tantum matrimonia clandestina, nec quicquam immutat circa sponsalia.

113. **Q**ui contraxit Sponsalia, tenetur ne sub peccato mortali stare promissis.

Resp. Tenetur, nisi legitimum interueniat impedimentum, aut nisi sponsalia contraxerit ante pubertatem, omnis enim promissio voluntaria, & deliberata in re graui obligat sub mortali. Ecclesia tamen non cogit eum, qui sic se obstrinxit, vt stet promissis, ob libertatem matrimonio debitam, cum matrimonia coacta difficiles frequenter habeant exitus, vt dicitur c. Requisiuit, extra de sponsalibus: moderatam tamen

compulsionem adhibere potest Ecclesia;
quando præsertim sponsalia iurata sunt.

Matrimonium per verba de præsentī
inualidè contractum habet ne vim
sponsalium. 114

Resp. Matrimonium tam ab impube-
ribus inualidè, quàm à puberibus, vbi Trid.
est receptum, clandestinè contractum vim
habet sponsalium, nisi contrahentes aliud
expresse intendant, quia hic contractus vir-
tute includit etiam vim sponsalium, talisque
est contrahentium intentio, vt si non valet
contractus pro matrimonio, in quo datur
ius propinquum in mutua corpora, valeat
pro eo contractu in quo datur ius remotum,
Atque ita declarauit congregatio Cardina-
lium.

Spōsalia de futuro trāseunt ne in matri- 115
monium de præsentī.

Resp. Iure antiquo cūm spōsalibus ac-
cedebat copula vxorio affectu, id est, cum in-
tentione matrimonium consummādi, tran-
sibāt illa in matrimonium: modò verò post
Concil. Trid. Matrimonia quæ non fiunt
coram duobus, aut tribus testibus cum pa-

Ec ij

rocho, nullius sunt efficaciz. ex sess. 14. c. 1. de reform. Matrimonij.

116 **Q**uo tempore contrahi possunt sponsalia.

Resp. Ante septennium contrahi non possunt absque peccato, ex c. literas, & c. accessit, extra de despons. impuberum, & c. vnico eodem titulo in 6. & ratio est, quia cum, vt sæpe dictum est, sponsalia sint promissio quædam, requirunt vsum rationis, qui circa septennium solet non deesse.


117 **S**i qui sponsalia contraherent ante septennium, malitiâ supplente ætatem, essent ne valida.

Resp. Essent: patet à simili de matrimonio, ad quod & si requiratur cæta ætas, minor tamen aliquando sufficit, cum scilicet malitia supplet ætatem. ex quo sequitur futurum, vt oriatur inde impedimentum publicæ honestatis.

118 **Q**ui sponsalia contrahunt inualidè ob defectum ætatis, aut vsum rationis, peccant ne mortaliter.

Resp. Si id fiat, quia vix rationis vsum

capaces sunt, non peccare mortaliter, quia tales à graui culpâ excusantur: Immò nec parentes, qui tales inducunt ad contrahendum sponsalia, videntur grauitè peccare, quia sponsalia non sunt Sacramentum, nec cuiquam fit iniuria.



SECTIO XIII.

DE DISSOLUTIONE

sponsalium.



VIBVS in casibus Sponsalia dissoluuntur.

119

Resp. Præter impedimenta matrimonium dirimentia, quæ etiam impediunt sponsalia, ne contrahantur [excepto ætatis defectu, & præsentia parochi, & duorum saltem testium, de quibus supra] multi sunt modi dissoluendi sponsalia iam contracta.

1. Est, per mutuum consensum contrahentium, modò hæc dissolutio non fiat ante annos pubertatis, quandiu enim impu-

beres sunt dissolui non possunt, etiam per mutuum eorum consensum, vt hac ratione occurratur leuitati pueorum.

2. Est, per professionem in religione approbata, aut si quis emittat vota simplicia in religione approbata, quia per ea quis constituitur verè religiosus. Quin etiam sufficit simplex ingressus in religionem ad hoc, vt altera pars maneat libera [hoc enim ipso, quod quis ingreditur religionem, renuntiat sponsalibus [secus de ingrediente quando non vouet religionem.

3. Est, per susceptionem ordinis sacri.

4. Est, per votum simplex ingrediendi religionem. Item per votum simplex castitatis, aut suscipiendi sacros ordines, sic enim vouentes, hoc ipso renuntiant sponsalibus, adedut partes liberæ maneat ab omni obligatione. Qui verò sic vouerunt, manent obligati vt contrahant, si partes hoc exigunt.

5. Est, per fornicationem sponsi, siue sponsæ, vt habetur c. quemadmodum de iure iurando. etiam si vi facta sit, aut sponsalia præcesserit in spōsa modò ignorata sit. Quod si vterque fuerit fornicatus post sponsalia, resilire quidem poterit sponsus, non tamen sponsa, ob imparitatem delictorum.

6. Ob fornicationem spiritualement, qualis est infidelitas, aut hæresis superueniēs. 28. q. 1. can. nō solum.

7. Est per discessum spōsi, vel sponsæ in longinquas regiones absque alterius licentia, præsertim si mora tāta sit, vt prudēti iudicio censeatur renuntiasse sponsalibus. Idem dicendum de lapsu temporis cōstituti ad matrimonium, modò terminus temporis addatur ad limitādā obligationem, is enim per quem non stetit, potest recedere à sponsalibus, licet alter teneatur stare promissis.

8. Est, per matrimonium de præseti cum altero cōtractum ex c. sicut, de spōsalibus. Per secūda item spōsalia datur causa sufficiens priori sponsæ, vt licitè à sponsalibus resiliat : obligatur tamē ad cōtrahendum matrimonium cum priori, esto posteriora spōsalia iuramēto firmata sint.

9. Est, per conditiones appositās, modò legitimæ sint, non adimpletas.

10. Est, per, eam mutationem status, quæ si præcognita fuisset, talis conditionis homines à contrahēdo deterruisset: vnde si alteruter incederet in grauem pauperiem, infamiam, morbum contagiosum, aut fieret crudelis, truculētus, intractabilis &c. posset alter resilire à sponsalibus.

11. Per inimicitias capitales exortas inter sponsum, & sponsam: quia nimirum huiusmodi matrimonia habent difficiles exitus. Item si alterius partis parentes ita pertinaciter matrimonio repugnent, ut periculum sit sinistri alicuius euentus imminentis.

12. Per impedimentum aliquod canonicum præsumptum inter ipsos coniuges. Atque hi sunt præcipui modi, quibus sponsalia dissoluntur: dissoluntur autem non interposita iudicis autoritate, quando causa dissoluendi est publica, & moraliter certa. Quando verò causa non usque adeo manifesta est, ut vitetur scandalum, interponi debet Ecclesiæ autoritas: quod & observandum est, quando iuramento firmata sunt.

FINIS.



INDEX

CAPITVM, ET
SECTIONVM, QVÆ HOC
opere continentur.

In Cap. I. *De sacramentis in genere.*

Sectiones sunt. 10.

1. **E**ST de nomine, natura, & essentia Sacramenti. pag. 1.
2. De partibus Sacramentum cōponentibus. pag. 2.
3. De mutatione formæ Sacramentalis. pag. 3.
4. De necessitate Sacramentorum, eorumque effectu. pag. 4.
5. De dispositione suscipientis sacramētum. pag. 21.
6. De tempore, quo Sacramenta produciunt gratiam. pag. 25.
7. De gratia Sacramentali, & caractere. pag. 27.
8. De authore Sacramentorum. pag. 30.
9. De intentione tam Ministri Sacramentorum, quàm ea suscipientis. pag. 36.
10. De numero, dignitate, & necessitate Sacramentorum non a legis. pag. 42

INDEX.

In Cap. II. de Baptismo.

Sectiones sunt 9:

- E**ST De Nominibus baptismi, natura, & institutione. pag. 46.
2. De materia & forma baptismi, aliisque ad eum pertinentibus. pag. 48.
3. De varia acceptione baptismi. pag. 55.
4. De numero baptizantium, & baptizandorum. 6.
5. De patrinis, eorum numero, & obligatione. p. 61.
6. De necessitate Baptismi ad salutem, & de tempore illius suscipiendi. pag. 65.
7. De dispositione adultorum accedentium ad baptismum. pag. 70.
8. De Baptismo paruulorum, furiosorum, amentium &c. pag. 72.
9. De Baptismi effectibus, & Ceremoniis. pag. 76.

In Capite III. De Confirmatione.

Sectiones sunt 6.

- E**ST De nominibus natura, autore & institutione Confirmationis. pag. 48.
2. De necessitate Confirmationis, eiusdemque materia, & forma. pag. 87.
3. De duplici Confirmationis effectui, caractere scilicet

INDEX.

- & gratia. pag. 91.
 4. De dispositione suscipientium Confirmationem, de
 suscipientibus ipsis, eorumque ad eam suscipien-
 dam obligatione. pag. 94.
 5. De ministro Confirmationis pag. 98.
 6. De obligatione ministrandi Confirmationem pag. 101

In Capite. IV. De Eucharistia.

Sectiones sunt 10.

1. **E**ST de nominibus, & essentia Sacramenti
 Eucharistiae. pag. 103.
2. De Unitate Sacramenti Eucharistiae, eiusdemque
 necessitate ad salutem. pag. 107
3. De materia Sacramenti Eucharistiae. pag. 111.
4. De pane in corpus Christi consecrando. pag. 117.
5. De vino in sanguinem Christi consecrando. pag. 122
6. De aqua vino consecrando permiscenda. pag. 125
7. De veritate corporis Christi in Eucharistia aliisque
 huc spectantibus. pag. 128
8. De Transsubstantiatione. pag. 132
9. De Christo, prout continetur sub hoc Sacramento
 pag. 135.
10. De quantitate Christi in Eucharistia. pag. 139
11. De modo, quo tam corpus Christi, quam eius qua-
 titas sunt in Eucharistia. pag. 142.
12. De mutationibus Christi in Eucharistia. pag. 144.

INDEX.

13. De apparitionibus quæ miraculosè fiunt in Eucharistia. pag. 149.
14. De accidentibus in Eucharistia post consecrationem remanentibus.. pag. 152.
15. De verbis formæ consecrationis. pag. 157.
16. De effectibus Sacramenti Eucharistia. pag. 163.
17. De modis manducandi Corpus Christi, & præuia dispositione ad communionem. pag. 172.
18. De præceptis ad communionem obligantibus, & communione sub utraque specie. pag. 185.
19. De potestate Eucharistiam consecrandi, eamque, alijs dispensandi. pag. 188.
20. De impio Eucharistia ministro, & obligatione Sacerdotis ad consecrandum. pag. 193.

In Capite V. De Sacro-Sancto Missæ Sacrificio.

Sectiones sunt 10.

1. **E**ST de Sacrificij nomine, natura & variis eius acceptionibus. pag. 196.
2. De Sacrificio Missæ, eiusque autore. pag. 198.
3. De actione, in qua posita est essentia Sacrificij Missæ. pag. 205.
4. De vi agendi Sacrificij Missæ. pag. 208.
5. De effectu Sacrificij Missæ. pag. 212.

INDEX.

6. De offerentibus Sacrificium Missæ, & fructu eorum oblationi respondente. pag. 218.
7. De intentione Sacerdotis celebrantis. pag. 223.
8. De iis pro quibus offerri potest Missa Sacrificium. pag. 225.
9. De dispositionibus requisitis ad fructum sacrificij ex opere operato consequendum, deque eius fine duplici. pag. 228.
10. De perfectione Sacrificij Missæ, eiusque cum aliis comparatione. pag. 230.

In Capite. VI. De Pœnitentia.

Sectiones sunt 15.

1. **E**ST de nomine, natura, & partibus pœnitentia. pag. 233.
2. De materia & forma pœnitentia. pag. 236.
3. De necessitate pœnitentia ad salutem, eiusque institutione. pag. 241.
4. De Contritione, & Attritione. pag. 244.
5. De confessione. pag. 255.
6. De sacerdote solo confessionis ministro, deque duplici eius potestate, Ordinis scilicet, & Iurisdictionis. pag. 262.
7. De approbatione, bonitate, & scientia cōfessarij. pag. 266.
8. De casibus reservatis, pag. 269.

INDEX.

9. De qualitatibus legitima confessionis. pag. 273
10. De veritate, & integritate confessionis. pag. 276
11. De circumstantiis in confessione aperiendis, & confessione dimidiata. pag. 280
12. De variis modis confitendi. pag. 291
13. De dolore necessario ad iustificationem in confessione sacramentali, alijsque huc spectantibus pag. 294
14. De sigillo confessionis. pag. 299
15. De satisfactione pag. 399

In Cap. VII. De Extrema unctione.

Sectiones sunt 5.

1. **E**ST de natura extrema unctionis institutioe unitate, necessitate. pag. 22
2. De materia, & forma extrema unctionis. pag. 32
3. De ministro extrema unctionis. pag. 329
4. De iis, quibus conferendum est extrema unctionis sacramentum, & de partibus inungendis. pag. 331
5. De dispositione suscipientium extremam unctionem deque eius effectu, & iteratione. pag. 339

In Capite VIII. De Ordine.

Sectiones sunt 8.

INDEX.

1. **E**ST de nomine ordinis, natura, numero pag. 141
2. De diuisione Ordinum, vnitatis, discrimine inter se, eorumque autore. pag. 146
3. De materia, & forma singulorum ordinis pag. 147
4. De effectu Sacramenti ordinis pag. 352
5. De Episcopatu sigillatim. pag. 354.
6. De conditionibus ordinandorum. pag. 356
7. De ministro ordinis, eiusque conditionibus, & temporibus ordinationum pag. 360.
8. De voto continentiae sacris ordinibus annexo p. 363.

In Capite IX. De Matrimonio,

Sectiones sunt. 13.

1. **E**ST De Matrimonij nominibus pag. 366.
2. De matrimonij autore, obligatione & fine pag. 370
3. De Matrimonio ut sacramentum est, eiusque institutione, & insolubilitate pag. 372.
4. De materia, forma, & fine matrimony, aliisque nonnullis eo spectantibus pag. 378
5. De libertate matrimony pag. 383
6. De presenti consensu in matrimonium. pag. 385
7. De matrimonio clandestino, matrimony loco denuntiationibus, parentum consensu pag. 388
8. De ministro Sacramenti matrimony, eiusque effectu, & usu. pag. 390

INDEX.

9. De impedimentis Matrimonij	pag 396.
10. De impedimentis maioribus.	pag. 399.
ii. De impedimentis minoribus.	pag. 420.
12. De Sponsalibus.	pag 428
13. De dissolutione sponsalium.	pag. 428.

Laus Deo Opt. Max. Virgi-
nique Matrj